



2  
4  
5  
11

RR

12

29

J  
          
a. 23

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

SAVASTANO, F.E.



65771/A

T7



FRANCISCI  
EULALIJ

SAVASTANI

E S O C. J E S V.

BOTANICORUM,

S E U

INSTITUTIONUM REI HERBARIÆ

LIBRI IV.

SOCIETY OF LONDON  
E E  
8  
10



NEAPOLI AN. M.D.CCXII.

Ex Officina Novelli de Bonis Typograph. Archiepiscop.

SVPERIORVM FACVLTATE.

ANALYTICAL

TABLE

OF


THE

BOTANICAL

AND

AGRICULTURAL

LIBRARY



PRINTED BY

JOHN BENTLEY, 10, ST. MARTIN'S LANE, LONDON, W.C.

1871






*Nunc  
Medias quam Floribus offert  
Primum Botane ne dedignari  
Cavendum*

D. ANDREA  
CASIMIRO  
DE AMBROSIO  
DDD

FRANCIS  
REGIA  
SOCIETAS  
BOTANICA  
CA

sculp. Capod. del. Scud.







ILLUSTRISSIMO DOMINO

D. A N D R E Æ

C A S I M I R O

DE AMBROSIO.

FRANCISCUS EULALIUS

S A V A S T A N U S

S. J.

*Felicitatem.*

**N**ON rarò iis usuvenit, qui famæ student, Vir Illustrissime, ut aliquid perfectum ingenio, industria elaboratum in lucem edituri, in Majorum Gentium aliquem aciem, intendant; & qua generis floreat amplitudine,



dine , qua polleat auctoritate , id unum  
spectent; quantum ingenio valeat, aut lite-  
raria præstet laude, nihil omnino pensi ha-  
beant. Ita & se, & suos, quos sibi adoptant,  
Mecænates splendidam sanè inducunt in  
fraudem . Se quidem ; dum ex fumo sibi  
lucem quærunt, & famæ negotium, perin-  
de quasi aut armis, aut opibus, aut phale-  
ris transigi posset, alienæ potestati, non in-  
genio committunt. Suos verò Mecænates;  
quia dum , quæ eos circumstat , amplitu-  
dinem ambiunt, non cum iis, ut olim scitè  
penes Tacitum Galba ad Pisonem , sed  
cum eorum fortuna loquuntur . Non mi-  
hi multum laborandum fuit , ut me inte-  
grum ab hac labe præstarem . Ubi tu pri-  
mum oculis occurristi , qui meum istuc  
probares consilium, haud ultrà deliberan-  
dum mecum ipse animo statui . Habeo, sic  
mecum rem tacitus agitavi , habeo quem  
huic operi & Judicis nomine destinem, &  
Patroni , cujus nempè iudicium & vereat-  
ur fama, & meum prosequatur obsequiū.  
Scilicet is es , quem mansuetioribus hisce  
ad superbiam excultum musis non semel  
adstricta numeris oratione scribentem,  
Neapolitanæ Academiæ suspexere, equi-  
que



que Parthenopæus visus summa cū laude  
in Pegasum , Sebethus evadere in Hippo-  
crenen . Nemo igitur opportunius in Mu-  
sarum patrocinium vocandus erat , quàm  
Tu, qui iisdem à puero assueveras, ut tan-  
dem gratam iis inciperes vicem repende-  
re, & quem olim illæ sensere cultorem ,  
sentirent nunc etiam Mecænatem . Sic ab  
omni ambitus nota meum se tibi purgabit  
obsequium, planumque faciet Tecum sim-  
plicissimè agere , non Tuæ palpum ob-  
trudere felicitati . Quanquam fateor, in  
hoc ipso exequendo consilio, quam planè  
despexeram fortunam, expertus sum votis  
nunc ut cum maximè obsequentem meis;  
nam dum Te unum specto , tuumque  
unum sequor iudicium , quæ ab aliis alii  
eblandiri solent famæ suffragia , & mihi  
suoapte ingenio cumulatissimè prerogavit.  
Tanta siquidem Tuo è nomine huic ope-  
ri lux oborta , ut nihil desiderandum am-  
plius fuerit, quo abundè inclaresceret . Ea  
nimirum ab stirpe es , quæ si minus sum-  
mo, non infimo certe ab loco est , suaque  
ostentat & nobilitatis præsidia , & gloriæ  
ornamenta. Quid enim uspiam cuiusquam  
commendet genus, quod in Tuo non emi-

neat penè dixerim ad invidiam? Amplif-  
simas-ne, easque diuturnitate inveteratas  
quispiam in eo requirat divitias? Nullus  
profectò nobilitati splendidior, quàm ve-  
tusto ab auro, decor, ac species. At opibus  
usque adeò Tua circumfluit, ac jam inde  
ab Andegavensium Regum temporibus  
circumfluxit Domus, ut Regiarum ipsa-  
rum fortunarum angustiiis præsenti subsi-  
dio non semel esse potuerit. Constat ex  
Neapolitanorum Tabulariorum fide a.  
Rahone, & Jacobo de Ambrosio Carolo  
I. Andegavensi certum mutuò datum æs.  
Tempore Caroli V. Cæsaris à Petro de  
Ambrosio sub ejus signis Cisalpino in bel-  
lo merente numerata militibus de suo sti-  
pendia, multis nummorum aureorum,  
millibus in Augustissimæ Austriacæ do-  
mus obsequium insigni liberalitate profu-  
sis; ut nemini dubium esse possit, quin  
Tua Vetus Prosapia auriferorum flumi-  
num exemplo semper sibi constiterit æquè  
auro clara, ac profluente; supraque Pacto-  
li laudem potuerit potius Reges ipsos pro-  
pemodum Midas aureos efficere, quam  
ab ipsis auro ditescere in pretium. Res do-  
mi, militiæque à majoribus præclare ge-  
stas,

stas , muniaque publica singulari obitu  
cum laude fortasse alius reposcet . Ab  
his nempe natus Nobilitatis color , ac  
sanguis ; & Majorum gloria posteris lu-  
men est luculentissimum . At quantum  
his abundat laudibus Tua Stirps præ-  
clarissima non unis Illustrum Virorum  
circumscripta Imaginibus , quorum Nomi-  
na instar triumphi sunt . Tenet adhuc fa-  
ma , quàm splendide suam locarit operam  
apud Ferdinandum Primum Aragonium  
Tomissius de Ambrosio : quantum se-  
deinde Carolo V. Cæsari probaverit Hier-  
onymus , ejusque nuper laudatus filius  
Petrus de Ambrosio per omnes penè ho-  
norum gradus ad summum evectus fasti-  
gium , sub Philiberto Auriaco Cabillo-  
nensium Principe Tribunus Militum in  
Subalpinis , sub Petro Toletano ejusdem  
in acie Legatus , sub Albano Duce Aria-  
ni conspicuæ tum Urbis arcis impositus ,  
ut eam ab hostibus adventantibus tuere-  
tur , cujus nempe integerrima fides mini-  
mè auro corrumpi passa in aliis arcibus  
Cisalpinis propugnandis jam satis sui spe-  
cimen exhibuerat , sub Vasti denique Mar-  
chione in expeditione ab eodem in Apu-



liam suscepta supremus Annonæ Præfectus: quem deinde æmulatus Tomissius alter ex ipso progenitus, paternæ Virtutis hæres ex asse & ipse sub Carolo de Guevara Potentiæ Comite Tribuni militaris munere insignitus est; ut jam penè militaris gloria Genti de Ambrosio per manus tradita in ejus domo domicilium fixisse videretur. Quid amplissima Regum loquar diplomata, quibus in illustri veluti posita monumento Tux Familiae commendatur Nobilitas, Tuorum promerita Majorum famæ assignantur? Extat amplissimum Ferdinandi Aragonii diploma ad Tomissium de Ambrosio, quo illum commemorans Amalphitanum Civem Patricio ex ordine, ob egregiè sibi navatam operam summis effert præconiis, pluribusque immunitatibus, prærogativis, honoribus muneratur; ut jam tùm Amalphis felicior videri potuerit ab hac Regalis Municipientiæ aura suo afflata Civi plenis velis ad gloriam velificanti, quàm à Nauticæ Pyxidis invento. Extat & alterum Caroli V. Cæsaris ad supra laudatum Petrum de Ambrosio, quo ejus, optimique Parentis

tis Hieronymi sibi præstita commendans obsequia , locupletissimum ipsi probatæ fidei , antiquæ Nobilitatis , publicæque rei benè gestæ dat testimonium, eundemque renunciatum à se Equitem aureo insignitum Calcar, ac Militari Cingulo decoratum in ipso suæ ad Imperium Inaugurationis die Aquisgrani habitæ honoris causa contestatur , literisque , atque Immortalitati commendat . Quo sanè nihil præclariùs in Tuæ Familiæ præconium dici potest. Habet illa nimirum suo usque hærens lateri aureum calcar, quo se incitare possit ad gloriam; & in eo Militari Cingulo suum ostentat Signiferum orbem, qui & Cæli Baltheus à Poëtis dictus, quem Tui generis splendor, tanquam Sol alter , obeat , & circumlustret . Quibus de causis nemini non liquet adeò pleno gloriæ ferri alveo Tuæ Amplissimæ Prosapie decus, ut magnorum instar fluminum ( Senecæ verbis utar ) ejus navigabilis sit etiam sine adjutorio imbrium magnitudo . Addis huic tamen tu , Vir Illustrissime, multa de tuo , acceptamque à Majoribus gloriam illis rependens cum fœnore ingens avitis laudibus appendix accedis .

Addis præclarissimis illorum affinitatibus  
adjectum nuper in Tua spectatissima  
Conjuge Nobilissimæ Branciæ Familiæ  
decus. Addis exactam ad severissimas  
integerrimæ Pietatis leges Adolescen-  
tiam, in qua nihil præteritum excusan-  
dum habeas. Addis morum suavitatem,  
& elegantiam, quâ Tui Generis fastigio  
incumbis sine fastigio, nihilque præclarius  
ducis, quàm posse benemereri de pluri-  
bus. Addis prudentiam ætate majorem;  
quâ nempè plurimum pollet Tuus præ-  
clarissimus Parens Cajetanus Antonius,  
ut per se pateat, ex quibus originem repe-  
tas, quorum similitudinem, ut cum Cas-  
siodoro loquar, felici vena custodis; pro-  
basque tuo exemplo vulgatissimum illud  
Tragicorum Principis: *Generosa in ortus  
semina exurgunt suos*. Quæ cum ità sint, est  
cur mihi gratuler, quòd verecundis hisce  
Musis publicam nunc primùm laceffenti-  
bus lucem Te potissimum nactus fuerim  
Mecænatem, à quo nempè ipsis & mo-  
mentum ingens Tuo sapientissimo judi-  
cio, & decus summum amplissimo accedat  
patrocinio. Nec Tibi grave accidet eas  
in Tuam fidem, & clientelam accipere.  
Quid



Quid enim ? Te Poësis conveniat una difficilem, qui morum comitate Te omnibus facilem præbes, & obvium ; quique illi authoratus à tenero, ingenuo dignam homine Tuo potissimum calculo extulisti ? An, quòd herbariæ sint, apud Tuam offendent amplitudinem ? At probè nosti, quàm summis ipsis Regibus in deliciis fuerit herbarum cultui triumphales commodare manus, easque suo de nomine nuncupatas posteritati mandare, ratos suam in ipsis perennaturam gloriam, dum in iisdem suum reviresceret nomen. Quod illis honori fuit summis impensis conquerere, regalibus septis excipere, manu excolere, haud Tibi certè indecorum erit ingenio colere, fovere patrocínio. Excipe igitur illas, quâ soles, humanitate, nempe Tuâ, nec pigeat meis victum precibus Herbariis musis herbam porrigere. Mihi crede, maximam sic tuæ famæ sementem facies, mox ad immensam gloriæ segetem disseminandam, herbescentemq; jam nunc vel his ipsis in herbis volupè Tibi erit spectare sese jam proripientem ad frugem Tui nominis viriditatem. Plura nec causæ æquitas postulat, nec Tua Facili-

cilitas : quare Tui securus Patrocinii ,  
quod medicis ex herbis in humanam vi-  
tam provenire solet compendii , hoc tibi  
precor ex animo , longius ævum , ac feli-  
cius. Vale.

Kalendis Quintilibus 1712.

# Botanophilo Curioso.

**H** Abes jam tandem primam tuorum votorum, mei laboris partem, pœticipis alligatas numeris Rei Herbariæ Institutiones, Botanophile Curiose. Haud sum dubius, quin Tibi gratum accadat, quod à me propè quotidiano efflagitasti convicio; vereor tamen, ut Tibi morem gererem, apud alios offenderim. Non unus fortasse erit, qui Botanicorum specie captus animo præcipiat Plantarum potiorum saltem, aut rariorum Virtutes, ac potestates ex professo in hoc opusculo sibi subjiciendas: crebras sibi præsumat Herbarum descriptiunculas, & fabellas ad pœseos lenocinium suis aptè intersitas locis; eaque inductus animi persuasione illud in manus summat; ubi verò in minutissimam incidat Plantarum Anatomen, fibrasque, & utriculos, & tracheas, & vascula germanum, ac proprium plantæ succum continentia, eorundem anastomoses, aquei etiam succi motum, accuratam gemmarum observationem, foliorum, ac florum texturam, habitum, discrimina, seminum, ac fructuum procreationem, & quæcunque alia sunt è penitissimæ Phytologiæ penu, sibi legenti obtrudi sentiat, se votis fraudatum



tum doleat , parumque absit , quin diris crudius illud devoveat ingenium , quod mansuetiores Musas , atque amœniores hunc adegerit in gyrum , atque in hæc senticeta compulerit . Atqui hoc illud est , quod ipse à Me vel invito expressisti , qui Musæ meditantis sæculi delicatioris obsequi genio intercessisti consiliis , eamque in tuam pertraxisti sententiam . Tui fuere ij stimuli , quibus identidem perfossum , desidis latus . Hoc esse amplissimum illud Rei Herbariæ propylæum : præposterum verò consilium esse in Botanicorum adyta invadere , eo antè ritè non perlustrato . In hoc præclarissima non sine laude desudasse Doctissimorum Virorum ingenia , Grevios , Malpighios , aliosque , quorum nomina in Re Herbariâ instar triumphii sunt . Operæ pretium futurum , non exiguum , si horum elucubrationibus à pœtis etiam suum accederet & lumen , & gratia . Hoc à Philobotanis impensius expectari , quod ad exactiorem Rei Herbariæ cognitionem conduceret magis , & novitatis , ac difficultatis illecebrâ eorundem magis vellicaret ingenium . Non deesse , qui Herbarum virtutes carmine , si minus exhauserint , ( quis enim omnes , quod immensi prope operis est , carmine comprehendat ? ) attigerint saltem , ac delibarent . Præsto esse Macrum , Coule-  
jum

rum, aliosque, qui hanc sibi præripuerint lauream; qui verò eam, quæ de Natura plantarum, partium structura, locorum ingenio, deque earum usibus, præsertim in re medica, generatim differit, Philosophiam poeticiis adumbravit coloribus; adhuc esse neminem. Vacuam hanc occupare provinciam suo non vacaturum famæ præconio. Difficultatem ipsam, quæ plurima occurreret; cessuram in operis commendationem; & penè offensiones ipsas in has salebras futuras gloriæ compendium. Intrà Phaëtontis laudem esse magnis excidisse ausis; & fragilitatem ipsam sæpè pretium accendere. Tot impulsus calcaribus manus dedi. Institutum de singulis plantarum viribus; atque ad rem medicam præsidiiis carmen abrumpi; atque in aliud tempus de tuo mandato rejeci; & in hanc Botanicorum partem; quæ meram Isagogen in ipsa amplectitur, Musas vel reluctantes adegì. Itaque si quid in hoc culpæ est, in Te totum hæret. Quod mearum partium fuit id à meum; quo Tibi obtemperarem; temperavi consilium; ut dum Tibi placere studeo; minimè aliis displicerem. Abstrusioris hujusce Phytologiæ scabritiem; atque asperitatem quæ perspicuitate styli; quæ suavitate emolliendam pro meo modulo curavi; ut nihil rerum minutissimarum; & confragosarum arduitas de carminis

minis elegantia , nihil carminis elegantia  
de rerum cognitione detraberet ; consta-  
retque sibi rara illa Societas difficultatis ma-  
teriæ cum scribendi facilitate . Suas etiam  
ex intervallo fabulas , ac metamorphoses , di-  
gressiones etiam , ac veluti per transennam ,  
ubi se dedit occasio , memoratas plantarum ali-  
quot virtutes , ac potestates de industria inter-  
serui , quibus eorum ipsorum , qui meras se-  
ctantur delicias , vel genium proritare , vel  
levarem fastidium . Ad hæc , suis omnia notis  
explanata , atque illustrata volui , ut iis Le-  
ctor , tametsi Rei herbariæ omninò ignarus ,  
veluti manu duceretur , ne quà hæreret in sa-  
lebra . Nomina insuper plantarum , quarum  
incidit mentio , Italicè reddita Notis adjeci ,  
secutus Herbariorum aliquot , & Hetrusci  
Lexici in pluribus sententiam , haud ignarus  
hac in re alias aliter ab aliis accipi , atque alia  
nomenclatione donari . Elenchum etiam in-  
calce , atque explanationem Vocum difficilio-  
rum ad Rem Herbariam pertinentium atte-  
xui , ne quid desideraretur vel ad Curiositatis  
lenocinium , vel ad Facilitatis subsidium .  
Quare Neminem adeò fastidiosum futurum  
arbitror , qui mihi jure succenseat , quòd hoc  
scribendi genere suum omninò fraudaverim  
genium . Quòd si quis adeò delicatulus sit , ac  
de-



desidiosus , qui nullâ hujusce operis capiatur  
illecebra , is meminerit me Rei Herbariæ stu-  
diosis , non verò in rosa , ac violâ molliter cu-  
bantibus , atque omnia fastidientibus scribere.  
Præclarè mecum agi existimabo , si Botanophi-  
lorum , quorum adeò hac tempestate tota Eu-  
ropa , in Germania præsertim , Gallia , Bri-  
tannia , Batavia , Italia , Sicilia , fama floret ,  
& ingenium , aliquam mihi demerear gratiam.  
Id ipsum in causa fuit , cur barbaras aliquot ,  
ac nusquam Latio donatas in hoc opere usur-  
paverim voces , cujusmodi sunt plurium plan-  
tarum Antiquioribus ignotarum nomina , &  
vocabula quædam à Botanicis vel composita ,  
vel passim usu recepta . Qui Botanicis scribe-  
rem , quidni eorum uterer loquendi ratione ?  
Malui paucis aliquot nasi aduncioris barba-  
rus videri , quàm Botanicis ipsis obscurus .  
Hoc unum non abs re rogabit quispiam , cur  
abstrusorem hanc Isagogen à libris , qui reli-  
qui sunt , de potiorum plantarum virtutibus  
abjunctam voluerim , ac festinato editionis ho-  
nore seorsum in lucem emisserim ; quando è re  
magis videri poterat integrum opus suis om-  
nibus absolutum numeris Famæ judicio com-  
mittere ; sic enim alia se aliis sustentassent va-  
lidiùs , ac seculi genio commodiùs se probassent.  
Ità sanè factum oportebat , si per otium licuis-  
set,

set ; sed cum vix inchoato opere aliò avocatus  
fuerim , nihil adhuc ad umbilicum ducere ,  
nedum revocare ad limam vacavit . Quare  
ne diutius tua protraherem vota , libuit hanc  
partem , quæ jam ad manum erat , tanquam  
in antecessum persolvere , ac veluti quandam  
symbolam dare . Placuit etiam eo consilio il-  
lam seorsum Famæ oculis exhibere , ut ita ce-  
leberrimi illius Pictoris in morem , veluti post  
tabulam delitescens , publici judicii periculum  
facerem , quidque in eâ displiceret , quid emen-  
dandum esset , acciperem , atque inde exem-  
plum in id , quod reliquum est operis , sume-  
rem . Tu intereà fruiere hoc primo meæ in Te  
observantiæ pignore ; & si quid genium ha-  
beat , Tibi laudi tribuas ; si quid reprehenda-  
tur , Meo Tibi religiosius fortasse , quàm par-  
erat , obsequendi studio vitio vertas . Vale.



*Mauritius ab Antonellis Præpositus Provin-  
cialis Soc. Iesu in Regno Neapolitano.*

**C**UM Librum, cui titulus est, *BOTANICORVM, SEV INSTI-  
TVTIONVM REI HERBARIÆ*, à P. Francisco Eulalio  
Savaſtano Sacerdote compositum, tres ejusdem Societatis Sa-  
cerdotes, quibus commissum fuit, recognoverint, & in lucem  
edi posse probaverint, facultate nobis à P. Michaelè Angelo  
Tamburino Generali communicata concedimus, ut typis man-  
detur; si ità iis, ad quos pertinet, videbitur. In quorum fidem  
has literas manu nostra subscriptas, & Sigillo Societatis nostrę  
munitas dedimus. Neapoli die 13. Mensis Novembris 1712.

*Mauritius ab Antonellis.*

---

EMINENTISSIMO SIGNORE.

**N**ovello de Bonis Stampatore di questa Arcivescoval Cor-  
re, supplicando fà intendere à Vostra Eminenza, come  
desidera stampare un libro intitolato: *BOTANICORVM, SEV  
INSTITVTIONVM REI HERBARIÆ*. Per tanto umilmente  
prega V. E. à commetterne la revisione, à chi meglio le pare-  
rà, che l'averà à grazia, ut Deus.

*Rev. D. Andreas Mastellone revideat, & referat.  
Neap. 12. Maii 1712.*

SEPTIMIUS PALUTIUS VIC. GEN.

D. Petrus Marcus Giptius Can. Dep.

EMINENTISSIME DOMINE.

**L**ibrum, cui titulus, *BOTANICORVM, SEV INSTITVTIO-  
NVM REI HERBARIÆ*, ab Adm. Rev. P. Francisco  
Savaſtano S. J. exaratum te jubente perlēgi, nihilque in eo  
aut Religioni, aut moribus adversum deprehendi; quapropter  
typis mandari posse censeo, si potestatem fecerit Eminentia  
Vestra, cui me, meamque sententiam devotissime submitto.

Neap. 8. Kal. Junii 1712.

Em. V.

*Humill. Addict., & Obseq. Famulus.*

Andreas Mastellonus.

*Attenta supradicta relatione Imprimatur. Neap. 8. Maj 1712.*

SEPTIMIUS PALUTIUS VIC. GEN.

D. Petrus Marcus Giptius Can. Dep.

ECCELLENTISSIMO Signore.

**N**ovello de Bonis Stampatore in questa Fedelissima Città, supplicando fa intendere à V. E. come desidera dare alle stampe un Libro intitolato: *BOTANICORVM, SEV INSTITVTIONVM REI HERBARIÆ*. Per tanto supplica à commetterne la revisione, à chi meglio le parerà, che l'averà à grazia, ut Deus.

*Magnif. in Med. Doctor Nicolaus Cyrillo videat, & in scriptis referat.*

GASCON R. GUERRERO R. ARGENTO R.

*Provisum per S. E. die 26. Maii 1712.*  
Mastellonus.

EMINENTISSIME DOMINE.

**J**ussu Exc. Tuae legi librum cui Titulus: *BOTANICORVM, SEV INSTITVTIONVM REI HERBARIÆ*, Francisci Eulalii Savastani è Soc. Jesu; Cumque in eo nihil invenerim, quod Reipublicæ, Regiæque Jurisdictioni adversetur, typis committi posse reor. Præsertim cum Elegantissimus Auctor omne sanè tulerit punctum; materiam enim omninò exuccam, sterilemque fecundo, & succoso, ut ità dicam, carmine pertractavit. Quare futurum spero, ut studiosa Juventus, maximo Medicæ præcipuè Artis commodo, ad utilissimum Rei Herbariæ studium nostris his regionibus ferè jacens, tot Musarum lenociniis, non pelliciatur modò, sed cogatur. Ità censebam, si ità Exc. Tuae videatur. Neap. 26. Maii 1712.

Exc. Tuae

*Addictissimus Servus.*

Nicolaus Cyrillo.

*Visa relatione Imprimatur; & in publicatione servetur Regia Pragmatica.*

GASCON R. GUERRERO R. GAETA R.

ARGENTO R. MAZZACCARA R.

*Provisum per S. E. Neap. 28. Novembris 1712.*  
Mastellonus.





# BOTANICORUM.

## LIBER I.



Ui Campis passim frutices , quæ montibus altis  
 Herbaeque, stirpesque , & odoro germine plantæ  
 Proveniant , Medicos riguis quas lactet in usus  
 Seû Doris , seû Najas aquis , aut Sole Marito  
 Fœta coloratis Peruë submittat ab Indis :  
 Quæ virtus sit cuique satum concepta , potestas  
 Quæ foliis, vel quæ lectis Radicibus artes ,

Hinc efferre, novo mentem quando impulit æstro ,  
 Meque suas ultrò ipse artes docet auctor Apollo ,  
 Incipiam . Vestros Vati reseat recessus  
 Fortunatorum nemorum , quæq; arva Napææ ,  
 Quæque juga agrestes tondetis Oreades , & quæ  
 Pubescentem imo Neptuni è gurgite sylvam  
 Felicem legit is Nereides , aut vaga subter  
 Flumina Naiades, vel olenti in margine ripæ ,  
 Et Medicas alitis fruticum pleno ubere vires .  
 Fas mihi sit vestro lectas è semine fruges  
 Pæonias , quarum nunc tantum Europa superbit  
 Jam studiis , cultuque , audaci evolvere cantu ;  
 Atque immortalem capiti petere inde coronam ,  
 Unde Machaonius nervis vigor , unde salubre  
 Præsidium , virtusque redux reparabilis ævi .

Tu mihi , quæ totos camporum infusa per artus ,  
 At nusquam deprensa , sinus Telluris inertes  
 Semine fœcundas vitali, & germine vestis ;  
 Naturamque ægram auxilio miserata, vel ipsis  
 Deliciis medicas permiscens prodiga vires ,

Grata vel in blandis vernantia pharmaca pingis  
 Floribus, illecebrisque hominum fastidia vincis;  
 (Te sine nil magnum Mens nititur) En age, rerum  
 Arbitra, Lex operum, æternæ vis Provida mentis,  
 Alma (1) Pronæ, tuo si munere sæva remittit  
 Atropos, adversoque; retextit secula fuso,  
 Huc ades, & fato Soles furata benignos,  
 Herbarum ignotas agris Mortalibus artes  
 Da Vati vulgare, tuisque assuescere donis.

Haud unquam immemori tantarum Gratia rerum  
 Excidet. Ipse Tibi meritis pro talibus æquum  
 Grati animi monumentum, aurato ex ære Columnam,  
 Augustam, ingentem, multum cui victa suarum  
 Pyramidum de laude Pharos concedat, in auras  
 Attollam, viridi quæ fronte procurrat in æquor  
 Mergillina, sui que; potens Maris imperat undis.  
 Ipsa mihi sceptro, & triplici diademate, fulvæ  
 Nube super fulgens, fastigia summa tenebis,  
 Fortunam, & cæcos torquens sub Numine casus.  
 Ast infra, quatuor quæ se basis aurea vertit  
 In facies formanda, tuas, decora inclyta, laudes  
 Quæque; geris facili disponens fortia nisu,  
 Argumentum ingens, vivo spirabit in auro.  
 Hinc, atque; hinc sparsim sædo squalentia rictu,  
 Excita primævi (miserum!) post furta Parentis  
 Cernere erit febrium, Morborumque; agmina, pestes  
 Tristè fatas Phlegetonte, (2) Phthisin, torvamque; (3) Phrenesim  
 Pleuritimque; (4) acrem, carpentemque; illa morfu  
 Lithiasin (5), (6) Strumasque; graves, duramque; (7) Synanchen  
 Angentem fauces, & guttura anhela prementem,  
 Ischiademque; (8) Luemque; & funiferam (9) Cephalæam,  
 Humanum jurata genus pro Crimine justis  
 Plectere supplicij, & acerbo excindere fato.  
 Contra autem fundentem almo auxiliaria partu

Ger-

(1) *Ad Divinam Providentiam invocatio, cui acceptum referendum quidquid paonis ex herbis ad humanam vitam tuendam opis est, ac presidii.*

(2) *Morbi genus Nostratibus dictum Etticia, Hetrusc. Tifischezza (3) Frenesia (4) Nostr. Mal di punta, Puntura. Hetr. Scartmana, ò Scalmana (5) Dolor di calcoli. (6) Scrofole. (7) Angina species. Ital. Specie di Schinanzia, ò Squinanzia. (8) Sciatica. (9) Dolor di testa.*

# LIBER I.

Germina Tellurem, & vasti regna humida Nerei.  
 Te vires afflante, tuoq; è femine passim  
 Fœta Machaoniis pubescere frugibus arva.  
 Stabunt mille aucti in species, in nomina mille;  
 Mentis opus diæ, & diæ vestigia Curæ,  
 Gauliferi fœtus, morbosque in prælia poscent.  
 At procul hinc Libithina, novis sibi viribus ægras  
 Fracta dolens vires, non eluctabile ferrum  
 Cæca retractabit nequicquam, & bella reposcet.  
 Signifero intereà Titan revolubilis orbe,  
 In diversa trahens varium discrimina tempus,  
 Æstuque, pluviisque salubria dona fovebit.

Hic fati Tibi victor ego, plaudentia cinctus  
 Tempora verbenis, voti reus, annua supplex  
 Dona feram, & plexis cumulabo altaria Sertis.  
 Cuncta mihi instratos linguens celeberrima tractus  
 Cursibus, & piæis certabit (1) Olympia cymbis,  
 Adiasque trahet secum in certamina Nymphas.  
 Ante omnes pulchro sata Nereo (2) Mergilline,  
 Leucopetreq; (3), (4) Ægleq; (5) Euplæaq; (6) Pausilypeque;  
 Et (7) Megare, & (8) Nefis, Vitæque, Necisque Potentem  
 Te referent cœlo, & mecum votiva sacrabunt  
 Munera. Jam nunc solennes indicere pompas  
 Alta ad signa juvat, festosque videre corymbos;  
 Vel chelyn ut Siren repetat formosior, utque  
 Fluctivagi circum ludant Delphines in orbem.

A 2

In-

1. *Amaniora quædam prope Neapolim loca celebrantur, patriis vocabulis in Nympharum nomina pœtico more detortis. Olympia ab antiquis dicta ora maritima inter Lucullanam, & Pausilypum, vulgò Chiaja, ut author est Scip. Mazzella in descriptione Regni Neap.*
2. *Ital. Mergogliano, amanissima ad Pausilypum villa in extremo ora olympia, ubi Actii Synceri Sannazarii olim domus, nunc celeberrimum Sepulchrum.*
3. *Vicus aeris salubritate celebratissimus altero à Neapoli lapide Vesuvium versas, Pietra bianca.*
4. *Collis, Echia aliis dictus, & Lucullanum, vulgò Pizzo falcone.*
5. *Pars insula ad Notum Pausilypo opposita. la Gajola.*
6. *Celeberrimum promontorium elegantissimis villis, & ædificiis ad mare constitum, Neapoli ad occidentem Solem objectum: vulgò Posilipo.*
7. *Insula Ægle, seu Lucullano objecta, quæ & Castrum Lucullanum appellata est, Castel dell'Ovo.*
8. *Pars item insula Pausilypo objecta ad occasum vergens. Nisita.*



Interea trepidum nemorosa per avia Vatem  
Duc tecum, & dextra auspiciis rege, Diva, secundis.

Tu quoque, Tu, Series quem non inhonora parentum  
Efflorentem opibus, priscae nec lucis egentem  
Egregia de stirpe tulit, Te Major, & annis,  
Huc ades, Ambroside, & Medicis quam floribus offert  
Nunc primum Botane, ne dedignare coronam.  
Non his, ingenio praestans, novus advena Sacris  
Accedis: gremio dudum Te Pallas amico  
Fovit, & à teneris doctas instruxit ad artes;  
Castaliosque labris datices immulsi, & alti  
Jura fori, Themidisque dedit percurrere leges.  
Ergo age, seposita Curarum Mole, Camoenis  
Paulisper te redde tuis, Morbisque medentes  
Rite praesi, Phæbumque pari, precor, indue cultu;  
Quas Amphrifiaco lectas è gramine fruges  
Jam Pastor prima ille refert Tibi munera, dexter  
Excipe, nec seris pigeat prætendere seclis.  
Sic tibi, primævo vernat quæ flore, Juventus  
Praesidio Botanes nunquam non sospita, vitæ  
Claudet inaccessam morbis urgentibus arcem,  
Et Lachesis Phryxæa neat tibi vellera fufis  
Fatiferis, plaudentque cavo Sebethus ab antro.  
His mecum auspiciis Naturæ arcana virentis  
Quisquis amas ultrò rimari, & noscere vires,  
Ingredere, & magnis jam nunc accingere cæptis.  
At prius omniferæ subeas quàm regna Parentis,  
Herbarumque vices discretim, & singula discas  
Germina, quæque suo Chiron Tibi servat in antro,  
Quæque sub Idæâ Crete Tibi subjicit umbrâ,  
Vestibulum hoc fuerit sub primum hæsisse parumper  
Dulce moræ pretium, atque uno prædiscere pubem  
Lustrandam intuitu, & generatim expendere mores.  
Ac veluti infensum signa illaturus in hostem  
Expertus bello, Martisque in pulvere Ductor  
Haud temerè arma movet, Martemque invadit, aprico  
Sed prius è tumultu campum metitur apertum,  
Atque adversa oculis procul agmina circumspicit:  
Quisque locus castris, qui pugnae optandus, in hostem  
Quæve irrumpendum momentis æstimat æquis.  
Haud aliter prius herbosæ quàm singula stirpis  
Nomina, gentilesque notas, & munera lustres,

Cura sit & Tibi prospectu metirier uno  
Commune ingenium, partesque, & munia raptim  
Transigere, inque suas pubem deducere classes.

Principio (1) vitæ, pollens stirps munere, certo  
Fixâ hærens radice loco, sed nescia sensus  
Subjicitur. (2) Nec Te foliis (3) Mimosa pudicis  
Pubescens fallat peregrino germine planta.  
Illa manus tactum rennat licet, aut pudibundas  
Collecta in frondes se cogat, & ægra senescat.  
Sit (4) quæ tactu etiam velut irritata, minacem  
Histricis in morem frondes, sua tela, comantes  
Subrigat intorquens, viridique ignescat ab æstu.  
Non (3) ea sint Tibi cæu sensus vestigia: fallax  
Imponit species: alias dubia omina causas  
Promittunt, alio vertit se cardine motus.  
Seu fruticum per cæca latent qui tegmina sparsim  
Valvuli id efficiant: (4) virides seu fusus in artus  
Qui vapor insinuat se furtim id præstet, & idem  
Compressu expirans det sensim arescere frondes.  
Sic trahimus quo spontè auræ spirabilis haustus  
Aëris alterno cordis vitale flabellum  
Effluxu cadit in sese, tumidumque residit:  
Sic & Avenaceas non pervius humor aristas  
Contrahit, & ramos Hierichuntis ab Urbe vocatos  
Quos aperit Rosa; Nam postquam hæc planè aruit, arctum  
Inque globum sese, coëuntibus undique fibris,  
Collegit, repidâ mergatur Najade quondam

Si

- 
- (1) Generalis Planta Notio ex Jungio: Corpus vivens, non sentiens, certo loco affixum, quod nutriri, augeri, ac propagare se potest.  
(2) Non huic officit Notioni, quod in Plantis nonnullis *Æschinomenis*, seu *Mimosis*, atque in Herba, quam *Impatiensem* vocant, observatur.  
(3) Ital. Erba casta, erba pudica, ò pur sensitiva.  
(4) Herba *Impatiens*, quæ & *Persicaria siliquata* dicta. Erba im-paziente.  
(3) Quod enim ad manus tactum illa se contrahant, hæc disclusa ejaculetur semina, vel in valvulos referendum, quos nonnulli in Plantarum vasis comminiscuntur.  
(4) Vel inde oritur, quod attractu vaporosus Succus, qui nervos, & vasa replebat, exhalet; ut in pulmonibus usuvenit, aëris expiratione desidentibus, & in Aristis Avenaceis, & planta illa, quam *Hierichuntinam Rosam* (*Rosa di Gerico*) vulgus appellat, quæ siccitate contracta, humore iterum explicantur.

Si radice tenuis, sese explicat ilicet, & se,  
 Pervadente poros humore, expandit in orbem  
 Latior, & veteres sibi rursus instaurat honores.  
 Nanque idem foliorum apices qui fervor adurit,  
 Complicat, obvoluitque, redux quos explicat humor.  
 Afflatum (1) digito contra seù denique frigus  
 (Quod vero propius) pubibundæ stirpis inertes  
 Adducatque lobos, venasque adstringat hiantes:  
 Quòd nempè instantis vi frigoris halitus intrò  
 Acrior abscedat, fibrasque hinc contrahat ægras:  
 Qui deinde erumpens iterum magno impete frondes  
 Vibret in adversum, pulchrasque accommodet iras;  
 Urget (2) enim caules frigus quoque, rursus & in se  
 Cogit hyems adducta: Modesta (3) Calendula testis,  
 Quique per irriguas crescis, (4) Convolvole, valles:  
 Queis flos nocturno clausus sub sidere mœret,  
 Nec se restituit, calathò nisi multa moranti  
 Mollis aduletur Zephyro Matuta tepenti.

Haud (3) ita perceptu facile est, quod consita monstris  
 Africa vel blando monstrosa in flore, Colonis  
 Subjicit apricum, visu mirabile, monstrum.  
 Hic quæ Sole rubet gleba, & torrentibus astris  
 Flos oritur, vulgò indigenis (4) Flos dictus Amoris;  
 Caule tumet crasso, sed mox tenuatus olentem  
 Paulatim in conum sese ille inspicat, & altè  
 Purpurat, ingenuum mentitus fronte pudorem:  
 Hunc si fortè tuens lævo procul omine, jactis  
 Incessas probris, sædumque, rudemque, pudendumq;  
 Atque incompósito nutantem ad Sidera cono  
 Infimules agitans: furit ilicet, atque solutos

Di-

(1) Vel denique, quòd digiti, seù ambientis aëris frigus succi motum in nervis cohibeat, atque ita in angustius spatium cogat.

(2) Quòd enim foliorum contractio sæpè à frigore accidat, argumento sunt Calendula, & Convolvuli flores internoctu se claudentes.

(3) Aliter Caltha nuncupatur, Ital. Fior d' ogni mese, ò Sposa del Sole.

(4) Aliter Campanula, Ital. Campanella.

(3) Mirabilius est, quòd de Africano Flore, P. Tamaius in Cap. I. Genes. oculatus testis memorat, ad jacta in se convicia solia discerpente, perinde ac si contumelia insolens videatur.

(4) Fior d' Amore



Dilacerat crines, vernaſque aſurgit in iras :  
 Ceu nemorum Corybas ſtimulis perfoſſus acutis .  
 An (1) malus has oculis Genius præferre putandus  
 Præſtigias, foliisſque ſuas aſſingere fraudes ?  
 Aëris (2) an moti vocis rapido impete frondes  
 Diſſindi impulſu, & pulchrum ſimulare furorem ?  
 Sic qui quoquo alio vocum diſcrimine pulſus ,  
 (Ut re compertum) vitreus ſcyphus integer hæret .  
 Dein certo vibrante ſono, velut ariete fractus,  
 Aërio ruit , illuſtremque repente ruinam  
 Corpore dat : rauco aſſultans gemit aura ſonore ,  
 Sic qui furtivi concretus labe veneni ,  
 Appula quod morſu ſuffudit Aranea, torpet  
 Humor iners , certo ſonitu rareſcit , & ægrum  
 Compoſitos agit in ſaltus , & corpore manat .  
 Quidquid id eſt, ſimulacra animo ſe nata movere ,  
 Ne fruſtrâ Tibi ſinge, aut vanos præcipe ſenſus .  
 Quidquid Arabs , quidquid medicis Epidaurus arenis ,  
 Quidquid & Ammerice felici è gramine carpit,  
 Vulgus rere unum nullo diſcrimine, vitæ  
 Jure quidem vegetæ compos , ſed ſenſilis expers .  
 Præterea (3) ſenſim nutriri , & creſcere plantis  
 Eſt cunctis commune, novæque propaginis ortus  
 Ducere , congeneresque ſatu promittere fœtus .  
 Quin (4) dono Divûm viridi gens herbida luxu  
 Latius augetur, faciles & duplicat umbras :  
 Nam reparans ſemper potiore , quod excidit, auctu  
 Non modo ſe major partes impubis in omnes  
 Creſcit , at uſque novas haud ſegnius adſtruit , addens  
 Et folia , & flores, & fœtos ſemine fructus :  
 Hoc etiam præſtans Animantibus , aucta ſubinde  
 Queis nova pars nulla accreſcit , ni forte pilorum ,  
 Plumarumque alto fruticantem è corpore pubem

Par-

- 
- (1) Id autem monſtri vel malis præſtigiis tribuendum .  
 (2) Vel certo moti aëris impulſui ; non ſecus ac certo vocis diſcrimine  
 vitreos ſcyphos , aliâs integros, diſſindi experientia docemur, ac certo  
 ſonitu inſpiratum ab Apulo Araneo venenum ſubſilire .  
 (3) Porro nutriri , augeri, ac ſe propagare Plantis omnibus commune eſt .  
 (4) Imò quoad augendi rationem Animantibus præſtant ; nam non mo-  
 do primas partes in majus provehunt , verum & novas progignunt,  
 ut folia, flores, fructus : quod in animantibus non uſu venit, niſi pi-  
 los, plumaſque & cornua in Cervis pro partibus accipias .

# B O T A N I C O R U M.

Partibus adnumeres , aut quæ sibi forte senectâ  
Decidua , haud impar unquam ramosa reponit  
Cornua, & arboreo Cærvus se vertice tollit .

At certæ (1) affixas radice hærescere sedi  
Omnibus haud æquè commune est stirpibus : obstat  
Una Parætonio (2) Stratiotes nota Canopo ,  
Quæ nullis defixa solo Radicibus exlex  
Luxuriam tollit foliorum, & vivida vernat  
Nili innans undis refluentibus : (3) Inclyta quondam  
Venatrix , viridi quæ stirps nunc cespite frondet .  
Nam longo , ut perhibent , venatu exercita , & alto  
Sole perusta , comas, ut erat, vallata sagittis  
Barbarico de more , thoro confederat herbæ  
Propter aquam , Pharios sæcundo gurgite campos  
Quà rigat , & septem discurrit in ostia Nilus .  
Jamque exuta pedem ( pudor ultrà obstitit ) utrumque  
Niliacis tingeat aquis , æstumque levabat ,  
Subjectos viridi despectans margine fluctus :  
Cum temerè ludentem undis violentior ælus  
Abstulit improvisus , eamque abduxit in altum .  
Haud tamen hic dejecta animo, vada spumea contra,  
Durataque manus, alteraque brachia jactans  
Luctatur Virgo , tumidum si pectore possit  
Exuperare fretum nando , & se reddere ripæ .  
Et fortasse viam fortuna haud læva dedisset ,  
Ni subito haud procul exiliens è fluctibus ultrò  
Afforet , & rictu instaret Crocodilus hianti .  
Tum verò infelix gemino obvallata periclo ,  
Fluctibus hinc , rabidæ inde feræ conatibus, hæsit  
Mentis inops. cedat-ne voracibus hausta fluentis ,  
An ne feræ, & sædam ingluviem præda illice pascat ,  
Haud liquet : Utrum optet, nescit ; tamen horret utrumque.  
Quod superest , precibus fidens : servate paventem  
Dii patrii , exclamat; Tuque ò , cui monstra ferarum  
Hac confossa manu, Meroës ad templa sacravi ,

Nile

---

(1) Non ità verò plantis omnibus commune certo affigi loco. Ostenditur id exemplo *Ægyptia Stratiotis* Nili alveo supernatantis , tenuissimis fibrarum filamentis, quæ Radicis loco demittit, terram non attingentibus , ut observat Prosper Alpinus de Plant. *Ægypt.* c. 35.

(2) Aliter *Millefolium* , seu *Herba Militaris* . Millefoglio d'Egitto.

(3) Res fabula exornatur .

Nile pater, miserere. Nec ultrà effata feracis  
 Sensit opem fluvij: mutato corpore cedit  
 Pubentem extemplo in caulem: crinita sagittis  
 In crassas abiit frondes coma, quodque supernè  
 Pube tenus superans mediis extabat ab undis,  
 Frondet (1) Aizoi in faciem: pars altera fibras  
 In longas fundum versus tenuata recedit,  
 Nec tamen hæret humi. Nandi sic gnara natatu  
 Versa vel in fruticem se blando exercet, & alta  
 Filamenta trahens fluvialibus innatat undis.

Hæc super, (2) audentem sua fert quò quemq; cupido  
 Noscendi, haud levior Tibi cura, Botanice, mentem  
 Incessat, varias fruticum quoque noscere partes:  
 Quæ similis ductu constet sibi simplice, quæve  
 Composito absimilis coalescat in organa textu.  
 Singula quæ studio sunt observanda sagaci;  
 Namque (3) alijs aliæ vires, & discolor usus  
 Sæpè venit, sæpè ejusdem pars altera stirpis  
 Hausta nocet, cujus discors pars altera prodest.  
 Aspice, quam terno demittit tubere plexam  
 Anthora (4) radicem: extremis foveat illa venenum  
 Tuberibus, medium nodo cui vindice tuber  
 Antidoto est, hæretque suo Tutela periclo.

Ergo (5) prior teneat te cura ediscere, stirpi  
 Quæ medicæ radix sit cuique. Potissima Stirpis  
 Pars Radix: hæc hæret humi, suaque inde ministrat  
 Hæc folijs alimenta, trahitque in semina vires,  
 Augeturque, suoque virens se caule coronat.

In primis (6) specie varias spectare voluptas

B

Sit

1 Ital. Erba Sempreviva.

2 His præactis observanda primùm diligenter Botanico sunt Herbarum partes, siue ea, quæ homogenea sunt, siue ea, quæ heterogenea, & Organica appellantur.

3 Sæpè enim alia aliis partibus Virtus, ut exemplo Radicis Anthora ostenditur ex Conrado Gesnero de Lunar. Herb. p. 76.

4 Sic dicta, quasi Antiphthora, q. Thora, seu Aconiti Alexipharmacum. Antora.

5 Prima sit Radicis observatio, quæ ex Jungio, Pars est planta inferior, quæ intrà corpus solidius, quod planta sedem præbet, abdita, alimento attrahendo destinata est.

6 Tenenda autem in primis Radicum differentia, quæ ex eruditissimo Rajo dividuntur in Fibrosas, & Crassiores.



Sit formas; neque enim forma est Radicibus una.  
 Hæc (1) longis depexa fibris promittitur, illa  
 Crassior (2) in molem turgescit, & inde sub auras  
 Surgentis superat Caulis legemque, modumque:  
 Forma (3) neque huic simplex; nam nunc carnosâ tumescit  
 In ventrem, (4) bulboque vel ipso è simplice nomen  
 Bulbosæ ducit, sive is concreascit in orbem  
 Pluribus implexum tunicis, qualem (5) Allia produnt,  
 Capæque (6), Tulipæque (7), & purpurei (8) Hyacinthi;  
 Seu squamâ rigeant super incumbente gradatim  
 Imbricis in morem, qualem sibi (9) lilia, qualem  
 Martagon (10) fingit: (Radicis munera quamvis  
 Verius his subeat, bulbo quæ plurima inhæret,  
 Fibra) (11) vel agnatum sua dat cognomina Tuber,  
 Tuber perpetuæ coiens sarcimine carnis:  
 Jam simplex, sibi quale (12) Crocus, sibi vindicat (13) Orchis,  
 (Radicem huic licet efficiat fibra juncta biformem)  
 Jam sese nodo numerans septemplice, quali  
 Pæonia (14), Asphodelusque (15) rigens, & (16) Colchica gaudent.  
 Nunc eadem (17) in longum Radix discedit, & arvis

Aut

- 1 Fibrosa sunt, quæ plurimis fibris, seu filamentis è planta fundo separatim existentibus constant.
- 2 Crassiores, quæ corpore pro planta modo crassiore turgescent.
- 3 Hæc porro vel Carnosa sunt, & in latum extumescentes.
- 4 Et subdividuntur in Bulbosas, quæ unico constant capite, eoque vel Tunicato, h. e. ex pluribus corticibus in orbem se amplexantibus composito, ut in Allio: vel squamato, h. e. pluribus squamis imbricatis ferè dispositis coagmentato, ut in lilio, quamvis in his fibra è bulbi fundo existentes Radicis variè obeant munus.
- 5 Aglio. 6 Cipolla. 7 Tulipano. 8 Giacinto. 9 Giglio 10 Ital. Martagone, ò Specie di Corona Imperiale.
- 11 Et in Tuberosas, quæ solida carne continua constant; suntque vel simplici Tubere, ut in Croco, & Orchide (quamvis huic Radix & Tuberosa sit, & Fibrosa) vel multiplici, ut in Pæonia, &c.
- 12 Zaffarano, ò Croco. Hetrusc. Gruogo. 13 Herba sic dicta, quod ejus Radix Testiculorum speciem referat, unde Cynosorchis ejus species Italicè dicitur Testicol di Cane. 14 Peonia.
15. Hetrusc. Asfodillo, ò Alta Regia, Herba aliter Hastula Regia etiam dicta, quod regii sceptri effigiem, dum floret, referat 16 Bulbo, ò Zaffarano Selvaggio.
- 17 Vel sunt in longum extensa: Quæ rursus aut sarmentosa sunt, & transversim progredientes, seu reptantes, ut in Oxalide, & Glycirrhiza.

Aut ea sarmenti ritu sinuosa procurrit  
 Transversim reptans , ut quâ viget (1) Oxalis , & quâ  
 Dulce (2) Glycirrhizæ nomenque , genusque perennat.  
 Aut (3) caulis versa in faciem descendit in altum,  
 Seque vel in ramos imâ tellure propagat ,  
 Geniculis vel crebra fibras emittit obortas :  
 Hâc , olet ingenuo quæ (4) Mentha virore , (5) Caninum  
 Nititur hâc Gramen , ludis quæque aurea Muris  
 Aure , (6) Pilosella , & nares quæ (7) , Ptarmica , vellis.  
 Ipse (8) etiam sub clara redit qui lumina , discors  
 Occurret color ; haud siquidem par omnibus albet .  
 Discolor Herbarum nonnullis flavet , & idem  
 Ex atro rubet in paucis : Spectabile fuco  
 Testis (9) Erythrodanum , riguo lita sanguine testis  
 Anchusa (10) , & notum Agricolaæ quæ reddit edule  
 Instrumentum (11) , herbis lætos quo pastinet agros .

Id tamen (12) hîc nolim primâ hac in parte morantem

R 2

Te

1 Acetosa .

2 Liquirizia .

3 Aut cauliformes , & in altum descendentes , siue Ramosa sint ,  
 siue Simpliciores , fibras dumtaxat è geniculis emittentes , ut in  
 Mentha .

4 Menta 5. Graminea Canina : aliis Canaria dicitur , quasi à Cani-  
 bus inventa , qua fastidium deducunt , vomitum cum pituita rejicien-  
 tes . Hinc Cynagrostis alijs , & à foliorum primò prodeuntium  
 forma quibusdam Dens Canis nuncupatur . Dente di Cane . 6. Pi-  
 losella , nomen à crebris , quibus vestitur , pilis sortita : Auricula Muris  
 hinc alijs dicta 7 Ital. Ptarmica . Nostrat . Perpetuella . Herba acri  
 odore sternutamenta ciens .

8 Varius est etiam Radicum color ; non enim semper albus est , ut  
 in plerisque , sed in nonnullis flavus , in paucis Ruber , aut ex  
 atro rubens , ut in Anchusa , Erythrodano , & Pastinaca Tenui-  
 folia , quam verosimilius sic dictam existimamus ex Turnebo in  
 Adversarijs , l. 6. c. 23. , quòd Radice Pastinum referat , rusticum  
 scilicet instrumentum , quo cauliculi humi infodiuntur .

9 Officinis Rubia Tinctorum appellatur , à rubere radiceis , quo lana  
 inficiuntur . Eritrodano , Rubbia . 10 Anchusa , sic dicta à san-  
 guineo , floridove Radiceis colore , quo manus oblinis .

11 Specie di Pastinaca .

12 Observandum pariter Radices plerasque Bulbosas annuatim inter-  
 ram descendere , easdemque ex Trunco , scilicet Caule renovari , aut  
 saltem ex parte reparari .

Te fugiat, quod cura diù luctata refossum  
 Imâ eduxit humo, & longo rerum extudit usu:  
 Altius in terram quasdam descendere bulbo,  
 Quæ bulbo gaudent Radices, seque quotannis  
 Paulatim reparare, putresque reponere partes.  
 Ipsa in humum Caulis quæ pars magis ima recedit  
 Radici accedens sibi jam subit altera munus  
 Scilicet, & veteris supplet dispendia formæ.  
 Bulbosâ hoc (1) Tulipæ nixæ radice sub arvis  
 Ostendent passim; (2) hoc etiam Radicibus Herbæ  
 Subjicient subnixæ aliis, ut (3) Celtica Nardus,  
 Helleborusq; (4) niger, (5) Lychnisq; & (6) Crithmus, & (7) Orchis,  
 Affinesq; aliæ: nec non sibi turgida nodo  
 Queis gemino radix supràque, infràque cohæret,  
 Ut (8) Crocus, & vario maculosa (9) Dracontia scapo:  
 Caulis ubi fuerat quæ pars magis abdita, primo;  
 Quod supra est, abit in Tuber, benè deneger anno,  
 Jam radix, mox inferius subitura sequenti.  
 Primula (10) id in primis tibi prodet, & (11) Oxalis, & (12) quæ  
 Cœlesti nomen sibi vendicat Iris ab arcu.  
 Nempè (13) hîc Radici haud rarò qui plurimus hæret  
 Annulus, & varijs discurrit linea punctis,  
 Mutati indicium est Caulis manifestius; alter  
 Nam lapsi hinc pridem folij vestigia signat;  
 Altera vasorum, quibus olli inseruit idem,  
 Ora refert, caulemque manet testata priorem.

Nec

---

1. Tulipani.

2. Idem in alijs pluribus observavit peritissimus Grevius, ut in  
*Valeriana, Helleboro nigro, &c. ima Caulis parte sensim descendente, seq; in radicem transmutante.*

3. Valeriana. 4. Elleboro nero.

5. Coronaria. 6. Finocchio marino. 7. Specie di Satirione.

8. Croco, ò Zaffarano. 9. Dragonteia, Serpentaria.

10. Fior di Primavera. 11. Acetosa. 12. Iride di Primavera.

13. *Transmutationis hujusce manifesta apparent indicia in Radice praesertim Tuberosa; ubi quoddam Caulis descenderit, & in Radicem intumuerit, argumento est ipsa Radix annulis quibusdam, & lineis punctatis variegata: annulis foliorum jampridem è Caule delapsorum sedes, punctis vasorum orificia, quibus Caulis hîc inseruit, designanti: us.*



Nec (1) nova descensu mutata in Corpora forma  
 Causa latet : Quæ fibra imo de caule recurrit  
 Recta in humum pendens, Truncum, cæu restis, eodem  
 Attrahit, inque novum cogit turgescere nodum.  
 Hinc est, (2) quod veterem Radix oblita figuram  
 Non semel invertat, quæque hic demissa teniaces,  
 Cæu Crura, in ramos sese divaricat, illic  
 In plura arrectam se cornua ducta supernè  
 Torqueat, ut viridi persapè in (3) Dente Leonis,  
 Inque aliis patet; hic sedenim quæ plurima sæpè  
 Radicis summo turgēt de vertice gemma,  
 In totidem paritèr Caules, & germina surgit,  
 Tempore paulatim quæ subsidentia, tractim  
 In totidem capita alta abeunt, & cornua relinquunt.  
 Hinc (4) etiā quædam, qualem (5) Succisa resignat,  
 Præmorsæ apparent; cultuque; satūque perennes  
 Multa revolvētes durando secula vincunt.  
 Nimirum damnosa sita quās ægra Vetustas  
 Sensim adimit partes, eadem subeunte reponit  
 Caudice; Radicemque vetat succumbere victam.  
 Tuberā sic alia ex alijs, aliasque videbis  
 Subnasci fibras, reduceſque existere bulbos;  
 Ut quæ eadem in speciem Radix durare videtur  
 Inmutata, novo furtim fata traduce censu  
 Altera sit, semperque novos juvenescat in annos.  
 Non secus ac senio gravis, & squalentibus annis,  
 Veris ubi arrisit levis aura, exosus inertes  
 Exuvias ponit Coluber, nitidusque juvenatā  
 Emicat ad solem, & squamas fulvo innovat auro.

Quo-

- 1 Descensus hujus Causa proxima, & perspicua sunt Radices fibro-  
 sæ, quas hujusmodi Caules emittunt; hæ siquidē in terram  
 descendentes, velut totidem funiculi, truncum post se rapiunt.
- 2 Ex hac Caulium in Radices transmutatione oritur, ut sæpè non-  
 nullarum Radicum figura veluti invertantur, ut in Dente Leonis,  
 nonnullisque alijs cernitur.
- 3 Dente di Leone, Cichorei, seu Chondrilla species, quam & Ro-  
 strum porcinum, & caput Monachi officina appellant.
- 4 Cur etiā Radices aliæ præmorsæ appareant, ut in Succisa vi-  
 detur, perennesque evadant.
- 5 Vulgò Morsus Diaboli nuncupatur: à pelitioribus Succisa dicitur,  
 quod ejus radices circumrosa videantur.

Quo (1) se cunque modo latis tamen illa sub arvis  
 Instruat, aut felix reparet sua damna, notatu  
 Digna vel in paucis. Hùc omnis sæpè recedit  
 Infita vís plantæ, & fibris subsidit in imis.  
 Radicis virtute luem (2) Petasitis amarâ  
 Hausta domat, Radice potens Cor mulcet anhelum  
 Scorfonera (3), levatque graves Hydrope (4) Cyperus.  
 Denique quid vitæ profit magis, unde salutis  
 Præsidia expectes, Radix Tibi præferet una  
 Sæpè notas. Radicem usu quis dicere segnem  
 Audeat? illa etiam claros instare triumphos  
 Sæpè monet, palmasque, & operta virescere sceptrâ,  
 Illa (5) etiam bifidâ caudâ, ductuque biformi  
 Sirenem mentita, fato sub pectore Magni  
 Cæsaris Austriadæ referens decora aurea nummo,  
 Præfaga Austriacis prælusit dextera fatis.  
 Scilicet impressam jam tum portendere visâ  
 Parthenopæ fibris penitus Sirenis amatam  
 Nominis Austriaci effigiem, infixamque medullis  
 Altiùs. Hanc olli cupido sub pectore cordis  
 Esse loco, vitamque imis affundere venis.  
 Constitit auspicium. Fatis orbata sinistris  
 Austriade rerum domino, non immemor illum  
 Passa suo labi ex animo: constantior alto  
 Usque sinu fovit, studiisque, & pectore sepsit.  
 Quin cælum supplex onerans, & sidera votis  
 Haud clàm ultrâ vultu Te compellabat amico,  
 Carole, certabatque tuas prævertere palmas,  
 Gradivum increpitans serum, turmasque morantes.

His

- 1 Utut autem hac se habeant, plurimi habenda est ad usus medicos  
 Radix, ut nonnullarum exemplo cursim comprobatur.
- 2 Scù Petasites. Ital. Erba Cappellaccio, ò Tussilaggine mag-  
 giore. Sic dicta à petaso, scù galero, quòd ejus folium tam amplum  
 sit, ut capiti impositum petasi loco à solis aestu possit defendere.
- 3 Scorzonera. 4 Ciperò.
- 5 Episodiu in Parthenopa studia erga Augustissimam Austriacam  
 Domum in adventu Armorum Austriacorum in Neapolitanum Re-  
 gnum, occasione Radicis reperta in Sirenis effigiem Natura sponte  
 conformata, cujus in pectore, qua parte cordi locus est, nummus  
 argenteus inventus, Ferdinandi III. Austriaci effigie insignis, ut ex  
 Academia Leopoldina, scù Historia Naturæ Curiosorum memoria  
 produrum.

His tum furtivis Siren nutritivos amores  
 Ignibus, immisso donec felicibus astris  
 Marte elata, suos tandem jam libera sensus  
 Explicuit. (1) Quibus illa modis, quibus illa choreis  
 Excepit reduces Aquilas, redeuntis amicum  
 Imperij auspiciū! Voti jam compos, inertes  
 Indignata moras, ultrò victricibus armis  
 Occurrit victrix; sese nam vicit, & arma  
 His, quibus exultim ludens certavit, amoris  
 Officijs, palmamque sibi præcepit opimam.  
 Tempore (2) quanquam illo resonis quoque Vesprius antris  
 Applaudens, festisque focis, crebroque tonitru  
 Signa dedit. Quoties turrato assurgere fumo  
 Vidimus, & lætas jaculari ad sidera flammās!  
 Quin etiam cæcā obvolvens caligine cælum,  
 Phæbæos medio currus demersit olympo,  
 Non alium cælo passus splendescere Solem,  
 Austriaco nisi qui latè fulgebat ab ore  
 Clarior, armorumque metus, nimboſque fugabat.  
 Dij Patrij, Indigetes, (3) Tuque ò Eubæa tueris  
 Præsul io! qui Regna, tuo si sanguine tanta hæc  
 Palma stetit, festo Austriaden succurrere seclo  
 Ne Juvenem prohibete: Satis jam bella per omnem  
 Europam bacchata: novâ se prole beatum  
 Augeat, & stabili componat fœdere terras.  
 Florebunt tanto sacræ sub Principe leges,  
 Et miti Pax alma comas insignis olivo  
 Præonias alet effuso magis ubere fruges.  
 At medicas (4) Radix non una existit in artes  
 Utilis: ipse etiam, qui pars est altera, Caulis  
 Inde virens spectandus, opes ediscere agrestes  
 Si quis amor; propriam sive is pubentibus Herbis  
 Affingat speciem, Culmi seu nomine Fruges

Efferae

- 1 Neapolitana Urbis latitiæ, ac plausus in excipiendis armis Austriacis.
- 2 Ipsius Vesperi eruptio, quæ id temporis accidit, in latitiæ argumentum trahitur.
- 3 D. Januario Præsentissimo Neapolitana Urbis Tutelari Invidissimus Caesar Carolus commendatur.
- 4 Præter Radicem Caulis etiam Botanico observandus, qui propriè hanc obtinet in Herbis nomenclationem, Culmi verò, seu Calami in Frugibus, Stipitis, aut Caudicis, vel Trunci in Arboribus.



Efferat, aut Calami, celsâ seu denique dici  
 Stipes amet, Caudexque, & durus in Arbore Truncus.  
 Hinc quoque nimirum Virtus se Pæonis effert,  
 Elanditurque (1) habitu, formæque errore voluptas.  
 Quantus (2) eum foliis hic orbem in (3) Bellide, (4) vel vix  
 Conspicuis in stante solo Petasitide comptum  
 Ludus erit spectare: (5) illic frondente paratu  
 Instructum, & luxu foliorum impunè comantem!  
 Et nunc (6) illa quidem vernantia protinus uno  
 Ordine fundentem, quo (7) Pulsatilla, virentis  
 Quo (8) Paridis subit herba: (9) eadem nunc ordine tractim  
 Fundentem gemino, quo se (10) Monophyllum in auras,  
 Et (11) Phtora, & alterius germen (12) Cotyledonis effert,  
 Ordine (13) nunc nullo, aut certi discrimine cultus  
 Surgentem, & temerè hæc illâc sua ferta parantem.  
 Atque hunc (14) rursus uno campis se tollere scapo  
 Vulgari (15) in Pyrolâ, viridique (16) in Dente Leonis,  
 Nymphææque (17): Illum (18) contra diducere cælo  
 Se Ramosum aliis in stirpibus, inter utrumque  
 Aut nutare genus, cœu quo se (19) Primula Veris

Tollit

- 1 Hujus primum Differentiæ attexuntur, quæ desumuntur  
 2 Primò respectu foliorum; Est enim Caulis vel nudus nullis foliorum rudimentis donatus, 3 ut in Bellide, Nostrat. Margaritella, Hetrusc. Margheritina; vel admodum exilibus, & vix satis à Caule distinctis, ut in Petasitide; 4 Ital. Erba Cappellaccio.  
 3 Vel foliis vestitus, ut passim.  
 6 Hic verò rursus, vel est determinatè foliatus, sive uno foliorum ordine, ut in Pulsatilla.  
 7 Ital. Erba di vento, sic dicta, quòd seminum tremuli pappi levissimo flatu huc, atque illuc agentur. 8 & in Herba Paridis, Ital. Erba di Paride, ò Uva lupina.  
 9 Sive gemino foliorum ordine, ut in Monophyllo 10 Ital. Unifoglio 11 Phthora, Ital. Specie di Aconito. 12 Cotyledone altera, Ital. Seconda specie d'Umbilico di Venere.  
 13 Vel est indeterminatè foliatus, ut in reliquis.  
 14 Secundò respectu Ramorum, seu pediculorum; Est enim Caulis vel simplex, ut in Pyrola vulgari sic dicta à Pyri foliis 15 Ital. Pirola. 16 in Dente Leonis. Ital. Dente di Leone. 17 in Nymphaea. Ital. Ninfea, ò Nenufar.  
 18 Vel Ramosus, ut in plerisque; vel inter utrumque ambigens, ut in Primula veris.  
 19 Ital. Primo Fiore, ò Fiore di Primavera.

Tollit , & hirsutâ nomen quæ ducit (1) ab Urſi  
 Auriculâ . (2) Ipſe etiam ſua per discrimina Caules  
 Diſtrahet haud unus ſorum ſitus , & nova ſubdet  
 Admiranda Tibi variæ ſpectacula formæ ;  
 Nanque apice hunc ſummo, ſummoque in vertice flores  
 Aſpicias , fœtusque ſuos , fructusque ferentem :  
 Jamque (3) hos diſpoſito congeſtos orbe repandum  
 In caput emitti florente volubile diſco ;  
 Quale refert (4) Cyanus, (5) Scabioſa, & (6) Bellis , & hirtâ  
 Cum (7) Jaceâ agnato florens (8) Chryſanthemon auro;  
 Jam longam ſubigi (9) in ſpicam , thyrfumve coactis  
 Partibus , erecto ſurgentem ad ſidera cono ;  
 Qualis (10) Lyſimachi deducta è nomine Regis  
 Stirps vernat campis , & aprico purpurat oſtro ,  
 Verbaſcumque (11) , ſuoque affinis flore (12) Reſeda  
 Luteolæ (13) , & gravido (14) Biſtorta adjuncta (15) Secali:  
 Laxius aut criſpante (16) jubam promittere thyrſo,  
 Paniculamve , gravi (17) Milinm quâ vertice nutat :  
 Aut pulchram (18) umbellæ in ſpeciem ſe denique longis

C

Fle-

- 
- 1 In Auricula Urſi , Aliter Sanicula à ſanandis vulneribus. Ital. Orecchia d'Orſo , ſic dicta à forma foliorum .  
 2 Tertiò Reſpectu Situs Florum ; vel enim Caulis eſt Determinatus ſummo in apice flores emittens .  
 3 Sive ij cogantur in Capitulum , quod ex pluribus conſtat floſculis arctè in Circularem , ſeu diſci figuram congeſtis , ut in Cyano .  
 4 Ital. Fior Campeſe , ò Battifeſcula. Hetruſc. Fioraliſo .  
 5 Ital. Scabbioſa. 6 Noſtrat. Margaritella: Hetruſc. Margheritina. 7 Ital. Jacea , Specie di Scabbioſa. 8 Specie d' occhio di Bue : Sic dictum à luteis floribus aureo colore fulgentibus , & orbem oculi imitantibus .  
 9 Sive in ſpicam , quæ ex floribus in erectum , & acutum conum conſormatis coaleſcit , ut in Lyſimachia Purpurea. 10 Ital. Liſimachia di fior porporino. 11 Ital. Verbaſco. Hetruſc. Taſſo Barbaſſo. 12 Ital. Reſeda. 13 Ital. Luteola. ſic dicta à luteo colore , quæ pannis illinit. 14 Ital. Biſtorta.  
 15 Frugis genus Noſtrat. Germano. Hetruſc. Segale , ò Segòla .  
 16 Sive in Paniculam , aut Jubam , quæ Spica eſt laxè diſfuſa , pendentibus præſertim petiolis , ut in Milio. 17 Ital. Miglio .  
 18 Sive in Umbellam , quæ extremitas eſt Caulis in plures longiores pedicellos diſviſa , qui in latius continuò radiati , inque minores diſviſi , flores ſuſtinent in orbem circumactos , Umbella in ſpeciem , quæ Sol arcetur .

Flectere pediolis, aliisque minoribus inde  
 Submissis, radiatum aptis dare floribus orbem;  
 Atque suo sibi partu acres defendere Soles:  
 Vel fructu, aut flore (1) in sphaeram coeunte rotundum  
 Affectare globum, & pleno se efferre corymbo;  
 Qualem (2) Cēpa oculis lacrymosa, & (3) seāile Porrum,  
 Atque (4) Hedera Arborea, & (5) Sambucus Aquatica profert.  
 Ast alios (6) latere ex ipso sine lege videbis  
 Pediolis late eductis pubescere Caules,  
 Seminaque, & lētōs, sua gaudia, promere flores.  
 Est etiam (7) ex ipsā Caulis variante figurā  
 Multifidum discrimen; abit nam lēta sub auras  
 Hēc Teres, (8) hanc tractim mordet stria, plurimus illam  
 Sæpius incurrens interfecat angulus, effert  
 Quā se (9) Marrubium, (10) Lamiumque, & molle (11) Cyperon,  
 Salviaque (12), & pīcti præco (13) Campanula Veris.  
 Rursum (14) aliis eadem solidā nunc mole cohæret,  
 Nunc vacuā, & nodis se connitentibus urget.  
 Sæpē (15) situs specimen proprium dabit; imperat arvis  
 Nam viridi hic Rectus cervice, & mole suā stat  
 Arduus; ille suo fulcimine nixus in altum  
 Evadit, lentoque umbracula vimine texit;  
 Seque vel adnitens circum sua fulcra volutus

Im-

- 
- 1 Sive in Corymbum, quæ extremitas est Caulis ita subdivisa, & floribus,  
 ac fructibus onusta, ut Sphærica figura inde oriatur, ut in Capa. 2  
 Ital. Cipolla, 3 Ital. Porro 4 Ital. Edera, ò ellera arborea. 5  
 Ital. Sambuco d'acqua; cui pendulus est Corymbus.
- 6 Vel est indeterminatus, qui nimirum petiolis è latere eductis flores pro-  
 gignit, ac semina.
- 7 Quartò Respectu figura; vel enim Caulis Teres est, ut passim præfer-  
 tim in Bulbosis.
- 8 Vel Striatus, ut in Siciliana: vel Angulosus videlicet, vel Triquetrus,  
 vel Quadrangulus, vel Quinquangulus.
- 9 Ital. Marrobbio, ò Prassio 10 Ital. Ortica fatua, ò morta. quòd  
 foliis sit non mordacibus, neque pungentibus: Alister Milzatella, ò  
 Erba della Milza ab insigni ejus adversus splenis duritiem efficacita-  
 te. 11 Ital. Ciperon. 12 Salvia. 13 Campanella.
- 14 Rursum uterque vel Solidus est, vel Cavus, & Inanis, nodis, seu ge-  
 niculis variatus.
- 15 Quintò Respectu situs; vel enim Caulis rectus est, ut passim: vel  
 admiculis indiget; quibus, aut circumvolvendo se implicat, ut Lupulus.



Implicat, ut (1) Lupulus; vel ut alba (2) Bryonia certis  
Claviculis sensim sese alligat, (3) aut foliorum  
Pediolis, ut picta salit (4) Fumaria; flexis  
Vel tandem cirris, (5) Hederæ ceû vimen, adhæret.  
Ast aliis (6) per humum pronis reptare voluptas,  
Radicesque subinde agere, atque emittere frondes:  
Quo facili fœcunda (7) satû Fragaria gaudet.

Has Tibi (8) delicias forma exerrante parabit  
Extima vel Caulis facies, atque ora tenebit:  
Tu tamén hic, medicæ si Te tenet ullus hiantem  
Laudis amor, ne siste: fugax est gratia formæ.  
Ulteriùs peruade oculis, partesque latentes,  
Queis Radix, Caulisque satû coalescit opimo,  
Perscrutare: labor decet hic, ea cura volentem  
Nosse potestates Herbarum, usumque medendi  
Altiùs, & doctas agitare impensiùs artes.  
Inde latens plantis virtus patet, inde repostas  
Prodit opes Natura, diemque eductæ sub ipsum  
Seque, suæque oculis referat miracula dextræ.  
Quis Deus omniparæ tanta hæc adyta invia Matris  
Recluserit, Musæ? cui primùm arcana tueri  
Ista datum? tantis lux unde affusa tenebris?

Thyrsis (9) Apollineâ jam pridem nobilis arte  
Noscendi incensus studio, quas ipse salubres  
Herbarum fuerat vires expertus, & altas  
Rimandi latebras, queis sese conderet ægris  
Alma Salus, tantis quæsitum oracula rebus.

C 2

Vici-

- 
- 1 Ital. Lupolo.  
2 Aut Claviculis sese alligat, ut Bryonia alba; Ital. Brionia, Hetrusc. Vitalba.  
3 Aut foliorum pediculis adnectit, ut Fumaria.  
4 Nostr. Fumoterra. Hetrusc. Fummoisterno.  
5 Aut Cirris adhæret, ut Hedera. Ital. Edera, ò Ellera.  
6 Vel Repens est, qui nimirum horizontaliter extensus, ex intervallo folia emittit, & radices agit, ut in Fragaria. 7 Ital. Erba, che produce le fragole.  
8 Ante autem hæc omnia ipsius harum partium, Radicis nimirum, & Caulis, Anatomes Botanico habenda ratio est, ad cujus observationem fabulâ iter infernitur.  
9 Per Thyrsin clarissimum Archiatrum Marcellum Malpighium intelligo, qui omnium novissimè eruditissimè de Plantarum Anatome in lucem edidit Commentaries.

Vicinos adiit, laudat quos Felsina, colles.  
 Ver erat, & Zephyris blandè spirantibus omnes  
 Laxarant tepida arva sinus: vernabat ubique  
 Gleba, novos subigens pratorum in gaudia flores, ]  
 Grataque non solito pingebat gramina risu.  
 Ipsa (1) novo Botane censu florente per agros,  
 Pæoniæ cultrix Botane lætissima pubis,  
 Aucta, pererrabat vernas, sua regna, novales,  
 Altaque sub propriis lustrabat germina signis.  
 Jamque novum indulgens huic cultu afflabat honorem,  
 Jamque olli sitienti udum Pallantidis uber  
 Immulgebat: ei patulos gens florea crines  
 Assultat reparans, redditque, hauritque nitorem,  
 Alternansque vices carpique, & carpere gaudet.  
 Instant, quæ Divam sociæ comitantur, & aptis  
 Pubentem latè segetem nitido ungue legentes  
 Imponunt calathis. (2) Narcissum hæc suavè comantem  
 Demetit, inflexi crines aut tondet (3) Acanthi:  
 Illa tuas, (4) Anagallis, opes, gazamque recentem  
 Mandragoræ (5), & viridem Thymbraë (6) populatur honore n.  
 Ipsa inter medias graditur, signatque legendam  
 Utiliùs messëm, & Divam data munera monstrat.

Ta libus incumbentem orsis, collesque petentem  
 Haud procul agnovit Thyrsis, clivoque propinquans  
 His Divam dictis supplex aggressus amicis.  
 Nympha decus memorum, pratorum gloria Nympha,  
 Quam sibi præ Daphne meritam despondit Apollo,  
 Edoctamque suas artes compescere Clotho  
 Possè dedit, durisque moras innectere fati;  
 Da, quibus hæc præstas, Herbarum, exquirere venas,  
 Obstructosque sinus, & inobservabile textum:  
 Se quibus insinuet vigor artubus, unde medellam  
 Sufficiant fata læta, tui per si quis amantis  
 Tangit honos animum: votis haud absena posco.  
 Et mihi plantarum perspecta potentia, nec me  
 Insensum Tibi, Pæoniæ vel laudis egentem  
 Felsina progenuit, scis ipsa; sed urit abactas

Quæ-

1 Nympha Botanes specie Rei Herbaria Facultas adumbratur.

2 Ital. Narcisso. 3 Ital. Brancorsina.

4 Ital. Anagallide. Corchorum aliter alijs appellatur.

5 Ital. Mandragora-6 Hetrusc. Santoreggia, ò Coniella.

Quærendi latebras, explorandique cupido  
 Quà sese condat plantis vis insita: tantos  
 Da ferre in lucem non uno tegmine pressos  
 Altiùs, & cæcâ obductos caligine textus.  
 Sic Tibi Regificis vernans Europa viretis  
 Usque litet, centumque aras, centum instruat hortos,  
 Audiit hæc nemorum Præses, propiusque Clientem  
 Contemplata suum, contrâ sic ora resolvit.  
 Magna quidem, nostri ò cultor fidissime regni,  
 Magna petis; nec mortalem fuit hætenus ulli  
 Fas aciem inferere, & tantos lustrare recessus.  
 Sed quando tam digna viro Te cura laceffit,  
 Ne metuas, dabitur: Naturæ arcana recludes,  
 Et primam hanc referes Victor, me vindice, palmam.  
 Quà tamen hos aditus, atque hæc penetralia certâ  
 Aggrediare viâ, paucis, mentem adjice, pandam.

Est locus (1) haud procul hinc, vastum discedit in antrum  
 Quà Tellus, densumque sacrâ nemus accubat umbrâ;  
 Hic Nymphæ domus est, nosti, cui mortua curæ  
 Corpora, frigentesque artus, nervosque, sinusque  
 Scindere, & immisso compagem evolvere ferro.  
 Illam operi instantem crudo, junctisque secandis  
 Partibus, Anatomen Graji dixere vocantes.  
 Hanc pete, votorum non jam novus advena summam  
 Hinc referes, discesque obtutu cuncta magistro.  
 Ante tamen vitro firmes haud æqua necesse est  
 Lumina, & exactas jubeas grandescere partes;  
 Ni facias, sese exili sub mole tegentes  
 Quippe omnem fugiant aciem, fallantque videntem.  
 Nec Tibi (2) quærendi fuerit labor: una Sororum  
 Ludicra quæ mecum hîc relegit sata culta Dioptre  
 Arte laboratum multâ, multoque subactum  
 Turbine sufficit: cunctas hoc Indice partes  
 Spectabis tandem, & voti latabere compos.  
 Ipsa adero, & nondum satis explorata revolvam.  
 Sic ait, & sociam teneris hærentia plantis  
 Parva microscopio speculantem insecta Dioptræ

Ad-

(1) Poëticum in morem sua etiam Nympha Persona Anatomia affingitur, & Officina.

(2) Sub Dioptræ Persona, Perspectiva Facultas exprimitur, cujus subsidio opus est per Microscopiū ad minutissimas Plantarū partes discernēdas.



Advocat, & comitem jungit curæque, viæque.  
 Ipsa præit, quæque ipsa præit, surgentibus ultrò  
 Ridet humus violis, subeunt vestigia calthæ.  
 Ponè sequens Thyrsis vadentem passibus urget.

Jamque (1) aderant nemori optato, metamque tenebant;  
 Cum sese ante oculos Platanis umbrata coruscis  
 Porticus explicuit, solers ubi Nympha sagacem  
 Exercet dextram, dissectaque consulit exta.  
 Torva Deæ frons, torva acies, nudata retortis  
 In cubitum manicis sordescunt oblita tabo  
 Brachia, prætextus gremio sordescit amictus,  
 Sordent industri respersi cæde penates.  
 Huic explorandum melius jam parte resectâ  
 Cor erat in manibus, pars evoluenda manebat.  
 Inde levem tunicam, & geminas detraxerat alas,  
 Atque coronales venas, queis illud in orbem  
 Cingitur, & mediâ vivens dominatur in aulâ.  
 His se pascentem studiis Botane addita raptim  
 Occupat, & prior hæc: Hominum tot cædibus actis  
 O nondum saturata, hominem, per funera ludens,  
 Visa odisse, illum nosces ut sedula; ferro  
 Parce, trucemque oculis lanienam hanc subtrahe nostris.  
 Ut vitæ prosis, aliud te poscit agendum  
 Lene ministerium: penitas da noscere partes,  
 Præonii quibus & Caules, & subdita Radix  
 Textitur, & medicos hominum pubescit in usus.  
 Hæc potior Te cura decet, laus plenior inde  
 Te manet: hùc mentem, viresque adverte sequaces.

Sic ait: illa novæ laudis dulcedine capta  
 Extemplo officium ferale abruptit, & æquis  
 Annuit imperiis. Sanie, taboque fluentes  
 Fonte manus lavat, obscænos tum ponit amictus,  
 Seque operi accingit. (2) Botane ab Radice revulsum  
 Subjicit egregium Caulem, mandatque secandum.  
 Illa suam contra studiis haud mollibus artem  
 Aggreditur, partesque omnes scrutatur, & artus.

Corticis (3) exæti primum pars extrema apertam

In

1 *Officina Anatomæ brevis Descriptio, ejusdemque Anatomæ Prosopographia.*

2 *Instituitur Radicis, & Caulis Anatome.*

3 *Tres ergo primum discernuntur principes partes, Cortex, Lignum, aut in Herbaceis pars ligno respondens, & Medulla.*

In lucem patuit, tum lignum, aut æmula ligni  
 Altera pars, medioque Medulla intersita ligno.  
 Singula (1) dein revocans iterata ad segmina, dempsit  
 Cortice cuticulam, substans mox Dædala scalpro  
 Farcimen secuit: sic & pars lignea textus  
 Explicuit dissecta suos impunè, suumque  
 Rete Medulla, (2) Dæ donis Botane aucta reclusis  
 Edita sollicitum vocat ad spectacula Thyrsin,  
 Et jubet acturum penitas discernere partes.  
 Artifici non æqua tubo juvat ausu Dioptre.  
 Ipsa notanda docet solers, & singula monstrat.  
 Ingreditur (3) visu Thyrsis, gaudetque revulsam  
 Obductis fartam utriculis, (vigor unde virenti)  
 Cernere Cuticulam, flexo cœu ducitur auro  
 Annulus, & fulvo in sese redit usque metallo.  
 Tum densum (4) ejusdem rimatus Corticis ultrà  
 Tomentum interius, subjectaque viscera, textum  
 E solidis ductum fibris, & rite cavatis  
 Aspicit, extentasque illas, iterumque reflexas  
 Retis in effigiem vario molimine plecti.  
 Quin etiam (5) maculis quàm Rete minoribus ultrò  
 Fibratum patet, & versus diducit hiantes,  
 Protendi utriculos deprendit, & addita cuique  
 Vascula (6) germanum plantæ servantia succum.  
 Par videt (7) in ligno textum, par Rete, fibrisque,  
 Utriculisque, tument & quæ gentilia, Vasis.  
 Suspicit hæc plantæ proprio turgentia succo,

Inque

1. Cortex rursus dividitur in Cuticulam, & substantiam, quam vocant Interiorem.
2. Prædictarum partium singillatim Botanes verbis pertextitur observatio.
3. Corticis igitur Cuticula Utriculis instructa est horizontali ordine locatis, quibus seu gelu, seu ætatis vitio exuctis, illa sæpè in aridam desicciscit epidermidem.
4. Substantia verò interior ligneis fibris fistulosis reticulatim implexis compingitur.
5. Utriculis etiam in radios diametrales ligneas fibras, & vasa succum specificum deferentia intercurrentibus à Cortice ad Medullam extensis.
6. Necnon vasis succum planta proprium, ac specificum deferentibus,
7. Par ex hysdem partibus Textura in ligno, seu parte illi respondente: ubi vasa specificum planta succum continentia in tot circulos disposita cernuntur, quot sunt tunice, seu involucra annui incrementi à Medulla ad Corticem.

Inque orbem digesta, ferunt prout annua Trunci  
 Incrementa, pari circum redeuntia gyro.  
 Hic etiam (1) nova pars non ante inspecta videntur  
 Occurrit, longo torquens se squamea tractu  
 In gyrum Trachea: redivit spiralis in orbem  
 Fistula, contorto crebram cœu lamina serpit  
 Argento in spiram, & parvis riget aspera squamis.  
 Tu quoque (2) visa tuum fibratum Rete, Medulla,  
 Prodis aperta, fibris & mollibus intertextos  
 Utriculos, hic majori se mole ferentes,  
 Vasaque per molles circumfusa marginis oras  
 Stirpis Apollinæ genuino turgida rore.

Dædaleos Thyrsis textus miratur, & altè  
 In tenui haud tenues ductas subtilius artes.  
 Nec satis expletur visu, revolutaque voluit.  
 Cum tantâ rerum Botane novitate fruentem  
 Evocat, & notas melius sic format ad artes.  
 Quæ dudum optasti rerum spectacula voti  
 Compos habes; inquit: partes, quibus herbida constat  
 Vita, tenes: Cortex hic est, (3) hæc lignea plantæ  
 Altera pars, fibris quæ texta impensius ardis  
 Dat solido campis plantas consistere nisu,  
 Atque hæere solo, & validos contemnere ventos,  
 Illa, (4) latet mediâ quæ ligni in parte, Medulla est,  
 Humano suppar cordi, Cerebrove; tumescat  
 Non plantæ quamvis pro mole, at dispare substat  
 Sæpè habitu; turget nam nunc crassissima, qualem  
 Oxyacantha, (5) Rhoeque, (6) & amara (7) Absinthia claudunt;

Nunc

- 1 Peculiaris in hac ligni parte deprehenduntur Vasa aeri excipiendo, ac derivando destinata, quæ Fistulas spirales, & Tracheas appellat Malpighius, argentea veluti lamina in spiram contorta conflatas, & squamatis distinctas particulis.
- 2 Suis Medulla minutissimis fibris reticulatim implexis, constat; necnon utriculis hic magnitudine præstantibus, quibus vasa ad marginem sociantur proprio planta succo turgentia.
- 3 Porro lignea planta pars fibris ligneis præ cortice numero majoribus constat ad Caulis firmitatem.
- 4 Medulla humano cordi, aut cerebro in plantis respondere creditur. Huius verò Magnitudo non semper Caulis, aut Trunci magnitudini respondet, sed varia est. Amplissima in oxyacantha, 5 Ital. Crespina. 6 Rhoe. aliter Rhos, seu Erythros nuncupatur. Ital. Rhû, ò Summach.
- 7 Absynthio. Ital. Assenzio. Hist. sc. etiam Santonica.



Nunc(1) duplò minor, ut Pinus quam condit, & ingens  
 Fraxinus (2), & certos(3) Juglans quæ terminat agros.  
 Tenuior(4) est, Quercus quam fert, (5) Corylusque, (6) Pyrusque;  
 Ast (7) eadem umbriferæ tenuissima provenit Ulmo.  
 Hanc (8) tamen in cunctis fruticum Radicibus altè  
 Subjectam ne quære: caret graveolentior illâ  
 Stramonii Radix, nostri caret advena veris  
 Nicosiana: vacant aliæ quâ parte recedunt  
 Inferiùs, produntque novo sibi more supernè.  
 Quin (9) & iis, quibus illa subest uberrima, plantis  
 Non semper sic læta viget; citò defluit; illam  
 Perquirenti unquam si quis contingat, in usum  
 Carpe Machaonium, primo cum plenior anno  
 Concrevit latitans, & pingui roscida succo est.  
 Primâ ætate viget, primo venit utilis anno:  
 Hic ubi transierit, simul ipsa arefcit, & omnem  
 Dimittit succum, virtusque expirat in auras  
 Irrita: pelliculæ introrsus volvuntur inanes.

Nunc Vasis, (10) quibus has nuper coalescere partes  
 Spectatum satis est, quæ vis, quæ munia, & usus  
 Obrigerint, discendum ultrà est (11). Quos undique sparsos  
 Fibrarum per texta fuit spectare voluptas  
 Utriculos, viridis commune parenchyma trunci,  
 Radicisque ferunt; (12) neque enim transversà vagantes

## D

## Exorti

1. *Angustior fere duplò in Pinu. Ital. Pino. 2. Fraxino. Ital. Frassino.*
3. *Juglande Ital. Noce.*
4. *Minor adhuc in quercu. Ital. Quercia. 5 In Corylo. Nostrat. Nocella.*
5. *Hetrusc. Nocciolo. 6 in Pyro. Ital. Pero.*
7. *Minima in Ulmo. Ital. Olmo.*
8. *Hujusmodi Medulla non omnium Plantarum Radicibus communis est; nonnulla enim, ut Stramonij. Ital. Stramonio; Nicosiana. Ital. Erba del Tabacco, ea carent: Quadam aliæ, quamvis parte inferiore nullam habeant, supernè tamen satis conspicuam produnt.*
9. *Id verò certum, si quis Medulla usus incidat, primo anno legendam esse: post id tempus exarefcit, nec unquam aliàs succum admittit. Unde molles, laxaque supersunt pellicula.*
10. *Jam verò qui sit Vasorum (suprà memoratorum usus, quidve in ijs contineatur, ulterius enucleatur.*
11. *Utriculi nonnisi commune Corticis, lignæ partis, ac Medulla Parenchyma sunt.*
12. *Neque enim succum à vasis alijs diversum continent, sed inter ea medium obtinent locum; Et vel succo crudiori concoquendo interveniunt ut vult Malpighius;*

Exorti sua distendunt gravia ubera succo;  
 Sed vel vicinis è lymphæ-ductibus haustum,  
 Si quis inest, crudum excipiunt, recoquuntque, propinqua  
 Vasa inter medii, stirpisque in ritè subactum  
 Exaltant alimentum, assuetaque dona ministrant:  
 Vel furtim (1) è spiris vitalibus aëra carpunt,  
 Inque alia inspirant succis data vasa ferendis:  
 Ut quæ succrescens Animantum in pectore turget,  
 Pulmonemque inflat vesicula multa, repandis  
 Trachæ exceptum è bronchis trahit aëra, & omnes  
 Provida in Arterias sensim partitur hiantes.

At quæ (2) lignosæ visa est tantùm addita parti,  
 Haud alibi comperta, minutisque obsita squamis  
 In spiram Trachea, leves illâ ætheris auras  
 Pæoniæ fruges consueta in munia vitæ  
 Accipiunt, redduntque: habiles hâc germinis artus  
 Ventilât, & stirpes vitalis recreat aër.  
 Haud plantis (3) nequicquam altrix Natura paravit  
 Id genus instrumenta: dedit sic grandia posse  
 Adstringi in sese, laxari aut Robora, flexus  
 Sicubi ramorum, curvaturæque juberent,  
 Conclusique pati refluos moti aëris æstus,  
 Sicubi laxaret pressas violentior auras.  
 Hinc vasa (4) hæc cudit quotquot sunt maxima (tantùm  
 Succiferis propriis, plantæ quæ cortice claudunt,  
 Exceptis) totumque dedit percurrere lignum.  
 E cœlo (5) liquidas tanti est Viventibus auras

Du-

- 1 Vel etiam aëri è fistulis spiralibus excipiendo, & in vasa succifera derivando; non secus ac in Animalibus pulmonum vesicula aërem è bronchis Trachea exceptum Arterijs impertiunt; ut opinatur Grevius.
- 2 Fistulis spiralibus, seu Tracheis, quæ peculiaria lignæ partis vasa sunt, aër defertur.
- 3 Id genus Trachæas eatenus à Natura paratas opinatur Malpighius, ut ita scilicet constrictionem, ac dilatationem in vehementibus flexuris, & curvationibus arborum, & in elastico conclusi aeris motu pati possent.
- 4 Hinc est, quod vasa hæc, exceptis succiferis Corticalibus propriis, omnium longè maxima sint, & passim obvia.
- 5 Hinc etiam colligitur quanta sit vel ipsis in plantis respirandi necessitas. Natura siquidem in singulis viventium ordinibus varia, sed analogæ paravit instrumenta, quæ pulmones vocamus: hoc tamen discrimine, ut quæ perfectiora nobis censentur, ea minori pulmonum apparatu gaudeant. Hinc plantis, quæ ultimæ sortis sunt, Trachæarum numerus maximus.

Du cere, & assiduo penitus perflarier haustu.  
 Quin nulli, ut rerum solers tibi suggeret usus,  
 Viventum genere ex omni tanta obtrigit unquam  
 Vis trachearum, numerusque, atque insita pulsa  
 Spiramenta animæ: minus hoc gaudetis anhelio  
 Flabrorum auxilio, fortissima Quadrupedantum  
 Pectora, pennigeræque acies, & muta natantum  
 Agmina, vosque solum pronâ quæ verritis alvo  
 Insecta, et patrias colitis sine sanguine lymphas.  
 Per certos discreta gradus ut vita recedit  
 Nimirum in pejus, vitæ spiracula crescunt.

Id verò (1) hic anceps, vasa hæc quæ pervius intret  
 Spiritus, & fruticum virides vapor irriget artus:  
 Radicis-ne sibi defossa per oscula cæcum  
 Sternat iter? Teretis-ne poros per Caudicis? an quos  
 Diducunt folia, & certo sæpè ordine signant.  
 Quales lata suis (2) arbor Cybeleia prodit  
 Dispositos foliis, disuncto aut cortice quales  
 Indica (3) subjectos oculis exponit arundo.  
 Sunt qui vitales auræ spirabilis haustus  
 Hæc duci, inque avidas certent immittere stirpes.  
 Tu tamen (4) hæc aliquid puri licet ætheris intret,  
 Hanc suetam ne rere viam: latet illa sub altis,  
 Plurima quas Trachea fecat, Radicibus: auris  
 Certior hæc aditus diducta per oscula: succo  
 Hæc sese immixtus non segnior ingerit aër,  
 Tracheasque replet, stirpemque invadit in omnem.  
 Nempè (5) quod os reliquis Animantibus, abdita præstat  
 Hoc plantis Radix, majoribus obsita duro  
 Præ Trunco utriculis, & pluribus, aëris æquas  
 Queis unâ exceptas partes discriminet haustu  
 A succo, & plantis vitamque, animamque ministret:  
 Sic etiam (6) melius concordi fœdere sursum

## D 2

Aëris

- 
- 1 Qua aër se in Tracheas insinuet accuratè disquiritur.
  - 2 Pinus nempe Cybela sacra ab ethnicis putata Ital. Pino.
  - 3 Ital. Canna d'India.
  - 4 Verisimilior statuitur per Radicis oscula aditus, quâ succus etiã ducitur.
  - 5 Ratione id etiam suadetur: Tum quia Radix in plantis Animalium  
ori respondet.
  - 6 Tum quia sic melius conciliatur aëris aquæ, ac Succus motus, quin alter  
alteri adversus officiat; ut accideret, si vel per Trunci poros, vel folio-  
rum se se aër in lignum immitteret.



Aëris, & succi motus conspirat in altum  
 Ascensu facili, & neuter contrarius obstat;  
 Ut tamen accideret, Trunci si forte per alta  
 Spiramenta, vel è foliis irrumperet aër.  
 Hic nanque immissus partes Radicis in imas,  
 Misceri queat ut succo, descendere contra  
 Admissum succi motum deberet, & ipsum  
 Tendentem sursum adverso propellere nisu;  
 Atque hinc alterius conatibus obvius alter  
 Iret, & alterno sereret luctamine pugnam.

Huc (1) avidas nunc flecte acies, fibrasque cavatas,  
 Queis Cortex, lignumque pari munimine præstat;  
 Contemplare: vehit lignosa hæc fistula lympham;  
 Hinc dictus Lymphæ-ductus, quæ limpidus humor  
 Infilat, herbarumque sinus purâ irrigat undâ.  
 Jam vero (2) hic idem, ne quid te fallat, in altum  
 Vitanta ascendit verno sub fidere, ut ictu  
 Sæpè laceffit viridi de vulnere passim  
 Defluat, & riguo exundans lavet ubere truncum;  
 Omnia par puro latici, gustumque, coloremque;  
 Et liquidum ingenium, & rigui dispendia lapsus;  
 Scilicet hoc primum se tempore plenius humor  
 Insinuat, dum Terra suos, dum consita laxant  
 Ipsa etiam virgulta sinus. Hinc (3) pervia ductis  
 Non modo lignosis solito de more recurrit  
 Unda canaliculis, æstu sed divite laxis  
 Tracheis quoque se miscet, sursumque suburget;  
 Uberior salit hinc liquor, & sua vulnera fufis  
 Prosequitur lacrymis, & cortice liber inundat.  
 Nec verò (4) hunc inter dumtaxat, & ardua ligni  
 Munimenta liquor reflui subit: Intimus ipsam  
 Crassitiem totam ligni peruadit, & omnem

Ve-

- 1 Fibris ligneis fistulosis, quibus & Cortex, & lignum componitur, lymphæ continetur: quod in causa est, cur Lymphæ-ductus appellentur.
- 2 Succus hic limpidus verno tempore uberius ascendit, atque exudat, sub ipsum fluxus initium elementari aquæ in speciem haud quaquam ab- similis.
- 3 Vasa autem, per quæ movetur, auctore Grævio, non modò sunt lymphæ- ductus, verum etiam fistula spirales, seu Trachea.
- 4 Per quæcunque tamen vasa ascendat, non tantum inter corticem, & lignum, ut vulgò olim creditum, sed per totam ligni crassitiem ascen- dere experimenta evincunt. Trunco siquidem terebrato, quò altius de- scendit vulnus, eò copiosior succus extillat.

Vestigat penitus partem , seque abdit ubique.  
 Nonne vides , ferro cum flet terebratus acuto  
 Truncus , ut hœc fluat uberius de vulnere succus ,  
 Altius imprimitur quò vulnus ? scilicet ipsis  
 E vasis , medio latitant quæ Caudice , rumpit  
 Crebrior ille , suosque refert hûc plenior æstus .  
 Hinc est (1) , ut cæso jampridem stipite , succus  
 Cum torperet adhuc , quod nullâ aspergine ficcum  
 Vulnus erat , destillet eo saliente , suasque  
 Tum demùm , via quâ paruit , memor egerat undas .  
 Hinc etiam (2) succum niti non semper in altum ,  
 Succiferis verùm certâ quoque lege deorsum  
 Impelli è vasis nativo pondere discis .  
 Hæc tibi (3) certa dabit Radix quæcunque resecta  
 Adutùm documenta : dabit quæcunque bipenni  
 Virga (4) excisa , suo cum jam madet uvida succo ;  
 Nam recto suspensa situ , quâ parte supinam  
 Spectat humum , gravibus rorabit deflua guttis .  
 Hæc eadem (5) sectus cæsum Tithymalus , & omnis  
 Lactescens pubes spectacula reddet ; utrâque  
 Nam de parte , suprâ tam quæ est , quàm quæ objacet infrâ  
 Irriguo pariter cernes rorescere lacte .  
 Quin (6) Tibi sumatur si sectus utrinque salignus  
 Surculus , extantique Tubus dein ductile labro  
 Addatur cerâ effictus , tùm ritè capaci  
 Puro infundatur Najas , quæ prænatat , amne ;  
 Quàm primùm aspicias infernâ è parte refusum  
 Pålulim fluere , & fibris transmittier amnem .

Quid

(1) Hinc est , quod ex incisione jam ante Arbori facta , quàm succus ascen-  
 deret , cum hic ascendere incipit , arbor illacrymet .

(2) Colligitur rursus ejusmodi succum in prædictis fibris tam sursum ,  
 quàm deorsum libetè moveri .

3 Nam dissecta Radice aliqua , ab utrâque parte , hoc est tam à superstite ,  
 quàm à dissecta succum extillare comperies .

4 Item Virga Salicis , aliæque Arboris , cum succo turget , recisa , ab infe-  
 riori parte perpendiculariter suspensa lacrymas aliquandiu dabit .

5 Idem in Tithymalo , Hetruſc. Tutumaglio , aliisque lactescensibus cerne-  
 relicet ; quæ dissecta ab utrâque parte , tam superna , quàm infernâ  
 succum lacteum effundunt .

6 Quin si Saligna , aut Acerna Talea utrinque resecta superiori extremi-  
 tati vasculum è cera conformatum agglutinet , eique perpendiculariter  
 adjacenti aquam infundas , brevi aspicias ab inferiori extremitate pax-  
 latim extillare , donec transmittatur ceta .

Quid (1) majora Tibi rerum miracula subdam  
 Haud pridem comperta? Fuit, qui caudice ferrâ  
 Transversim cæso, quo stabat adultior arvis  
 Betula (2), continuâ Trunci dein parte relictâ,  
 Ex intervallo par actâ in vulnus eâdem,  
 Non modò subjecto sensim de vulnere rores  
 Deciduos volui, pariter deprendit ab illo,  
 Quod spatio superabat, & a quo erumpere fluctu:  
 Nec tantum hoc, primo impressus cùm segmine sulcus;  
 Sed postquam plures Aurora retexeret ortus,  
 Sed postquam exhausto Ros intersisteret imbri.  
 Ast unde (3) irrigui tam constans copia roris  
 Executis dudum vasis, nisi hiantibus haustum  
 Ex aliis, intacta sibi pars altera trunci  
 Quæ tulerat, fateare? Suo sibi pervia succo  
 Scilicet occurrunt interdum vasa, liquentes  
 Diducuntque fores, atque oscula mutua jungunt.  
 His animo (4) fidens, duris dediscat Agrestis  
 Arboribus tabem extremam, mortemque timere;  
 Cum fortè obducti viduantur Corticis usu  
 Vel parte ex aliquâ, sed circumquaque resecti.  
 Non ita (5) res angusta, nec id plantæ ocyus omni  
 Accidit, aut semper, sed sæpe vigentibus intus,  
 Seque ultrâ ligni partem trudentibus orbam  
 Cortice, succiferis nexis per mutua vasis  
 Vita stetit, multosque virens superavit in annos.

Sic

1. Alijs etiam experimentis compertum Vasa hujusmodi succifera per mutuas Anastomoses inter se communicare. Nam ferrâ altè transversim inciso Betula 2 Ital. Betula, ò Bettola, adultioris caudice, deinde interposito spatio in parem altitudinem ferrâ iterum adactâ, compertum est, non ex inferiori dumtaxat parte lacrymassè truncum, verum etiam è superiori, & quidem aquâ lacrymarum vi. Idque non modò cum primum impressi Ferrâ sunt sulci, sed etiam post aliquot dies, & cum jam fluxus interstitisset.
3. Vasa autem dissecta non aliundè succum excipere potuerunt, nisi ab integris, & intactis in altero Trunci latere ascendentibus, cum quibus per Anastomoses jungebantur.
4. Colligitur ex his sectionem corticis circularem non semper omnem arborem perimere, ut vulgò creditur.
5. Beneficio siquidem Anastomosis Vascularum in plerisque non semel vitæ stetit.



Sic in (1) in Agrifolli (2) compertum caudice, laxis  
 Sic (3) Opuli in ramis, (4) Salicisque, atque alta Tonanti  
 Quos sacros (5) Quercus, quos (6) Populus alba maritos,  
 Prunorumque (7) genus, Malusq; (8) Cydonia jactat.  
 Hos sedenim agnato quamvis nudarit in orbem  
 Cortice dura manus, tamen hinc haud segnius illi  
 Transnudum lignum visi durare, novisque  
 Ausibus instantes viridi pubescere luxu.  
 Nimirum (9) hic præter vasa intus hiantia, Rami  
 Queis viget exuperans viduam pars integra partem,  
 Quam Quercus, Prunique, suoque Cydonia malus  
 Cortice præcipuè promittit longius, uda  
 Utriculis series vitæ persæpè tuendæ  
 Subsidio est; nanque inde procul demittitur exors  
 Non rarò appendix: ligni illa volubilis orbam  
 Invadens partem vestit, sectoque cohærens  
 Corticis extremi labro rursus oscula jungit  
 Mutua, & exclusæ reddit commercia vitæ.  
 Hinc nova subiecto repetens compendia trunco  
 Dissita pars, trahit inde suæ majora Juventæ  
 Incrementa, novoque vicens protuberat auditu.  
 Cum tamen interea ligni pars Corticis expers  
 Subsistat gracilis, Ramique investe quod infrà est.  
 At non (10) Phryxæi tantum sub fideris ortus,

Quæ-

1 Sic observatum in Agrifolio, detracto ex Cortice palmaris prope latitudinis annulo; & à Malpighio in Ramis Opuli, Prunorum, Mali Cydoniæ, Quercus, Salicis, Populi; in quibus, facta pari sectione, observata est pars superior surculi, seu Caudicis vegetans supra sectionem ita exrescere, ut longè turgidior redderetur. 2. Ital. Agrifoglio, ò Acquisfoglio 3 Alijs Corni Species, alijs Aceris Ital. Opulo. 4 Nostrat. Salice Hetrusc. Salce, Salcio, ò Saligastro. 5 Ital. Quercia 6 Pioppo 7 Nostrat. Pruno. Hetrusc. Prugno, ò Susino. & Cotogno, ò Mel Cotogno.

9 Hujus autem experimenti hac ulterior Causa assignatur, quòd in Quercu præsertim, Prunisque, ac Malo Cydonia, Cortex horizontales utriculorum ordines ita elongat, ut non rarò appendices promantur, quibus denudata ligni portio cooperitur, & facta denovo mutuâ Anastomosi cum inferiori secti Corticis labro continuus redditur cortex; atque hinc est, ut superior pars crassius protuberet, parte interim denudatâ, eaque, quæ infrà est, gracili subsistente.

10 Animadvertendum hic non omnem Arborem, nec verna dumtaxat tempore lacrymas dare.

Quælibet aut lacrymas Arbor dabit ista: quibusdam  
 Est flendi mos iste statò sibi tempore . Certos  
 Ista Salix (1) fletus (2) , Vitisque, & (3) Betula reddet ,  
 Arque (4) Acer, & (5) Juglans , & amicâ (6) Carpinus umbrâ.  
 Hi nemorum (7) Fauni quondam , sed Najades illæ  
 Heliadum comites , quos dum Phaëtonis in undas  
 Eridani lapsus, lucusque Sororibus auctus  
 Detinet attonitos , pigrâ radice teneri  
 Ipsi etiam sensere . Stupent sub Cortice sensus ,  
 sed tamen intus adhuc vegetat dolor : Æmulus alti  
 Heliadum luctus sese nam saucius ultro  
 Eliquat , & lacrymis electra Sororia pensat .  
 Tum magis (8) illacrymans , gelidâ cum nocte repulsâ  
 Alta petens Titan memores magis evocat æstus ;  
 Urget enim flendi studium vis addita Brumæ ,  
 Dum vetat , adstrictasque rigens mage provocat undas .  
 Hinc (9) si forte gelu vehementius ingruat arvis ,  
 Incumbatque diu , miti cum Bruma tepore  
 Incipiet rursus devicta remittere , guttas  
 Uberius longè aspicias devolvier , & se  
 Per viduos artus largis impellere rivis ,  
 Præsertim (10) medium si ver corruptat acuto  
 Aura gelu; tum quippe Arbos licet ante refusis  
 Ubertim lacrymis indulserit ista, repente  
 Desuetos repetet luctus , iterumque sub ipsum  
 Illacrymans Solem reduci se proluet imbri .  
 In primis (11) altum riguo foveat imbre dolorem

Malua

- 
- 1 *Ista esse soienne matris Salici. Ital. Salice, o Salcio* 2 *Viri. Ital. Vite*  
 3 *Betula Ital. Betula, o Bettola* 4 *Aceri. Ital. Acero* 5 *Juglandi. Ital. Noce* 6 *Carpino Hetrusc. Carpine.*  
 7 *Hoc ipsum Fabulâ exornatur.*  
 8 *Succus ex his emanat uberius post nocturnum gelu. adulto jam Sole, & circa Meridiem maxime.*  
 9 *Post gelu vehementius, ac diuturnius, cum frigus incipit remittere, succus quamquam maxime uberrimus effluit, etiam è vulneribus jam pridem impressis.*  
 10 *Quod adeò verum est, ut si gelu fortè inciderit medio jam vere, cum succus extillare desit, fluxum denuò repetat, & matutinis saltem horis emanet.*  
 11 *Acer Majus Autumno etiam post delapsa statim folia, & sequenti insuper hyeme succum emittit, ubi aeris temperies gelida, & leviter pruinosâ contingat.*

Majus Acer, Clymene genitus cui charior olim  
 Ante alios, Faunus; nam non sub florida tantum  
 Tempora, quæ cornu Taurus stellante recludit,  
 Autumnū quoque sub serum, frondentibus umbris  
 Jam positis, Hyemisque atræ sub frigora, longos  
 Producit luctus, lacrymisque indulget obortis,  
 Lenè pruinoso quas Bruma laceffit Eoo.  
 Sæpè (1) sub aggeribus niveis dum Terra lateret,  
 Et lacrymas stipes glacie prohibente negaret,  
 Forte execta, patens dejecto Caudice, Radix,  
 Hærebat quâ parte solo, dare visa liquentes  
 Spem præter fletus, crudamque aspergere brumam;  
 Seu vapor (2) obstantis circum vi frigoris intrò  
 Adstrictas terræ in venas compulsus opertam  
 Radicem opplerit subiens, secesserit illuc  
 Seu dolor, incertum est. Aquei Tibi limpida succi  
 Munera sit satis, & motus spectasse repostos.

Effluat (3) hic quacunque velit: Solertiùs illum  
 Tu lege, qui propriis plantæ devolvitur undans  
 E vasis, patriique refert insignia Trunci.  
 Hic Tibi Pæonias magis utilis imber in artes,  
 Seu liquidus scateat, pinguis seu glutinis instar  
 Hæreat, & varium variâ trahat indole nomen.  
 Scilicet (4) hic varius vario pro Germine, lymphæ  
 Nunc fluit in speciem pellucidus, albidus exit  
 Nunc lacti suppar, croceo nunc concolor auro.  
 Sæpe etiam (5) superas hic idem emissus in auras  
 Concrescit, crassoque refert lentore tenacem  
 Resinam, aut Gummi, viscoque simillimus hæret;

E

Hunc

- 1 *Observatum pariter summâ hyeme, cum Tellus nive obregeretur, Radicem Aceris Majoris discissam, è parte humi hærente uberrimè lacrymasse; cum tamen vi frigoris è Trunco nullus flueret liquor.*
- 2 *Hujusce phænomeni aliqua in medio relinquuntur Causæ.*
- 3 *Ante alios verò illius habenda succi Ratio, qui Planta proprius, ac Specificus appellatur, atque in Vasis sibi addictis suprâ memoratis continetur.*
- 4 *Hujus varia est ex Malpighio natura; frequenter enim aquei, diaphanique humoris specie effluit; quandoque lactis instar, non rarò luteo inficitur colore.*
- 5 *Interdum semiconcretus lentorem acquirit, concrescitque in Resinam, aut Gummi, aut aliud Crassamentum inter Gummi medium, & Resinam.*



Nunc medii generis jacet inter utrumque biformis.

Quæ Tibi noscendi interea sit norma legenti,

Quæve appellandi, paucis, adverte, docebo.

Qui (1) flammâ invictus flâmas haud concipit unquam,

At lauri de more sacros crepitu abdicat ignes

Fervidus, & purâ tantum dissolvitur undâ,

Gummi esto: dat quale suis Panchaia sylvis

Arabicum, aut molli Cerasus de cortice trudit;

Siccus (2) enim aut nullo est mixto gravis unguine mucor,

Aut certè exiguo, flammæ non aptus alendæ.

At (3) qui pauper aquæ cognatâ imbutus abundat

Pallade, subjectis habitu proin pinguior undis

Dissolvi renuens uno liquefcit olivo,

Sit Resina; suo qualem de nomine dictam

Sufficit humenti vernans (4) Terebinthus in Idæ.

Aut Montana Abies, aut fluctivago Ægeo

Lentiscis (5) lapidosa Chios submittit amaris.

Cui (6) demum æqua subest mixtâ cum Najade Pallas;

Tamque sequax latici, fluido quàm cedit olivo,

Sit medii generis, Tyrius ut (7) Galbanus arvis,

Et fulvum (8) Sagapenum, (9) Ammoniacumque sal ubre.

Hunc benè (10) si primâ repetas ab origine, succum Lacti-

1 Gummi est succus concretus, qui in aqua facile dissolvitur, in igne verò nec liquefcit, nec flammam concipit, sed crepitat; cujusmodi est Gummi Arabicum, Hetrusc. Gommarabica, & Cerasi, Ital. Gomma di Ceraso, Hetrusc. di Ciriegio.

2 Nihil enim est aliud, auctore Grevio, quam Mucilago exiccata parum, vel nihil olei continens.

3 Resina est liquor pinguis, & oleaginosus, sæpè spontè ex arbore defluens, qui cum aqua parum, plurimum olei contineat, in aqua non dissolvitur, sed in oleo dumtaxat, 4 ut est Terebinthina, qua ex Terebintho sudat, aut Abiete, Nostrat. Trementina.

5 Et Mastiche. Nostrat. Mastice. Hetrusc. Masticca, ò Mastico. qua ex lentiscis in Insula Chio provenit laudatissima.

6 Qui mediæ generis est succus, est concretus cum partibus suis oleosis tantundem penè aquæ admixtum habens; ideoque tam in aquâ, quam in oleo dissolvi potest; ut est Galbanus 7 Ital. Galbano.

8 Sagapenum. Ital. Sagapeno. Hetrusc. etiâ Serepino. 9 Ammoniacum. Hetrusc. Armoniaco,

10 Id generis succus principio aliud non est, quam lac concretum facile inflammabile. Cujusque enim plantæ lactescentis succus probè exiccatus flammam facile concipit, eamque lucidam, ac diuturnam emittit; non secus ac Pix liquida, & Terebinthina.

Lactifluum invenies, qui mox concretus opimum  
 In glutem coit, flammis victricibus aptum.  
 Scilicet è plantâ qui lactescente volutus  
 Sæpè fluit succus, facilè incandescit in ignes,  
 Illum si ritè exicces, flammamque receptam  
 Luce diù nitidâ pingui satur unguine nutrit;  
 Non secus ac admotâ ardet Terebinthina tādâ.  
 Ipsa (1) juvat spissâ subigens uligine lympham  
 Materies oleosa, citas quâ nulla favillas  
 Promptior arripere, atque avidæ dare pabula flammæ.  
 Lacteus (2) hinc succo venit color, albicat undè  
 Qui liquor exundans Animantium ex ubere manat;  
 Par quippe albescent utrique coloris origo:  
 Qui (3) si olei de parte fero vi denique multâ  
 Discluso, in sua diffunderet divortia, utrinque  
 Perspicuus, puræque instar pellucidus undæ  
 Humor erat, juncti qui nunc ope fœderis albet.  
 Aspice cum clausum vitrei intra concava vasis  
 Cinnamon, (4) aut æstu lento torretur Anisum,  
 Qui primò vapor it sursum spectantibus alget  
 Pervius usque oculis, vitreoque haud discolor amni.  
 Purior at tandem exhaustus cùm spiritus, & cùm  
 Crassior ascendens oleosas fumea secum  
 Lympha rapit partes, roremque immiscet in unum,  
 Tum verò inficitur vapor ilicet, auctus & album  
 Ebibit affuso turbatus lacte colorem.

Hanc (5), quæcumque suo de stipite lacryma manet,

E 2

Sive

- 1 In Causa est partium oleosarum admixtio.
- 2 Color enim lacteus in plâtarum succis ex oleosarum partium cum aqueis admixtione oritur, non secus ac in Animantium lacte.
- 3 Argumento est, quòd si oleosa lactis partes à serosis separentur, utraque diaphana evadunt.
- 4 Hinc etiam in destillatione Aqua ex Aniso. Ital. Aniso, aut Cinnamon, Nostrat Cannella, Hetrusc. Cennamo, ò Cinnamo, quod primum exit Spiritus, limpidus est, & diaphanus: Cum verò maximâ illius parte exhaustâ, reliqua ascendentes aqueæ particule oleosæ secum sursùm rapiunt, liquor turbidus, & albidus, ac si lacte suffusus esset, evadit.
- 5 Succus hic plurimum ad usus Medicos commendatur: Dolefissimo quippe Malpighio sanguini animalium respondere videtur; Eruditissimo vero Rajo ei, quam Barbari Planta Quintessentiam vocant, utpote qui plantæ odorem, saporemque, ac vires velut in artum coactas continet

Sive laceffitam ferro , seù sponte fluentem  
 Tu ne temne ; suis namque illa vel abdita venis  
 Sanguinis instar habet , vel pars est purior inde  
 Dimanans ; servat quæ ritè expressa saporem ,  
 Vimque Machaoniam , & plantæ genitalis odorem ,  
 Clausus & in parvo patrius vigor omnis in illâ est ,

Hæc docet , & seris mandat transmittere seclis  
 Thyrsidi plantarum cultrix Dea : protinus ille  
 Arripit , & secum memori sub pectore versat .  
 Intereâ prono succedens Vesper olympo  
 Inde monet Nymphas discedere : Docta relinquunt  
 Atria : successû felix sibi dædala plaudit  
 Ipsa etiam Anatome , densisque eduçta tenebris  
 Mira stupens inventa , suo se condit in antro  
 Clarior , & famam meritis majoribus auct .

*Finis Libri Primi .*







# BOTANICORUM.

## LIBER II.

**N**unc age , quæ Cauli foliorum innexa comantum  
Structura accedat , foliis quæ gratia Florum ,  
Posthuma commendet fructus quæ gloria Flores ,  
Aut jam maturis quæ semina fructibus insint :

Quorsum Capreol os , atque auxiliaria multis  
Tela , vepres , hirtosque pilos , Cirrosque tenaces  
Frugibus addiderit rerum fœcunda Creatrix ,  
Exequar . Has etiam medicas mecum inspice partes  
Dexter io ! Ambroside , & tenui adblandire Camœnæ ,  
Ipsas nosse juvet venas , penitasque latebras ,  
Pubescens redit unde Salus Mortalibus agris ;  
Miraturque ferox Lachesis ferrumque retundi ,  
Et nova jam vacuis succrescere vellera fufis .

Tuque adeò , sua cui referunt genitalia fruges ,  
Semina , frondentesque comas , florumque salubres  
Illecebras , cui Naturæ subiecta potestas ,  
Formæque , & numeri , & causarum mutuus ordo ,  
Hùc ades , æquævi exemplum Genitoris , & ingens  
Exemplar rerum , veri Sapientia Præses .  
Tu Vatem , tu , Diva , doce , quibus insita serpat  
Ductibus & foliis , & floribus abdita virtus :  
Quâ sibi maturos fœtus , quâ semina Caules  
Arte parent , optatam aliis paritura Salutem .  
Non mihi spernendus labor hic continget , & ipsam  
Gloria Te rerum artificem non parva sequetur .  
Non minus hinc Te nempe vel uno in flore licebit ,  
Aut tenui in folio , parvo que in semine magnam  
Mirari , & cœlo raptas attollere mentes .

Fulgentes astrorum orbes , & Cardinis axes  
 Stelliferi, cursusque, æternaque fœdera rerum  
 Excutiant alii, perque alto errantia cœlo  
 Signa Tuæ monstrent vigilis vestigia dextræ:  
 Divinæ satis una mihi facit agnita mentis  
 Vel folii textura fidem, dextræque potentis  
 Prodit opes, artemque, & Numinis argumentum:  
 His patet in minimis auctor Deus. Ergo age frugum  
 Hos quoque Pzonios scrutando evolvere textus  
 Ne pigeat, justamque oculis impendere curam,  
 Spectatum invitat patulis quæ ludicra ramis  
 Arguto illudens adfibilat aura susurro.  
 Afsultat latè pubes herbosa coruscis  
 Frondibus, & frondes adnatis floribus ornat,  
 Promissosque diù subdit, sua pignora, fructus.

Jamque (1) suas, pretium foliis, & floribus arbos  
 Queis faciat, gemmas Ramis turgentibus offert.  
 Has scrutare, satus foliorum edificere, & ortus  
 Si quis amor, florumque: (2) Virent & in arbore gemmæ;  
 Fæcundumque ferunt uterum, partuque renident.  
 Nempè sub his fœtus, provecta ætate novellos,  
 Aut tandem Autumno, felix quos concipit arbos,  
 Arbos, sive Frutex, latitant, tectoque recepti  
 Transmittunt atras Brumæ intractabilis iras.  
 Donec Vere novo, cœlo clementior annus  
 Cum redit, erumpunt: prodit novus inde tenellus  
 Surculus, & longos plantæ solatur amores.  
 Scilicet evadit primo quod Vere quotannis  
 Fronde nova exultans, Zephyrosque lacescit ovantes,  
 Haud tum concipitur germen; lenta otia dudum  
 Dissimulans latuit, gemmarumque abdita claustris  
 Implicuit folia, & florum primordia duxit,  
 Squamoso obvolvens tegumento, aptisque secundis.  
 Extrahit usque adeò patiens Natura laboris  
 Lenta puerperia, & paulatim ad grandia turgēt.

Nec

---

1 Subjicitur Gemmarum observatio, & Anatome.

2 Gemma igitur sunt Arborum, ac Fruticula satus novelli, qui quotannis ætate, ut Autumno pariuntur, squamosis tegumentis, veluti secundis obvoluti; quique per totam hyemem latitantes vere tandem novo in surculos explicari incipiunt.

Nec (1) magnus labor est illas deprendere visu ,  
 Cum primum tenero rumpuntur Cortice, furtim  
 Axillam foliorum intrâ tener ipse cubantes  
 Surculus ostendet , sese Junonius urget  
 Cum mensis , rutiloque calet jam Carcinus astro.  
 Naturæ (2) sic lege ratum : quos ipsa quotannis ,  
 Spem generis , teneros submittit idonea ramos ,  
 Pæcundos jubet ire : novas existere partes  
 Hinc videas , genitalis inest quibus insita Virtus ,  
 Organaque , in sobolem quæis Stirps se rite propaget .  
 Inde (3) recens Uterus : neque enim semel editus, idem  
 Perpetuò viget , & ramum sæcundat olentem :  
 Qualem sparsa serunt totis Animalia terris .  
 Quisque suum , primo in lucem quo truditur anno ,  
 Fert uterum Ramus , genitaliaque organa claudit ;  
 Enixusque brevi sterilefcit , & ubere Matrem  
 Dediscens , reliquum viget infæcundus in ævum .

Haud (4) verò Arboribus tantum, Fruticumque minori  
 Gemmarum luxus populo contingit : & ipsis  
 Restibilis venit Herbarum Radicibus , annum  
 Vulnerat aversum caudâ cum Scorpius , & cum  
 Frondentem sylvis Aquilo deturbat honorem .

Gemmarum (5) ignotum hoc, si vera est fama, Napæas  
 Edocuit Mater pretium Berecynthia primum ,  
 Pæcundosque sinus, obstrusasque edidit artes .  
 Festa dies aderat , sibi quâ celebranda quotannis  
 Sacra Deûm Genitrix indixerat . Undique Nymphæ  
 Convenere , nigris Idæ quæque ardua sylvis  
 Culmina, quæque lacus patrios, quæque alta profundi

Stagna

- 1 Hæ , auctore Malpighio , in nostris hisce Regionibus circa Junium mens-  
 sem è tenello surculo erumpunt intrâ solij axillam cubantes.
- 2 Singulis enim annis è tenellis quibusque Ramulis novæ emergunt par-  
 tes , à quibus excoquitur, & derivatur seminum materia , tanquam  
 è spermaticis organis .
- 3 Hinc non idem uterus in plantis perpetuò viget, ut in Animalibus ; sed  
 quisque Ramus eo , quo in lucem prodit, anno, proprijs gaudet sperma-  
 tificis organis , ac brevi usu sæcundus, vitæ reliquum infæcundum tran-  
 sfigit .
- 4 Nec surculi tantum arborum , aut fruticum , sed & Radices Herbarum  
 restibiles gemmas quotannis Autumno pariunt .
- 5 Undenam plantarum gemmis non satis antea exploratis lux, & pretium  
 acceperit , fabulâ illustratur .



Stagna colunt, campis & quæ spatiantur apricis.  
 Adfuit ante alias ramo caput obsita Phyllis,  
 Phyllis Hamadryadum pulcherrima: jamque ferenti  
 Sese alias inter mediam affulsere profectæ  
 Orbe alio, atque alio dites à Sole sorores,  
 Et Clio, & Beroë, Nymphæ Gangetides ambæ,  
 Ambæ auro, spoliis nitidæ rubri æquoris ambæ.  
 Namque suas ollis Matuta indulserat omnes  
 Gangis opes; cultu nec gemma accesserat uno  
 Aut collo decus, aut digitis. It plurima circum,  
 Perque sinus, perque ora suos fert prodiga census.  
 Gemma comas fingit, committit fibula vestes  
 Gemmea, Memnonios distinguit gemma cothurnos.

Ut primum fulsit lux indica, Phyllidis ægros  
 Perstrinxitque oculos, facibusque excivit iniquis  
 Invidiam: gemmante flagrans magis æmulus ignis  
 Gliscit ab igne. Sui miseram pudet, & rubor ipsum  
 Exuperat, trahit obnuptâ quem fronte, virorem.  
 Quid faciat? Turbæ stimulis agitata malignis  
 Ereptam nemori properè sese abdit opaco,  
 Et luctum lacrymis nequicquam irrorat amaris.

Non tulit indignos Nymphæ Bercynthia fletus:  
 Ignaramque suæ censu mage divite fortis  
 Incusans, dictis animum sic erigit æquis:

Te-ne adeò sterilis gemmæ Garamantidis ægram  
 Discruciet nitor, & stimulos sub pectore verset?  
 Nec nova gemmarum quæ Te fecundior ornet  
 Pompa, vides? Meliore vires ah nescia cultu  
 Ditiore, atque opibus vincis potioribus Indum.  
 Ne jactet sese ille: Irâ quas divite gemmas  
 Despuist is, lucis sunt infœcunda maritæ  
 Munera: proliparis circumfluis arbitra gemmis  
 Ipsa, novâque aperis sætos virtute smaragdos.

Sic ait; (1) & tenerum, Phyllis quo prædita, ramum  
 Arripiens, oculis prætendit, & inde virentum  
 Gemmarum ignotum referat decus. (2) Aspice, subdit,  
 Quæ viridi hinc passim turgēt de Cortice gemma,  
 Proh quantum gerit illa uterum! Subiturus in auras  
 Surculus hic latitat, foliorum hinc prima trahuntur

Apta

1 Bercynthia verbis reliqua Gemmarum Anatome expeditur.

2 Gemma igitur, cum sit veluti surculi compedium, ejusdem integratur partibus, quibus & Rami componuntur.

Apta rudimenta , & meditata insignia formæ :  
 Proinde quibus Ramus coalescit partibus , iisdem  
 Constat & illa : (1) suo vestitum cortice lignum  
 Dependas licet in medio , quod lignea circum  
 Fibra , suis turgens bullis Fibra mollibus ambit .  
 Sæpè pilis etiam cæu lacte albescentibus horret .  
 Squamatim (2) hinc illinc quas tractim erumpere cernis  
 Inde leves alas , foliis vestigia signant .  
 Horum quæ gemmæ exterius sunt nata tegendæ ,  
 Fluxa vel intereunt anno labente , figuram  
 Vel subeunt aliam , & mores cum tempore mutant .  
 Nec (3) tantum obtestis tuta hinc custodia circum  
 Accedit foliis , sed qui deductus in illa ,  
 Inque sinum gemmæ succus pervadit , avicis  
 Illorum utriculis hyberno tempore sensim  
 Excoquitur , longaque morâ mitescere discit :  
 Proliferâ donec pollens virtute faventis  
 Aëris auxilio lentâ sese arte carinam  
 In gemmæ revehat , teneri primordia rami ,  
 Atque ita vim foliis jam succrescentibus addat .  
 An Tibi quâ folia hæc vireant gemmantia formâ  
 Subjiciam ? (4) medio excurrentis haud corpore nervus  
 Tenditur hic , foliis qualis contingit adultis ;  
 At plures in fasciculos collecta sub auras  
 Turmatim assurgunt , appensi sive undique septam  
 Utriculis certo statuunt sibi limite metam .

F

Et

- 1 Quod enim in medio viget, tenellum est lignum, suo cortice circumdatum, fibris ligneis, utriculisque, ut ajunt, medullaribus contextum, & sæpissime candidis absitum pilis.
- 2 Ex eo hinc illinc folia erumpunt squamatim locata, quorum exteriora, quæ protegenda gemmæ inserviunt, vel temporanea sunt, & caduca, vel in alienam abeunt formam, ut multis ostendit Malpighius.
- 3 Hæc ipsa, ut idem philosophatur auctor, non tantum interioribus, & conclusis foliis custodiæ sunt, verum etiam in eorum utriculis succus excoquitur, & longâ illâ per hyemem morâ digeritur, donec exaltatus spermatico illo spiritu ope ambientis aëris in gemmæ carinam, surculum scilicet tenellum, revehatur, & ulteriorem foliorum excitet vegetationem.
- 4 Rursum hujusmodi gemmarum folia non suum nervulum ad instar foliorum stabilium per medium productum obtinent; sed multiplices fasciculi sunt, qui e basi assurgentes in proprios appensos utriculos desinunt.

Et nunc (1) illa quidem putri tandem arida squalent  
 Vista situ, stabilique locum jam defluta nato  
 Concedunt folio; gracili nunc subdita ductu  
 Pedioli in formam sensim tenuata recedunt.

Sæpe (2) etiam quæ juncta basim folia extrema gemmæ  
 Substernunt, specie, prodit quæ prima, mitellæ  
 Amissâ, atque alias, aliasque ex ordine rerum  
 Passa vices, stabilis folii se denique certam  
 In faciem vertunt, ramique in jura virescunt.

Quid (3) referam quantâ Ramo mansura vigenti  
 Arte paret folia, atque operi solertior instet  
 Omniparens Natura, cavis molita lutebris?  
 Linea se primò resupinam imitata carinam  
 Prodit: eam furtim suffuso humore tumentem  
 Appensæ de more secant utrinque fibellæ.  
 Undè etiam fortassè suis membranula pendet  
 Differta utriculis transversim in munus ituris.  
 Non secus ac primâ referunt Animalia formâ.  
 Hos ubi distendunt deducta alimenta, patescit  
 Tum folium, succoque illis turgentibus, illuc  
 Expandit sese, & spatij confinia laxat.

Quo (4) concepta situ gemmæ ista coërcita claustrò  
 Claudantur folia, ulterior spectare voluptas?  
 Haud facile est vulgare: sibi sic apta cohærent  
 Contracta in nodum, concordique adsita nexu,  
 Complexa ut sese servantque, tegantque vicissim,

Et

- 1 Contabescunt postremo foliola hæc, & tandem concidunt, exhausto jam  
 concocto humore; vel gracilescendo in pedioli formam absumentur.
- 2 Non autem sibi perpetuò constat hæc Natura Methodus; sed sæpè quæ  
 gemmarum basim præcipuè componunt, acutâ in mitra speciem amissâ  
 figurâ, aliasque passa vices, in stabilia tandem evadunt folia, quibus  
 furculus condecoratur.
- 3 Natura pariter Ratio in producendis stabilibus folijs mirabilis est. Prin-  
 cipio siquidem nervulus carinæ instar humore turgidus unâ cum appensis  
 fibellis prodit, è quibus utriculorum transversalium membranulæ pen-  
 dent, ut in primæva Animalium delineatione observatur. Patere au-  
 tem deinde occipiunt, deducto novo alimento, quia complicata sacco-  
 rum moles subeunte succo turget, & itâ folio latitudinem, & laxitatem  
 conciliat.
- 4 Foliorum etiam stabilium situs intra gemmæ claustrum mirabilis est; ita  
 enim ipsorum partes contorquentur, & complicantur, ut sibi mutuò  
 innexa tutò custodiantur, & minus spatij occupent.



Et spatio exiguo mirere latefcere fylvam.  
 Ut quondam, digito quam prætendebat ovanti,  
 Vocalem fertur signantem tempora molem  
 Carolus Austriades gemmâ clausiffè sub unâ,  
 Ipsum etiam captivum adigens ad vincula Tempus.  
 Tot volucres orbes, tot libramenta rotarum  
 Annulus angusto verfabat dædalus auro;  
 Aeternum Domino manfurum temporis index:  
 Haud aliter gemmæ parvo viridantis in orbe  
 Implexas foliorum alas, nexusque licebit  
 Infpectare, fatumque novi deprendere rami.  
 Accipe (1) vel Lapathi (2), Biftortæ (3) aut accipe gemmas,  
 Deinde finus fcrutare: levi conclusa patebunt  
 Singula membranæ velo folia arcta, retortis  
 Partibus in tergum geminis, majusque minori,  
 Quâ nervus latè excurrit, facere inde videbit  
 Præfidiumque, locumque: parè sic fœdere cuncta  
 Obvolvi, gravidæque pati fastidia gemmæ.  
 Pubentum (4) quanquam foliorum sæpè figurâ  
 Pro variâ & varius fitus est, rerumque novatrix  
 Cuique fuas aptè Natura accommodat artes.

At foliis (5) non gemma unis tumer omnis, & unos  
 Frondentes tantum ramos enititur: ipfo  
 Sunt quæ concepto florum se pignore ditant;  
 Atque arvum genitale fatu meliore coronant.  
 Quas primo sub Vere magis turgescere cernes,  
 Floriparæ Tibi fint; nam quæ florente tumescunt  
 Pignore Frondiferis molis discrimine præstant.

F 2

Sci-

- 
- 1 Sic exempli causa si Lapathi, aut Biftorta gemmam evolvas, singula folia membranaceo, tenuique sacco involuta comperies; ac gemmas superioris folij partes convolutas minori folio suprâ excurrentem nervulum locum facere; & sic de reliquis folijs usque ad minima decurrendo.
- 2 Aliter Rumex appellatur, Nostrat. Lampazzo. Hetrusc. Romice. 3. Ital. Biftorta.
- 4 Alijs etiam modis tenella folia intrâ gemmæ angustias coguntur, & complicantur, pro uniuscujusque figurâ, & compositione, ut expendit Grevius lib. de Anat. Plant. c. 4. & l. 4. de Anat. Fol. c. 1.
- 5 Forrò Gemmarum duo sunt genera. Altera folia tantum in se continent, & in furculos foliosos explicantur. Altera floribus etiam tumens, quæ facile à prioribus Veris initio magnitudine suâ discernuntur.

Scilicet (1) ipsi etiam verno qui fidere flores  
 Erumpunt, plures jamdudum ex ordine Lunæ  
 Transmisere, suis jam partibus undique lento  
 Informati utero, longosque tulere labores.  
 Sic Thymelæa (2) novos Jani sub mense bifrontis  
 Quos aperit flores, formatos ante nitentis  
 Signa sub Erigones fas est deprendere; gemmam  
 Nam tūm si resces, parvi petala omnia floris,  
 Eductosque apices, & conceptacula clausi  
 Seminis aspicias, rude, sed mirabile summa  
 Artis opus, tenui meditantis grandia nisu.

Quid majus spectata minor Lunaria subdet;  
 Nam (3) toto gravis ante anno vestigia partus  
 Sustinet, & fœtum paulatim extundit olentem.  
 Ipsa Tibi prœgnans referet signa obvia Radix:  
 Nirirum hanc supra, caulis quæ tollitur, (4) Aræ  
 Ceu florem exiguum, tenuem turgescere cernes  
 Folliculum, quem si resces, penitusque resectum  
 Perscrutere, ipsum molli sub tegmine germen  
 Discretum totis jam partibus, inque volutum  
 Aspicias, & ferre uterum mirabere plantam.

Hoc tu secundo gemmarum munere spreto  
 Auroræ invidæas donis, sterilemque præoptes  
 Lucisio! pompam, & luxu capiaris inani?  
 Ah tua splendidior tandem bona nosce, tuique  
 Conscia plaudentem donis potioribus effer.

His dictis erecta animo, nec jam amplius ulli  
 Invidet, aut ullo tabescit fulgure Phyllis.

Quin gemmis jam læta suis sese obvia gaudet

Ferre

1 Flores quippe omnes, observante Grevio, non secus ac surculi, suis omnibus informantur partibus, tribus, aut quatuor mensibus, & interdum dimidio anno, & amplius. antequam in lucem, & conspectum prodeunt.

2 Sic ex. gr. flos Mezerei, seu Thymelææ Ital. Timelea, qui Ianuario mense interdum aperitur, circa medium Augustum Anni præcedentis integre formabatur; tunc enim si gemmam cautè disseces, floris petala, ejusdemq; apices, seminis conceptaculum cingentes non obscuris indicijs deprehendes.

3 Quid fortasse insignius in Lunaria minori, Ital. Lunaria Minore observavit peritissimus noster Fabius Columna; nam in huiusce plantæ pedicelo supra Radicem folliculum quendam deprehendit, tanquam Aræ florem exiguum, in eoque plantulam ipsam suis omnibus absolutam partibus, & complicatam delitescentem.

4 Ital. Aræ. Litrusc. Giaro, Gichero, è piè vitellino.

Perre palam rufsum , & meliori effulgere cultu .

Sic gemmis , foliis unde est , & floribus ortus ,  
 Ausus honor , Sacros lustrare , Botanice , partus  
 Interea Tibi , Prænios & discere mores ,  
 Ne grave sit . Multum fluxo hoc de munere fluxæ  
 Præsidium vitæ , & rebus tutela caducis .

Inde (1) sati in primis folii prædiscere partes ,  
 Ingeniumque , habitumque , & non imitabile textum  
 Juverit , educamque oculis evolvere gazam .  
 Scilicet & folio vis est sua , formaque cultu  
 Non uno , & medicas non ultimus usus in artes .

Quæ (2) Cauli , par ipsi etiam textura : cavatas  
 E ligno hic etiam fas quippe agnoscere fibras ,  
 Insinuat sese queis lymphæ-ductibus humor ,  
 Tracheasque , suisque fibratum Rete refertum  
 Vtriculis , necnon patrio turgentia succo  
 Vascula , & obductam protentâ Epidermide vestem

Emicat (3) è Rami ligno interiore micantis  
 Pediolus primùm , lignosis undique fibris ,  
 Tracheisque cavis , Vasisque instructus avitis  
 Permixtè , fascemque coit compactus in unum .  
 Mox ubi (4) subnexum in folium sese explicat , alter  
 Ceù caudex , iterum in ramos diducitur : & nunc  
 Nervuli in effigiem procurrens longius illos  
 Hinc submittit , & hinc : Subdit nunc protinus , & se  
 Conspicuos secat in nervos , frondemque pererrat ;  
 Quale Hedera folium , Lenæum infigne , virescit .

Hinc

- 
- 1 Foliorum observatio atroxitur , & Anatome .
  - 2 Folium ejusdem , quibus Caulis , partibus integratur , nimirum fibris ligneis , qualimpha-ductus sunt , Tracheis , utriculis fibrarum reticulam riter contextarum spatia replentibus , Vasis specificum succum deferentibus , & Cuticulâ .
  - 3 Principio pediolus erumpit , fistulis ligneis una cum Tracheis , & vasis peculiaribus è tronelli surculi profundiore ligno derivatis , & in fasciculum collectis coagmentatus .
  - 4 Hic idem deinde , tanquam peculiaris caudex , in ramulos alios scinditur , & frequentius quidem sub nervuli specie in longum excurrentes hinc illic illos subdit . Aliquando verò statim ac folij latitudinem attingit , & scinditur in minores ramos , ut in Hedera folijs , alijsque apparet .



Hinc foliū (1) in latum crescentis plurima partem  
Linea præcipuam, nervorumque obviū ordo  
Occupat, & vario peragit subtegmine textum;  
Nam quæ lignosæ exiguo de caudice fibræ  
Existunt, hūc parva arbor velut altera, & illūc  
Discedunt, signantque novis divortia ramis:

Uterius qui deindè satū leviorē minores  
Progenerant: latis abeunt erroribus illi  
In diversā, sibi que iterum per mutua nexi  
Reticulatum ineunt, telæ cū liciā, textum.  
Quale patet, defluxit ubi levis utraque frondis  
Cuticula, aversā folii vel *Salvia* parte  
Quale refert jam caule virens, oculisque recludit  
Pervia. (2) Quæ maculis interjacet area crebris,  
Utriculis facit apta locum, quos lineā longam  
Protrahit in seriem. Patulis hinc frondibus omnis  
Crassities: illos succi pro more latentis,  
Compressu & vario non uno errore vagantes  
Exteriùs videas, variasque obtendere formas.

Sæpè (3) etiam hos inter, fibratum & Rete subinde  
Folliculi quidam latitant, qui subter hiantes  
Expirant tenues humenti è pectore rōtes.

Et suus (4) est propriis vasis locus inter amicos  
Utriculos, fibrasque ambas, quæ ritè parato  
Tenduntur succo, generisque insignia servant.

Ipsè

- 
1. *Pediolo appenditur folium dilatatum, cujus præcipuam partem nervi occupant vario ritu producti. Fibræ etenim lignæ è pediolo excedentes, velut minima quadam arbor, hūc illūc disperguntur, & solvuntur in ramulos, & hi rursum in tenuiores surculos, qui sibi mutuò occurrentes in reticulares plexus contexuntur, ut in plerisque folijs, consumptâ utraque cuticulâ, oculorum judicio deprehenditur, & in *Salvia* folijs adhuc virentibus aversâ præsertim parte.*
2. *Reticularium plexuum maculas utriculorum series è nervulis emanantes, & quasi ab ipsis pendentes replent, unde foliorum crassities existit. Ipsi autem ex contenti succi naturâ, & mutuâ compressiones aut laxitate varias subeunt figuras.*
3. *Inter utriculos, & fibratum Rete in plerisque folijs, ut observavit Malpighius, peculiare folliculi, seu loculi disperguntur, qui patenti hiatus foras vel halitum, vel humorem fundunt.*
4. *Peculiaria etiam in cujusque folij textu misceri vasa, quæ concoctum, & ac proprium plantæ succum contineant, humoris ipsius è folijs erumpentis experientiâ liquet, qui colore, & crassitie facile se prodit.*

Ipsè (1) Tibi color , ipse Tibi sæpè obvia succi  
Signa dabit lentor . Tichymali (2) è fronde refectâ  
Lacti nonne vides ut concolor emicet humor ,  
Fronde Chelidonii (3) subluteus? æqua potestas  
Frondebis est aliis , patrius sine stemmate succus  
Sit licet his , nullâque notâ discretus oberret .

Has (4) omnes , folium constat queis Textile , partes  
Obvoluit tenui protentâ Epidermis amictu ,  
Custoditque , fovetque , refert atque inde colorem .  
Extremum ast unguem sinuoso crassior ambit  
Zona sinu , & certo describit margine fines .

Hic folii textus : sed non & (5) forma videri  
Grata minus : juvat ipsa decus discordia , & ipsas  
Duplicat illecebras varii discrimine cultus .  
Quos non Mæandros , quæ non hic ducta figuris  
Diffidia , artifices quos non mirabere lusus ?  
Haud ita multiplici variant baby lonia tractu  
Texta nurus , filis cum fila , atque orbibus orbes  
Dispensant digitis , radiisque sonantibus errant ;  
Ut græpum discors folii textura renidet  
Natura variante , modis & ludit apicis .

Ah valeant quæcunque Phrygum portenta sagaci  
Ars mentitur acu , pictas ver textile solers  
Induere in telas , & jam sua munera sylvas ,  
Vna meos , foliis errat quæ blanda , moretur  
Forma oculos ; hæc una trahat dulcedine sensus ,  
Hic varios habitus , caules queis alma comantes  
Omniparens vestit , villosque , & dædala mirer  
Velamenta , manus & non superabilis artes .

Aspice , ut hic folium nervo deducat ab uno

Haud

- 
- 1 E sætis siquidem Tithymali folijs, Cichorei, & similium lac emergit. &  
Chelidonio humor subluteus. In reliquis, quia limpidus, aut aquosus hu-  
mor est , nullam sui exhibet notam , adesse tamen Analogia evincit .  
2 Ital. Titimalo , ò Titimaglio , ò Tutumaglio. 3 Ital. Celidonia.  
4 Has omnes partes , quibus folia coagmentantur , levis superextensa Cuti-  
cula , seu epidermis obducit , quæ subiectorum colorem refert , ip saque  
contenta con vestit , & custodit. Extremus verò foliorum unguis , seu  
margo , quasi Zonâ , seu Crassiore lineâ circumdatur .  
5 Foliorum differentie , quæ plurimùm faciunt ad oculorum illecebram ,  
describuntur .

Haud (1) unum! ut castâ digitatum in (2) Vitice, longâ Pennatum in (3) Viciâ, graveolenti in caule (4) Cicutæ, Angelicæque (5), Apioque; (6), tuo vel (7) Thapsia crine, Rutaque (8), Fœniculumque; (9), Ammi; (10) exile, refingat Multifidum! (11) Simplex illic se subdere nervo Det facili, formamque novo sibi fingere ritu! Et nunc planum illud subigat, protendat in auras Nunc teretem, longo excurrit cœu fistula tractu! Nec modus hic: sua sunt iterum discrimina plano, Sunt tereti sua; nam (12) tendunt hoc juncea fartum Gramina (13), dant vacuo Cœpæ (14) procurrere ductu. Ast (15) illud nunc æquali sibi margine textus Claudit, inæquali fallit nunc ductile limbo. Nam modo frondescens sinuoso fimbria tractu Volvitur, illam æquis seu plurimus intervallis Angulus, & conis interdistinguat acutis: Quali se cultu foliosa Bryonia (16) jactat; Ollis seu careat, Smilax (17) velut aspera prodit. Excurrrens eadem modò fimbria scinditur, & jam Segmentis scatet oblongis, jam prædita crenis, Exertis virides jam dentibus asperat oras; Grator arridet formâ variante venustas.

Quis

- 
- 1 Dividitur igitur folium in Compositum, & Simplex. Compositum est, quod uno pedicelo, seu nervo, & pluribus lobis, seu lacinijs constat. Quod rursum est vel Digitatû, ut in Vitice. 2 Ital. Agnocallo. Hetrusc. etiam Vetrice; vel Pennatum, ut in Viciâ. 3 Ital. Veccia; vel multifidum, ut in Cicutâ 4 Ital. Cicutâ, Angelicâ. 5 Ital. Angelica. Apio. 6 Ita. Appio Hetrusc. Petroselinolo, ò Prezzemolo, quod aliter Petroselinum nuncupatur: quibus lobi, seu lacinia sunt latiores: in Thapsia 7 Ital. Tapsia & Ruta. 8 Ital. Ruta; quibus sunt angustiores: In Fœniculo. 9 Ital. Finocchio, & Ammi 10 In officinis Ameos, quibus sunt omninò capillares.
- 11 Simplex est, quod non dividitur in lobos, seu lacinias distinctas: quod rursum est, vel Planum, vel Teres.
- 12 Teretis alterum genus est fartum, ut in Gramine Junceo. 13 Ital. Giunco, Specie di Gramigna. Concauum alterum, & fistulosum, ut in Capa Ital. Cipolla.
- 15 Planum verò margine est, vel integro, & æquali, vel inæquali, eoque, vel sinuato, seu angulatus ille sit, ut in Bryonia 16 Hetrusc. Brionia, ò Vitalba: seu sine angulis, ut in Smilace Aspera 17 Ital. Specie di Smilace; vel scisso, quod iterum vel laciniatum est, vel Crenatum, vel Dentatum.



Quis (1) memoret sua quæ foliis discrimina subdit  
 Ipsa superficies discors sibi? Iavis agresti  
 In Lapatho (2), Betâque (3), hirsuta in (4) Lychnidis herbâ.  
 Verbascoque (5), suamque umbrans lanugine pubem;  
 Aspera (6) linguosis Buglossi in frondibus, (7) hirtis  
 Cuspidibus, crebrisque rigens Tibi, Cardue, spinis.  
 Quis, (8) quæ fert dispar ætas, ortusque, situsque?  
 Quis (9), quæ dat color? haud siquidem sibi constat, & auctis  
 Par viret in foliis; at versicoloribus illa  
 Sæpè notis variat, maculisque, striisque pererrat.  
 Sæpè etiam in croceum pallet, sæpè omnis in atrum,  
 Aut in cæruleum vergit, vel discolor arvis  
 Aut rubet, aut albo illusus canescere gaudet.

Id (10) longo compertum usu, fixumque, comantes  
 Herbarum Caules (unam si polline demas  
 Albentem insperso Atriplicem (11), certosque (12) Amaranthos)  
 Tum stabili tandem sibi lege virescere, frondes  
 Cum primùm explicuere: comis frondentibus, illos  
 Inficit extemplo viror, & sua texta colorat.  
 Unde autem viror hic passim pubentibus herbis  
 Obveniat, lis est. (13). Illum sibi maxima Juno

G

Ven-

- 1 *Sunt alia etiam foliorum differentia à superficie; illorum enim alia lavis sunt, ut in Lapatho.* 2 *Ital. Romice, & Beta.* 3 *Hetrusc. Bietola; alia hirsuta, seu lanuginosa, ut in Lychnide.* 4 *Ital. Licnide, & in Verbasco.* 5 *Ital. Verbasco, ò Tassò Barbasso.*
- 6 *Alia aspera, ut in Buglossò.* *Ital. Ruglossa, ò lingua di Bue. Hetrusc. Borrana, ò lingua buona.* 7 *Aculeata demum alia, & Spinosa, ut in Carduis.* *Ital. Cardo.*
- 8 *Sunt rursus alia differentie respectu durationis, ortus, & situs.*
- 9 *Sunt alia demum respectu coloris; non enim in folijs omnibus constans est viror; Sed pleraque maculosa etiam sunt, & striata; alia etiam in luteum languentia, obscure virentia, ad cæruleum vergentia, rubentia, candida, & incana.*
- 10 *Id autem compertum, Herbarum ferè omnium, paucis admodum exceptis, Atriplice,* 11 *Ital. Atriplice. Hetrusc. Atrepice, ò Trepice, & Amarantho.* 12 *Ital. Amaranto, ò Fior velluto. Hetrusc. Sciamito, folia postquam explicantur, Caules etiam colore viridi imbuuntur: Cujus coloris, quæ causa sit, ambigitur.*
- 13 *Plerique Aëri eum adscribunt, hac ducti ratione, quod Radices humi latitantes alba plerumque sint, nunquam certè virides; & folia ipsa, aëre excluso, ejusque appulsu prohibito, albescant, ut in Brassicis, & Lactucis capitatis videmus; quarum folia interiora liberi aëris usura privata colorem album contrahunt.*

Vendicat hinc , omnis paret cui subditus aër,  
 Acceptumque refert liquidis afflatibus æthræ.  
 Hinc altè Terris plerumque albere latentes  
 Radices , & quæ longè submovit ab ipso  
 Aëris appulsu folia abdita , [1] Brassica, vel quæ  
 In caput excrescens intus [2] Lactuca coërcet.  
 Inde [3] suæ duci de munere lucis , & haustu  
 Herbarum , frugumque potens contendit Apollo .  
 Perspicui ostentans obtectas aggere vitri  
 Axe sub Arctoo, tumidoque sub æquore merfas  
 Aërio procul afflatu revirescere plantas .  
 Nec maris [4] herbiferi Dea nata salacibus undis  
 Alma Venus pro se pugnat minus: Illa sequaci  
 Admixtis succo salibus , quo planta fovetur ,  
 Adscribi certat , qui ducitur ore , virorem .  
 Quæ [5] se cunque probet ratio tibi verior , illud  
 Sit certum , cælo frutices, herbasque virentes  
 Liberiore frui : cælo planta omnis aperto  
 Lætior exultat , tepidasque assurgit in auras.

Quà [6] tardus plauistro fulget stellante Boötes,  
 Noctivagamque Helicen custos agit, axe sub ipso  
 Parrhasio , herbosæ pubis fert fama fuisse  
 Cultorem egregium , quo non præstantior alter,  
 Aut stirpes alere , aut penitus perquirere mores.  
 Is plantam testâ exceptam de more tenellam ,

Vitro

- 1 *Nostrat. Cauolo Cappuccio. 2 Nostrat. Lattuca inconocchiata.*
- 3 *Alij lumini tribuunt, ejusque actioni; nam externo etiam aëre excluso planta nonnulla viridem utcumque colorem acquirunt, ac retinent, ut in pluribus cernitur vitreis operculis tegi solitis; & in ijs, quæ aquis immersæ virescunt, quibus vel nihil, vel parum admodum aëris pervium est.*
- 4 *Nec desunt, qui salinis particulis, quas aër planta succo communicat, vertendum putent, quæ eam in viridem colorem mutant.*
- 5 *Quidquid autem de ijs sit, certissimum est plantas aërem liberum, & apricum affectare: quod luculentissimo experimento ostendit eruditissimus Sharrocus.*
- 6 *Is plantam tenellam fictili exceptam in fenestra collocat, cui una vitri, quo obtecta erat, quadra deerat; eamque deprehendit inclinatam foramen versus rectâ tendentem. Deinde fictili converso, ita ut Caulis inclinatio à foramine aversa aliorsum spectaret, pariter reperit reflexo iterum Caule, & in formam literæ C incurvato, ad foramen iterum se dirigere.*

Vitro ubi fulgebat præclusa fenestra, locarat  
 Caule suo stantem: nec longum tempus, & illam  
 Repperit inflexo Vasis per summa meatu,  
 Quâ vitro vi duatum uno speculari patebat,  
 In Cælum sese, curvæ propaginis instar,  
 Urgentem, thyrsoque foramen inane sequentem.  
 Aversamque aliò rursus, deprendit eòdem  
 Flecti iterum, vacuasque viam affectare sub auras.  
 Tantus amor cœli, libertatisque cupido.  
 Tam miro fruticis Saturnia risit amori  
 Ex alto, plaudensque unâ Junonius ales  
 Latius explicuit caudæ stellantis honores.

Nec vero (1) aut nullo funguntur munere frondes;  
 Aut tenui, & luxu nequicquam augentur inani:  
 Est suus, est ollis usus: sua debet inermis  
 Munimenta ollis stirps herbida. Nempè fovetur  
 His tenerum impositis germen, fructusque coævus,  
 Sicubi succrescit fœto cum germine fructus.  
 Ipsæ (2) etiam viridem firmis jam stirpibus umbram  
 Sufficiunt, nimios frangunt & tegmine Soles;  
 Ne gravior fœtus æstu torrente novellos  
 Cynthius, aut calidis Procyon latratibus urat.  
 Hinc (3), reor, Autumno livens cum brachia tendit  
 Scorpius, excussis jam fructibus, & simul omni  
 Duratâ jam stirpe, nemus latè omne caducæ  
 Insternunt proprio perfunctæ munere frondes.  
 At ubi (4) perpetuo terris Sol incubat æstu  
 Torridus, ipsæ etiam, mendax ni fama, virescunt  
 Perpetuò plantis, & fervida tela retundunt.

G 2

Sunt

- 
- 1 Porro quisnam foliorum usus sit à Natura institutus, Casalpinus idcirco ea plantis data existimat, ut tenerum germen tueantur, aut etiam fructum, ubi fructus erumpit cum germine.
- 2 Postquam verò eadem explicata sunt, germine adultiore, alium usum præstare videntur, umbram scilicet, ne à Sole plus justò torreantur, tum fructus, tum novella germina.
- 3 Hinc pluribus, de vexo jam Autumno, decidunt folia, perfectis jam fructibus, & germinibus induratis.
- 4 In Calidioribus autem regionibus, ubi perpetui ferè sunt æstus, arborum nullis folia decidunt, ut potè perpetua foliorum opera indigentibus ad umbram faciendam.



Sunt etiam (1) vernis alium qui frondibus usum  
Attribuunt : illis imâ è Radice regestum

Ritè coqui succum , plantisque alimenta parari .

Succiferâ plantis condi vernantibus aptum

Fronde penu ; sese primos quo lactet in ortus

Erumpens Caulis , propior quo gemma tumescat ,

Parvaque concipiant digestas semina vires .

At non (2) se plantæ solos pubentis in usus

Impendunt folia , & miseræ se in comoda vitæ

Pæoniis ultrò auxiliis impendere norunt .

Haud aliunde feres vitæ præsentius unquam

Præsidiumque , lucrumque : Potens his Salvia (3) nervos

Roborat , his cerebro prodest (4) Betonica , cordi

Læta Melissa (5) , gravem tergit (6) Sena ardua bilem .

His (7) etiam summi Gnato Genitoris olivas

Pallentes inter secretâ in valle dolenti

Indoluit tellus ; nam quo jam morte futurâ

Pallidus ille loco , duro sub fasce laborum

Procubuit , roseum volvens è corpore flumen ,

Mira fides ! plantam perhibent viruisse , notatis

Testantem heù diræ descriptam mortis amaram

Vim memorem foliis , & barbara fata querentem ;

Tam mira herbofis fati tela aspera contra

Infita vis foliis , ut , quâ licet , æqua doloris

Signa ferant , sortemque notis miserentur acerbam .

Salve

1 Alium præterea usum hys attribuit clarissimus Malpighius , ut nimirum alimenti coctioni inserviant . Nutritivæ namque succi portio , quæ Radices subingreditur , à ligneis fistulis in folia exoneratur ; ideò necessè est , ut in ipsorum quasi transversalibus utriculis moram trahat , & antiquo succo commisceatur , & fermentetur .

2 Potissimus verò foliorum usus est in artes Medicas , ut exemplis foliorum Salvia , Betonica , Melissa , & Sena innuitur .

3 Ital. Salvia & Ital. Betonica ; aliter Vescionica , à Vescionibus Hispania Populis , qui eam invenerunt , nomen sortita ; cuius idcirco antepenultimam producendam satius duximus , quia penultima in Vescione à Lucano , cuius multò potior est autoritas , producitur . Luc. l. 4. Vescionesque leves .

5 Ital. Melissa . 6. Ital. Siena .

7 Brevis digressio in Arborem , ex Hegesippi fide , eò loci enatam , ubi amantissimus noster Servator in Gethsemani horto Patrem oravit ; in cuius folijs inscripta legebantur hæc verba : O mors , quàm amara est memoria tua !

Salve Arbor dilecta polo , dilecta Tonanti ,  
 Illius irrigui dio fata sanguinis imbre ,  
 Culta manu Charitum , teloque instantis Amoris  
 Inscripta aurifero . Te mobilis aura Favoni  
 Suspirat circum , ploratque adgemit umbræ .  
 Et ernum ò vireas ! præfers mihi funera quamvis .  
 Vel sic mæsta places : diæ sic nempe salutis  
 Jamdudum optatæ prodix vestigia, pictâ ,  
 Mors quando, quam fronde refers, tulit una salutem.  
 Herbarum & foliis atræ mala semina mortis  
 Frangere adhuc dubites ? votis mora degener obster  
 Ne qua tuis , foliis habiles Vis Provida rerum  
 Addidit & flores. (1) Florum lato omine fretus  
 Aude animis iterum , & certam spe præcipe laurum .  
 Hoc Syllanæ acies dubitata in prælia quondam  
 Erectæ auspicio , palmamque ex hoste tulere .  
 Lata suis monumentum insigne Fidentia campis  
 Servat adhuc , Zephyrosque docet narrare loquaces ;  
 Hic Marii paribus contrâ signa obvia signis  
 Syllanas Lucullus agens in bella phalanges  
 Constiterat ; rauco cum longè adversa repenti  
 Æra sono cecinere , truce poscentia Martem .  
 Hæsit tum numero inferior Dux inclytus, illum  
 Nec quid agat, subit: ancipiti mens fluctuat æstu .  
 Armatas conferre manus hinc æmula virtus  
 Suadet, iners illinc revocat timor. Ambigit armis  
 Imparibus , dubioque timet decernere Marte.  
 Dum trepidat, libratque metus, atque omnia versat  
 Ecce Tibi roseis solito vehementior alis  
 Allabens Zephyrus vicino è rure revulsos  
 Vi blandâ in nimbum flores agit, æriumque  
 Palantes per inane rotat : volat acta per auras  
 Florida diluvies , vernantemque errat in imbrem ;  
 Qui tandem illapsus Syllana in castra cucurrit  
 Tela per , & clypeos , & ovantes casside frontes ,

Im-

1. Fit gradus ad Florum Observationem , candidiusque ab ijs in Morborum  
 victoriam capitur auspiciu, exemplo M. Luculli Syllanarum partium  
 Ducis, qui numero inferior cum Marianis congregi ad Fidentiam cum  
 non auderet , florum auspicio confirmatus , qui ventorum vi è propin-  
 quo campo evulsi in suorum Militum arma , & galeas coniecti fuere ,  
 signa consulis , victoriamque ex hoste reportavit ; ut habet Plutarch. in  
 Sylla ,

Implicuitque rosis : pluvium Ver crinibus hæret ;  
 Atque repentinis vernat galea obsita fertis .  
 Tum verò firmati animi : Dux ipse morantes  
 Increpat , & trepidas ciet in certamina turmas .  
 Pergamus, Zephyris quò Fata vocantibus, inquit ,  
 Sollicitant , sparsoque ferunt jam germine palmas .  
 Cernitis ? ipsa moræ impatiens Fortuna coronas  
 Anticipat , certisque vocat matura triumphis .  
 Nec plura effatus , pugnam committit , & hostem  
 Impetit auctor : ovens sequitur Victoria pugnam .  
 Ipse triumphales prospectans eminens umbras  
 Vernantum Capitem trepidat Marianus , & ultrò  
 Præcipiti dat terga fugæ : fugientibus instat  
 Lucullus , multosque manu dat stragis acervos :  
 Adversisque Aquilis victor , castrisque potitus ,  
 Armipotens, tandem magnum Tibi, Flora, trophæum  
 Erigit , & fertis spargit victricibus aras .  
 Fausa adeò Veris formosi est gratia , semper  
 Nec sterili fallax illudit odore venustas .

Ergo (1) age, & halanti florum de munere cæcam  
 Adversus Lachesi vitæ Tibi lætius omen  
 Concipe , nec facilem dubites committere pugnam .  
 Ipsa vocat pulchro quæ vis è germine spirat  
 Grator, argenteamque animam diffundit ad auras,  
 Haud illos temerè delectis addidit herbis  
 Alma Parens Natura : oculis formosa probavit  
 Heu stomachis invisa ægris medicamina : votis  
 Hinc gratum infidiata, Juventæ Floribus omnes  
 Blanditias , omnes afflavit Veris honores

Ipsa (2) manu calycem vigili molita, volenti  
 Supposuit flori , blandum Tibi (3), Thapsia , fulcrum;  
 Molle Tibi tegumen (4), Ranuncule, quæque per agros  
 Surgitis erecto sæcunda (5) Papavera collo ;  
 Puniceis sed utrumque Rosis, Pomisque, Pyrisque  
 Atque tuo , quo mœsta vires, (6) Astrantia, flori.

Cras-

- 1 *Florum igitur per partes instituitur observatio .*  
 2 *Prima pars est Calyx , qui pars est floris posterior crassitudine quadam  
 majori à pediculo distincta . Ejus munus est flores vel sustinere , vel in-  
 volvere , vel utrumque præstare . Fulcri munus gerit in Thapsia . 3 Ital.  
 Tapfia , & in omnibus penè Umbelliferis : Involucris in Ranunculo 4  
 Ital. Ranunculo, & piè corvino, & Papavere 5 Nostrat. Papagno.  
 Hetrusc. Papavero . Utrumque vero præstat in Rosa, Pomo, Pyro, &  
 Astrantia, 6. Ital. Specie di Sanicula , & d'Imperatoria ,*



Crassius hinc turgentem oneri succedere jussit ,  
 Officioque parem , vernasque exponere gazas .  
 Nec (1) formam despexit : ei quoque ritè vacavit  
 Dædala ; multiplici nam nunc digessit in orbem  
 Pubentem folio , aut , viridi velut imbrice , squamis  
 Suffulsit superimpositis , ceu Carduus effert  
 Quo florem ; (2) duci circum nunc simplice jussit  
 Polliculo , variis secto plerunque virenti  
 Margine segmentis . (3) Rursumque exire rotundum  
 Hunc dedit , hunc teretem , famâ quo cognite gaudes  
 Caryophylle (4) , illum sed (5) Othonnæ in flore striatum .

His , aliisque (6) modis Calycem meditata , decoris  
 Instruxit petalis , omnemque his sedula fucum ,  
 Omne , fugax quamvis , decus indidit , indidit artes  
 Et medicas , crebrisque dedit rorescere bullis  
 Succiferis , spirisque volens vitalibus auxit .  
 Addidit (7) his etiam calathio conclusa capaci  
 Stamina , vernanti florum surgentia fundo  
 Stamina , staminibusque Croco pallente , vel albo ,  
 Aut atro illusos apices , quandoque rubentes ;  
 Quale micant , memoras quam , Parkinsonæ , (8) Triphyllæ

Nec

- 1 *Forma spectari est non injucunda ; Nam nunc composita est ; eaque vel foliis pluribus constans juxta se positis , ut in Eupatorio Cannabino , & Scabiosis ; vel ex folijs , aut squamis sibi invicem arcte , & imbricatim insidentibus , ut in Carduis .*
- 2 *Nunc simplex est , margine plerumque in lacinias secto .*
- 3 *Eademque rursus in alijs rotunda est , in alijs teres , ut in Caryophyllo .*
- 4 *Nostrat. Garofalo. Hetrusc. Garofano , ò Gherofano ; Striata vero in Othonnæ flore , quæ Tanacetii species est .*
- 5 *Ital. Specie di Tanacetto , ò di Fior d'Africa , over di Garofano di Spagna .*
- 6 *Altera florum pars sunt Petala , folia nempe illa forma , & colore reliquis partibus præstantia ; sic primum à Fab. Column. nuncupata , ut à foliis propriè dictis distinguerentur . Quæ ex Malpighio suis coalescunt fistulis , tracheisque , omnique vasorum genere instructa pendentibus utriculorum seriebus integrantur .*
- 7 *Tertia pars sunt stamina , tenuia nimirum illa capillamenta , quæ floris medium tenent . His adduntur Apices , qui summa sunt staminum partes crassiores . Horum color frequenter Croceus , interdum nigricans , aliàs albescent . Observatus etiam purpureus , sed rarius , ut in Hepatica Trifolia .*
- 8 *Ital. Epatica , ò Pegatella di tre frondi , specie illa , quam describit Parkinson penes Rajum t. 1. p. 17 .*

Nec (1) Te præterit, torno quod ductile, floris  
 Pars nova, Pistillum, media inter stamina turgescens.  
 Scilicet hæc inter mirâ simul extudit arte  
 Te quoque; nuncque instans operi Te mole rotundum,  
 Nunc Ovi in faciem cudit, nunc ire Trigonum  
 Iussit, & elato Capitatam assurgere cono.  
 Sæpe (2) rudimentum fructus dedit esse, tenellum  
 Sæpe caput ductâ petalorum insigne coronâ;  
 Quale refert umbellifero stirps germine, quale  
 Alba (3) refert Nymphaea: basis sæpè instar eidem  
 Supponi, & viridi sublimem attollere dorso;  
 Ut lactens (4) Tithymalus, agrique virentis apricus  
 Granadilla (5) dolor, nec non & (6) Capparis offert.  
 Hæc rerum Artifici risit magis omnibus una  
 Pistilli effigies, flores quò tundere discas,  
 Vernantesque liquare animas, pistoque virentem  
 Præcipias oculis in germine Pharmacopæam.

Haud (7) tamen hoc contenta, Stylum superaddidit altâ  
 Cuspide, vel cono, globulove, aut pluribus ultrò  
 Cornibus extantem, & sese in sublime ferentem.  
 Quin ipsum benè cauta stylum differat hiantem  
 Utriculisque, tubisque, vagus quâ ventilet aër  
 Substantem fructum, atque exudet inutilis humor.  
 Succo etiam oblevit, quo surreptantia furtim  
 Arceat insecta, & fœtum tutetur inermem.

Usque

- 1 *Quarta pars pistillum est; sic eam Turnesfort. t. 1. p. 70. appellat, quæ floris centrum inter stamina occupare solet. Illud autem multiforme est, vel Sphericum scilicet, vel Ovatum, vel Triangulum, vel Capitatum; Fusi, aut Pistilli, quo utimur ad tundendum, formam habens; unde & nomen.*
- 2 *Pistillum sæpè nihil aliud est, quam tenerimus fructus. In Umbelliferis verò fructus caput potius videtur, circum quod petala disponuntur, quam etiam speciem præ se fert in Nymphaea alba 3. Ital. Nenufar à fior bianco. At in Tithymalo 4 Ital. Titimalo, o Titimaglio, Granadilla. 5 Granadiglia, ò fior di Passione, Cappari. 6 Nostrat. Chiappararo. Herrusc. Capperio, pediculi instar nascentem sustinet fructum.*
- 7 *Pistillo Stylus adjungitur, vel cuspide, vel cono, vel globulo, vel cornibus terminatus: meatibus etiam, vesicis, ac tubis admodum exiguis obitus, quâ alimenti pars ineptior egeratur. Multiscissus insuper est, quò facilius aër ad semina ducatur, & ea perficiat; lentoque succo obducitur, quò minima insecta ab his arceantur; ut monet Malpighius.*

Uſque adeò temerè nihil, & ſine numine, Rerum  
Molitur Genitrix, ſemenque educere tanti eſt.

Nimirum (1) idcirco Florum virtute parentes  
Donavit plantas; formari hinc fœtus, & idem  
Nutriri ut poſſet: Fœtus ſunt Viſcera Flores.  
Excoctum hinc teneros alimentum in ſeminis artus  
Purius, (2) excretâ per concava ſtamina ſæce,  
Ducitur, & labris lac immulgetur amicis.  
Præcipuè Zephyris cum jam fœcunda maritis  
Incipit è Calycum patulo orbe dehifcere Chloris,  
Ludenteſque ſuis perſundit odoribus auras.  
Ne mihi tum florum petala alma procacior Euris  
Decutiat, dum lactis eget, dum pabula poſcit  
Prima recens fœtus: Jejuni duriter ipſis  
Cum petalis fructus heu! ſpes intercideret omnis,  
Votaque folliculo fœtura eludet inani.

Quamquam (3) non ſemper vernis hic floribus uſus;  
Nam neque ſeu fructus ſemper, ſeu ſeminis alvum  
Obſedere: Sui ſunt qui vix parte cohærent  
Fructibus, ut Peponum gens turgida prodiſt; [4] ab illis  
Sunt qui ſejuñctum ſua per divortia rami  
Optavere locum, & propius ſervire recuſant:  
Ut ſlos, quo (5) Ricinus, Jobi quo (6) lacryma ridet,  
Indorumquæ (7) Mays, vittisſque inſigne coruſcis

H

Spar-

1 Colligitur hinc Flores in hunc uſum plantis additos à Natura, ut nimirum in iſis alimentum multiplici circuitu ad primam ovi formationem, vel amplificationem aptius evadat. Hinc à Turneſort. dicuntur quadam veluti fructus viſcera. Ille ſiquidem alimento ſincero indiget, cuius primum impetum ferre non poſſet, niſi prius illud ab ineptis partibus in Flore purgaretur.

2 Hæ verò à ſtaminibus, tanquam à vaſis excretorijs excepta deponuntur in apices, velut in cloacas. Floris igitur proprium munus eſt nutricandi tenerum fructum, ſub ipſam ejuſdem formationem; lactis enim iſtunc ut cum maxime indiget; periclitaturque, ſi flores reſeſcentur, quo tempore geſtiunt expandi: Nequaquam verò, cum jam explicati fuerint.

3 Haud verò floribus ad unum omnibus iſt conſtat uſus; non enim omnes tenero inhereant fructui. Sunt, qui in eadem planta cum fructu partim junguntur; partim ab eo ſeparantur; ut in Cucurbitaceis obſervare licet.

4 Sunt, qui in eadem planta nunquam conjunguntur cum fructibus, ut in Ricino 5. Ital. Catapuzia Maggiore, Jobi lacryma. 6 Ital. Lagrima di Giobbe, qua aliter Lithospermum arundinaceum appellatur; & alijs præſertim Amentaceis. 7. Ital. Grano d'India.



Sparganium (1), & compar gens Amentacea vernat.  
 Ast alii totis (2) discreti stirpibus, omnis  
 Expertem fructus nullo sibi fœdere plantam  
 Asseruere, novique ferant discrimina sexus.  
 Nam sæpè aspicias uno de semine cretas  
 Congeneres plantas, quarum ferat altera flores  
 Luxurians, fructus experts; ferat altera fructus,  
 Immunis florum: Mas illa, hæc Fœmina habetur.  
 Tales arboreâ geminæ de gente virescunt  
 Et (3) Palmæ, & (4) Salices; tales de stirpe creantur  
 Herbosa (5) Urticæ, (6) Lupulique, & mobile germen  
 Cannabis (7), & (8) Phyllon cum sylvicolâ (9) Cynocrambe.

Haud vacui tamen, aut ullo sine munere flores  
 Hi (10) subeunt ipsi, & luxu sibi divite vernant.  
 Munia sejunctis sua sunt: alimenta ministrat,  
 Qui flos adnascens fœturæ acclinis adhæret:  
 Longius (11) at distans, renum vice, purgat ineptis  
 Partibus hinc sensim mittendum in semina succum.  
 Nec (12) sua vis aliis, gignendo à semine totis  
 Qui distant plantis, deest floribus. Inrita florum  
 Staminibus summo turget quæ capsula cono,  
 Fœminæ turget plantæ fœcunda; tumescit

Nam

- 2 Ital. Sparganio, cujus folia fasciolas imitantur, quibus olim Nutri-  
 cet pro fascijs usa.
- 2 Sunt denique, qui in eadem specie sexus diversitatem efficiunt; sæpè  
 enim altera Plantarum congenerum Flores dumtaxat, altera fructus  
 dumtaxat edit; atque illa Mas, hæc fœmina habetur: ut in memora-  
 ris contingit. 3. Ital. Palme. 4 Salici, ò Salci. 5 Ortiche. 6 Lu-  
 puli. 7 Nostrat. Cannavo. Hetrusc. Canapa, ò Garzuolo. 8 Specie  
 di Semprevivo Montano. 9 Mercorella Selvaggia.
- 10 Jam verò floribus, qui in eadem planta fructibus partim adherent, par-  
 tim ab illis separantur, usus idem, ac superioribus: fructui nempe ex-  
 coctum alimentum subministrant.
- 11 Qui nunquam conjunguntur cum fructibus, Renum, ut ità dicam, mu-  
 nere funguntur, alimentum à partibus minus idoneis purgantes.
- 12 Qui verò totis distant plantis, eo polline, scilicet globulis, quibus stami-  
 num apices turgent, quosque per maturitatem effundunt, tanquam  
 masculino quodam spermate Fœminæ planta seminibus fœcundandis  
 inserviunt, ut auctor est Greu. apud Rajum t. 1. p. 17. & Prosper Alp.  
 lib. de Plant. Egypt. Atque hinc est, ut Fœminea planta fructus ad  
 maturitatem minime perducant, nisi Mas planta propè consita  
 fuerit.

Nam prægñans illa occluso quo polline, ventis,  
 Sive manu latè asperso, pigra semina plantæ  
 Fœcundat sociæ, verno cœu spermate, & illam  
 Promovet, & fœtu maturescente coronat.  
 Hinc benè formatos, mitesque educere fructus  
 Fœmina sæpè negat, ni mas propè jungat amores  
 Confitus, & sparso torpentem polline cogat.  
 Id(1) Parisiacis falsum licet arguat hortis,  
 Subducto Maris aspectu qui fructibus exors  
 Exultat Lupulus; Nili tamen accola certum  
 Approbat in palmis, & fœdera aprica resignat.  
 Nam quæ gleba viget Nilo fœcunda colono,  
 Palmiferaque jugis procul æmula certat Idumes.  
 Conspectum ni Terra Maris gratata Maritæ  
 Reddat, & alterius vim provocet altera segnem;  
 Dactylus hinc patrio distendi nectare speret  
 Nequicquam, multoque satur mausuescere Sole.

Connubii (2) genus hoc, casum miserata puellæ,  
 Instituit, curæ cui vincla jugalia, Juno;  
 Nam quæ se patulum torquet nunc arbor in orbem,  
 Et ramos fœtu curvat fœcunda beato,  
 Nympha fuit Phænissâ, Viro deponsa cœvo;  
 Sed quem Mars olli crudeli funere rursus  
 Abstulit, heu! nimium jurato invisus amor.  
 Nam Martis fera Vir sequitur dum castra, ruitque  
 Per telis confectam aciem, nil tale verentem  
 Durus in adversum rapuit Deus: ensis adactus  
 Quâ dextrâ, incertum, niveum latus hausit: acerbo  
 Voluitur heu letho, dextrâ jam victor ovanti,  
 Succumbitque suo penè obrutus ipse triumpho.  
 Nec Sponsam id latuit: Tanti prægñuncia luctus  
 Fama volans subitò miseræ vulgavit ad aures.  
 Exiit infelix, testumque, Urbemque relinquens,  
 Scissâ comam, campis cursu se immittit apertis,  
 Exanimumque sibi corpus moribunda reposcit.  
 Jan que illud scuto impositum per aprica viarum

H 2

Strata

- 1 Quod quidem quamvis Turnesort. falsum deprehenderit in Lupulo luxuriantem fructibus quotannis in Horto Parisiensi, Lupulo mare longè gentium absente, idem tamen de Palmis insciari non audeat, utpote confirmatum Hadgi Mustaphâ Legati Tripolitani ad Christianissimum Regem testimonio; ut memorat t. 1. Instit. Rei Herb. p. 69.
- 2 Hoc ipsum veluti Palma um Connubium fabula exornatur.

Strata reducebant Comites , cum Nympha doloris.  
Impatiens gelium in funus ruit obvia , & olli  
Incumbens dedit hos imo de pectore questus .

Hunc ego Te , spoliis auctum quem rebar opimis  
Accipio thalami socium ? Tunc ille relictæ  
Dulcis amor Sponsæ ? Traiectus pectora ferro  
Nunc, dolor heu ! palles. Hæc hosti erepta fugato  
Signa refers ? Sic alme redis ? his nempè trophæis  
Exornas thalamos ? hi laurigeri hymenæi ?  
Hei mihi pro lauris , pacto pro fœdere versis  
Incubuit taxus fati , tristisque pererrat  
Umbra thoros . Viduam , Tibi nec tamen antè jugatam  
Liquisti . Et patiar ? vitamque hanc perdita luctu  
Sola traham ? ah vivo dulci si fœdere jungi  
Non licuit ; saltem extincto fidissima jungar :  
Hoc sedet , & tecum stygias comes ibo sub umbras .

Sic ait, exanimumque super jam Corpus & ipsa  
Concidit exanimis, placidaque ibi morte quievit .  
At non ipsa fidem , pactosque abolere hymenæos  
Invida Mors potuit : fati vel jura superstes  
Vicit amor ; miserata vices nam Pronuba Juno ,  
Haud mora , consortes mutari jussit utrumque  
In Palmas : fixis hærent radicibus ambo  
Illicet : in truncum squamis horrentibus aptum  
Pectus abit , thorace prius squamante coruscum  
Quotque caput subdit folia alta , tot exerit enses  
Facturos claris umbram Victoribus enses .  
Sic ollis Martis pretium ; sed non minus ingens  
Constitit & fidei specimen . Post fata virescunt  
Conjugii rata jura : pari propè confita campo  
E Maris aspectu conjux viget altera fœtu  
Lætior, incoctoque gravem blandè illinit auro .  
Quin sueto ramos fructu curvare maritos  
Detrectat , curis ni Mas respondeat æquis ,  
Et socios sparsi vi pollinis æquet amores .

Sed (1) satis haud Tibi sit florum prænoscere partem  
Juverit & formas . Formâ sæpè indice prodes  
Herbarum classes ; illam nec Provida rerum  
Nequicquam studio Genitrix discrevit aprico .  
Scilicet hac etiam pellaci ut blandior arte

No-

1 Attexuntur Florum differentia , e quibus sapissimè Plantarum classe  
annotescunt .



Nostra suo sibi lenta malo fastidia victrix  
Flecteret, in varios florum fata pharmaca cultus  
Subjecit fingens, oculis sic gratior ipso  
Disidio formæ, & verni discrimine textus.

Hos (1) foliis orbos passo fruticare capillo  
Stamineos dedit, hos contrà pubescere pictis  
Instructos petalis: petalis passim obvia florum  
Agmina; sed (2) *Lapathum* quos fert, quos (3) *Oxalis*, & (4) quos  
*Fegopyrum*que, (5) *Blitum*que, *Machaonium*que (6) *Equisetum*  
Stamine, vel spissis alibi discrevit Iulis,  
Felinx in faciem iustos colludere caudæ.

Quid subdam (7) quantâ florum petala ipsa comantur  
Arte laborarit? Petalum solertiùs unum  
Hic tractans, campani illud nunc fudit in æris  
Effigiem, trahis unde tuum (8), *Campanula*, nomen;  
Nunc infundibuli, primo quò mane liquentem  
Ebibit Auroram, atque avidos destillat in artus  
*Jalapium* (9), & puro florens se proluit imbri:  
Nunc *Hypocrateris*, pueri *Phrygis* æmula rores  
Propinas Superum, Veris (10) quo *Primula*, Regi;  
Extudit (11) & petalo tot circumeunte rotatos  
In gyrum egregios, Fortunæ pignora, flores;  
Tot labio sursum flexo, flexove deorsum

Di-

1 *Florum igitur alijs Apetali vocantur, seu staminei, vel Capil lacei, quod præter stamina nihil habeant, unde nomen trahant, ut in Lapatho.*

2 *Ital. Romice, ò Lapazio. 3 In Oxalide. Ital. Acetosa.*

4 *Fegopyro, quod Sesami, seu Erysimi Cerealis species est. Ital. Specie di Giurgiulea.*

5 *Blito. Ital. Blito. 6 Equiseto, aliter Cauda equina in officinis appellatur, quod ejus folia sunt setis equinis simillima. Ital. Coda di Cavallo, ò Asperella. Hetrusc. Coda Cavallina: quibus accensenda sunt nucamenta, seu Jula in arboribus, felina cauda in speciem dependentes.*

*Alij Petalodes sunt, seu petalis donati,*

7 *Hi verò, qui simplices sunt, flosculis scilicet, & semiflosculis carentes, dividuntur in Monopetalos, unico donatos petalo; & Polypetalos, pluribus petalis donatos. Monopetalorum, à forma, quam præferunt, alijs vocantur Campaniformes, qualis est flos Campanula. 8 Ital. Campanella. Alij Infundibuliformes, qualis est flos Jalapa, seu Jalapj. 9 Hetrusc. Sciarappa. Alij Hypocrateriformes, qualis est flos Primula Veris.*

10 *Ital. Primo flore, ò Fior di Primavera.*

11 *Rursum alijs Rotati appellantur, Rota formam exhibentes.*

Diductos, Zephyrique repens in flamen hiantes.  
 Vernantem Tibi flore rotam, radiisque micantem  
 Borrage (1), & pomum gremio quod servat Amoris,  
 (Usque adeò Fortuna Rotam submittit Amori)  
 Solano geminum subdet (2) Lycopersicon; at se  
 Marrubii (3), Thymbræq; (4) & quem fert (5) Scordion alta  
 Flos cælo labiatum effert, labroque dehiscit.  
 Alterutro, & Zephyri plaudentiæ murmura captat.  
 An galæa insignes referam, aut vernante galero?  
 Anne (6) subornatos aptis calcaribus? urget  
 Quis flores animosa suos (7) Linaria, piæ  
 Consolidæ (8) haud impar, pompæque exultat equestri.  
 Adde (9) alios torvam in faciem, rictusque ferinos  
 Horrentes, larvæque truci placida ora tegentes.  
 Qualis (10) Aristolochi stirps flore excurrit, & (11) Arum  
 Nam linguam exertat procul illa, effingit Aselli  
 Hoc aurem, & formâ Silenò illudit inani.  
 At Vitul i rictum præfert sinuosus agrestem  
 Flos (12) Antirrhini, caudâ pubente Leonis  
 Ludit hians (13) Leonurus, & altas verberat auras.  
 Nec (14) Lamium dispar, Lamiam dehiscente figurans  
 Flore cucullatam: Mimæ spectacula Floræ  
 Ludicra, dum socias ciet ad Floralia Nymphas.  
 Et Personatos nova subdit in orgia flores;

Et

- 1 Ut patet in floribus Borrage. Ital. Boraggine. Hetrusc. Borrana, & Lycopersici, quod & Pomum amoris, seu Aureum nuncupatur 2 Ital. Pomo d'oro. Alæ labiati, ut videre licet in floribus Marrubij 3 Ital. Marrobbio, ò Præstio, Thymbræ. 4 Hetrusc. Santoreggia, & Scordij, quod aliter Trissago palustris appellatur.  
 5 Ital. Querciuola palustre: quibus etiam adscribendi, qui & Galeati, & Cucullati, & Galericulati dicuntur.  
 6 Alij calcari donati, ut in Linariæ flore cernere licet. 7 Ital. Belvedere  
 8 Ital. Consolida reale. Hetrusc. Fiorcappuccio.  
 9 Alij denique Anomali, seu Personati, quod consistam faciem, seu personam, rostrumque animalium, rictu, & labijs non malè referant. Hujus generis est flos Aristolochie. 10 Aristologia, qui exertam refert linguam: Flos Ari 11 Ital. Aro, ò Gigaro. Hetrusc. Giaro, ò Gichero, ò piè vitellino, qui aselli aurem exprimit: Flos Antirrhini 12 Ital. Paparina, qui vituli rictum assimulat. Flos Leonuri. 13 Ital. Leonuro, qui Leonis conformatur in caudam: Flos Lamii 14 Ital. Quirica fatua, ò morta, qui Lamiam explicat Cucullatam.

Est alius, [1] formâ insignem quem trudit Acanthus,  
 Flos exors: petalo latè se porrigit uno  
 Ille, sed anterior trifidum pars exit in unguem,  
 Posterior tereti vernat tornatilis orbe;  
 Annulus ut specie possit florente videri.  
 Nec frustrâ est species; nam qui nunc esse videtur,  
 Re quondam, ut fama est, verus fuit Annulus, ipsam  
 Quo Zephyrus stabili junxit sibi fœdere Chlorin.  
 Hoc jurata fides: illum sed Diva jugalis  
 In fidei testem fido commisit Acantho,  
 Et jussit florere: comam, mora nulla, trifidam  
 Extulit is, patulo telis vallatus acutis  
 Inclusus calatho, fundoque inolevit amico.  
 In florem erumpens sic Annulus ipse quotannis  
 Chloridis æternos Zephyro testatur amores.

Ast [2] alibi petalis Natura comantibus ultrò  
 Insticit, & numero formam insignivit olentem.  
 Haud certâ sine lege; viget nam Tessera flori  
 Cuique sua, & proprium prætendit vertice signum;  
 Ex illo mos hic Veris pubem inter apricam  
 Invaluit, Brumæ invisæ quo tempore bellum  
 Ver primùm indixit, campoque effulsit aperto.  
 Nam, vetus ut memorat rumor, signa illud in æreni  
 Illaturum hostem, quinas in prælia turmas  
 Eduxit, totidemque Duces præfecit, amicas  
 Qui sua conscriptas agerent sub signa catervas.  
 Prima [3] inivit bellum [4] Crambe, Cruciformibus altis  
 Nexa comas petalis, sociò quàm Martem secuti  
 Instruendi petalis quatuor, totidemque prementes  
 Distinctos foliis Calyces, blanda agmina, Flores.  
 Quales Euboicis profert laudata viretis  
 Brassica [5], Leucolumq; [6], & Thlaspis [7], & [8] Hesperis, & quæ  
 Per

- 
- 1 *Peculiaris sit mantio de Monopetalo Acanthi flore. Ital. Brancorsina qui unus inâ sui parte in Annulum desinit: quod Fabula locum facit.*  
 2 *Polypetali verò flores à Turneserrio dividuntur (qua divisio hic fabuloso sub cortice describitur)* 3 *In Cruciformes, quatuor petalis constant, Crucis in formam dispositis; quales sunt flores memorati, quorum pariter Calyx quatuor obtinet folia eodem ordine disposita; Pistillum autem semper abit in fructum.*  
 4 *Cauolo Selvaggio.* 5 *Cauolo Sativo.* 6 *Viola bianca.* 7 *Thlaspi.* 8 *Senape Selvaggia.*



Per rigas vernant. quærenda [1] Sisymbria valles.  
 Omnes quadrifidis discreti insignibus, omnes  
 In fructus cessura sinu pistilla gerentes.  
 At [2] quibus aut minor est petalorum, aut major in orbem  
 Digestus numerus, quo se flos ipse Rosarum  
 Comit ovans ritu, præeuntem audacius ipsam  
 Spontè Rosam comitantur, & inde insignia ducunt.  
 Hæc flos [3] Pæoniæ, hæc sequitur vexilla [4] Thalictrum,  
 Alfineque [5], Sedumque [6], Nigellaque [7], [8] Thelephiumque,  
 Ventorumque minis obnoxia [9] Pulsatilla.  
 Et [10] Te belligerum Ver pulchra in prælia misit,  
 Caryophylle [11], Ducem, cui belli insigne superbum  
 Florescente Calyx tubulo, crinemque rotante.  
 It [1] Lychnis tecum, [13] Staticeque, & flexile germen,  
 Cucubalus [14], parili præstans qui stemmate gaudet  
 Caryophyllæis se se transcribere signis.  
 Vos [15] etiam vestra affines ab imagine turmas  
 Senis insignes petalis, totidemve resectis  
 In partes agitis, Candentia [16] Lilia, perpes  
 Tessera, discreta in ternas queis Capsula thecas,  
 Capsula, pistillum fœtam quam semine gignit.  
 Vestris [17] Asphodelus, vestris accedere signis.  
 Iris [18] amat, varioque micans [19] Tulipa paratu;

Nar-

- 1 Menta Selvaggia. *Hetrusc.* Sisimbrio, ò Calamento.  
 2 In Rosaceis, ex pluribus, aut paucioribus petalis, quam quatuor in orbem digestis compositos, quo planè modo Rosarum petala disponuntur; ut cernere licet in recensitis. 3 Peonia. 4 Ruta præensis alijs. *Ital.* Argentina. 5 Aliter morsus Gallina. *Ital.* Centone, Pizza Gallina, ò Panarina. 6 Semprevivo. 7 Nigella. 8 Aliter Fabaria, seu Crassula major, aut Faba inversa. *Ital.* Fava inversa. 9 Specie di Anemola.  
 10 In Caryophyllæis, qui in eo differunt à Rosaceis, quod eorum petala ex ipso Calyce, tanquam è Tubulo emergant; uti sunt flores Caryophylli. 11 *Ital.* Garofalo, ò Garofano. *Hetrusc.* etiam Vivuolo. *Lycnidis.* 12 *Ital.* Licnide, *Staticeis.* 13 *Ital.* Specie di Garofano montano. *Cucubali.* 14 *Ital.* Cucubalo, Specie di pan porcino, ò di Morfo di Gallina.  
 15 In Liliaceis, ex petalis sex, vel in sex partes sectis constantes, atque ad lilij formam accedentes. Quorum id proprium, ut pistillum, aut Calyx abeant in Capsulam in terna semper loculamenta divisam. Hujus generis sunt flores, qui innuuntur. 16 Giglio. *Hetrusc.* Fiordaliso. 17 Asfodillo, ò Asta Regia. 18 Iride di Primavera. *Hetrusc.* Ghiaggiuolo. 19 Tulipanq.

Narcissusque(1), Crocusque(2), & suavè rubens(3) Hyacinthus;  
 Nec renuit(4) flos ipse, suo qui crine coronam  
 Sustinet Imperii dignam cognomine, nec(5) qui  
 Igne satur multo, guttisque interlitus aureis  
 Elato stirpis se caule binominis effert,  
 Pubentemque alto submittit vertice sylvam.  
 Haud(6) procul inde suo(7) Lathyrum florente refulsit  
 Papilione, trahens cognata legumina flore  
 Compta pari, molle(8) Hedyсарum, (9) Pisumque, (10) Fabamque;  
 Astragalumque 11, Orobumque 12, Securidacamq; 13 sonantè,  
 Atq; (14) Ochrum, atq; (15) Aphacen, atq; Hircigenā (16) Tragacan-  
 Ollis, quod, petalum suprà est, latum explicat altè (tham  
 Vexillum, pandam inferius dat ritè carinam;  
 Quod micat hinc illic, geminas accommodat alas.

His olim turmis gelidam trans Arcton abacta  
 Tristis hyemis, Verique volens Victoria cessit.  
 Martia sed floris mansit nota, quæ sibi constans  
 Dividit in certas etiamnum germina classès,  
 Discernitque suis notas insignibus herbas.  
 Exleges(17) alii petalis difformibus errant,  
 Larvati varium flores genus, horrida Veris  
 Gaudia, Pratorum Lemures: hinc nempè(18) Reseda

## I

## Cor-

1 Narcisso. 2 Croco, ò Zaffarano. 3 Giacinto, ò Ghiacinto. 4 Corona Imperiale. 5 Flos elegantissimus, Lilio-Narcissus Indicus, No-frat. Giglio del Madagascàr.

In Papilionaceos, Papilionem referentes, atque ex petalis dissimilibus constantes, quorum superius Vexillum, inferius Carina, duo, quæ media sunt, ala nuncupari solent. Tales sunt flores Leguminum, quæ recensentur.

7 Aliter Cicerchula. Ital. Cicerchia. 8 Fava di Lupo. 9 Pisello. 10 Fava. 11 Astragalo. 12 Ital. Ervo. Hetrusc. Orobo, ò Moco 13 Specie di Fava di Lupo. 14 Aliter Eurilia. Ital. Roviglione, ò Pisello minore. 15 Veccia 16 Spina d'hirco.

17 Denique in Anomalos, sèu Personatos, qui multiformes sunt. Alij siquidem corniculis horrent, ut flos Reseda, Hetrusc. Rucchetta Salvatica; alij unguibus aquilinis, ut flos Aquilegia. Ital. Aquilina; alij galea munitionis simulant caput, ut Aconiti flos. Calceolum itidem exhibet flos planta Cognominis, Flabellum flos Melianthi, Ital. Nigella, Candam Balsamina, Hetrusc. Balsamino, Galeam Ophris, Ital. Persfoliata Selvaggia, & Nidus avis, Herba sic dicta, quòd ejus radicle ità cõplicetur ut avis referant nidum. Calcar Delphinium; aliter Consolida Regalis. Ital. Fior Regio, ò Spron di Cavaliere. Hetrusc. Fiorecappuccio.

Corniculis, illinc Aquilinis unguibus horret,  
 Quæ trahit inde suum vernans Aquilegia nomen.  
 At Aconita, triceps sædo quæ Bellua partu  
 Edidit, obtectum galeâ caput ore recludunt  
 Terrifico, clausamque armant in funera tabem.  
 Sunt & Calceolos, sunt & qui molle flabellum,  
 Aut longam assimulent caudam, galeasque, cucullosq;  
 Additaque audaci referant calcaria luxu.  
 Quod i fessum rapitis læta in spectacula vatem  
 Quæ personato per campos luditis ore  
 Orchides, unâ olim genitæ de stirpe Sorores  
 Orchides, attonitæ nunc spectra virentia Floræ?  
 Circæas nosco fraudes, artemque, dolosque.

Forte peragrabant vicini Rura Salicæ  
 Sparsum illæ, & gratis fallebant otia nugis.  
 Delicias hæc læta suas roseo ore puellum  
 Maternis ludentem uluis complexa fovebat.  
 Illa tuo capta ingenio, ricæque sagaci,  
 Cercopithece, sequax humani moris, amica  
 Captare officia, & lepido gaudebat amores.  
 Illius instabat capiti fera ludicra, sordes  
 Ungue legens avido, & cura incumbibat anili.  
 At aliis alto è Ramo pendentis Arachnes  
 Mirum opus, & raris intextos orbibus orbes  
 Ludus erat spectare, sequi vel rustica sepis  
 Per loca depicti squalentia terga lacerti.  
 Nec deerat, quam docta thymi retineret olentis  
 Prædatrix Apis intentam, gratulæ Columbæ  
 Captivæ filo, aut modulantis Acanthidis error.  
 Antè alias unam studio fallente tenebat  
 Psittacus, humani simulator Psittacus oris,  
 Gloriaque, & sylvæ viridis Regnator Eor.  
 Has tum ille acceptas gestibat gutture voces  
 Reddere: Flora veni. Cum nimbo inuenta repentè  
 Adfuit & Circe, ludentesque æthere ab alto  
 Per nebulam speculata, meis en artibus, inquit,  
 Quas nuper Genitor docuit me clarus olympo.

Area:

Nullibi verò licentiùs Natura luxuriat; quàm in Orchidum floribus  
 Ital. Specie di Satirioni, nunc Hominem nudum, nunc Cercopithecum,  
 nunc Araneum, nunc lacertam, nunc Apem, Columbam, aut Acanthi-  
 dem, aut Psittacum, aliaque id genus examussim referentibus. Quod  
 Fabula locum facit.



Area : quid cantu, lecto quid cespite possim  
 Experiar: fas sit primo hoc tentamine succis  
 In virides vultus, vernantum & terga ferarum  
 Induere hanc, viridi ludit quæ gramine, turbam,  
 Herbarumque novas educere viribus herbas.  
 Dixit, & obductâ exoluens se nube, patentem  
 Intulit in campum, resides ubi læta Sorores  
 Per sæta non uno laxabant seria ludo.  
 Hic claro Sata Sole locum jam nacta nocendi,  
 Vicinum labro, non ulli cognita, fontem  
 Marmoreo exceptum lethæis inficit herbis.  
 Æstus erat, lusuque sitis concepta premebat  
 Nympharum fauces: lymphas, mora nulla, propinquo  
 Undantes Cratere petunt, heu! fraudis opertæ  
 Ignaræ. Ipsa ultrò extimulat Titanis hiantes.  
 Vix undis expulsa sitis, cum protinus omnes  
 Vi tacitâ in virides mutari corpore formas  
 Paulatim cœpere: manet defixus humi pes,  
 Inqueabilem Caulem pectus gracilescit, & altis  
 Luxuriat foliis, foliis flos additur, ægris  
 Solamen, raptos ollis qui penset amores.  
 Quippe hic vidisses demitti è flore supremis  
 Harentem palmis, & nudum membra puellum.  
 Pubescentem illic lepido Te ludere rictu,  
 Cercopithece, vastræque novum decus addere fronti.  
 Ast alibi, aut versa in florem pendebat Arachne,  
 Aut Apis, heu! florum prædatrix nuper, opima  
 Nunc præda, ingenioque suo male perditæ, & ausis.  
 Ipsa etiam vernat ficto nunc ore Columba,  
 Et dumis aslueta, decor nunc floris Acanthis.  
 Tuque olim Sylvæ Garamantidis accola, nunc flos  
 Haud ultrâ increpitas cessantem, Psittace, Chlorin.  
 Sic clam Circæâ soboles nova floribus arte  
 Addita, prælusumque aliis hoc pignore monstris.  
 Sunt(1) alii, Calycem coiens quos creber in unum

I 2

Flo-

1 Sunt præter flores Polypetalos enumeratos simplices, alij Polypetali, qui  
 Compositi dicuntur, triplicisque sunt generis, Flosculosi, Semifloscu-  
 losi, & Radiati. Flosculosi ex plurimis flosculis componuntur confertim  
 positiss, eodemque Calyce comprehensis. Flosculi autem sunt petala fistu-  
 losa, tenuia, quorum suprema pars laxatur multifariam, sæpius tamen  
 stella instar dividitur; ut observatur in Carduo. Hetrusc. Cardo, &  
 Stoppione, & Erigerone, seu Sencsiene. Ital. Cardoncello, Spellic-  
 ciola, Hetrusc. Crescione.

Floſculus, aut creber quos ſemifloſculus ornat :  
 Hoc(1) ſcolymus,(2) ſonchuſq; , illo ſe Carduus effert  
 Flore gravem , & verna Erigeron inſigne ſenecta .  
 At(3) Doronicum quem fert, oſtentat utriſque  
 Compoſitum, denſus diſcum nam floſculus implet  
 In medio ſtanteum; radiatam aſt inde coronam ,  
 Qui ſubit hinc circum, atq; hinc, ſemifloſculus ambit.  
 Hoc etiam vernat ritu qui ducit(4) ab aſtro  
 Floſ nomen , parilique refert decora aurea formâ ;  
 Atque (5) Jacobææ germen , (6) ſoliſque Corona,  
 Et circumducto Radiata (7) Calendula limbo .

Tam (8) vario florum felix diſcrimine Tellus,  
 Ut proſit , Tibi ridet : opes tu lætus apricas  
 Interea venerare, fugaciſque omine floris  
 Præſidium vitæ ſolers Tibi quære fugaci .  
 Ah ! quoties penè illa Phthiſi conſumpta(9) Roſarum  
 Flore reſfloſcet ; ducta è Convallibus ægro  
 Lilia(10) ſuccurrent Capiti,(11) Cyanoque ſalubri  
 Icterus(12) excedet viſto male decolor auro .

Ne(13) tamen hic ſiſtas : Fructus in operta tumentis, An-

- 1 *Semifloſculi ſunt, qui è ſemifloſculis eodem modo congeſtis componuntur , Semifloſculus autem eſt petalum inferna tantum parte fiſtu-  
 ſum , media verò , & ſuprema planum , ac veluti in lingu-  
 lam pro-  
 ductum . Quales ſunt flores Scolymi. Ital. Articoca , ò Carcioſſo ,  
 & Sonchi 2 Noſſrat. Cardillo. Hetruſc. Cicerbita. Radiati denique  
 duas partes habent, quarum, qua medium tenet, Diſcus dicitur , & flo-  
 ſculis conferta eſt ; qua Circumferentiam , ſeu limbum, Corona nomi-  
 natur ex ſemifloſculis coacervata. Tales ſunt flores Doronici 3 Arab .  
 Haronigi , ò Doronigi, Aſteris. 4 Hetruſc. Aſtro . Jacobææ 5 Ital.  
 Cardoncello Maggiore, Corona ſolis, qua Helenii Peruviani ſpecies  
 6 Ital. Specie d'Enula , ò di Fior d'Elena del Perù, Calendula  
 7. Ital. Fior d'ogni meſe, ò Spoſa del Sole.*
- 2 *Longè verò præſtantior florum uſus in rem medicam ex iſs ſiqui-  
 dem præſentiſſima pharmaca in vita humana præſidium con-  
 ſciuntur; ut aliquorum exemplo ſtriſſim comprobatur 9 Roſarum  
 nempe Ital. Roſelli , qua Phthiſi. Hetr. Etticia. 10 Liliorum Con-  
 vallium. Ital. Gigli delle Convalli Hetruſc. Mughetti, qua Ca-  
 piti, 11 Cyani, Ital. Ambretta. Hetruſc. Fioraliſa , qui Ictero mode-  
 tur. 12 Hetruſc. Itterizia,*
- 3 *E Floribus gradus denique fit ad ſeminum, & Fructuum obſervatio-  
 nem . Eſt autem Fructus ( deſcribente Jungio ) Pars planta annua flo-  
 ri ut plurimum coherens, eique ſuccedens ; ex qua terra demandata  
 fit nova planta inſitum. Nam vel in ipſo fructu ſemina concluduntur,  
 vel ſemen ipſum fructus eſt .*

**Annua** qui plantæ pars est, & posthuma Floris  
**Gloria**, peruadendum, & eundem in semen, & ultra est.  
**Scilicet** hoc ipso in fructu genitalia stirpis  
**Semina** deprendes; vel enim Tibi pervius ipse  
**Semen** erit fructus, patrii vel feminis idem  
**Capsula** concepto turgescens provida fœtu.  
**Haud**(1) etenim semper fructu conclusa legenti  
**Semina** se reddunt: Sunt quæ Calyce edita summo  
**Vernantum** pridem unde situ petala obsita florum  
**Defluxere**, patent oculis jam nuda, Thaliætri  
**Qualia** Flos aperit, nec non & Salvia, quæque  
**Verticulo** stirpes, umbellæ aut tegmine gaudent.  
**Est** (2) alia obductis succrescunt abdita thecis,  
**Et varijs** discreta modis sua vascula complent.  
**Alveolo** hæc uno contenta, & simplice, cellas  
**Il la** autem in plures digestum optantia certis  
**Ordinibus**. Thecâ conclusas simplice condit  
**Fœta** suas sibi Lychnis opes, & Primula Veris,  
**Quæque** sonantem urgent numerosa legumina sylvam.  
**Disiunctas** scæta in cel las sua semina thecæ  
**Flore** superba suo credunt Delphinia: junctas  
**Mercurialis** amat, binasque, ut Thlaspis, & ipsum  
**Leucoium**; alveolis unum sed parcior illa  
**Commendat** semen, dant ista tumescere crebris.  
**At ternos**(3) censum in loculos Tithymalus avitum,  
**Atque** (4) Asarum partitur: avariùs ille, sed isthuc  
**Largius** alveolos stipans semente capaces,

Nec

- 
- 1 *Non enim semper fructu, vel conceptaculis conclusa latent semina.*  
 Aliquando summo è Calyce, unde pridem florum petala defluxerunt,  
 superiori patent parte; ut in Thaliætro, & Salvia observare licet, ca-  
 terisque Verticillatis herbis, & Umbelliferis.
- 2 *Alia verò suis conduntur thecis, & conceptaculis, quæ vel simplicia*  
*sunt unicam intus cavitatem habentia, ut in Leguminibus usuvenit,*  
*Lychnide, & Primula veris, vel in plures cellulas dividuntur, disiun-*  
*ctas in Delphinio, conjunctas in Mercuriali, & Thlaspide, uti etiam Leu-*  
*coio; quorum Mercurialis singulis seminibus singulas destinat cellulas;*  
*Thlaspis vero, & Leucoium pluribus singulas complent,*
- 3 *Terna sibi vindicat loculamenta Tithymalus, & Asarum & Ital. Asa-*  
*ro, & Baccara: ille itidem singulis seminibus singulos occupans alveo-*  
*los, hoc singulos pluribus,*



Nec vos lethæo perfusa (1) Papavera somno  
 Transferim, haud certo numero quæ didita granis  
 Impletis gravidas per conceptacula cellas,

Hæc (2) Tibi præ reliquis, Medicæ non ultimus artis  
 Si quis amor, cordi sit pars, hinc plurima vitæ  
 Dona laboranti, & præsentia pharmaca duces.  
 Hinc nempè adversus ventris sub carcere ventos  
 Luctantes multum (3) Mei de semine robur,  
 Fœniculiq; (4), Cariq; (5) feres: Tibi ritè (6) Genistæ  
 Parebit semen, seu (7) lymphæ intercutis humor,  
 Seu (8) croceus toto perfusus corpore pallor  
 Sic tergendus, & (9) Arthritidis parili arte fuganda.  
 Ipsa & in hanc partem studio solertior omnes  
 Intendit vires Natura, atque instat agendo,  
 Conceptamque fovet, nisuque haud format inani.  
 Aspice (10) quæ cæco latitat sub tegmine semen,  
 Ipsa illa inclusum quæ theca virentibus ambit  
 Exuvijs fœtum, genitale est seminis arvom,  
 Est uterus, trahit unde suas stirps adsita vires.

Haud (11) tamen is simplex plantis viget: ille quibusdæ  
 Folliculi in morem gracilis, penitusque cavati  
 Ducitur, utriculisque suis, fibrisque coactis,  
 Tracheisque viget: medium stat semine centrum,  
 Fœcundumque docet teneros adolescere fœtus.

Cras-

1 Papavera vero multas cellulas incerto numero sibi cudent, & complent.

2 Horum seminum cura laudatur in primis, utpote quorum usus est in re Medica commendatissimus, ut aliquorum seminum exemplo, & ex ipsius Natura studio in ijs cudentis planum fit.

3 Officin. Meo 4 Ital. Finocchio. 5 Officin. Carvio, quod aliter Carcum, & Cuminum pratense appellatur: quorum semina ad flatus discutientes præsentissima. 6 Ital. Ginestra, cujus semina adversus memoratos morbos plurimum valent. 7 Idropisia. 8 Itterizia. 9 Dolor articulare. Hetrusc. Artetica.

10 Conceptaculum, seu Vasculum seminis, ejusdem Uterus à Botanicis consuetur.

11 Hic verò Uterus in Plantarum aliquibus, solo membranaceo, gracillique corpore, concavo, & tubuloso, vesicula instar, constat, eoque ligneis fibris, tracheis, & utriculis contexto; in cujus centro semina, seu fœtus gignuntur, & adolefcunt.

**Crassior**(1) *Herbarum siliquante in gente tumescit ;*  
**Et** veluti quoddam obducit **Pericarpion** : addunt  
**Nativis** (2) *aliæ stirpes majora reductis*  
**Munimenta** *uteris* , cautè *queis semina servant* ,  
**Turgente** inque *novo vescum dant corpore fructum* .  
**Non** secus ac ubi *fœmineus jani sanguine sensim*  
**Concrevit** contento *utérus* : tumet ille , suamque  
**Crassitiem** *triplo excedit de more priorem* .  
**Provida** (3) *seminibus sic cavit inermibus altrix*  
**Omniparens** , *teneris succum sic præparat* , altè  
**Sic obducta** *fovet* , *rapidi ne torrida Solis*  
**Vis** ruat , & *plantæ genitabile pignus adurat* .  
**Quin** (4) *positis nova subtexens munimina claustris*  
**Ossea** , vel *propè congeneri substantia ductu* ,  
**Longius** è *Phœbi telis obtecta removit* .  
**Addidit** (5) & *seros quæis illa juventur in ortus* ,  
**Membranasque** *leves* ; *obvoluentesque secundas* ,  
**Et diducta** *suis superaddidit oscula labris* .  
**At** (6) *non ista sibi stabili claustra obsita ritu*  
**Omnia** *subjicient tibi seminas* : *Sunt quibus ipsa*  
**Nuda** *patent* ; *crebroque obeunt pericarpia fœtu* ;  
**Subjectis** *latè è baccis extantia* : *Certum*  
**Ipsa** *Tibi in primis nullo carpenda labore* .  
**Fraga** (7) *dabunt specimen* : *fragis foris eminet aptum*

Fœ-

- 1 *In alijs Vegetantium ordinibus , ut in Siliquantibus crassiori tomente ; quasi quoddam Pericarpio , confare videtur .*
- 2 *In alijs vero crassius obducitur pericarpium , quod Fructus dicitur , vascumque est .*
- 3 *Horum præcipuus usus à Natura intentus videtur esse ; ut succum contento fœtui sufficiant , eumque foveant , ac tutentur , ne solari calore contabescat .*
- 4 *Hinc in plerisque præter Pericarpium , alio etiam ambiente interius corpore semina obvelantur , quod vel osseum est , vel cartilagineum .*
- 5 *Addidit etiam ijs Natura integumenta quadam ; seu membranulas Secundinis Analogas , quorum ope custodiuntur ; umbilicos etiam quosdam , seu hiatus & oscula , quibus in germinationem utuntur , ac juvantur .*
- 6 *Notandum hic Naturam non in omnibus Pericarpium exterius collocasse , & seminibus circumposuisse , ut ipsum Pericarpij nomen indicare , & exigere videtur , sed in aliquibus versa vice è pericarpio ipso emergere voluit uteros , & semina : ut in Fragis , 7 Ital. Fragole , præcipue cernere licet ; quod Fabula dat ansam .*

Fœturæ semen , baccisq̃ue rubentibus hæret .  
 Supplicii monumentum , olim quo pendere pœnas  
 Pomonæ meritam iussit gravis ira puellam .  
 Frugiferos plantis nam suffectura nepotes  
 Semina dum vesco furtim sibi condita fœtu  
 Carperet , & patulis mandaret Diva canistris ;  
 Haud procul hinc pomis calathum speculata refertum ,  
 Illecebris malè capta suis, quò fallere Divam  
 Posset , humi reptans prædæ successit opimæ  
 Parva Hyale , pomisque sinus oneravit inemptis ;  
 Jamque pedem voti compos referebat, obortus  
 Cum fragor offenso vicino è Cespite furtum  
 Prodidit ; Autumni extemplo namque excita Præses  
 Post Carecta ream fraudis rimata latentem est .  
 Nec mora ; siste, ait increpitans, Temeraria siste :  
 Festinatque gradum, trepidæque supervenit: illa  
 Erubuit deprensa ; sinu simul abdita poma  
 Defluxere: pudet: furti convicta tenetur .  
 At Dea tum stimulis acuens haud mollibus iras!  
 Tantum avidæ quando licuit , dabis improba pœnas :  
 Pœna erit hæc , modò quæ fuerat reptare voluptas;  
 Venturisque, inquit , tua furta fatebere seclis .  
 Sic ait, & tereti, dextrâ quam fortè gerebat ,  
 Percussit virgâ pavitantem, & plura parantem  
 Dicere : Fatifero actutum mutatur ab ictu  
 Prædatrix , gracilique , ut erat jam pumila, scapo  
 Hæret humi : tenues abeunt in vimina crines ,  
 Brachiaque, & parvæ objectu se frondis inumbrant.  
 Vel sic versa tamen sceleris quoque germine præfert  
 Nympha notas ; nam lenta solo sibi conscia fraudis  
 Reptat adhuc, furtumque oculis testantia passim  
 Seminibus super impositis pubibunda refusum  
 In fraga emittit, quem prætulit ore, ruborem ;  
 Mutatoque etiam Fragaria nomine dicta .

Haud (1) verò contrà tanto male fida labori,  
 Naturæ aut studio, quo semina cudit , avara  
 Respondet Tellus : multo cum fœnore reddit  
 Quæ sibi creduntur, fœtu nec lætior ullo  
 Luxuriat magis, aut proventibus horrea rumpit

Na-

1 Porro mira est in Plantis nonnullis seminum facunditas, ut in recensitis deprehenditur .



Quid tibi (1) Hyosciamus nutrit quæ semina? quid quæ  
 Nicosiana (2) refert, aut alba (3) Papavera, pulchræ  
 Tuque (4) Helenæ lacrymis flos pulchrior edite, Tuque  
 Suffertam (5), Typha, quæ subigis lanugine spicam,  
 Enumerem, quæque (6) Inda Mays, quæque utile venis  
 Verbascum (7), & theca condit (8) Digitalis onusta?  
 Major (9) erit tibi nosse labor quot semina surgens  
 Stirpe capillari (10) Phyllitidis una profundat  
 Herba sinu: numero liceat comprehendere Sole  
 Ante quot æstivo libycas terat area fruges,  
 Aut ubi nimboris ponto Notus ingruit alis.  
 Quam multæ, spumante salo, volvantur arenæ:  
 Tot parvâ de stirpe, satu fecunda beato,  
 Semina multiplici fundunt se prodiga partu.  
 Omniferæ visum sic Matri. Erumpit in auras  
 Quò sata planta minor, viret hoc fecundior, & se  
 Promovet, & multo distendit pignore thecas.  
 At quæ (11) prolifera sese Radice, flagellis  
 Aut sensim per humum reptantibus herba propagat,  
 Maturum rarò semen sibi perficit, ipsa  
 Ut Pelusiaco (12) Calocasia nota Canopo,  
 Quæque coloratis venit (13) Canadensis ab Indis  
 Battata, & (14) Raphani proles Tibi rustica prodet;

K

Alma

- 
- 1 *Aliquibus* Oppio. *Hetrusc.* Giusquiamo, ò Jusquiamo 2. *Ital.* Erba del Tabacco. 3 *Hetrusc.* Papavero bianco. 4 *Aliter* Helenium, vel *Enula.* *Ital.* Enula campana, ò fior d'Elena. 5 *Hetrusc.* Mazzaforda. 6 Grano d'India. 7 Verbasco, ò Tasso barbasso. 8 Digitalis. In uno siquidem Helenii flore memorat Laurembergius numerasse se plusquam 3000. semina. Typha major, auctore Greujo, plusquam 12000. quotannis semina perficit. Ex Nicosiana interdum collecta grana 36000. ex albo Papavere 32000.
- 9 Numerosissima verò omnium semina educunt Herba Capillares dictæ, peculiari quodam Natura studio, eò copiosiora emittentis semina, quo minora sunt. Vnius Phyllitidis 10. *Ital.* Lingua Cervina, annuus proventus ad decies centena millia seminum sapissimè accedit.
- 11 Secus se res habet in ijs plantis, quæ Radicibus proliferis, seu Reptatricibus, aut flagellis subinde radices agentibus se propagant, ut in Calocasia, 12. *Ital.* Fava d'Egitto; in Battata Canadensi, 13. *Nostrat.* Vite del Canada; & Raphano Rusticano. 14. *Ital.* Rafano, ò Radice Selvaggia.

Alma (1) perinde quasi Natura propaginis aptis  
 Jam contenta modis, ejusdem negligat usum  
 Per semen, parcatque novo non æqua labori.  
 Hunc (2) ipsum quamvis (3) Gerardi indulgeat Herba  
 Lata, tuoque, arvis repens (4) Ranuncule, cauli;  
 Altera reptanti nam se Radice, flagellis  
 Multiplicat sese alter, opes tamen addit utrique  
 Ipsum etiam sua succrescens in munia semen.

Ante tamen vitæ quam tot concessa tuendæ  
 Dona legas, pauca hæc sunt observanda legenti  
 Insuper. Haud (5) plantæ pro mole, & seminis æqua  
 Expectanda Tibi moles: hac lege tenetur  
 Natura haud quaquam, quin parvo è Caudice sæpe  
 Tam Magnum videas existere semen, ut ipsi,  
 Arborea de gente venit quod fertile, præstet.  
 Selige quos (6) Vicie fœtus, tristesque (7) Lupini,  
 Quosque (8) Fabæ, quosque ipsa humili dant germine (9) Pifa,  
 Nonne illos, quos lenta (10) Salix, quos (11) Populus ingens,  
 Betulaque (12), & (13) Ficus, sociataque Vitibus (14) Ulmus  
 Submitunt, mole anteeunt, longèque renident?  
 Dispariles (15) etiam cernes erumpere fœtus  
 Congenerum plantarum: Ingens sic (16) Cerrus opacam

Haud

- 1 Hæc siquidem semen rarius perficiunt, & ad maturitatem perducunt; perinde quasi Natura proprijs harum plantarum propagationis modis intenta, eum, qui per semen est, negligat.
- 2 Hoc ipsum tamen generatim verum non est; cum pleraq; quæ aut radicibus reptant, aut flagellis se propagant, semen tamen copiosum, idemque fœcundum progignant; ut observatur in Herba Gerardi. 3 Ital. Specie d'Angelica minore Selvaggia: & Ranunculo Repente
- 4 Ital. Ranunculo, ò piè Corvino serpeggiante.
- 5 Observandum insuper Naturam non servare Magnitudinis proportionem inter semina, & plantas; ita ut semper quo major planta est, majus semen progignat. Sunt enim non pauca Herbarum semina, quæ Arborum ipsarum seminibus molis præstent Magnitudine: sic semina Vicie. 6 Ital. Veccia. Lupini. 7 Ital. Lupino, Faba. 8 Ital. Fava. Pisi. 9 Ital. Pisello, seminibus Salicis. 10 Ital. Salice, ò Salicio. Populi. 11 Ital. Pioppo. Betula. 12 Ital. Betula. Ficus 13 Ital. Fico: Ulmi 14 Ital. Olmo, multis partibus antestant.
- 15 Neque hoc in plantis dumtaxat diversorum generum contingit, sed interdum etiam in ejusdem generis speciebus. Sic sub genere Arborum Glandiferarum Cerrus arbor 16 Ital. Cerro Quercui Nostrat.

Haud (1) Quercum assequitur, tamen hâc præstantior ultro  
 Majorem duplò gaudet Tibi cedere glandem :

An Tibi (2) Cerinthæ rursum, quæ purpurat arvis  
 Annua, subjiciam specimen ? Minor illa perenni est  
 Cerinthe, summis vernal quæ Montibus, hujus  
 Illa tamen majus progignit semine semen .

Scilicet (3) herbarum quæ gens viret annua, pignus  
 Fert longè majus, quam quæ longæva perennat ,  
 Cognata sint stirpe licet: vulgaria turgent

Hinc Tibi (4) Pisa magis, quam quæ dat pignora Majus;  
 Sit perpes quamvis, (5) Lathyrum. Sunt maxima semper  
 Annua proveniunt quæ semina, qualia profert  
 Molle (6) Cicer, tumidusque (7) Pepo, lentusque (8) Phaselus;  
 Flosque (9) nitens à Sole (10) Lupique volubile gramen.

Nempe subest virtus his integra, victa neque ævo  
 Languet adhuc, sensimve retro sublapsa refertur.

Hæc (11) parcis, si quando animum subit ulla cupido  
 Vescendi, mensis seponere: Salubrior inde

Esca venit, meliorque sapor; nec molle putamen  
 Obfistit tractanti, aut fursure fœtus abundat .

Quod (12) si jam fulcis ea sint credenda subactis,

Non

1 Ital. Quercia, magnitudine cedit; glâdem tamen duplò majorem educit.  
 Cerinthe purpurea annua 2 It. Specie di Cinoglossia dimeistica à fior  
 rosso, Montana perenni minor est, illius tamen semen hujus semine  
 majus .

3 Compertum enim est in ijs plantarum generibus, sub quibus species alie  
 annua sunt, alie perennes, annuarum semina seminibus perennium  
 majora esse. Sic Pisa vulgaria 4 Ital. Piselli, majora sunt seminibus  
 Lathyri majoris perennis 5 Ital. Cicerchia maggiore. Immò univer-  
 sim Herbarum annuarum semina longè maxima sunt, ut in enumeratis  
 liquet .

6 Hetrusc. Cece 7 Ital. Melone. 8 Hetrusc. Fagiuolo. 9 Ital. Enula  
 del Perù, ò Corona del Sole. 10 Ital. Lupino.

11 Hinc colligitur annua præsertim semina in cibum seponenda esse, sive  
 frumenta sint, sive legumina; quia ea sunt saporis gratioris, & nutri-  
 menti salubrioris, eorumque purgatio facilior, proventus uberior, &  
 farina ad fursures proportio major .

12 Quod si semina sationi destinentur, longiorè atatem ferunt; cum eni-  
 vò oleo copiosiore scateant, oleumque, utpote corpus viscidum, nec facilè  
 evaporans, seminali spiritui continendo idoneum sit, sit hinc, ut semina  
 multos annos secunda durent, & sata germinant. Quinquennium com-  
 muniùs conceditur: quâvis non desint, qui ultra etiam decennium fecun-  
 ditatis spatiũ protrahant. Vide hæc de re Rariorum t. 1. Hist. Plant. p. 25.



Non avi damnanda mora est. Genitabilis intus  
 Quæ latet, affusoque oleo devincta tenetur,  
 (Namque oleo uberius semen scatet) utilis annos  
 In multos vel longa trahit quinquennia Virtus.  
 Hos ultra fines habilem vim foetibus ultrò  
 Haud spondere ausim; quamvis non desit avaram  
 Qui spem promissis audax majoribus inflet.

Ut (1) fecunda satù vigeat tamen illa, cavendum  
 Ne nimium bibat humorem; nam contrahet inde  
 Marcoremque, situmque; gravis neù torreat æstus,  
 Acrior aut solito Brumæ vis lædat: ab æstu  
 Arescit vigor omnis, eumque nivalis adurit  
 Bruma gelu, virtusque omnis vanescit in auras.

Atque (2) hæ præcipuæ in cultus, artemque medendi  
 Sint fruticum, campisque gravi jam caule virentum  
 Herbarum partes: alias, quas fortè revifescit  
 Has præter, cirros, & acutâ cuspide dumos,  
 Capreolosque, pilosque, alios Polydædala in usus  
 Effinxit Natura, suis bene provida plantis.  
 Invalidos, justæque solo Virtutis egentes  
 Præsidii caules his juvit, & æqua superbo  
 Aut auxit cultu, aut telis munivit inerines.  
 Capreolos (3) Pifis imbellibus addidit, (4) actos  
 In spiram Cirros Hederis, queis glutine sparsis,  
 Ceu digitis, volvi circum sua Robora possint,  
 Atque eadem prensare manu, atque evadere in altum.  
 Ast alios fruticare pilis, horrescere dumis

Ar-


- 
- 1 Multum autem conducit ad fecunditatem prorogandam seminum conservatio. Cavendum proinde ne humorem nimium bibant, atque inde situm, & putredinem contrahant; neve nimium calefiant, & exarescant. Nonnulla etiam frigus vehementius urit, & corrumpit.
  - 2 Atque hæ partes hætenus enumeratae rei medica apprime utiles sunt. Aliæ, quæ occurrunt, tanquam auxiliares, & secundaria in alios usus sunt à Natura destinata.
  - 3 Capreolos nimirum, scilicet claviculos quosdam Pifis, Cucurbitæ, aliisque leguminibus, uti etiam Viti concessit, ut ipsi illa, utpotè infirmiori caule, tanquam manibus vicinas plantas apprehenderent, & velut circumducto funiculo amplexarentur.
  - 4 Hedera vulgari, uti etiam Canadensi Quinquesolia, Nostrat. Vite del Canadæ, cirros quosdam glutinosos, vel quasi manus in digitos divisas elargita est, quibus arboribus, aut parietibus pertinaciter adhærescunt.

Armatis alios caules dedit: Aspera pompam  
 Seù sic quærat, opes seù sic tutetur agrestes,  
 Sive supervacuum sic egerat uvida succum.

Sed nos cauliferam jam pubem excussimus omnem  
 Dissectam in partes, Tempus secedere paulum  
 Sebethi ad ripas, æstumque levare sub umbrâ.

*Finis Libri Secundi.*





# BOTANICORUM.

## LIBER III.

**H**Ætenus herbarum partes, plantisq; repostos  
 Altius, & viridi ductos subtegmine textus.  
 Nunc ipsas toto juvet inspectare virentes,  
 Aut Caule, aut celsò jam caudice: Quem magis optet  
 Quæque locum, haud alibi temerè quærenda: Serantur  
 Quâ ratione, fibrasque trahant alimenta per altas:  
 Sidere quo veniant, quo florem, aut semina trudent,  
 Natalesque suo distinguant munere menses.

Intactam tentare viam, quam nulla priorum  
 Orbita trivit adhuc, frondosa per avia, Clio,  
 Perge, sequar: campis montes superare relictis  
 Ascensu sedet, ac tumidum lustrare profundum:  
 Quin procul utrumque in Solem contendere, metas  
 Herculeas, Thetidisque oras Atlantidis ultrà;  
 Quasque metunt medicâ fœtas virtute perusti  
 Memnonidæ, Ammericæque avium caput obsita plumis,  
 Spectare externas utroque in litore fruges.  
 Nec me præruptæque viæ, longique laboris  
 Unquam pœniteat, Duce Te, Teque Auspice, nostrum  
 O decus, Ambroside, fausto quem gloria passu  
 Usque præit, meritisque ambit redimire coronis.

Quisquis(1) Apollineas studio solercior artes  
 Lætus amas, stirpe siue, & pubescentia passim  
 Gramina, Naturæque sinus scrutaris agrestes,  
 Non unum tere lentus iter, nec florida tantùm  
 Pascua, nec tantùm vernantes excute campos.

Non



Non (1) omnes fert omnis opes ager, alma neque uno  
 Germina sunt contenta loco. Sunt quæ sibi certum  
 Asseruere, locisque aliis vernare recusant.  
 Ne Te cæco igitur deceptum errore viarum  
 Longus in incertum verset labor, ante necesse est  
 Ediscas quem præcipuè sibi quæque præoptet  
 Planta locum, quo læta solo, quibus imperet arvis.  
 Nanque (2) aliæ campis vernant magis, abdita poscunt  
 Aut nemora, aut sylvas aliæ, vel prata choreis  
 Nympharum celebrata: Suis hæ caulibus alta  
 Affectant juga, flumineas vel mollius oras  
 Pingere amant: campos salis illæ, & litora passim  
 Optavere: virent æstu jactante, propinquis  
 Aut falsâ è scopulis undarum aspergine gaudent:  
 Ast aliæ externas alio sub fidere terras  
 Obtinuere: illas aut primo excussus Eoo  
 Lucifer, aut sero fecundat lumine Vesper,  
 Atque peregrinas afflant in pharmaca vires.

Prata (3) tenent (4) Enulæ, (5) Clytie sata læta, domorum  
 Rudera, tectorumque unias (6) Polypodion, hortos  
 Sonchus (7) amat cultos, habiles (8) Lunaria Montes,  
 Chrysocomeq; (9), Silerq; (10), & olentia (11) Centaurea.  
 At segetes inter passim (12) Cyanusque, comesque

Cal-

- 
- 1 Non uno, eodemque in loco planta omnes temerè proveniunt: alia alios affectant.
  - 2 Sunt enim quæ campis potissimum gaudent, dicta proinde Campestres: Sunt Sylvestres, quæ Sylvas amant, ac nemora: Sunt Pratenses in pratis præcipuè frequentiores. Alia denique Montana, alia Aquatica, vel Palustres, alia Submarina, vel Maritima, alia Exotica, ac Transmarina.
  - 3 Plurimis Plantarum exemplis præceptio illustratur, earumq; præcipua quedam loca exponuntur.
  - 4 Ital. Enula Campana, ò Fior d'Elena. 5 Ital. Girasole. Hetrusc. etiam Clizia, Elitropia, over Tornasole. 6 Aliter Filicula Ital. Polipodio. 7 Nostrat. Cardillo. Hetrusc. Cicerbita. 8 Lunaria. 9 Aliter Pulegium Montanum. Hetrusc. Puleggio montano.
  - 10 Hetrusc. Silermontano, ò Sileos. 11 Hetrusc. Centaurea. Herba aliter dicta Febrifuga, seu Fel terra.
  - 12 Ital. Fior Campese, ò Battifecula.

*Caltha* (1) subit, densas inter (2) *Serratula* sylvas:  
*Indigenis* nec nuda suis dumeta: salubri  
*Carlina* (3), *Rubia*que (4) virent laticissima: sepes  
*Bupleuris*(5), *Lupulisque* (6): vias sibi [7] *Carduus* optat,  
*Pulvereoque* rigens gaudet sordescere nimbo.

Contra [8] aliæ aut undis, aut crassâ uligine lætæ  
 Fontesque, vivosque lacus, & flumina stirpes  
 Concelebrant, stagnisque ultrò liquentibus hærent.  
 Stagna [9] *Hippuris* habet caudâ præsignis equinâ,  
 Stagna [10] *Chamæleuce*, stagnis [11] *Petasitis* adhæret,  
*Marrubiumque* [12], & odora gravi [13] *Pulegia* thyrsis.  
 At nitidos propter rivos, & curva secundum  
 Flumina (14) *Saxifragæ* proles sese aurea tollit,  
 Obstanteq; (15), *Siumq;* [16], & acutâ fronde [17] *Sagittæ*,  
 Editaque hirsuto carpenta [18] *Sisymbria* caule.  
 Quid Tibi quæ [19] *Nymphæa* sibi loca vendicat, aut quæ  
*Myriophyllon* (20) amat, [21] *Phyllitis*que ardua linguam  
*Cervinam* exertans, (22) *Lichenq;*, (23) nigrumque *Adiantum*,  
 Commemorem? vitreis *Nymphææ* innare fluentis  
 Est amor, & totis penitus se mergere lymphis.  
 Par nandi studium, fluviosque, lacusque colendi  
*Myriophyllon* habet. Gaudent humentibus umbris  
*Phyllitis*, *Lichenque*, udis quæ perlita lymphis  
 Saxa fluunt, putrique situ lustra obrita marcent.  
 At loca deciduis latè rorantia guttis  
 Accolit, & fontes *Adiantum*, heu! triste *Cytheres*  
 Confossum sine more suum lugentis *Adonis*

Ar-

- 
- 1 *Ital.* Fior d'ogni mese. *Hetrusc.* Fior rancio. 2 *Querciuola* minore. 3 *Carlina*, ò *Cameleone* bianco. 4 *Rubbia*, ò *Eritrodano*.  
 5 *Herba Gallis dicta Gratia Dei.* *Ital.* Orecchia di Lepre. 6 *Lupulo*. 7 *Hetrusc.* Cardo, ò Stoppione.  
 8 *Plantarum Palustrum, & Aquaticarum aliquot recensentur.* 9 *Aliter Equisetum.* *Hetrusc.* Coda Cavallina.  
 10 *Ital.* TussilagGINE, Farfara, ò Unghia di Cavallo. 11 *Ital.* Cap-pellaccio. 12 *Hetrusc.* Marrobbio, ò Prassio. 13 *Puleggio*.  
 14 *Hetrusc.* *Saxifragia* à fior d'oro. 15 *Nostr.* *Petrosino* selvaggio, ò *Filipendula*. 16 *Nostrat.* *Gorgolestro*. 17 *Saetta* aquatica. *Herba sic dicta à foliorum forma tricuspide*. 18 *Menta* Selvaggia. *Hetrusc.* *Sisymbrio*, ò *Calamento*. 19 *Ninfea*, ò *Nenufar*. 20 *Millefoglio*. 21 *Lingua Cervina*. 22 *Aliter Muscus Saxatilis* seu *Hepatica Fontana* *Hetrusc.* *Fegatella*, 23. *Hetrusc.* *Capelvenere* nero.

Argumentum ; illam (1) , nam vulnus ut haufit acerbum  
 Dilecti in primis Juvenis , vi dentis adauctum  
 Fulminei , largos oculorum è margine fletus  
 Evoluiffe ferunt : trepido simul ungue capillos  
 Discerpsit . Divam Tellus miserata dolentem est ;  
 Nam lacrymis madefacta , suas simul ipsa repente  
 Reddidit & lacrymas . Citus ilicet exiluit fons  
 Inde scatens , sparsique unà viruere nigranti  
 Luctificum crines testati fronde dolorem :  
 Qui lacrymis sueti jampridem , humentia vel nunc  
 Afficiant loca , quæ riguis fient roscida guttis .  
 Hinc etiam Veneris dicti nunc ricè Capilli ,  
 Quos Adiantum alii nigrum vertere vocantes :  
 Ipsa (2) etiam sua fluctivago colit æquore Doris  
 Germina , ramosis (3) Equiseta rigentia saxis ,  
 Et par (4) Abrotanum , curvoque (5) Corallia trunco ,  
 Androsacasque (6) , Porosque (7) , petræisque addita fungis  
 Ambara (8) , & affines duro sub Cortice stirpes :  
 Quos pelago innantes olim de more , rigentem  
 In lapidum faciem vectus super æquora vertit  
 Anguicomæ Perseus objectans ora Medusæ .  
 Adde tot æquoreas (9) Salices , Quercusque , Cupressosque ,  
 Undigenasque Rosas (10) Muscosque , (11) Marisque Flabella ,  
 Tot gracili latè plumata (12) Corallina caule ,  
 Æquoris Illyrici passim fluitantia fundo ;  
 Et varias (13) Algas , & forma dispare (14) Fucos ,  
 Alatos , teretesque , & quo Te carmine dicam ,  
 Inachix Volucris (15) , fastu qui suppare pennas

## L

Men- 3

- 1 *Pabulosa Ratio* , cur *Adiantum* , *Capillus Veneris dictum* , fontes  
 præcipuè affectet .  
 2 *Planta* , quas *Botanici Submarinas* vocant , enumerantur .  
 3 *Coda cavallina marina* . 4 *Abrotano marino* . 5 *Corallo* .  
 6 *Monspeliensibus Umbilico marino* . 7 *Marini lapidis genus*  
*Corallio affinis* , à crebris poris , seu foraminibus , quibus perundi-  
 tur , dicti . 8 *Ambar* siquidem peritioribus maritimus fungus pe-  
 træus habetur . *Ital.* Amba . 9 *Salci* , *Querce* , *Cipressi* , *Ro-*  
*se li mare* . 10 *Hetrusc Musco* , ò *Muschio marino* . 11 *He-*  
*trusc. Rosta* , ò *Ventaglio marino* . 12 *Officin. Corallina* .  
 13 *Ital. Alga* , *Hetrusc. Aliga* . 14 *Fuco marino* .  
 15 *Peculiaris fit mentio Fuci marini* , *Gallo Pavonis pennas referentis*  
*in scopulis ad Scoticum* , seu *Britannicum Oceanum observati* , ex  
*Ratio E. I. Hist. Plant. p. 75.*



Mentiris, piæque refers spectacula caudæ,  
 Arietat in scopulos quæ Tethyos unda Britannos.  
 Nec vos transferim; variis quæ prædita formis  
 E' stratis pelagó spumosa in litora nidis  
 Dilectæ Thetidi Halcyones sua munera mittunt  
 Halcyonæa; truces maris avertata procellas.

Sunt (1) & caulifero stirpes; qui cespite poscunt  
 Prospectum pelagi propius, salsoque virescunt  
 Latius afflatu; & pleno magis ubere veriant.  
 Saxa (2) Chamæfilices; tumidum spectantia pontum  
 Saxa colunt; rupeisque: mari loca proxima; sepes  
 Atriplicis species (3) Halimus; succedit in aquor  
 Quæ Tagus; aut Siculo assultant freta pulsa Peloro.  
 At bibulis gaudet refluxum sub litus arenis  
 Gnaphalium (4), Spinisque (5), Kali crinalibus horrens,  
 Ambrosiæque (6) virens germen, (7) Poliumque, (8) Blitumque,  
 Et solum stagnis carpenda (9) Althæa marinis;  
 Imperat immenso quæ Magna Britannia ponto:  
 Par (10) Echio Angligenæ ingenium (11); Crithmoque rigenti,  
 Par (12) Scolymo; cui cognomen Crysanthemus, oris  
 Tyrrheni maris assiduus; curvisque Pachyni  
 Litoribus; pontumque audit quo Gallia tractu.  
 Nec dispars tibi; spicato quæ florida thyrso  
 Assurgis (13) Rubia; & platidis procul annuis auris;  
 Per sicali cautes pelagi; per & Anxuris oras  
 Equoreas spectanda. Quid hinc aut (14) Pisa marinis  
 Nata locis; aut Trinacriæ freta propter abortos  
 Subjiciam (15) Astragalos? Anceps est nempe quibusdam  
 Stirpibus ingenium, glebæ; quæque ubere lata  
 Divitis, & colles; & prata virentia complent,  
 Sæpè etiam virides pelagi divertere ad undas  
 Consuevere; aliisque habiles jam moribus audent  
 Herbosæ pubi sese accensere marinæ;

Et

- r His alia, quas Maritimas appellant, accensentur. 2 Felce Marina. 3 Porcacchia marina, *Hetrusc.* Porcellana Marina. 4 *Hetrusc.* Gnafalio. 5 *Officin.* Erba soda: Aliis Salzola, ò Salicornia. 6 *Ital.* Ambrosia. 7 Polio. 8 Blito.  
 9 *Hetrusc.* Altea, ò Bismalva, in palustribus maritimis apud Anglos dumtaxat observata, teste eodem Rajo. 10 *Ital.* Buglossa Selvaggia. 11 Finocchio marino. 12 Carcióffo. *Hetrusc.* Gobbo à fior d'oro. 13 *Officin.* Ruggia, ò Rubbia spicata. 14 Pifelio marino. 15 Astragalo marino, *Hetrusc.* Fagnuolo Salvatico.

Et mutare vagā formosam Doride Chlorin.

Talem se Tibi spectandam sata Præstite Nereo

Soldanella (1) dabit felix Maris accola , Talem

Brassica (2) , Leucoïumque (3) , undisque è dulcibus in fons

Transfuga (4) Plantago , & falsa grata Hospita lymphæ ;

Atque aliæ id generis paucae , quæ litora circum

Neptūno viridem norunt transcribere sylvam .

Ast (5) alios aliæ soles , alia arva , virentes

Orbe alio expascunt peregrino germine fruges .

Aut illæ Ammericēs nemorum per inhospita in auras

Spontè sua veniunt , aut per sata culta profuso

Gange , rubescenti primum lustrantur Eoo ,

Et priuos in blanda bibunt medicamina rores .

Ammericen (6) natale solum sibi luteus Aster

Vendicat , Ammericen Solis de nomine dictus ,

Æmulus & Solis (7) hos inclytus , illius orbem

Orbe suo referens , fibris radiatus acutis .

Hic & Mexiaci patriā quem voce (8) Cacaum

Agricolæ dixere , frutex lectissimus exit ,

In peponum faciem fructu pendente beatus ,

Unde laboratum medicata in pocula nectar ,

Divinum inventum , socio quem germine consors

Luxurians Siliquis (9) Vaginula stipat odoris .

Auroræ (10) at latè lucis nascuntur in altis

Caryophylliferæ (11) , felicia Robora , plantæ ,

Zingiberisque (12) frutex (13) , Chinæque exotica Radix ,

Et (14) Costum , & (15) Cassia , & germen benè olentis (15) Amomi

Junctaque odorato (17) Nux dicta Myristica (18) Junco ,

L 2

At-

1 Cauolo marino ò Soldanella. 2 Cauolo. 3 Viola bianca. 4 Officin. Piantaggine , ò cinque nervi . *Quæ stirpes à num. 1. recensita vocantur Amphibiæ , ut potè quæ natura sua aliis assuetis locis , in maritimis etiam aliquando proveniunt .*

5 *Planta exotica , ac transmarina , quæ in utraque India , tam Occidentali , quàm Orientali præcipuè proveniunt .*

6 *Ital. Astro del Canada à fior d'oro . 7 Enula , ò fior d'Elena del Perù . 8 Ital. Cacao . 9 Ital. Vainiglia , ab Hispanico vocabulo .*

10 *Indica verò Orientales sunt , quæ adnectuntur . 11 Hetrusc. Garofano , ò Gherofano aromatico . 12 Officin. Zinzivero . Hetrusc. Gengiovo . 13 China . 14 Costo . 15 Cassia . 16 Amomo .*

17 *Noce moscata . 18 Officin. Squinante , ò Paglia di Camelo .*

Atque (1) Aloë, atque (2) Piper cum Sylvicoma (3) Tamarindo.  
 Hic (4), etiam clarum fulgentis ab æthere Solis  
 Aversata jubar, patrio cognomine Tristis  
 Planta viret, mirum! cælo quæ mæsta diurno  
 Non nisi in obscuram differt sua gaudia noctem.  
 Nam foliis latè, florumque elata comanti  
 Sub noctem luxu, reduces ubi lætior ortus  
 Extulerit Titan, extemplo arentibus ipsa  
 Mæret inops foliis, floresque aut claudit hiantes,  
 Aut malè deciduis pompam dimittit odorem.  
 Nec tantas animo quæ dudum accenderit iras  
 Causa latet. Fuit illa, suis ut cognita fastis,  
 Nympha Malabaridas inter pulcherriima nymphas,  
 Ah nimium felix, si nullum optasset amantem;  
 Sed formæ fidens Solem ausa laceßere formâ,  
 Illius infelix dubios dum provocat ignes,  
 Igne oblit graviore: suus confecit amantem  
 Heu spe cassus Amor: Votis dejecta sequentem  
 Ut Nymphæ alterius vidit vestigia Solem,  
 Ut periit! Lucis tædet, se seque sub ipsa  
 Luce, suæque pudet cælo spectare sereno  
 Contemptorem animæ, formæque: stat illius ultrò  
 Aspectu miseram sese subducere ferro.  
 Nec mora, crudele exequitur devicta dolore  
 Consilium: stricto rumpit candentia telo  
 Pectora, contemptosque furens sic mulctat amores.  
 Latitur exanimis, lucemque, aurasque relinquens  
 Conspectum Solis fugit indignata sub umbras.  
 Illam Indi auriferi fluctus, Gangetides illam  
 Fleverunt Comites, flevit rorantibus excors  
 Luciferis oblita suum jam Memnona Mater.  
 Quin operâ ejusdem, flamma postquam excitus illam  
 Impositam Rogus in Cineres de more resolvit,  
 Funereo è Lusto, complorataque favillâ,  
 Nata memor planta est, ramis quæ posthuma dudum  
 Concepta in Solem vel nunc odia aspera servat;  
 Nam viridi luxu exultans, & florida noctu,  
 Solis ad aspectum languet, florumque coercens  
 Læticiam, elusos quondam testatur amores.

Sed

---

1 Aloë. 2 Pepe. 3 Tamarindo.

4 Peculiaris sit mentio Arboris apud Malabaricos, quem Tristem appellantes, quæ describitur, & fabula illustratur.



Sed licet (1) Arboribus divisæ, & frugibus almis  
 Obtigerint patriæ, nec sit mos omnibus idem,  
 Arte tamen positos haud dedignantur in hortos  
 Transierri, cultumque pati, curamque magistræ,  
 Excipe (2) quos uno exortes Neptunia fundo  
 Arua tenent frutices, paucosque Atlante remotos  
 Extremo procul Orbe ferax quos India mittit;  
 Haud ulla Europæ glebis qui pinguibus unquam,  
 Seu cæli, seu lenta sol Natura repugnet,  
 Arte feri potuere: aliis hos pangere terris,  
 Quàm sibi Natales quas primo habuere sub ortu,  
 Desperes: unis, æquo quas aspicit astro  
 Cynthius, externis illos progignier oris  
 Sorte datum. (3) Laudata suis fert sola viretis  
 Cinnama Taprobane (4), Soli Rhabarbara Seres.  
 Sola Malabaridum (5) tristi viret arbore Tellus.  
 Non ita verò aliis nostrâ tellure ferendis  
 Indocile ingenium: (6) nostris quoque sæpè profecti  
 Orbe alio insuetas arvis defigere norunt  
 Radices, mitique hilares assuescere cælo.  
 Nonne vides Pervès ut vesta è ditibus arvis,  
 Ausonii Veris jam Civis reddita, jam Stirps,  
 Florentem (7) Solymen nostris quoque pingat in agris  
 Granadilla? parique fatu succrescat (8) Ananas.  
 Et ramosa humili quæ caule exultat (9) Iberis?

II-

- 1 Quamvis autem planta pro suo quaque ingenio peculiarem aliquem sibi locum affectent, nec temerè alibi spontè sua orti reperiantur; illarum tamen pleraque culturam admittunt, & in hortis cura adhibita educari non abnuunt.
- 2 Excipiuntur submarina omnes, quæ alibi, præterquam in maris fundo, nec vivunt, nec durant, & Indica aliquot Orientales.
- 3 Siquidem Cinnamomi Arbor, Hetrusc. Cannella, Cennamo, ò Cinnamo, nonnisi in Taprobane, vulgò Ceylan, laudatissima provenit.
- 4 Rhabarbarum, Officin. Reobarbaro, Hetrusc. Rabarbaro, nonnisi in interiori Sinarum regione.
- 5 Arbor tristis apud Malabaras dumtaxat reperitur; ut enim testatur Acoſta, in Lusitaniam translata neutiquam coaluit.
- 6 Frequentissime verò Indica etiã, & exotica stirpes Europæo calo, soloque assuescere non recusant; ut aliquarum exemplo comprobatur.
- 7 Ital. Granadiglia, ò fior di Passione.
- 8 Ital. Ananas.
- 9 Ital. Iberide, ò Lepidio campeſtre. Aliis Caradmina,

Ille licet Brasiliū vastis in saltibus, isthæc  
 Virginix generis cunabula jactet in oris.  
 An non (1) ipsa suis transcripsit Gallia campis  
 Indica (2) puniceo, flavo (3) Sinensia flore,  
 Et quæ pleno (4) Arabes, & quæ dat (5) Ianthina Persees,  
 Gelsimina, alioque abductum (6) Zinziber orbe,  
 Atque Asarum (7) Canadense, Americanumque (8) Adiantum.  
 An non hoc tota Europā jam more recepto  
 Jamaica jam nunc, alioque à Sole calentis  
 Virginix stirpes felix colit Anglia? Quidquid  
 Indus alit, Libyæque, superba Hollandia, Crete,  
 Et Pelusiaci quicquid fert ora Canopi  
 Barbara (9), Corneliis stupuit quondam Adria septis.  
 Non (10) his ergo tuus patrio priuabitur Hortus  
 Rure virens, herbis si quis tibi vernet alendis  
 Propriis Hortus: lectas huc undique fruges  
 Omnigenas, quasque alma suis Aurora rosetis,  
 Quasque suis America jugis, aut gurgite nutrit  
 Amnis Amazonio, facili deducere cultu  
 Iuverit, & varios Herbarum hinc discere mores.  
 Haud unquam tantam meritis mercabere laudem,  
 Quanta Botanifero veniet, nec vilis, ab Horto.  
 Tercentum molita Tubas utrumque sub axem  
 Fama tuum sublimè feret super æthera nomen.  
 Hic decet & Magnos Reges labor. Aspice, toto  
 Quā centum latè Populis, centum inclyta regnis  
 Europa excurrit frugum ditissima tractu,  
 Herbarum ut passim studio, & pubentibus Hortis  
 Floreat, & merito exornet sata Regia cultu.

Hic

- 
- 1 Sic à Turnesfortio audantur excolta Belgenferii in Gallia memorata  
 stirpes exotica. 2 Gelsomino Indiano à fior rosso. 3 Cinese à fior  
 giallo. 4 Arabico a fior doppio. 5 Persiano à fior violato.  
 6 Zinzivero, Herusc. Gengiovo. 7 Asaro del Canada. 8 Hetr. Ca-  
 pelvenere Americano.  
 9 Ab eodem Turnesfortio, Venetiis in Hortum Cornelii, qui Cypri præ-  
 secturam gessit, translata memorantur variora, & pulchriora ex  
 Creta, Alexandria, aliisque regionibus.  
 (10) Hac occasione Hortorum Botanicorum cura commendatur: & ce-  
 lebriores tota Europa Honoris causa commemorantur.

Hic Heidelbergæ (1) Necari mollissima propter  
 Arva, vel Altorfi, placidus quæ serpit amicis  
 Manus aquis, sua Pæoniis sata culta viretis,  
 Nequicquam indignante Helice, Germania promittit  
 Queis (2) sua consociat clari sub jure Lovani  
 Belgica quæ patrio custodit Terræ Leone.  
 Haud (3) procul hinc vasto astringens circumflua ponto  
 Anglia, Londinum quæ fert, Regnique lycæum  
 Oxonium, ostentat: Medicas spectabilis æquæ  
 Seu colat ingenio, terræ seu munere fruges.  
 Et (4) sua regifico jactat vernantia luxu  
 Gallia, Naturam cæu blandè affectet in ipsam  
 Imperium, sua subjectis dum dividit herbis  
 Jura, Parisiacis & lilia præficit arvis.  
 Nec minor (5) aut illis laus est, quos inclyta septem  
 Urbs elata jugis præ tot florentibus arte  
 Dædaleâ, & Regum fortunam æquantibus, Hortos  
 Pæonios sibi præcipuè colit altior, aut quos  
 Fernandi Magni auspiciis (6), censuque beatos  
 Explicat apricis felix Hetruria Pisis,  
 Phæbæosque fovens Medicæ amplectitur umbrâ.  
 Quis Te (7), quis tacitum, Iatis quem collibus altè  
 Vernantem Euganeis clara Urbs Antenoræ offert,  
 Medoacusque sacrum plaudenti interluit æstu,

PRE-

- 
- 1 Horti Botanici in Germania, Heidelbergensis in Palatinatu inferiori,  
 & Altorfinus in Franconia, ubi etiam celebratur ille magno sumptu  
 positus ab Illustriss. Episcopo Aichstadeni Jo; Corrado à Gemmingen.
  - 2 Hortus publicus Lovaniensis in Belgio.
  - 3 Horti in Britannia, Londinensis præcipuè, & Oxoniensis ære publico  
 positus.
  - 4 Horti in Gallia, Regius Parisiensis laudatus in primis; cui accedunt  
 Mompeliensis jussu Henrici IV. constitutus, & Blesensis rarioribus  
 plantis ditatus studio Sereniss. Principis Gastonis Borbonij Aurelian-  
 ensium Ducis.
  - 5 Horti in Italia, Romanus plurimum illustratus opera peritissimu  
 Jo: Baptista Triumphetti.
  - 6 Pisanus regis sumptibus Magni Hetruria Ducis, cui primum præse-  
 ctus præclarissimus Botanophilus Andreas Casaspinus.
  - 7 Patavinus summa Veneti Senatus laude ære publico constitutus ad  
 studiosos Medicinæ in Re Herbaria tradendos.



Prætereat ? (1) Teque ô qui luxu haud impare vernas  
 Maurocenæ ingens Gentis decus , Atria toto  
 Quem magnis regnatus avis colit æquore supplex ,  
 Atque Cleonæo major Leo sospitat atro ?  
 Nec Te (2) illaudatum linquam quem Felsina , nec Te  
 Boschia , æ excultum studio quem Principis Hortum  
 Latior Ennæis præfert Trinacria campis  
 Vos quoque, (3) vos largo quæ clara Ravennia sumptu  
 Educat , ingenioque potens tuatur , & armis ,  
 Floretis meritæ in plausus Vicidaria Famæ .

Sed neque Apollinei sua quæ miracula turis  
 Mænus alic, Tamesisque , tumens aut Sequana, certent,  
 Parthenope (4) formosa, Tuos, nec quæ æmulus effert  
 Adria , frugiferis aut prænatat Arnus arenis.  
 Rus hoc non aditu (5) , foribusque insigne superbis  
 Vestibulum , aut phrygiis interdistingua Columnis  
 Atria ditavero , notis lucentia miris ;  
 Dædala nec tonsâ vallant Topiaria buxo .  
 Sed Medicæ fruges , & amani Copia Veris  
 Ornare : tenet simplex , & parca Venustas .  
 Hinc exculta Salus campis sese utilis effert .  
 Hic Stirpes , Medea , tui , quæsitæque longe  
 Gramina , quæis morbis confecta , annisque priorem  
 Latior in florem redeat renovata senectus .  
 Hic Arabum Messes , alieno & quicquid ab Orbe  
 Aut Peruë mittit peregrinum , aut mittit Eous.  
 At Frutices absunt tristes , & noxia tactu  
 Semina , nec sævis livent Aconita Novercis.  
 Nec serpit plebeja seges per humum , neque tanto

Textilis

- 1 Cum quo alter ibidem positus concinnus Maurocena gentis illustre monumentum .
- 2 Bononiensis , & Siculus , cura Excellentissimi Principis Catholici insignis in paucis .
- 3 Horti in Hollandia , Lugdunensis , & Amstelodamensis cum primis commendatissimi .
- 4 Hortus Botanicus Parthenopæus in Capimontano Collegii Neapolitani S. J. Rure situs .
- 5 Hæc omnia hyperbolicè , ac per poeticum quendam lusum dicta accipio in gratiam Dominici De Amato ejusdem Collegii Pharmacopola, Horti prædicti Instauratoris , quibus nihil detractum volumus Hortorum maxime Regionum laudibus , quos huic Parthenopæo inscriptis prope partibus antestare ultrò non diffitemur .

Textilis in Sylvam tractu se potrahit umbra .  
 Adde loci cultum egregium , formamque per artem  
 In rata simplicibus sectam discrimina quadris ,  
 Germinaque obductos circum pubentia muros .  
 An cava collectas memorem servantia lymphas  
 Stagna lacu vitreo ? Tubulis an jugibus indè  
 Deductas , seu quà medio fons æstuat horto ,  
 Seu rigat artifice stirpes quà plurima cono  
 Pyramis , & sparsos sitientibus erogat imbres ?  
 Anne situm memorem cælo vernantis aprico ,  
 Piniferum caput attollens quà mollius almæ  
 Sirenium patriæ frondente supercilio Mons  
 Imminet , & tepidum vergit declivis ad Austrum ?  
 Hæc (1) eadem fessis sedes lata otia Musis  
 Sufficit , & vires reparat cessantibus ægras :  
 Hæc & mixta jocis , doctis & plausibus audit  
 Jurgia , prospectuque animos , & lumina pascit .  
 Salve (2) Agapetiadæ Tellus amor , & decus ingens  
 Parthenopæ . Tibi Pæoniæ rem laudis , & usus  
 Ingreddior , primam hanc ausus decerpere laurum ,  
 Phæbxamque suo do Sylvam assurgere Phœbo .

Hinc (3) Tibi par Horti species , par forma petatur ,  
 Si quis honos artis , si Res Herbaria curæ .  
 Quod si Te bello assuetum , & pugnacibus armis  
 Castra juventutisq; , & fervida Martis imago ,  
 Ipse Jugurthino clarus , Cimbrique triumpho  
 Herbose nemoris plantandi , Hortique virentis  
 Belligerum Marius specimen dabit : Ille peractis  
 Inclytus imperijs , veteris quò lumina belli  
 Falleret objectu , senio jam fessus apricam  
 Castrorum in speciem jussit describier hortum ,  
 Quà caput Euboicis tollit Misenus in oris .  
 Stabat Castrensis ritu quadrata latino  
 Area , quam circum valido munimine ductæ  
 Cingebant alto viridantes aggere fossæ .  
 Nec deerat qui loricas simularet agrestes ,

M

Altraque

- 1 Istuc quothebdomadis Collegij Neap. Juniores socedere solent animi causa .
- 2 Suprà laudatus Dominicus de Amato Rei Herbaria scientissimus explicatur
- 3 Horti à C. Mario in Misenensi olim positi , sed , ut loquitur Plinius , perit in Castrametando , descriptio .

Atque præferret qui propugnacula (1) Buxus .  
 Pro vallo foliis horrens (2) Paliurus acutis  
 Surgebat , dumisque rigens Sylvestris (3) Acanthus ,  
 Idæusque , (4) Rubus , (5) Ruscique , (6) Halimique propago .  
 In medio sectosque foros , atque herbida castra  
 Cernere erat ; vasti factos nec dentibus Hydri  
 Jam galeis aliis , aliis hastilibus ultrò .  
 Florere , & viridi pubescere milite fulcos .  
 Hæc inter miro latè præstantia luxu ,  
 Phylliræâ (7) , Myrthoque (8) , & purpurea (9) Rhododaphne  
 Vernabant elata Ducis Tentoria , cultrix  
 Pingebat quæ lata fatu Zephyritis amæno .  
 Ipse renidentum blandè metata recursans  
 Castrorum simulacra , suas revirescere lauros  
 Inde jubebat ovans jam Dux umbratilis , & se  
 Tum melius culti pascebat imagine belli .

Sed (10) quid ego hæc autem ? non his calcaribus isthæc  
 Res eget , est Regum quando nunc ista potentum  
 Gloria Præoniis sese oblectare viretis ,  
 Regalemque manum regalibus addere septis .  
 Nec Te fastalem cunctando spernere cultum  
 Noscendi teneat si rerum arcana Cupido .  
 Non parva hinc operis merces existet , & ipsum  
 Te non pauca usu Rerum Natura docebit .  
 Scilicet (11) hinc disces , cur hic gentilia stirpes  
 Munia , maternasque notas , & symbola servant ,  
 Degenerent alibi , & mores cum nomine mutant .  
 Queis cœli aspectus , Terræque haud æqua resistit  
 Temperies , illas felici educere cultu  
 Expectes Herbas nequicquam : ex parte necesse est  
 Deficiant aliquâ , & votis audacibus obstant .

Sic

---

1 *Hetrusc.* Busso, ò Bosso, 2 *Ital.* Agrifoglio, ò Aquifoglio. 3 *Bran-*  
*corfina Salvatica.* 4 *Ital.* Rovo Ideo, ò Rovo Angelico. 6. Mirto  
*Selvaggio.* 6 Specie di Porcacchia. 7 Fillirea. 9 Mirto, ò Mor-  
*tella.* 9. Oleandro, ò Rododafne .

10. Potissimum subditur calcat in Rei Herbaria studium , exactior Na-  
*tura cognitio .*

11 Scilicet hinc discimus primum , cur plantarum pleraque aliò trans-  
*lata degenerent . Hujusce autem rei in causa est vel non æquus cali-*  
*aspectus , vel non æquum soli ingenium .*



Sic (1) sua barbaricis Aster qui luteus oris  
 Virginie generis debet primordia , nostro  
 Sub cœlo Europæ pingues traductus in agros ,  
 Florentes detrectat opes exponere , multo  
 Jampridem nisi Sôle rubens exarserit æstas ,  
 Nec nisi folliculis semen tibi reddet avaris .

Sic (2) Polii stirps alma locis afflueta Marinis  
 Et Maris , & Solis nimios florere per æstus ,  
 Areolis excepta , suo jam degener albo  
 Desciscit , frondesque novo sibi marginè laxat .

Quid (3) Tibi purpureo subdam vernantia flore  
 Alpini Aconita jugis ? imbuta venenis  
 Illa , manu cultis si fortè adscripseris hortis ,  
 Haud mora, Cerbereâ multùm de tabe remittent ,  
 Atque tuis referent se penè innoxia pratis .

Scilicet (4) indomitas cogit mansuescere fruges  
 Mitius arborum ingenium , cultuque coërcet  
 Sylvestres animos , moresque emendat avitos .  
 Testes externis pridem quæ noxia sylvis ,

Nunc (5) Argentinis auro lita Præcoqua campis  
 Proveniunt , mensis gratissima dona secundis .

Hæc (6) eadem aspectu varium miracula cœlum  
 Sæpè dabit , plantasque suo de more refinget .

M 2

Quæ

- 1 Hinc est, cur Aster Virgineus luteus, seu Chrysanthemum Canadense bidens, ut potè Virginia indigena, apud nos serius floreat, nec nisi calida tempestate procedente, semenque rarò perficiat.
- 2 Hinc etiam est, cur Polium Marinis assuetam locis, atque æstate florens, cultum valde degeneret, minus candidum evadat, foliaque reddantur latiora.
- 3 Maxime verò id comprobatur in Napello, seu Aconito Magno, purpureo flore, quod in Alpini jugis nutritum vires valde noxias habet, delatum verò in Hortos mitescit. Quamvis ne hujus quidem vires experiri se velle asserat Rajus.
- 4 Nimirum noxia planta mitiori arborum ingenio sæpè demitigantur, ac virus exuunt avitum; ut Præcoquerum exemplo liquet.
- 5 Oppidum innuitur ad sexdecim passuum millia Neapoli distans, quod Argentum, vel Argentium latine dicitur, vulgò Arlenzo; ubi Præcoqua proveniunt laudatissima.
- 6 Sæpè portentosa hæc in plantis eveniunt ab uno mutato cœli aspectu. Sic Aconita, & Cicuta, quæ in Montibus Syrenais meridiem versus vincta sunt, si Septentriones versus transplantentur, humidis in locis æcendi vim omnem amittunt.

Quæ nuper memorata suis Aconita Pyrene  
 Cautibus educit, quâ parte obvertitur Austro,  
 Dextrâ iterum relegas; stygio sata felle Trifaucis  
 Deprendes Canis; ast eadem stagnantibus arvis  
 Si mandes, gelidam Tellus quâ prospicit Arcton,  
 Virus Echidnæi sensim dediscere monstri,  
 Aspicias, tabemq; omnem vomuisse Pheræam,  
 Quippè satum spumâ quondam illætabile germen  
 Cerberæa, amittit vires, ni mollior Auster  
 Excitet, humentiq; rugens tabum eliquet aurâ.

Haud (1) multum abludit, Chrysa quæ divitis altos  
 Per lucos, per & arva, satum spectanda biformi,  
 Planta viret, cæliq; haurit de munere vires;  
 Namque solo parvum placito si spectet Eoum,  
 Illicet assurgens aspectu læta salubres  
 Explicat & frondes, & miti cortice fructus.  
 At contra vireat si Phæbo obversa cadenti,  
 Instantemq; rotis, mergentemq; æquore currus  
 Prospiciat, casum velut indignata paterni  
 Sideris, affuso sensim folia omnia tabo  
 Inficit, & fructus, fœtuq; illudit acerbo.  
 Usque adeo sua cum patrio sunt fœdera Phæbo  
 Stirpibus, & cæli ingenium, moresq; sequuntur.

Hæc (2) præter majora dabunt se monstra legenti  
 Observanda, tuoq; stupens spectabis in horto  
 Pubentes Nymphæ quondam Titanidis artes.  
 Sæpè etenim affinem mentitum germine formam  
 In species alias vario mutabile fœtu  
 Semen aberrabit, (3) foliis & stabit apertis  
 Brassica, cognato steterat quæ florida thyrsò.  
 Sæpè etiam (4) vulgaris erit Tibi Primula, prati  
 Lutea vel soboles inodoro ingloria flore,  
 Semine quæ Veris fuerat jam Primula major.

Seu

1. Huc facit, quod de Planta quadam Malacensi apud Indos memorat Solin. p. 36. quæ folia, & fructus salubres habet, si Orientem spectet Solem; noxios verò, ac virulentos, si Occidentem.
2. Illud etiam è Botanica studio discimus Plantas nonnullas interdum in alias species aberrare.
3. Sic sæpè observatur è semine Brassica Florida Botrytis Nostrat. Caulola fiore enascens Brassica longifolia aperta. Nostrat. Broccolone.
4. E semine Primula Veris majoris existens Primula vulgaris, aut Primula præsens inodora.

Seu varium id Terræ ingenium, seu seminis ægri  
 Vis effœta ferat (1), seu sit concessa potestas  
 Eiusdem generis plantis, quæ pervia sæpè  
 Cognatam sese in faciem, cultumque propinquum  
 Induat, atque aliâ spem formâ eludat agrestem.  
 Non semel hinc alti medio sub sidere Cancri  
 Messor avenaceis stupuit turgescere granis  
 Culmum, triticeis qui jam Havebat aristis,  
 Hordeaque immixto nigrescere visa (2) Secale.  
 Quid? quod sunt (3) bulbo qui se testentur eodem,  
 Haudquaquàm mutatâ arvi genitabilis alvo,  
 Unde (4) Crocus primùm extiterat, legisse recusis  
 Gladiolum (5) foliis, (6) Hyacinthum suavè rubentem  
 Leucoi de stirpe, satuq; in germina rursus  
 Alternante, vicem cultu revocasse priorem.

Interdum (7) pingui Terræ de munere flores  
 Angustum pridem Calycem, & vix simplice cultu  
 Contentum, luxu foliorum implere comanti  
 Aspicias, partuque sinus laxare tumentes.  
 Sic alia ex aliis studio translatus agresti  
 In loca, non semel exiguas jam largior auxit  
 Caryophyllus (8) opes: Nemorum sic germina cultis  
 Confiti pulvillis (9) Anemone, & (10) Colchica crines

Ple-

1. Hac autem specierum transmutatio in plantis nonnisi inter affines, & ejusdem generis contingit. Hinc mirum non est, quod aliquando in Spica Tritici Albi tria, aut quatuor grana Avenacea observata sunt omni ex parte perfecta; & in spicis alijs Hordeum simul, & Secale. 2. Nostrat. Germano. Hetrusc. Segala, ò Segola.

3. Addit tamen eruditissimus Sharroccus de Propag. Plantarum c. 1. n. 4. plantas nonnullas bulbosas diuturniore mora in eadem loco mirabili sanè metamorphosi in alias species degenerasse; Crocum ex. gr. 4. Ital. Croco, ò Zaffarano in Gladiolum. 5. Ital. Spadella. Iride di Primavera Hetrusc. Ghiaggivolo. 6. Leucoium. Ital. Viola bianca, in Hyacinthum, Ital. Giacinto, & vice versa. Quod tamen Rajus ne jurato quidem crederet.

7. Compertum illud etiam floribus ex crebra hac in alia ex alijs loca translocatione evenire, ut sæpè ò simplicibus in planas, ac multiplices evadant; usi de Caryophyllis auctor est Laurembergius, & de Anemonis nemorum, & Colchicis testatur Sharroccus.

8. Ital. Garofalo, ò Garofano 9. Nostrat. Anemola. 10. Ermodattilo, Specie di Tulipano, ò di Narcisso Autunnale. Alij Zaffarano Selvaggio.



Pleniùs explicuere : (1) novæ decus addidit ollis  
Fertilitas glebæ , & formæ blandita moranti est .

Multum nempe soli ingenium , & clementia cœli

Arva (2) juvant , nec frustra alto sol splendet ab axe ;

Sicubi jam felix , & fertilis ubere glebæ

In medium Solem , & tepidum prospectet in Austrum ;

Illa Tibi Tellus Terris magis omnibus una

Herbarum dives censu exultabit agresti

Latior , & viridem latè diffundet honorem .

Non (3) illi certent gelidum damnata sub axem

Arva , Caledoniis nunquam non cana pruinis .

Largior hic seges , & numero cumulatior omni .

Quin (4) quæ vix Fruticum Riphæis confita campis

Excedunt virgulta modum , producta tepenti

Sub cœlo arboream in molem felicibus umbris

Affurgunt , ventosque statu , & vaga nubila vincunt .

Quæque humili Herbarum censentur germina laude ,

¶ Vi Brumæ contracta , altos sub mitibus auris

In Frutices abjere ; nec ultrà imbellis in altum

Est Althæa (5) suos mirata evadere Ramos ,

Et crebris (6) Scabiosa pilis , & cespite Majus

Usque (7) Sedum vivax , & (8) Malva , & caudice tandem

Ipse sui vix lactis egens (9) Tithymalus adulto .

Mite (10) solum , mites auras optate tenellis

Spir-

- 
- 1 Plurimum verò ad id conduxisse putatur Soli ubertas , & opulentia .  
2 Multum nimirum educendis feliciter plantis confert uber Soli ingenium ,  
& Cœli clementia . Hinc observatum , quò propius ad Meridiem accen-  
das , eò plures plantarum species deprehendi .  
3 Quamvis enim Regiones frigida , & Septentrionales suas quoque pe-  
culiaries stirpes obtineant , paucissima tamen ea sunt , si cum illis com-  
ponantur , quæ in Temperatis , & Calidioribus proveniunt .  
4 Quin plantarum plures , quæ frigidis in Regionibus Fruticum modum  
non excedunt , in Calidioribus Arborum Staturam , & Magnitudinem  
assequuntur : quæque illic nonnisi Herbae sunt , hic etiam in Frutices  
abunt ; ut in ijs , quæ recensentur , compertum .  
5 Hetrusc. Altea , ò Bisinalva . 6 Ital. Scabbiosa . 7 Sempreviv<sup>o</sup>  
Maggiore . 8 Malva . 9 Titimalo , ò Titimaglio .  
10 Quantumvis verò Bruma obsit Herbarum viretis , observatum tamen  
Montes excelsos , quorum vertices maximam anni partem nivibus ope-  
riuntur , uti sunt Alpes , & Nicates Mons in Samnio , vulgò Majella ,  
herbarum copia , & varietate affluentiùs abundare ; easque ibi omnium  
sui generis serò maximas esse , & flores pulcherrimos edere .

Stirpibus, at contrà immitem defendite brumam;  
 Agricola: plantis jam pubescentibus algens  
 Bruma gravis, nocet herbosis pigra bruma viretis.  
 Quamquam nubiferas vernant quæ læta per Alpes,  
 Quæque Machaoniis Nicaten frugibus umbrant,  
 E nivibus, longos canent quibus obsita menses,  
 Incrementa (1) ferunt majora: haud ullibi stirpes  
 Luxuriant magis, & censu se divite fundunt.  
 Herbarum uberior vis hic, & didita plures  
 In species, hic majori se germine Caules  
 Puberibus tollunt foliis, & flore renident  
 Splendidiore: nives aninos, viresque ministrant;  
 Seu sibi subjectas alto velut aggere stirpes  
 Tutentur Boreæ contrà, Brumæque furores;  
 Seu, quo ritè scatent, fuso sata pingua nitro  
 Pæcudent, glebasque soluto humore maritent.  
 Hinc vix afflatu Zephyrorum, & Solibus iætæ  
 Disperiere, subit partu cùm præcoce pubes  
 Herbida, & extemplo fruticans juga inessis inumbrat.  
 Jam vero (2) has ipsas quæ sit Tibi forma serendi,  
 Quæve propagandi plantas edicere tempus.  
 Non una Arboribus, teneris non una creandis  
 Est plantis Natura; (3) aliæ nam spontè virescunt,  
 Nullo hominum cogente; (4) suo de semine surgunt  
 Ast aliæ, & lætas veniunt in luminis auras.  
 Sunt (5) quæ submissis reptanti è Caule flagellis  
 Multiplicant sese: regnata per arva procurrunt  
 Illa, novisque solo jactis Radicibus hærent,  
 Sub nodos novâ subjectis ad munera fibris:  
 Tempore quæ tandem, paulatim arentibus ipsis

Fu-

- 1 Id autem nivibus ipsis tribuendum; siue quòd nix, tanquam operculum quoddam radices foveat, & ab injurijs cæli, & frigoris vehementioris defendat; siue quòd Sale nitroso, quo abundare creditur, terram latius fecundet.
- 2 Jam vero quòd ad sationem, & propagationem plantarum attinet, varii id modis contingit.
- 3 Alia siquidem sponte nascuntur.
- 4 Alia è semine, ut planum cuique est.
- 5 Alia flagellis, cùm funiculis emissis, reptantibus, atque ad nodos radices subinde agentibus, & sursum germinantibus: quæ germina, cum invalescunt, funiculis arefcentibus, à Matribus suis spontè separantur, & novæ planta fiunt; ut in memoratis cernere licet.

Funiculis, primâ disjuncta è Matre residunt  
 Altera jam, jurisque sui, censuque comantem  
 Longè alio subigunt discretâ in germina stirpem.  
 Tale Tibi specimen serpens (1) Fragaria, Tale  
 Quinque dabit Folium (2), quique ex Atlante remoto  
 Devedus nostris floret (3) Ranunculus oris.  
 Pullulat (4) ab radice aliis numerosa propago,  
 Neque sub ingenti Matris nunc subjicit umbrâ  
 Virgarum in speciem crescens, innupta propagat  
 Quo sese Laurus ritu; nunc edita gemmis  
 Diditur, aut bulbis, sive hi Radicis ab imo,  
 Scû fibris repetant è turgescitibus ortum:  
 Ut pictis Tulipis, & Purpureo Narcisso  
 Evenit. (5) Interdum se subnascitibus effert  
 Tuberibus parvis aliis, quæ sæpè repentem  
 Subter humum reptans Radix transversa tumescit.  
 Ut Crocus, & Solis dictus Flos nomine prodit.

Hos præter (6) Natura alios quoque protulit usu  
 Explorata modos, proprium quæ (7) Indica Ficus  
 Protendit genus, & certâ notâ (8) Allia stirpe,  
 Atque (9) Chelidonii soboles minor, atque Camanâ  
 Nobile Mæonia (10) Moly, & quæ Caudicis expers  
 Turrito in cælum se tollit (11) Opuntia crine.  
 Namque (12) hæc depactis terris deducit ab uno  
 Sæpè genus folio; bulbo de Traduce (13) Moly,  
 Fronde super summâ bulbo excrecente; Minoris  
 Fæta (14) Chelidonii parvo de Tubere stirpes

Imo-

1 Ital. Erba, che genera le fragole. 2 Cinquetoglio. 3 Ranunculo, ò piè corvino.

4 Alia Sobole educta, vel ex Radice sub terra reptante, in surculi, scû Virga speciem assurgente; qua Stolo, vel Viviradix dicitur; Vel è Radicis fundo exeunte, in gemma formam; Vel è fibra crassiore in bulbum extuberante, ut in Tulipa, Narcisso, alijsque Bulbosis contingit.

5 Ve' demum è Radicum Tuberibus in qs, qua Radicibus sunt Tuberosis.

6 Sunt & alijs quidam peculiare modi, quibus planta nonnulla se propagant.

7 Fico d'India. 8 Specie d'Agli 9 Ital. Celidonia minore. Hetrusc. Favagello. 10 Aglio Selvaggio. 11 Ital. Opunzia. ab Opunte urbe appellata, circa quam frequens nascitur. Alijs Fico d'India minima.

12 Hæc siquidem suis humi depactis folijs genus propagat suum.

13 Moly Homericum dictum, bulbo in summo folio excrecente.

14 Chelidonium minus, tuberibus in alis immortum foliorum ortis.



Imorum foliorum altis nascente sub alis:  
 E' spicis summo confertim in Caule creatis  
 Allia jam memorata (1); u'tis sed nomen ab Indis  
 Quæ ducit (2) Ficus, lento de glutine gummi  
 Altiùs è ramis longæ sub imagine restis  
 Demissò in terram, & Matris reparante ruinas.  
 Lacryma sic gravido lentescens roscida lapsu  
 Arva subit, risuq; novos revirescit in ortus.  
 Hoc etiam fœcunda modo se læta propagant  
 Lilia, ( Natura perhibet si vera vetustus  
 Interpres ) guttisq; suis rorata seruntur.  
 Has lacrymis vires, hunc fertilitatis honorem;  
 Ut fama est, ipse ignoscens indulsit Apollo;  
 Nam postquam jaculis numerosâ prole superbam  
 Orbavit Nioben, meritosq; exercuit arcus  
 Spretam ultus Matrem, geminatâ à cæde rigentem  
 Tantalum in marmor, gelidoq; è marmore fletus  
 Voluentem ut vidit, fatum, lacrymabile fatum  
 Tum demum miserans idem Pater æquus, & ultor  
 Haud imbres passus tristes arefcere: & ultrò,  
 Ah! sui in exitium fœcundæ funera quando  
 Prosequitur Matris lacryma hæc, fœcunda superfit  
 Ipsa sibi saltem, dixit; sibi suppleat almas  
 Germinis ipsa vices, vitamq; è funere ducat.  
 Vix ea, cum riguæ visæ concrefcere guttæ  
 Illicit, inq; novum redivivæ erumpere caulem:  
 Crassior hæc foliis, peregrino & barbara cultu  
 Horrui in Ficum fruticans; illa hiscere visa  
 Albentem in Calycem thyrsu viridante reclusum;  
 E quibus emanans etiamnum lacryma vitam  
 Ipsa sibi ferit, & generis dispendia supplet.

An (3) referam quæ monstra ullis haud cognita seclis  
 Fort nova barbaricis vernans Hispania terris?  
 Hic qua terra Indo felix cultore cadentes  
 Spectat Solis equos, lapsumq; sub æquora sentit;

N

Si

1. *Certa quadam Aëtorum genera, bulbulis, seu spicis in summo caule confertim enascentibus.*
2. *Ficus demum Indica, gummi è ramis in terram usque demisso, funiculi cuiusdam in speciem: quo pacto Lilia etiam, si Plinio fides, lacryma interdum seruntur sua. Quod ipsum fabula illustratur.*
3. *Mirabilis se propagandi modus Planta cuiusdam in novo Regno Granatensi apud Indos ex Nereberg, de Mirabilibus novi orbis.*

Si qua fides, miram perhibent pubescere plantam:  
 Nanque ubi jam longo serum folia ægra sub annum  
 Viſta ſitu putruere, vagis hinc plurimus alis  
 Papilio micat extemplo, luditq; ſuperſtes.  
 Poſt hæres idem plantæ ſœcundus, inerti  
 Crura tenella Solo, Naturâ hortante volucrem,  
 Sponte ſua inſigit; nec longum tempus, & udæ  
 Haſit Humi referens genitales undique ramos.  
 Miraturque ſatus reduces, & reddita dona.

Sunt (1) quæ depaſto terris ſe attollere ramo  
 Conſuevere; ſuo ſive is Tibi nomine Ramus,  
 Talea ſeu potius, tenero vel germine ruptus  
 Malleolus, dici tandem ſeu Surculus optet,  
 Hunc (2) vel materno avulſum de corpore longis  
 Deponunt ſulcis, vel adhuc in matre virentis  
 Nunc terræ imprefſâ mandatur fronte cacumen,  
 Nunc circumpoſito traiectus vaſe iubetur  
 Jam delibratus contentæ aſſueſcere glebæ.

Cætera (3) quid memorem, longo quæ protulit uſu  
 Ars inventa? quis aut quæ monſtra biformia, vel quos  
 Subjicit Inſitio peregrinâ ex arbore fœtus  
 Neſciat? In ſolidum cuneo ſeu vindice Ramo  
 Sternat iter, teneras medio ſeu cortice gemmas  
 Rumpat, & ex alio ſubmittat germine plantas.  
 Proderit hos etiam, arboribus ſi forte creandis  
 Ritè vaces, adhibere modos, laurumque Novercam  
 Induere in Ceraſum, & felicem educere prolem:  
 Lætus & ipſe tuis auctor mirabere campis  
 Haud unquam ſpectata prius connubia, Fagos  
 Flectere adoptivis iam nonſua brachia pomis.  
 Sylveſtriq; Pyrum ſe matre attollere, & olli  
 Fœturas alias, alios imponere mores.

Tem-

- 
1. Alij per artem ſerendi medi innuuntur; Ramo ſcilicet, ſeu Surculo, aut Talea, aut Malleolo.
2. Seruntur autem planta Ramo, ſeu ſurculo, vel avulſo, deciſoq; terræq; impaſto; vel dum adhuc Matri hæret, eoq; vel depreſſo, & humi immerſo donec radices egerit, vel traiecto per idoneum vaſ, in quo terra contineatur.
3. Vulgariffimus eſt etiam propagandi modus per Inſitionem, cuius rationes varia curſim perſtringuntur; ut pote qua paſſim occurrunt apud auctores.

Tempore (1) quo porrò sint hæc præstare la, Magistris

Ex aliis discas ; pauca hæc excerpta iubebo .

Semine si Tibi sit soboles ducenda , subactę

Sidere quo tandem telluri semina mandes ,

Ipsa (2) Parens natura docet ; cum scilicet illa

Jam matura , suis in humum vel sponte reclusis

Folliculis recidunt , vel detruduntur hianti

E theca , contracta aperit quam capsula , vel cum ,

Innascente super tenui lanugine , sulcis

Ceù reddi exposcant , latis & spargier aruis ,

Ventorum arbitrio huc illuc alata feruntur .

Seù (3) tamen illa seras Veris sub tempora , serum

Sive sub Autumnum , primos postquam ebibit imbres

Terra , Tibi pridem quæ lapsa eduxerit æstas ,

Pondere quæq; suo fidunt magis , elige ; sætu

Nanque ea lata magis , certoque fidelia partu .

Hæc aruis jacta , & sparsa memor occule terra :

At (4) si contingant peregrinæ semina plantæ ,

Quam nimio plaga Sole rubens tibi misit alendam ,

Autumni ne crede solo sub frigora ; nostras

Nanque hyemes non illa ferent peritura ; tepenti

Vere seras , Veri tandem se fidere discent .

Quin (5) pictis isthæc satius committere testis ,

Ficilibusque cavis , ut quæ planta evenit illinc

Advena , si quando gelidâ bacchetur ab Arcto

N 2

Au-

■ Qua porrò idonea sint sationi tempora , vulgatis Virgilij , aliorumq; præceptis relinquitur .

2 Illud unum innuitur ; si semine facienda sit satio , Naturam ipsam idoneum tempus indicare , nimirum quando semina plenam iam maturitatem adepta , vel dehiscentibus conceptaculis in terram decidunt , vel contrahentibus se valvulis excutiant , vel lanugine innascente alata ventorum arbitrio huc illuc deferuntur .

3 Sive autem Vere , sive Autumno serantur , eligenda sunt recentia , æstatis proximè præterita , & qua magis gravia ; quò .n. vetustiora , eo difficilius , & parcius germinant ; & qua fluitant , languidiora , & propagationi inepta .

4 Illud tamen hic animadvertendum , exoticas plantas , & Regionum calidiorum alumnas , Vere dumtaxat serendas esse , ut qua hyemes nostras non ferunt ; sed faciliè corrumpuntur .

5 Præstare etiam semina h.m. rariora in ficilibus serere , ut planta inde enata commodius transferri , & per hyemem , si opus sit , in hypocausta subduci possint .



Aura movens, tutas transferri possit in ædes,  
Crudelemque Arcton, crudelem eludere brumam?

Hæc (1) eadem pangendus humi sibi tempora poscit  
Surgulus, ut certam valeat promittere sylvam.

Vix ablactat um primæva è Matre recentem  
Ipse legas, ficcis nam nulla est gratia; vivax  
Ni Tibi pangendum commendet Palladis arbor;  
Nanque vel è sicco Radix oleagina sæpè  
Truditur, & vires desuetæ extundit olivæ.

Hæc (2) ubi jam posito solers transegeris horto,  
Cura sit & plantis undas inferre tenellis,  
Unde alimenta trahant, viresque laceßere cultu.  
Imber afit plantas, riguo lactantur ab imbri  
Semina; seminibusque latens genitabilis alis  
Rumpit humum geminis assurgens Plantula, & auris  
Se credit, germenque arvis promittit apricum.  
Mox ubi jam firmis Terræ radicibus hæsit,  
Largius affusâ vires acquirit ab undâ,  
Fibrarum exugens occulta per oscula succum.  
Hinc (3) etiam trunco viget arbor, & annua ducit  
Incrementa: novo accedens protuberat auctu  
Circulus, & numero exactos discriminat annos.  
Nempè (4) rigat fractas unco quæ vomere glebas,  
Immixtos liquat unda sales, secumque patentes  
Radicum vehit in fibras; unde omnis alendis  
Arboribusque, satisque vigor, roburque Juventæ.

Quin

- 
- 1 Sub eadem tempora & surculi depanguntur. Hi quoque recentes sint oportet. Oleagini tamen rami, ut auctor est Virgilius, vel ficei progerminant.
  - 2 Quoad verò Plantarum Nutritionem, irrigatione opus est. Ex aqua siquidem plantis, & seminibus succus nutritius. Hinc sæcundo è semine erumpit primum plantula, qua seminalis dicitur, duobus plerumq; seminalibus foliis constans, & sua Radicula; qua nutritium succum per fibrarum oscula exugit, & adolescit.
  - 3 Hinc etiam arborum, & Eruticum trunci, indeq; emergentes rami novis additis ligneis involucris quotannis augentur, ex quorum ligneorum circularum, & tunicarum numero, Trunci, vel Rami aras innotescit, circularum numero numerum annorum aquante.
  - 4 Ratio autem cur aqua potissimum planta nutriantur, est quia purum, & simplex elementum non est, sed plures heterogeneas particulas; præsertim salinas in se continet.

Quin (1) & sæpè virens herbosâ è Matre revulsus  
 Sursculus, ut rerum talit experientia solers,  
 Contentâ vitro demersus Najade vixit  
 Fertilis, & virides nihilo minus auxit honores,  
 Quàm si caule suo regnatis flaret in arvis.  
 Hæc tibi (2) Prunellæ germen, (3) Menthæq; virentis;  
 Rutaq; (4) multifidumq; (5) Sedum documenta reducet,  
 Quæq; celebratis gaudent (6) Nasturtia lymphis;  
 Nec (7) modo floriferis affusa è Najade plantis  
 Obvenit emergens alimentum, & floribus inde  
 Sæpè venit color, & petalis quæsitus oberrat.  
 Præpingui dudum fecundam uligine glebam  
 Ad solem exicca, positisq; impone cribratam  
 Fissilibus; vernantem albo tum flore repostum  
 Infode Caryophyllum; [ albis nam denique Florum;  
 Fas unis varios facili bibere ore colores: )  
 His ita compositis, curandum germen amico  
 Arte coloratæ, quoquo libet, ubere lymphæ  
 Sole riga surgente, riga moriente; domumque  
 Dein transfer, ne nox fuscis quem roscida pennis;  
 Neù Matutinus terris quem spargit Eous,  
 Forte bibant rorem, & curæ oblucentur inani:  
 Hoc si præstiteris, Phœbe dum menstrua cursum  
 Penè suum peragat, rursusque recurrat in orbem;  
 Hos tibi, queis imbuta prius fuit unda, colores  
 Proferet, insectumque haustâ se Najade reddet.

Unde

- 1 Hinc est, ut plures herbarum surculi vel in phialas vitreas aqua  
 cpletas immissi progerminent; ut experientia constat in ijs, qua  
 eruditissimus Sbarrocos recenset penes Rajum t. I. p. 31.
- 2 Officin. Prunella. Aliis Consolidâ minore, & minima. 3. Menta. 4.  
 Ruta. 5. Specie di Semprevivo. 6. Nasturtio aquatico.
- 7 Nec modò nutrimentum ex aqua plantis sufficitur, sed & floribus ar-  
 te quadam, & mangonio color conciliatur. Huius autem hac nor-  
 ma traditur à Lauremberg. Horticult. c. 28. §. 3. Terra pinguis-  
 sima ad Solem exiccata, aut cribrata reple vas aliquod. Ei florum  
 candidorum germen implanta (nam hi soli tingi possunt). Ad irri-  
 gandum ne alia utaris aqua, quam rubrefacta, si flores rubeos desi-  
 deras; viridi, si virides &c. Huiusmodi aqua quotidie mane, &  
 vespere plantam irriga. Noctu transfer in adem, ne nocturnum, aut  
 matutinum bibat rorem per tres hebdomadas. Flores excipies, si mi-  
 nus ex toto, ex parte saltem eo insectes colore, quem affudisti.

Unde (1) hic mos fuerit vernos traductus in hortos  
 Haud liquet : ancipiti se fama auctore tuetur .  
 Sunt qui , dum nimios jam jam moritura per ætus  
 Languescens olim Flora exalbesceret altam  
 Fluminis ad ripam , vicino è gurgite Nymphas  
 Excitas flavâ , qualis tùm lymp̃ha fluebat ,  
 Affudisse ori memorent aspergine fluctus ;  
 Atque itâ cum vitâ miserâ revocasse colorem ;  
 Sed color affusæ vestigia rettulit undæ .  
 Atque hinc cœpta loco blandæ post artis haberi ,  
 Quæ fugienti olim fuerant medicamina vitæ ,  
 Sunt qui Narcissi repetitum è funere morem  
 Contendant ; nam se fallacis Amasius undæ  
 Præsentem vitreo dum frustrâ in fonte requirit ,  
 Et falsis se tingit aquis , jam corpore versum  
 In florem , ambiguo quem viderat apine , colorem  
 Auricomum traxisse , hortis exempla futuris .

Has tu delicias aliis permitte , rigandis  
 Utilius plantis vitales invehe lymphas ,  
 Non (2) apud immemores effusi gratia facti  
 Effluet ; illam opibus superans Tibi grata rependet  
 Tempore quæq; suo , gazasq; reponet agrestes .

Cum (3) primum Veri nigrantibus horrida nimbis  
 Cedet hyems , Tibi se blandâ ferrugine tinctæ  
 Effundent (4) Viola , paphyos medicamen in ætus  
 Effundet (5) Urtex , (6) Asarumq; , atq; (7) utilis alvus  
 Asparagus , sylvisq; rubens (8) Tithymalus in altis ,  
 Hoc etiam ostendet se tempore (9) Primula Veris ,  
 Primula nunc , olim Virgo , quæ Veris honori

Dum

- 1 Huiusce mangonii initium in fabulosa aliquot exemplares fertur.
- 2 Quæ quoque tempore planta nascentur juxta Herbarij Horstiani methodum recensentur. Initium ducitur à Mense Martio , quod ea paucissima , quæ Januario , & Februario mense nascuntur , vel selecta non sunt , vel incipientium suum Martio demum mense assequuntur.
- 3 Planta potiores Martio mense provenientes , quarum usus in officinis frequentior.
- 4 Ital. Viola. 5 Ital. Agnocasto. Hetrusc. etiam Vetrice. cujus folia , & semina comesta plurimum valent adversus ætus venereos.
- 6 Ital. Asaro , ò Baccara. 7. Ital. Asparago , alvo emollienda , atque urina cienda apprime utilis. 8. Titimaglio , ò Tutumaglio Salvatico. 9. Primo flore , ò Fior di Primavera;



Dum stndet ante alias , anniq; heu! lenta laceffit  
 Gaudia nequicquam, Brumâ obluſtante ; doloris  
 Impatiens cultu in medio defecit ; at illam  
 Officij Chloris non immemor , ilicet alium  
 Eſſe dedit germen , traxitq; è germine florem,  
 Et flori primos Veris conceſſit honores.  
 Emicat hinc boream contrâ , brumamq; nivalem  
 Primo vere nitens , duxitq; è munere nomen:  
 Ipſa etiam (1) Jacea , ipſe etiam qui luteus exit  
 Narciffus (2) præcox pictis ſeſe efferet arvis;  
 Atq; (3) Chelidonium minus, auricomumq; (4) Triphyllon;  
 Helleboruſq; (5) niger, (6) Thymelæaq; (7) Leucoiūq;  
 Et vernus (8) Crocus , & petas præſignis olenti ,  
 A quo nomen habet , (9) Petasitis, humique rubenti  
 Caule (10) Chamæciſtus reptans , atq; (11) aurea culta  
 Saxifraga , & (12) Scillæ Radix operoſa Marina.  
 Tum quoque Pœonios Tibi ſe profundet in uſus  
 Bellis (13) ovans foliis , imis radicibus (14) Arum,  
 Alſineq; (15) , ſuos nec (16) Pulmonaria vultus  
 Differet ulterius maculis errantibus aptos.  
 His ſeſe & foliis pollens , & cortice iunger  
 Arborea de gente (17) Salix , laudataq; (18) gemmis  
 Populus, hærentiq; ſcatet quæ plurima ſucco  
 Commendata (19) Larix, & (20) Iuniperi hirsutæ.  
 At cum jam pexo fulgebit (21) clarior auro  
 Corniger aſtrorum Duſtor , cælumq; tenebit,  
 Alter erit campis tum luxus , & altera ſurget  
 Herbarum ſeges , & tepidas ſe immittet in auras

Her-

1. Ital. Jacea, ò Scabbioſa volgare. Her. Fioraliſo ſalvatico. 2. Nar-  
 ciſſo di primavera. 3. Celidonia minore. Heruſc. Favagel lo. 4.  
 Trifoglio à fior d'oro. Alſ. Melilotum minus, ſeu Lotus campeſtris  
 Officin. Tripoli. 5. Elleboro nero. 6. Timelea. 7. Viola à fior  
 bianco. 8. Zafferano, ò Croco di primavera. 9. Cappellaccio, ò  
 Tuſſillagene maggiore. 10. Cameciſto, ò Iſopo campeſtre. 11.  
 Saſſifragia à fior d'oro. 12. Scilla marina, ò Cipolla Canina.  
 Heruſc. Cipolla Squilla. 13. Noſtrat. Margaritella, Heruſc.  
 Margheritina. 14. Ital. Aro Heruſc. Giaro, ò Gichero, ò piè vi-  
 tellino. 15. Aliter Morſus Gallina, Offic. Pizza Gallina, ò Pana-  
 rina. 16. Pulmonaria. 17. Heruſc. Salce, ò Salcio, ò Saligaſtro  
 18. Pioppo, cuius gemma unguentum populconis ingrediuntur.  
 19. Ital. Larice. cuius gummi pro Terebenthina accipitur. 20. Gioſtre  
 21. Planta poſterior. Aprilis menſe provenientet.

Herbilegos tu pande sinus: Tibi prodit ab aruis  
 Oxalis (1), & geminis pollet quæ viribus (2) Oxyss;  
 Nec morbos adversus opem Radicis odoram  
 Caryophyllatæ (3) stirps ultra inviderit: exit  
 Læta caballino riguis quæ fronder in oris  
 Ungue (4) Chamelence, & tussi medicatur anhelæ.  
 Ah ne (5) Plantago quæ fert, & amica sopori  
 Lactuca (6), infensamq; domans (7) Cochlearia bilem;  
 Munera prætereas. Hoc, hoc sub fidere caules  
 Illa suos fundunt, subiguntq; in pharmaca vires.  
 Hoc & amat (8) Violæ melior stirps lutea carpi,  
 Hoc & (9) Saxifragæ stirps alba, satoq; Leonis  
 Dente (10) virens germen, lectoq; (11) Aquilegia fœtus  
 Nec grave (12) Satyrion bulbo, nec lenta recusat  
 Berberis (13), & latis regnans (14) Ranunculus arvis.  
 Depulso (15) Vectore Helles, Maternus ovantis  
 Mensis Atlantiadæ cælo successerit alto?  
 Suffectis aliis hortos vernare videbis  
 Germinibus, medicasq; alias pubescere stirpes:  
 Tunc & (16) Borago, tunc & genus omne (17) Rosarum,  
 Didamnusq; (18) albus, flavoq; (19) Calendula flore,  
 Et geminum (20) Abrotanum, & vitæ (21) Betonica custos  
 Provenit, & linguam (22) Buglossum exertat agrestem,  
 Lata columbino (23) vident ut pede prata supinum  
 Geranium hinc subeat, Leporis procul inde (24) Lagopus,  
 Anseris (25) at pede se tollens hoc nomine germen?

Nec

- 
2. *Ital.* Acetosa. 2. Acetofella. 3. *Hetrusc.* Gariofilata, cujus radix  
 aromatica plurimum valet adversus morbos 4. *Ital.* Tussilagginæ,  
 ò Unghia di Cavallo. *Aliter etiã* Farfara, ò Farfarella. 5. *Officin.*  
 Cinquenervi. *Hetrusc.* Piantaggine, ò Petacciuola. 6. Lattuca. 7.  
 Coclearia. 8. Viola à Fior giallo. 9. Saxifragia à fior bianco. 10.  
 Dente di Leone. *Aliter* Taraxacon, *Cichorei species flore luteo.* 11.  
 Aquilina. 12. Satirione. 13. Crespina. 14. Ranunculo, ò piè corvino.  
 15. *Planta potiores Maio mense provenientes.* 16. *Hetrusc.* Borrachine, ò  
 Borrana. 17. Rosa. 18. Dittano biaco, ò Frassinella. 19. Fior d'o-  
 gni mese. *Hetrusc.* Fior rancio. 20. *Ital.* Abrotano maschio, e  
 femina. *Hetrusc.* Abrotino, ò Bruotina. 21. *Ital.* Betonica. 22. *Of-  
 ficin.* Buglossa, ò lingua di bue, specie di Borrachine selvag-  
 gia. *Hetrusc.* Borrana, ò Lingua buona  
 23. *Officin.* Piè Colombino, specie di Geranio. 24. Piè di Lepre.  
 25. *Herba dicta Pes-Anserinus.* *Ital.* Piè d'Oca.

Nec mora Te tenet ulla , virens (1) Agrimonia , nec Te,  
 Portulaca (2) , trucesq; timens (3) Fumaria nimbos .  
 Tu quoque , tu Quercum folijs imitata (4) Chamædrys  
 Tum prodis , luxuq; nitens (5) Bistorta comanti .  
 Adde (6) Chelidonium maius, (7) Roremq; marinum,  
 Prunellamq; (8), Enulamq; (9), & amara (10) Absynthia, & aptis  
 Nodisq; , Spinisq; scabri grave vimen (11) Acanthi.  
 Haud alio in flores se tempore plenius unquam  
 Induit , aut herbis ridet vernantibus annus ,  
 Hoc (12) Rubia , hoc cælo gaudens se credit aperto  
 Myrrhis (13) , & apricis (14) Orobanche exultat in hortis  
 Hoc & (15) Achillææ decor est , molliq; (16) Aparinæ .  
 Arrectus viret (17) Asphodelus, strictisq; minatur  
 In cælum folijs ; Irim fata provocat (18) Iris,  
 Rorantesq; effert (19) Anagallis Aquatica crines.

At (20) quamvis Fruticum campis se tanta profundæ  
 Copia, stellatis Taurus dum cornibus ardet ;  
 Haud tamen his , qui succedit , Iunonius ibit  
 Mensis inops: Tibi & ipse suas benè prodigus herbas  
 Sufficiet , dexterq; tuo subserviet horto.  
 Testis erit (21) Nymphæa, (22) Thymumq; , (23) Althæaq; , testis  
 Sthæcas (24) , Hyosciamusq; (25) ferax, vicinaq; (26) Ruta  
 Salvia (27), Fœniculumq; (28), & odoriferum (29) Melilotum:  
 Omnia quæ largo tum se Tibi confita reddent

O

Fe-

- 
1. *Officin.* Eupatorio d' Avicenna, ò Agrimonia. 2. *Nostr.* Porchiacca. *Hetrusc.* Porcellana. 3. *Nostrat.* Fumoterra. *Hetrusc.* Fumino-  
 sterno. 4. Querciuola. 5. Bistorta. 6. Celidonia. 7. *No-*  
*strat.* Rosmarino. *Hetrusc.* Ramerino. 8. Prunella, ò Con-  
 solida minima. 9. *Hetrusc.* Enula Campana. 10. *Hetrusc.*  
 Assenzio, ò Santonica. 11. *Hetrusc.* Brancorsina. 12. Rubbia  
 ò Eritrodano. 13. Mirride. 14. Erba Lupa, ò Erba del  
 Toro. 15. Specie di Millefoglio. 16. Aparina, ò Rubbia  
 selvaggia. 17. *Ital.* Asfodelo. *Hetrusc.* Asfodillo, ò Asta-  
 Regia. 18. *Officin.* Giglio azzurro, ò Iride di Primavera. 19.  
 Anagallide aquatica, specie di Gorgolestro, ò Pastinaca  
 Aquatica. 20. *Planta potiores Junio mense provenientes.*  
 21. *Officin.* Ninfea, ò Nenufar. 22. Timo. 23. *Hetrusc.* Al-  
 tea, ò Bismalua. 24. *Officin.* Stecade. 25. *Hetrusc.* Giufquiam-  
 mo, ò Jusquiamo. *Alus* Fava porcina. 26. Ruta. 27. Salvia.  
 28. Finocchio. 29. Melilotto.



Fœnore , pulvillosq; novâ jam pube tenebunt.  
 Quin tempus sub idem niveos argentea crines  
 Lilia (1) , cœruleos (2) Cyanus , saturo igne rubentes  
 Pœoniæ (3) referent : pollens se floribus addet  
 Anthemis (4), Hyssopusque (5) , & amaris (6) Intuba fibris.  
 An Tibi subjiçiam subeuntem , & lenè comantem  
 Attriplicem (7), Lapathumq; (8), soporiferumq; (9) Papaver?  
 Anne satus alios? Te (10) Matricaria , Teq;  
 Scordion (11), & puri comes (12) Alchimilla (13) Ligustris  
 Interea (14) medio Cancri de sidere cœli  
 Alta petens , Nemees ibit Sol obvius astro.  
 Tu ne cede operi , sed contra audentior insta ;  
 Haud effœta novos tellus exercita partus  
 Funder adhuc: Matura suos (15) Fragaria fœtus  
 Mittet , odoratas erecta (16) Lavendula spicas ,  
 Laurus (17) ovans baccas , calidum (18) Nasturtia semen.  
 Frondebunt (19) Malvæ ; sapidum frondebit (20) Anisum ,  
 Marrubiumq; (21), Botrys q; (22), racemiferumq; (23) Equisetū,  
 Menthâq; (24), Serpyllumq; (25), & olentis germen (26) Anethi.  
 Ipse suas etiam Tibi subdet (27) Amaracus umbras,  
 Alceaq; (28), & fervens (29) Tanacetum, & (30) Parthenis ægris  
 Gra-

- 
1. *Ital.* Giglio: *Hetrusc.* Fiordaliso. 2. Fiorcampefe, ò Battiscula, *Hetrusc.* Fioraliso. 3. Peonia. 4. Camomilla. 5. *Hetrusc.* Isapo, ò Isopo. 6. *Hetrusc.* Indivia, ò Endivia. *Nostr.* Scarola. 7. *Ital.* Atriplice. *Hetrusc.* Atrepice, ò Trebice. 8. *Nostrat.* Lampazzo. *Hetrusc.* Lapazio, ò Romice. 9. *Nostr.* Papagno, *Hetrusc.* Papavero. 10. *Hetrusc.* Artemisia, ò Matricale. 11. *Officin.* Scordio, *Aliis.* Querciuola palustre. 12. Alchimilla, ò Stellaria, ò piè di Leone. 13. Ligustro. *Aliis* Guistrico, ò Olivetta. *Patavinis* Conastello: 14. *Planta potiores mense Julio provenientes.* 15. Erba delle fragole. 16. Spigo Nardo Italiano; ò Lavandula. 17. Lauro, ò Alloro. 18. Agretto, ò Nasturcio. 19. Malva. 20. Aniso. 21. Marrobbio, ò Praffio. 22. Specie di Ambrosia, ò di Atrepice. 23. Coda Cavallina. 24. Menta. 25. Serpillo, ò Serpollo. 26. Aneto. 27. *Ital.* Majorana. *Hetrusc.* etiam Persa, ò Sanfuco. 28. *Aliis* Malva salvatica. *Aliis* Canape selvaggia. 29. Tanacetum, ò fior d'Africa. 30. *Herba, quasi virginalis, quod morbis mulierum uterinis medeatur.* *Ital.* Matricaria, ò Artemisia minore.

Grata puerperijs , duro (1) Casslytha lieni.

Nec (2) cessabit inops , seu cum Canis æstifer arva  
Findet hiulca siti , seu cum sua brachia contra  
Cedentem Erigonen propellet Scorpius , ipsi  
Pampineo gravis Autumno , brumamq; reducet .  
Nempè virens Nemeæ contra frondentis alumnus  
Stabit honos , contraq; Canem , chelasq; sequentes .  
Scilicet (3) Euphrasie cernes hinc surgere germen ,  
Gratum oculis germen , pictumq; videre juvabit ,  
Quod juvat , ut videas ; illinc turgescere (4) Rapi  
Utile Variolis semen , cordiq; salubre  
Dulce (5) Meliphyllon , (6) Raphanq; ignobile gramen .  
Verbascum (7) incanâ sparget lanugine barbam ,  
Et viridem flavo decorabit flore senectam .  
Unâ etiam exponet faciles (8) Ulmaria crines ,  
Solanumq; (9) Ammiq; (10) , (11) Molucaq; (12) , Peucedanumq;  
Cnicus (13) , & huic suppar (14) Asclepias , utraque caule  
Hirsuto assurgens stirps alina ; ast altera morbis .  
Altera Gorgoneis Radice infensa venenis :  
Illa breves acuens foliorum è margine spinas ,  
Ista tuum filiquis imitata , Ciconia , rostrum .  
Nec minor arboreo generi , torrente sub æstu ,  
Luxus erit : gravidæ major tum gloria (15) Citro ,  
Juglandi (16) major ; quin & tunc (17) Punica Malus  
Ritè coronato submittit cortice fructus  
Latior : arboreo tumet ambitiosa triumpho  
Quercus , Apollineæ non arbor inutilis aræ .  
Quid referam , Tibi fertilior quæ munera mittet  
Autumnus ? non illum uno suffusa Lyæo .

- 
1. *Hetrusc.* Cuscota , ò Cuscuta . 2. *Planta potiores Augusto mense , & Autumno insequentì provenientes.* 3. *Ital.* Eufrasia . *Herba oculis saluberrima ; unde Germanis dicta Oculorum solatium .* 4. *Rapo .* 5. *Aliter Melissa . Hetrusc.* Appiastro , ò Citraggine . 6. *Hetrusc.* Rafano , ò Radicchio . 7. *Verbasco , ò Tasso barbaso .* 8. *Ulmaria .* 9. *Hetrusc.* Solatro . 10. *Officinis corruptè* Ameos . 11. *Specie di Melissa , ò Cetro-nella .* 12. *Peucedano , ò Finotchio Porcino .* 13. *Zaffarano Saracinesco . Aliis Cardo Santo .* 14. *Officin.* Vincitossico . 15. *Hetrusc.* Cedro , ò Cederno . 16. *Nocce .* 17. *Nostr.* Granato ; *Hetrusc.* Melagrano .

Commendant (1) Vineta, (2) Pyrusve, aut pignore [3] Malus  
 Ipsa suo curvata : suas quoque parturit herbas  
 Pœonias, medicisq; penum proventibus auget.  
 Nimirum hoc patriis carpendum tempore surgit  
 Myriophyllum (4) aquis, spicis seu purpuret altis  
 Pennatum, ramosa ferat seu cornua Caule.  
 Hoc, & stellato præstat qui [5] Carduus ore,  
 Narcissusq; [6] Crocusq; anceps, atq; [7] Atticus Aster  
 Cæruleus, tortosq; fugans [8] Calamintha chelydros.

Sic æstas tibi grata suas dabit ordine stirpes,  
 Autumnusq; suas; ullo nec tempore segnis  
 Impensas unquam Tellus frustrabitur artes.  
 Quippe laborantis sentit Cultoris amicam  
 Illa manum, atq; avido respondet grata Colono.  
 Sæpè etiam officiis certat, similisq; moranti  
 Non expectato meditatur grandia partu.

Haud veris majora cano : Regalibus olim  
 Ipse (9) mihi titulis magnus, majorq; relictis  
 CAROLUS Austriades testis. Jam fascibus ille  
 Sponte resignatis, Fortunæ nobilis exul  
 Ipse suæ, ingentes, geminum quæis rexerat orbem,  
 Jam suus, in parvum curas traduxerat hortum.  
 Hic Veris pubem auricomam, pictamq; juventam  
 Sectis ponendam areolis, sparsimq; serendam  
 Curabat, bello qui formidatus, & armis  
 Florentes nuper deduxerat ære catervas:  
 Quæq; olim imperio clarus suprema volentes  
 Per populos latè dederat, nunc mollibus herbis  
 Jura dabat; nec rastrum illâ tractare pigebat,  
 Tractarat quæ sceptrâ manu. Gratata Colonom  
 Ipsa sibi tantum, Tellus majora, superbo  
 Caule, triumphali reddebat germina dextræ.

Fors

- 
1. Vigneto : 2. Pero . 3. Melo . 4. Millefoglio aquatico ,  
 Impennacchiato, ò Corniculato. 5. Cardo stellato. 6. Nar-  
 cisso , e Croco d'Autunno . 7. Astro Attico à fiore az-  
 zurro . 8. Nepitella . 9. Digressio in Liliuin , quod satum  
 manu CAROLI V. Cesaris, abdicato imperio, ea ipsa nocte ,  
 qua ipse fato concessit, intempestivè effloruit, portentique lo-  
 co habitum fuit ; ut refert Fam. l. 1. de Bello Belg. paulò post  
 initium.



Fors etiam florum petalis inscribere Regum  
 Non ignara notas ; tanti tùm nomina Regis  
 Inscribebat ovans ; foliumq; auctore notabat ;  
 Non ullus certè Tanto Cultore creatus  
 Flos aderat ; qui non posset traxisse videri  
 Nomen ab imperio , & meritam ostentare coronam.  
 Forte alios inter formàq; , situq; , decoros  
 Ille sui specimen candoris lilium , & ingens  
 Horrorum decus excultis mandaverat arvis .  
 Nec durum imperio germen fuit : extulit alto  
 Caule stylos geminos , Regali haud simplice partu  
 Blanditum Agricolaë , fato sed dispare crevit .  
 Nanque illorum alter , Tauro lucente , reclusum .  
 Ut solet , explicuit florem ; sed durior alter ,  
 Arte laceffitus quamvis vernaret eadem ,  
 Haud tamen indulfit sese , totoq; recusans  
 Vere , simul totâ durans æstate , tumorem  
 Jamdudum inceptum , partus & signa propinqui  
 Sustinuit , serumq; volens extraxit in annum :  
 Cum tandem quâ nocte suo se Corpore Magnus  
 Aufriades exolvit , hians simul ipse repente  
 Folliculo , longæq; moræ fastidia rumpens  
 Intempestivum promisit germine florem .  
 Scilicet hoc voluit tellus non immemor ortu  
 Testatum obsequium . Tùm quippe reffloruit ingens  
 CAROLUS , æthereis alter Flos additus hortis .  
 Felix sorte suâ , cui vitæ exempla peractæ  
 Innocuo jam sine , nitens lactente probavit  
 Flos candore , nives referans sine labe comantes .  
 Ne quis , ne posthac mihi Te , Convolvole , prodas  
 Dulce rudimentum Naturæ argentea quondam  
 Lilia adumbrantis , cum se ad majora pararet .  
 Ipsa rudimentum Naturæ veriùs , ipsa  
 Lilia fas dici , Aufriacam insignire parantis  
 Virtutem , & meritas tollentis ad æthera palmas .

Sic quod Apollineis non evitabile fatum  
 Haud potis est plantis Tellus avertere , saltem  
 Exornat , grataq; vices memor usque rependit .  
 Nos ità Munificæ tanta indulgentia Matris  
 Haud moveat , studiisq; ultrò aspernemur iniquis ?  
 Heu ! cæcas hominum mentes , & nescia flecti  
 Pectora ! quín potius crada hinc in vulnera ferrum

## TIT BOTANICORUM

Extrahimus, ferroq; habiles in spicula pennas  
 Addimus, & cæco imbuimus sine more veneno.  
 Scilicet in miseros quò Mors procul ocysus iret,  
 Fecimus aligeram, atq; eadem quasi Tristibus esset  
 Non satis una nocens, mortes geminamus acerbis.  
 Hinc rixæ, hinc fraudes, hinc plurima sævit Enyo.  
 Tot scelerum facies; nec jam vernantibus hortis  
 Ullus honos: squalet Phœbei gratia ruris,  
 Proq; satum florum strictis seges ensibus horret.  
 Hic Rhœnus fervet, dubiis hic Vistula lymphis,  
 Hic novus ærias bello quatit Annibal Alpes.  
 Adversæ excurrunt acies: Mars omnia turbat.  
 Ut cum cæca diem rapuerunt nubila, rauco  
 Miscetur tonitru cœlum, atq; è nubibus atris  
 Fectur hyems effusa, modum nec fulmina servant.

*Finis Libri Tertij.*





# BOTANICORUM.

## LIBER IV.

**S**ed jam Prænos quâ sit noscendus in usus  
 Infitus herbarum fibris vigor , aut sibi qualem  
 Morborum faciem vigili petat arte domandam  
 Explorare jubet res ipsa . Hoc restat agendum,  
 Cui cura agrestes generatim evoluerè mores ,

Atque potestates , sævâque orbare securi  
 Atropon , & reduces fufis involvere Soles.  
 Extremam hanc , Botane , Vati sine carpere laurum,  
 Ignarumque viæ deduc , ubi dædala frugum  
 Omniparens infosso altè telluris in antro  
 Herbasque , & flores , animas procudit olentes,  
 Multigenos , vitæque volens inspirat amores ;  
 Et circumfusam rebus da vincere noctem.

Tuque ades, inceptumque iter in declivia mecum  
 Persequere , ò decus , ò nostræ lux inclyta Musæ,  
 Ambroside , affusasque diem molire per umbras.  
 Non ego tam cæcos ausim penetrare recessus ,  
 Non mihi si totus cælo se impendat ab alto  
 Cynthius , aut Chiron , Amithaoniusque Melampus  
 Hùc adsint : primos fas sit tentare malignâ  
 Luce aditus , magnis & commendariè ausis.

Seù (1) quis lenta diù questus jejunia victum  
 Poscit hians , seù quis morborum in damna medelam ,  
 Haud alias , quàm spontè ferax quas terra ministrat,

Quæ-

1 Plantarum usus expenditur , qui quidem latissimè patet , & in  
 omni vitæ parte occurrit.



Quærat opes : Hic alma penû se divite jactat  
 Natura , atque hominum totos se laxat in usus .  
 Mundities (1) hinc grata epulis, simplexq; voluptas  
 Hinc syncera magis , longèque salubrior , hausta  
 Quàm quæ non unâ pecudum de cæde laceffit  
 Ambitiosa famem , & luxu sibi fumat opimo :  
 Non (2) alio certè victu felicius ævum  
 Mortales duxisse ferunt prisca ante Noëmi  
 Secula , primæva sub tempestate , prius quam  
 Abruptis Thetis irrueret super ardua frans  
 Culmina , & effuso cælum descenderet imbri .  
 Ipsa suas largè Tellus inarata ferebat  
 Sponte dapes , stomacho nec dedignante pigebat  
 Chaoniam viridi glandem fregisse sub umbrâ .  
 Annorum (3) tamen usque ferax , & nescia morbis  
 Cedere tunc ætas senio indefessa vigeat ,  
 Seculaque invictæ nebant Tithonia Parcæ .  
 Nunc Elementorum spoliis , & Phaside totâ  
 Vix contenta fames ævum contraxit , & uno  
 Sæpè gulæ ingenio fati damnatur acerbis :  
 Nec pudet indignâ nitidum tumulare saginâ  
 Florem ævi , & nimio fata ipsa accersere luxu .  
 Heû frustra in ventos genis impensa superbis  
 Naturæ studia , & pecudum deserta palato !

Nec (4) verò illa uni plantarum munere ventri  
 Provida consuluit, reliquæ quoq; commoda vitæ  
 Hinc alit , hinc curat , subditq; , fovettq; vicissim .  
 Hinc ad vestitum molli canentia lanâ  
 Æthyopum nemora , & foliis quæ tenuia Seres  
 Vellera depectunt , subicit ; linoque subactò

Dat

- 
1. Primò quacunque ad victum necessaria sunt , è locupletissimo suo penu abundè suppeditant . Quanto ex iis mensa innocentior , mundior , salubrior , quam ex animantium cæde , ac laniena ?
  2. Certè non legimus homini ante diluvium carnes ad esum concessas.
  3. Tamen olerum , atque herbarum victu longè felicius , ac diutius ævum agitabatur , quòd nunc brevius , & contractius nimis abdominis indulgentia.
  4. Haud verò victum dumtaxat nobis planta sufficiunt , sed & vestitum , & domicilia , aliq; adificia , & navigia , & suppellectilem , & focum , & oblectamenta sensuum , animiq; usq; ad delicias.

Dat faciles lento deduci pectine telas.

An quæ submittit laqueata in tecta, domosque

Commemorem Tabulata? focus an larga reponit

Quæ crudam victura hyemem ligna eruta sylvis?

Hinc etiam casus sæpè inspectura marinos

Montibus ex altis liquidas descendit in undas

Uncta abies, & utrique refert commercia mundo.

Denique vix quidquam est vitæ civilis in usus,

Deliciasque, fato quod non descendat abundè

Plantarum è censu. Hinc splendet tam multa supellex.

Tam lauta: hinc oculos variorum errore colorum,

Aspectuque beant nitidi, blanda agmina, flores.

Quantùm animos, sensusque levat, quæ mollior inde

Aura movet, naresque afflat gratissima! quantùm

Obiectus recreat passim viror! obvia latè

Consita seù sylvis pandat se scena coruscis,

Argutumque nemus; seù lenta umbracula nectat

Sole sub ardenti, & frigus subtexat opacum.

Quid (1) referam quàm multa suâ compendia Palmæ

Gangaridæ repetant? Una est hæc arbor, at amplam

Una penum facit, una implet Navalia, magnum

Una nemus, multæque virens una Arboris instar:

Quippe hinc & dulci, mutato & spumea Baccho

Pocula depromunt, hinc pressi candida lactis

Munera, Palladiumque oleum, Brasilumque pruinam

Sacchaream, & duro vescos sub cortice fructus.

Nec tantùm hæc: fila hinc etiam subtilia ducunt,

Fila, & Acus, nec non phrygiis certantia villis

Lintea, & intextas facili subtegmine vestes.

Cymbiaque, & vario quæ docta toreumate fingit

Vasa Myron, storeasque, umbræque obtenta parandæ

Tegmina, deductamque Medullæ è parte papyrum.

Quod verò mirere magis, Navalibus omnem

Materiem profert hæc una, atque omnia supplet

Instrumenta, Ratis queis ritè instructa profundum

Latè obeat, totis & fulgeat armamentis.

Nanque alto è trunco, ramisque extantibus ultro

R

Assa-

1. Eminet in primis larga isthac Natura munificencia in Palma Indica Coccifera, cujus multiplex usus, & mirabilis carpeimus describitur; ut ex plurium Autorum fide commendatur apud Rajum. t. 2. Instit. Plant. p. 1357.

Assamenta parant, clavosque, & robore Malum  
 Erecto ingentem; sylvosa è fronte revulsam  
 Convertunt in vela comam; villosa rudentes,  
 Liciaque in laterum futuras apta, ministrant  
 Obducto tomenta tegunt quæ Carcere fructus,  
 Obvoluuntque novo patrium munimine Coccum.  
 Et ne quid desit, quo sic extructa marinum  
 Carpat iter ratis, & curvâ secet æquora puppi,  
 Ipso onerant Cocco, sibi quem jam protulit ipsa;  
 Pridem Arbor: sic illa Maris vada cærulea tranat,  
 Nil opis externæ cupiens, nil indiga laudis,  
 Ipsa sibi merx, ipsa Ratis: mirantur euntem  
 Nereides, mollique insternunt æquora cursu.

Sunt [1] nonnullæ alias quæ commenduntur in artes  
 E' Plantis. Ventus qui flet, Caurus-ne, Notus-ne?  
 An Boreas, Zephyrusve, aut contra lætus Eois  
 Eurus equis? patrio discunt è germine Seres;  
 Nautica præfagâ vernet cœu Pyxis in herba,  
 Inque leves sese abdat acus Magnetica frondes.  
 Ut [2] solido liquidum commutet Hydrargyron auro;  
 Quâ Phœbæ attollit sacrum Lunaria Caulem,  
 Utitur expressâ Radice Ars Chymica; lecto  
 Flore, ut in argentum vertat. Tu Cautior artes  
 Has ne quære, suis ut agente in viscera sensim  
 Naturam migrare velis è finibus igni;  
 Ni fumosa tuis debes ludibria fatis.  
 Callidus his studiis fraudum Cyllenius auctor  
 Non semel imposuit, nova dum miracula spondet,  
 Ignaram obtendens in furta latentia Lunam:  
 Quam Laërtiadæ potius monstravit Ulyssi,  
 Utere laudatâ Moly virtute: resolvit  
 Hâc ille, heu fatis quondam jactatus iniquis,  
 Cruda veneficia, & sævas Titanidis artes.  
 Hâc, aliisque sinu Tellus quæ sponte profundet,

Tu

- 
1. In alios etiam usus nonnulla aut observantur, aut carpuntur planta. Ut de Sinenſi quadam herba memorat Martin. in Atlante Sinic., & Kirker in ſua China Illustrata uſui eſſe ad indicandam ſuis foliis Venterum varietatem.
  2. Sic etiam Lunaria flore utuntur Chymiſtæ, ut Hydrargiron, ſcè, quod vocant, Argentum vivum in ſolidum argentum vertant; ejus Radicis ſucco, ut idem in aurum promoveant.



Tu quoque morborum vires , & semina franges ,  
 Si quis aget tortor fati rigor . [ 1 ] Hic venit aquis  
 Certior ex herbis , & commendatior usus :  
 Mollior hic , trepidisque accedens blandius ægris .  
 Et tantis alinæ auxiliis , opibusque Parentis  
 Indubitemus adhuc? Stibiumque , & Sulphura , & acre  
 Sectamur Minium , & dubiis malè fidimus ausis?  
 At non optatæ hæc nobis via trita salutis ,  
 Aut monstrata Deûm auxilia , & data copia vitæ .  
 Herbarum nobis , herbarum munera , & almas  
 Ante alias miseratus opes indulfit Apollo .  
 Quid causæ fuerit , trahit hac ab origine rumor .

Jam [ 2 ] Febrium terris post lucida furta Promethei  
 Ingruerat violenta cohors : non una profundo  
 Eludata Erebo cæcas vulgaverat iras  
 Tetra lues . Sacro crudescens sæviùs igni  
 Ibat [ 3 ] Erysipelas , ibat flammata [ 4 ] Synanche ,  
 Pleuritisq; [ 5 ] ictu fodicans , morfuq; [ 6 ] Tenasimus ,  
 Et [ 7 ] Phthisis , & [ 8 ] Phagedæna vorax , & torva [ 9 ] Nephritis .  
 [ Terribiles visu pestes ] [ 10 ] Strumæque , [ 11 ] Nomæque ,  
 Et [ 12 ] Lienteriæ crudus labor , & lita tabo  
 Phymata [ 13 ] , mortiferæque tumens æruginè [ 14 ] Cancer ,  
 Inquiesque [ 15 ] Ischiadis dolor , & non ultima labes ,

P 2

Asthma

- 
1. Nullus verò plantarum usus aut commendatior , aut frequentior ,  
 quam medicus ad morbos depellendos , ut quotidianis liquet expe-  
 rimentis . 2. Vnde usus hic in vulgus præmiùm emanavit , & Prome-  
 thei furto , atque inde evulgatis infinitis propemodum morborum  
 generibus fabulosè repetitur ; juxta illud Horat. l. 1. od. 3. Post  
 ignem atherea domo subductum , macies , & nova febrium Terris  
 incubuit cohors . 3. Hetrusc. Risipola . 4. Squinanzia , ò Schi-  
 nanzia . 5. Nostr. Puntura , ò mal di punta . Hetrusc. Scar-  
 mana , ò Scalmana . 6. Recti intestini mordicatio , qua ta-  
 men nihil , præter cruenta pauca , & mucosa , egeritur . 7. Nostrat.  
 Etticia . 8. Vlcus , quod propinqua , & adjacentia exedit . Ulce-  
 ratione maligna . 9. Renum morbus , cum scilicet calculo , aut  
 ulcere renes infestantur . Nostrat. Dolor di fianchi , ò di pie-  
 tra . 10. Scrofole . 11. Vlcera , qua depascuntur , vorantque  
 serpendo , corpus . 12. Alvi fluxus , quo cibi penè adhuc integri  
 desiciuntur . 13. Inflammatoria glandularum tubercula , mox  
 erumpentia , & ad suppurationem tendentia . 14. Hetrusc. Canche-  
 ro , ò Carcinoma . 15. Hetrusc. Sciatica .

Asthma [1] intestino torquens præcordia nodo.  
 Tum quoque, tum primum fœdis abscessibus horrens  
 Conceptam illuviem, deformiaque obtulit ora  
 Syphilis [2], ignitusque [3] Anthrax, turpesq; [4] Mariscæ.  
 Nec se continuit stygiis excitus ab antris,  
 Aut [5] Elephas sacer, aut [6] Polypus, aut ulcere [7] Lichen  
 Ipse suo informis, sensimque erraticus [8] Herpes.

Obstupuit Natura, tot una exterrita monstris,  
 Tot jactata, ambasque levans ad sidera palmas:  
 Heu! quianam tantæ funestant æthera Diræ?  
 Quidve, inquit, Jovis ira paras? si perdere terras,  
 Mortalemque ab stirpe sedet convellere gentem,  
 Fulmina quid cohibes? quin me sine more ruenti  
 Involvis nimbo, & vacuas dispergis in auras?  
 Æthereo extingui penitus præstaret ab igne,  
 Quàm longos inter gemitus sic ducere vitam,  
 Si vita est, quam lenta trahunt tot funera. Vitæ  
 An speciem torpentem ullam præferre putanda est,  
 Quam tot dilacerant infesto turbine morbi?  
 Quæ vacat exitio pars? unâ parte quod unum  
 Contentum exitium? turmatim in damna recurrunt  
 Conjuratæ acies morborum, & prælia miscent.  
 Nec modus, aut requies. [9] Versatilis ira Dianæ  
 Nunc agit heu! miseram: nunc [10] lymphâ intercute Najas  
 Distendit, crassâque sitim mage provocat undâ.  
 Ah quoties [11] pallente Croco color inficit ora  
 Non suus, inque novo regnat latè Icterus auro!  
 Visceribus [12] quoties lapidosam inolescere facem  
 Membra gemunt, tacitaque satas à Gorgone cautes!  
 Cætera quid memorem? liceat nemus ante caducis  
 Discere quàm multis infestnat frondibus Auster;  
 Aut, ubi Neptuno Tempestas incidit atrox,  
 Nosse quot irati volvantur ad æthera fluctus.

Et

- 
1. Asthma. 2. Morbo Gallico. 3. Anthrace, Carbonchio. 4. Cre-  
 ste. 5. *Hetrusc.* Elephantino, spezie di Lebbra. 6. Tumor in-  
 naribus succrescens. 7. Morbi genus faciem præcipuè infestans.  
 Specie di Serpiggine, ò d'Impetiggine. 8. *Hetrusc.* Formica.  
 9. Morbus Herculeus, seu Comitialis. *Hetrusc.* Epilessia, ò Mal  
 caduco. 10. *Aliter Hydrops.* *Hetrusc.* Idropisia. 11. Icterus,  
 Morbus Regius, seu Aurigo. *Hetrusc.* Itterizia. 12. Lithiasis,  
 Dolor di calcoli.

Et vitæ hoc unquam munus rear? aut mihi lætum  
Luce frui? ah tumulo potius me redde, Parentem  
[Nam quam pulsem aliâ votis moritura?] Parentem  
Si quis amor tangit, generis nec Maxima nostri  
Diceris Ops Mater nequicquam, aut Numine terras  
Vano imples; tumulo potius me redde: dolori  
Sic tandem cessisse juvet. Nec plura locutam  
Nescio quis subito cohibet stupor: ægra reponit  
Membra solo, mæstumque facit dolor ipse soporem.  
At non Maternas [Matrem quid falleret?] aures  
Infelix Natæ latuit dolor: Excita luctu  
Extemplo in somnis visa est ante ora jacentis  
Prolis adeste Parens, animosque his addere verbis.

Nata, quid indigno corrumpis lumina fletu,  
Crudelesque Deos, crudelia fidera morbis  
Visita vocas? non id temerè quodcunq; malorum est,  
Aut Divûm invidiâ, aut cæli sine lege furentis  
Obvenit vitio. Meritas has pendere pœnas  
Ira Deûm jubet, atque animis infensus Apollo.  
Ob raptos è cælo ignes, furtumque Promethei.  
Illo ex igne febres, illo exarsere nocentes  
Quæ duro pestes incendunt funere terras.  
Quare age, tanta Tuæ si Te, Miseranda, salutis,  
Cura tenet, votis ipse exorandus Apollo est.  
Hinc, unde infestis venit immedicabile telis  
Vulnus, & auxilium veniet, certumque juvamen.  
Ergo ubi Phœbæam referet mox lampada terris  
Orta dies, lauro crepitante, & thuris acerrâ  
Thymbræum Numen venerare, & fraude receptus  
Hic Tibi, dic, Ignis crepitat, Tibi fumat, Apollo,  
Et Magnæ Arabiæ, & Daphnes Tibi sacrat honores.  
Hic, hic, crede mihi, memori sub corde recursans  
Flectet amor Daphnes infensi Numinis iras:  
Annuet, auxilioque volens, opibusque juvabit.  
Rumpe moras; hæud te fallax illudit imago:  
Illa ego sum, genus unde refers, Ops Maxima, votis  
Implorata tuis, nulli non æqua labori.  
Sic ait, omniferosque sinus, vultusq; revelans  
Maternos densis altè se immiscuit umbris.  
Extemplo excussus Miseræ sopor: ardet, & alnum  
Sic Numen victo supplex venerata dolore est.  
O sequor, ô quocunque vocas, fidissima nostri



Spes Genitrix, nostros nunquam frustrata vocatus :  
 Accipio venerandum omen . Tum Gangis ab undis  
 Phœbus ubi reducem nitidâ se luce retexit,  
 Mandata exequitur ; laurumque , & thurea sacrat  
 Dona focis : atque hanc, inquit, super igne crepantem,  
 Phœbe , Tibi insignem laurum, nubemque sabæi  
 Thuris odoratam voveo . Jamque acta volabant  
 Nubila , cum superas vox exaudita per auras :  
 Ne trepida ulterius , duris exercita morbis  
 Infelix Natura ; Tuæ dant æqua salutis  
 Fata viam . Meritæ frangas quo tristitia mortis  
 Semina , Maternos posthac felicibus orsis  
 Perscrutare sinus : illinc pubentia vitæ  
 Pharmaca fas legere, & furialem eludere Clotho;  
 Ipse tuis jam nunc fati haud asper Apollo  
 Ignoscens , illos sæcundat, & apta laceffit  
 Germina , pacatoque iterum te Numine firmat:  
 Sic ait , atque ingens ingenti pignore signans  
 Promissum , mediis secuit sub nubibus arcum.  
 Extemplo firmati animi ; simul ægra supinas  
 Omniparens palmas tendens ad sidera , clarum  
 Ter frugum Auctorem venerata , ter oscula Magnæ  
 Libavit Matri , & meritos persolvit honores .  
 Mox factura fidem , caules avido ungue comantes  
 Herbarum carpens, miseræ solamina vitæ  
 Applicuit . Mora nulla, redux in tabida sensim  
 Serpere membra salus , & vi fulcire labantem.  
 Ex illo tanta est herbis Reverentia, tantus  
 Auctus honos , ut jam nullus sit crebrior usus,  
 Quàm qui tam bene Pæonias succedit in artes .  
 Ipsa animos Tellus , & mitior afflat Apollo.

Ergo (1) Te si quis furtivo in prælia fati  
 Casus agat morbo , hinc dubiæ tibi præcipe vitæ  
 Certus opem: (2) Non ulla potis Te Carpere morbi  
 Sævitia , adversæ cui non medicamine stirpis  
 Sit cautum: superant etiam sua monstra medelæ!

Cer-

- 
- (1) *Herbarum igitur usus ad morborum remedia plurimi facien-*  
*dus .*  
 (2) *Commendatur autem hic eo magis , quòd nullum ferè sit mor-*  
*borum genus , cui adverso herbarum medicamine consultum abun-*  
*dè non sit . Quinimò superant morbos ipsa remedia .*

Cerne (1) quot innatis horrentem cautibus unam  
 Lithiasin contra validis glomerata manipulis  
 Germina se tollant: illam sibi poscit (2) Anonis  
 Frangendam, poscit (3) Jobi sibi lacryma rore  
 Lata suo, (4) Ruscusq; rigens, (5) Crithmumque, (6) Siumq;  
 Canaque per riguas quærenda (7) Sifymbria valles.  
 Ipsa etiam (8) Malvæ, ipsa etiam stirps utraque (9) Lappæ,  
 Et (10) Siliquâ pedis instar avis quæ gaudet, in illam  
 Immitti cupit, & viridi decernere Marte.  
 Adde cavi vires (11) Cotyledonis, adde (12) Cyperi,  
 Artemidisque (13), Opuliq; (14), expallentisq; (15) Genistæ,  
 Et quas (16) Fungus iners, & quas fert (17) Ziziphus, & quas  
 Verbascum (18), Porrumq; (19), & barbigerû (20) Tragopogon.  
 Anne (21) Coronopodis subdam genus acre? virentis  
 Anne (22) Lithospermi, duro quod semine caute  
 Lucentem assimulans, paribus sese instruit armis?  
 Vos quoque, vos faxis, & opacis adsita muris  
 Hinc vires contrà lapidosam (23) Asplenia faciem  
 Hauritis; morsuque latus carpente levatis.  
 Quid? quod (24) Erica etiam gestit concurrere? Quid? quod  
 Portulaca (25) etiam, (26) Rhamnusq; & molle (27) Thalictrum,  
 Aspa.

(1) Liqueat id in Lithiasi, contrà quam unam innumera præsto  
 sunt ex herbarum virtute remedia. Talia sunt è Prosopopæa Bo-  
 tanica Virgilij Falugi, & Enchiridio Medico Jodoci Harchij Mon-  
 tensis, aliisque. 2. Vulgò Arresta bue. Officinis Anonide. 3. La-  
 grima di Giobbe. 4. Rusco. Hetrusc. Pugnito. 5. Finocchio  
 marino. 6. Gorgolestro. 7. Sifimbrio, ò Menta selvaggia.  
 8. Malva: aqua ex ipsis destillata. 9. Hetrusc. Lappola mag-  
 giore, e minore. 10. Piè d'Uccello, à siliqua avis pedem  
 referente. 11. Umbilico di Venere. 12. Ciperò. 13. Arte-  
 misia, ò Matricale. 14. Aceris, vel Corni species. Ital. Opulo.  
 15. Ginestra, aqua è floribus destillata. 16. Fongo, præsertim  
 lyncurius ad umbram exiccatus, & in pulverem redactus. Ital.  
 Fongo di pietra. 17. Giuggiola. 18. Verbasco, ò Tassio bar-  
 bassio. 19. Porro. 20. Barba di Capra, à prolixa lanugine,  
 quæ è summo erumpit, sic nuncupata. 21. Vulgò Erba stella.  
 22. Miglio del Sole. Lithospermum dictum à lapidea seminis du-  
 ritie. 23. Scolopendria. Officin. Ceterach. 24. Erica. 25. Porcel-  
 lana. 26. Offic. Spina Cervina. Hetrusc. Spino Merlo. 27. Talit-  
 tro.

Asparagusq; (1), Rubusq; (2), Nigellaq; (3), Partheniumq; (4) Atq; (5) Carū, atq; (6) Rumex, atq; (7) Anthemis, atq; (8) Adiantū. Insurgit radice (9) Crocus, (10) Gramenque, subactō. Cortice (11) Laurus, aquā decocto è semine potā Abrotanum (12), Cerasus (13) gummi, pendente Corymbi Baccā (14) Hedera adrepens, immortalisque (15) Cupressus; Persica (16) contento Nucleo se Malus obarmat; Solani (17) species acinis subit altera rubris.

At non ulla magis palmas tibi spondet opimas,  
Quam quæ perfractō toties ex hoste recepit  
Saxifragæ (18) nomen. Pratis virescit illa, nigranti  
Nixa foris Radice, albet quæ discolor intus,  
Vivacemque trahit circum rugosa senectam.  
Gustu etiam dulci est, mixtus quem temperat ardor  
Acer, odorato similis, cū grata palato  
Quo laudata suas nutrit Panchaia fruges.  
Plures hinc cubitum suprà sese undique caules

At-

1. Asparago. 2. Rovo. 3. Nigella. 4. Artemisia, ò Matricaria minore. 5. Carvio. 6. Lapazio, ò Romice. 7. Camomilla; qua pota tanta efficacitatis est ad calculos pellendos, ut, teste Plinio, si calculus exemptus ex humano corpore ejus folijs involvatur, brevi dissolvatur. 8. Hetrusc. Capelvenere. 9. Croco, ò Zaffrano. Hetrusc. etiam Gruogo. 10. Gramigna. Hetrusc. etiam Guaima. 11. Lauro, ò Alloro. 12. Ital. Abrotano. Hetrusc. Abrotino, ò Bruotina. 13. Hetrusc. Ciriegio. 14. Ital. Edera, ò Ellera, baccis ternis bis in diem sumptis. 15. Ital. Cipresso, baccis in pulverem subactis. 16. Ital. Nocciolo di Persico. 17. Officin. Alhakengi; seu Solanum Vesicarium, cujus acini rubei Vesicis inclusi, vel in pulverem redacti, vel distillati, & epoti mira pollent facultate in frangendis renum lapillis, ut auctor est Harch. in suo Enchirid. p. 234. Hetrusc. Solatro Alicacabo. 18. Peculiaris fit Saxifraga mentio, qua describitur per partes ex Rajo tom. 1. Hist. Plant. pag. 453. Quamvis non ignoremus, & alias esse Saxifraga species, qua nonnihil habitu differunt ab ea, qua hic describitur, ut videre licet apud eundem Rajum loc. cit. & Jodoc. Harchium in suo Enchirid. p. 235. Sit etiam Saxifraga Aurea, qua sub Chrysosplenij nomine à Turnesfortio describitur; & Saxifraga Rubra Officinarum, qua rectius Filipendula, seu Oenanthe à Botanicis nuncupatur. Quæ tamen omnes sua non destituuntur virtute ad renum calculos expellendos.



Attollunt, teretes caules, fartique medullâ,  
 Virgatique striis, imâ qui parte rubentes,  
 Continud in ramos abeunt, sylvamque comantem.  
 Glabra virent folia ex atro, dissectaque longo  
 Margine cûspidulis circum radiantur acutis.  
 At summos caules, ramosque subalbidus aptam  
 Sparsus in umbellam laxo flos tegmine claudit  
 Rarior, & plantæ fastigia læta coronat.  
 Succedit flori semen breve, lenè striatum,  
 Fronte rubens primùm, mox rufo insigne colore.  
 Hanc (1) viridem quondam in speciem migrasse Puellam  
 Atlantis Magni Neptem fert Rumor: Ut altum  
 In montem portentificæ vi Phorcidis illa  
 Versum vidit Avum, devovit Persea diris,  
 Gorgona devovit; rupeſque exosa rigentes  
 Effuso ubertim voluisset frangere fletu.  
 Fata negant. Ergo, potuit quod flebilis unum,  
 Conspectu è misero se longe avertit, & æqua  
 Prata per, & campos amissum inclamat Atlantem.  
 Atlantem poscit, lacrymisque indulget amaris.  
 Dum queritur, tellure pedes cœpere teneri,  
 Radicemque agere, & tenerum promittere caulem;  
 Nam consanguineos luctus miseratus, in herbam  
 Illam Atlantiades mutato cedere vultu  
 Jussit, & infensam duris vernare lapillis.  
 Hinc (2) procul invisus vel nunc è montibus exul  
 Prata amat, hærentemq; humano in viscere caulem,  
 Si qua subest, succo, decocto aut ubere, parvi  
 Seminis aut pinſi tenui scobe, frangit, & ultrà  
 Tritam abigit, fati vindex insignis aviti.  
 Hanc meritam ob laudem, & palmæ decora ardua, nomen,  
 Quæ Sefeli pridem fuerat Pratense vocata,  
 Saxifragæ obtinuit, proprioq; notata triumpho est.  
 Quale olim Libycâ victori è clade superbum

Q

Africa

1. Memorata planta Virtus fabula adumbratur, & cur in pratens, & pascuis humidioribus sit frequentior.
2. Spectatissima ejusdem dos in atterendis calculis, & expellendis, vel succo, vel decocto planta una cum radice, vel aqua destillata, vel semine in pulverem contuso. Unde Saxifraga nomen obtinuit. [Hetrusc. Salsifraga, Salsifragia] quæ tamen alio etiam nomine Sefeli Pratense à Rajo nuncupatur.

Africa Scipiadae nomen dedit, & sua magnis  
Accessit titulis resonare Victoria fastu.

Haud (1) verò numero tantum bene provida Tellus  
Morborum illuviem contra, virusque nocentum  
Proderit: ipso etiam instanti discrimine rerum  
Solicitam experire: vides ut (2) Fraxinus, atris  
Arbor hydri adversa, malisque inimica colubris  
Ante suos flores vernas exponat ad auras,  
Quam lethale genus patriis erumpat ab antris;  
Nec ponat folia alma, suis ni turba recondat  
Squamæ se latebris, & apertos liberet agros?  
Quin (3) tempus sub idem, cum puri ad lumina Solis  
E<sup>3</sup> caveis pictos vernus tepor evocat angues,  
Caule virens tenero, mora nulla, Dracunculus exit,  
Instantisque mali, quod formâ, & nomine prodit,  
At virtute cavet, fraudum securus Agrestes  
Præmonet, incautis idem medicamen, & index:  
Conditur & rursus, cum se fera noxia condit.

Quod (4), si Thessalico quandoque imbuta veneno  
Ignaram nocuo incestet stirps germine Matrem,  
Haud illam hæc patitur vernare impune, phææamq;  
Evulgare luem, & virus lactare malignum.  
Protinus appositâ succurrit stirpe, superbos  
Castigatque animos, & caulem caule coercet.  
Plurimus & Rhætos montes Napellus, & Alpes

Inf-

1. Nec tantum provida, verum etiam sollicita est in disponendis opportuno tempore herbarum remediis Natura.
2. Illustratur id Fraxini exemplo, Hetrusc. Frassino, qua serpentibus insensissima maturatò floret, ante quam illi suis erumpant è latebris, nec folia ponit, nisi in eas iterum se receperint.
3. Id etiam ostendit Herba illa, cui Dracunculo nomen apud Plin. t. 3. l. 29. c. 1. Ital. Dragoncello, qua caule versicoloribus viperarum maculis variegato ad primas serpentium vernationes è terra emergit, rursusque cum iisdem in terram se condit. Vel hoc per se satis officioso Natura munere, ut loquitur Plin., si tantum præmoneret, tempusque formidinis præmonstraret.
4. His accedit, quòd sæpè ubi noxium assurgit germen, alio Alexipharmaco Natura præsto sit. Sic ex Ruill. t. 2. General. Hist. Plant. p. 1747. in Rhetia, ac Sabaudia Alpibus propè Napellum Anthora assurgit, qua adversus Napelli venenum remedio est præsentissimo; siliquis licet, & semen habeat Napello similia.

Inficit Allobrogas ? vernal quæ proxima præsto est.  
 Et filiquas simili mentita, & semina partu,  
 Anthora, præsidiumque suis Radicibus offert.  
 Sic (1) etiam quæ fluctivago jacet Insula ponto  
 Fernandæa, arbor, Lauro par, noxia surgit;  
 Nam si fortè oculis vulsas apponere frondes  
 Tentet iniqua manus, tenebris suffusa repente  
 Caligare acies, & opacam obducere nubem  
 Incipit, invisamque umbris accersere noctem.  
 Hanc tamen, hanc Arbor juxta viret altera, cujus  
 Expresso è foliis redit interceptus amica  
 Lucis amor succo, solemque, diemque reducit.  
 Hanc (2) olim in sedem fertur delatus Apollo  
 Ventorum arbitrio, & primus subiisse periculum;  
 Nam falsæ assimili deceptus imagine Daphnes,  
 Dum ruit optati amplexus in stipitis, & se,  
 Splendentesque oculos mentitis frondibus abdit,  
 Degeneri sensit nutare micantia niæu  
 Lumina, & insolitâ frontem vivere sub umbrâ.  
 Restitit, elusosque manu aversatus amores,  
 Hærenti propius vellens è caudice frondes  
 Conniventem aciem succo sublevit, & omnem  
 Dispulit extemplò nubem, lucemque retexit.  
 Ex illo plantæ foliis impressa remansit  
 Infuso præclara die vis illa, perennat  
 Quæ virosæ oculis vel nunc contraria Lauro,  
 Adversamque umbram vicinâ corrigit umbrâ.  
 Ergo (3) æge, pæoniisque herbarum viribus audax  
 Si qua laborantis vitæ custodia cordi est,  
 Utere, nec rapidæ dubites obfistere Clotho.  
 Ut (4) tamen herbosæ sua constet gratia publi,

Q 2

Opta-

1. Sic etiam in Insula Fernandæa juxta Arborem virulentam  
 Lauro similem, cujus folia oculis admota nubilum quoddam in-  
 ducunt, ac propè excacant, altera assurgit Arbor, cujus expres-  
 so è foliis succo interceptus oculorum usus restituitur; ut testatur.  
 La Bresse l. 2. de Plant. c. 6.
2. Idipsum fabula exornatur.
3. Liqueat ex his quàm longè aliis anteponendus sit in rem medi-  
 cam herbarum usus.
4. Ut tamen eventus voto respondeat. Tenenda primùm germana,  
 ac genuina quasita plantæ species.



Optatisque diu veniant inde apta medelis  
 Munera ; principio ne te forte obvia plantæ ,  
 Aut forma , aut formæ simulata insignia fallant ,  
 Admoneo : ingeniis persæpè sagacibus anceps  
 Imposuit Natura , suos dum dædala fingit  
 Indiscreta satus , & se quoque fallit in illis.  
 Nam [1] neque seminibus genitalis ubique locorum  
 Vis eadem, semper nec fors est frugibus una.  
 Hic læta antiqui generis decora inclyta servant ,  
 Degenerant alibi succos oblita priores .  
 Sæpè [2] alios habitus , alienæ & symbola formæ  
 Assimulant , falluntque fidem, luduntque legentes.  
 Nonne [3] vides foliis ut se Plantaginis ornat  
 Mentitus quandoque habitum Ranunculus ? ut se  
 Induit in frondes Aconiti inamabile sæpe  
 Geranium , vernantque Asari Nasturtia cultu ?  
 Ut teneas igitur quæsitam in pharmaca stirpem  
 Ne [4] primo aspectu capiare , & frondibus unis,  
 Aut [5] unis florum credas insignibus : ipsi  
 Persimili quandoque nitent molimine flores,  
 Ipsi etiam fructus , & semina . Cernis , ut æquæ  
 Se florum textu sinuosa Cucurbita comat,  
 Ac fulcro advoluit qui se Convolvulus ? illinc  
 Semina dent geminâ propè circumducta figurâ  
 Salvia , Marrubiumque, Marisque Machaonius Ros,  
 Felicique virens Betonica juncta Melissa ?

To-

- 
1. Aliquando siquidem locorum ingenio à nativa virtute planta degenerant.
  2. Interdum primo fallunt aspectu ; nihil enim in herbis frequentius , quam ut aliæ aliarum habitus induant , ac folia imitentur.
  3. Quid enim usæ critius , quam Ranunculus Plantaginis folio , Geranium Aconiti , Nasturtium Asari ?
  4. Cavendum igitur ne sola foliorum specie capiaris in herbis delingendis.
  5. Multo minus unis floribus , aut unis fidendum seminibus . Cucurbita siquidem , & Convolvuli flores sunt planè similes , planta autem longè inter se dissidentes . Salvia pariter , & Marrubium , & Rosmarinus , Betonica etiam , & Melissa , cæteraque planta , quæ Verticillata appellantur , unicum genus constituerent , si sola seminum ratio habenda esset.

Totus [1] plantæ habitus foliisq; & floribus auctus.

Fœtu etiam, Radice etiam spectandus avitæ;

Sic tibi constabit propriis quæ Testera signis

Discernit medicos sua per discrimina Caules.

Seque notis Tibi sic prodent gentilibus Herbæ.

Hinc [2] benè Limonium differre à Bellide discēs.

Bellidis assurgat foliis licet, & simul unâ

Leucoli de gente satas florescere stirpes;

Altera se quamvis, nomen quem prænotat, albo.

Purpureo, aut croceo comat sese altera flore.

Hæc [3] ubi jam comperta, suis & planta tenetur

Indiciis, tùm fas demum tentare, potestas

Quæ parti sit cuique, ferat quam quæque medelam.

Ante [4] tamen vis hæc certâ ratione tenenda,

Ne temerè ambiguas vitæ discrimine vires

Experiare, aliò que anceps cadat alea fati:

Nosse juvet, quæ plura ævi suffragia virtus

Rettulerit, longo quæ jam præluxerit usu.

Sunt [5] quæ conspicuis, reddunt quæ germina, signis

Argumenta trahant: his morbum ex arte domandum,

His clausas plantæ signari in pharmaca vires.

Quid strumis collum fœdè pascentibus aptum.

Præsidium [6] ferat, inquiris? Cognominis herba

Mon-

1. Totus igitur planta habitus suis omnibus instructus partibus diligenter observandus, ut à potioribus, tanquam gentili quadam è tessera, quasita planta species citrà fraudem teneatur.
2. Sic discēs plantas aliqua cateroqui parte affines disjungere; alias verò parte aliqua, folio nimirum, aut flore dissidentes ad idem genus referre.
3. Comperta genuina planta specie, tùm demum tentanda virtus.
4. Non temerè tamen aliena vita periculo id præstandum, sed usurpanda ea, quæ probata jam pridè fuerit, ac longo usu explorata.
5. Refellitur hic eorum judicium, qui planta cuiusque facultatem è notis quibusdam, signaturisque planta ipsi, aut alicui ejus parti inditis cognosci asseverant. Quibus nempe Planta cum parte aliqua corporis, aut morbo, ejusve symptomate similitudo, aut convenientia in figura, colore, textura, aliove attributo adumbratur.
6. Sic Scrofulariam, Ital. Scrofularia, facile dignosci medendis scrofulis natam; quia radices habet, quibus adherent radiculo, quasi pilula; quæ scrofulas in collo nascentes imitari videntur.

Monstrabit Radice notas, circum obsita parvis  
Glandibus, & strumas pilulis imitata rotundis.  
Forte [1] venenato petiit te Scorpium istu?  
Ne multum, ne quare; minor Tibi certa salutis  
Signa refert Clytie, curvo quæ flore figurat  
Illius intentam meditata in vulnera caudam.

Sic alias aliis plantas prætere signis

Quæ lateat virtus, cui sint sua dona medellæ.

At (2) licet id præstent quandoque hæc symbola, certam

Corporis & partem signent virtute levandam,

Ne tamen his tu fide: carent his sæpius æquâ

Quæ pollent medicæ stirpes virtute, neque almo

Quam gremio fovere, notis affinis edunt.

Quot plantas inter titulo consentur ovanti

Cardiacæ, Hepaticæque, rudi quin ulla figurâ

Hepatis, aut picti referant vestigia cordis?

Adde [3] tot affinis rerum pubescere formis

Egregios caules, illas quin ordine raptim

Respiciant ullo, aut apto quidquam indice signent.

Renibus an quidquam, referunt quos semine, lentos

Phaseolos prodesse putes? an gliscere Cordi,

Aut Medicæ stirpem Cochleatæ, aut molle Corindum

Quod foliis vulgò illa suis, hoc semine Cordis

Præferat effigiem, & clarò sibi stemmate plaudet?

Fa1-

1. Sic *Heliotropium minus*, *Hetrusc.* Clizia, & *Elitropia minor*, ad *Scorpionis morsus* valere; quia in summo *Herba flos* nascitur, *Scorpionis in morem recurvus*.

2. Fallacissimum verò redarguitur *h. m.* iudicium. Tum quia, utut aliquando signa isthæc plantæ virtutes respondeant, longè tamen major earum numerus est, quæ certè alicui *Humani Corporis* parti, aut morbo salutaris, *h. m.* carent signaturis, ut in *Cardiacis*, *Hepaticis*, ac *Cephalicis* multis proum est ostendere.

3. Tum quia plantarum plurimæ pares rerum imagines exprimunt, ad quas tamen nullum prorsus respectum habent. Sic *Phaseoli* *Hetrusc.* Fagiuolo, *Semina Rorum*, *Medica Cochleata* vulgatissima, *Ital.* *Medica Cocleata*, & *Corindi*, seu *Pist. Cordati*, *Hetrusc.* *Spezie di Solatro*, *Semina Cordis* effigiem præferant, ad quæ tamen referri nullatenus aut debent, aut possunt.



Falleris, [1] his medicas quisquis malè cautus in artes  
 Duceris indiciiis : non hæc obnoxia dextræ  
 Pæoniæ monimenta virent : sunt ludicra Vesis  
 Gaudia , Naturæque joci ludentis in herbis.  
 Sic apibus ludunt florentibus Orchides ; Hirci  
 Sic barbam simulat Tragopogon ; Cornua, torquent  
 Quæ Fœnugræcum filiquæ ; Genitalia quædam  
 Vascula , Pastoris , formâ planè indice , Bursæ  
 Dant nomen , Vituli caput explicat Antirrhinum.  
 Quin tamen hæc ulli dubiæ sint Pæoniæ arti  
 Indicio , aut ullum præstent medicaminis omen,  
 Quid? [2] quod eas referunt interdum symbola partes,  
 Quæ stirpes altè prætentum insigne gerentes  
 Non modo non iusta profunt virtute, sed obsunt.  
 An [3] non pendentis peregrino è caudice fructus  
 Cordis in effigiem trudent Anacardia ? Cordi  
 Quis tamen hos putet auxilio turgescere? præsens  
 Virus alunt potius , quo mens correpta furentem  
 Penthea , vel scenis agitatum reddat Orestem .  
 Quàm [4] benè pulmoni similes formamq; coloremq;  
 Et molle ingenium videas concreescere fungos  
 Arboreos persæpè ; tamen præsagia formæ  
 Irrita thessalico potius tumuere veneno.  
 Tu-ne [5] propinato Tithymali ex ubere lacte,  
 Quo nil ad sensum riget acrius , ubera siccæ  
 Juveris Altricis , cessantiaque arte lacestias ?

Ah

1. *Ludentis hæc potius Naturæ rudimenta habenda sunt; non secus, ac apes expresse in Orchidum floribus, Hircina barba in Tragopogone, Ital. Barba di Capra: Cornua in Fœnugræci, Hetrusc. Fiengreco, Siliquis: Bursa Pastoris in Plantæ Cognominis vasculo seminali, Vitulinum Caput in Vulgari Antirrhino, & similia, quæ nullo indicio sunt ad rem medicam.*
2. *Ad hæc: plantarum quædam eas interdum Corporis partes representant, quibus, non modo salutes non sunt, sed quam maxime aduersantur.*
3. *Sic Anacardij, Hetrusc. Anacardo, fructus Cor representat; est tamen perniciosus, ac virulentus.*
4. *Fungi aliquot arborei pulmones figura, colore, ac spangiosa molitie ad unguem referunt; qui tamen maligni sunt, ac venenati.*
5. *Tithymalorum succus acerrimus lacti similis est; nemo tamen illum Nutricibus propinæ ad lac augendum.*

Ah [1] frustra iudiciis his creditur : aliis omnis  
Herbarum virtus repetenda , & avita potestas.

Primus [2] Apollineos fruticum qui nosceret usus  
Davidides Superum dono fuit . Ille virentum  
Herbarum nimio quondam correptus amore  
Lustrare ingenia , & vastâ comprehendere mente  
Veris odoratam pubem , moresque , genusque.  
His Sophia aggressus divinum flectere Numen.  
O Dea , concentu unanimi quæ sidera , & æquis  
Naturam regis imperiis , & Numine torques;  
Si Tibi Taurorum millenâ cæde secures  
Non nequicquam aris tepuere , & mille Sabæis  
Frugibus incensus Gabaon ; nec inutilis ultrò  
Terrasque , tractusque maris , collesque supinos  
Herbarum luxu Natura exornat inani,  
Illarum ingenia , & certas da noscere formas.  
Atque potestates , medicis atque insita fibris  
Munera , Præoniasque ægris expromere vires.  
Sic tua non tenebris tandem damnata peribunt  
Promerita ampla, tuisque magis celebrabere donis.  
Talibus orantem dictis , arasque tenentem  
Audiit æternæ soboles pulcherrima mentis;  
Atque olli extemplò , disruptâ nube , capacem  
Quæ dudum cæcâ umbrabat caligine mentem ,  
Immicuit , seseque oculis confessa nitenti  
Ore : Rogas , inquit , quæ Prudentissime Regum,  
Ne dabit , referes: simul hæc , simul Avia secum  
Exultantem animis Juvenem rapit . [3] Est procul , ingens  
Quæ Libani latus in viridem discedit hiatum ,  
Naturæ domus , Elysium ; genus omnibus unde est  
Arboribusque , satisque , corymbiferisque viretis.  
Hic [4] informandis herbisque , & stirpibus alma

Omni-

- 
1. Aliunde igitur herbarum Virtus repetenda: cui penitus inquir-  
rendæ fabula iter præsternitur.
  2. Primus , qui Herbarum potestates omnes perspectas haberet, Sa-  
pientissimus Hierosolymorum Rex Salomon fuit , ut ex sacris li-  
teris constat , qui scientiam hanc omnem divinitus hausit .
  3. Fingitur is à Divina Sapientia in Naturæ Officinam deductus ,  
quæ poetice describitur.
  4. Plurimæ hic plantarum Classes , & species, arrepta ansa, innume-  
rantur, quarum apud Botanophiles peculiaris mentio est.

Omniparens instabat; eam circum undique Nymphæ  
 Nereides mixtim, Dryadesque, lævesque Napææ,  
 Naiadesque alacres, & Oreades, ordine pensum  
 Quæque suum partitæ, operi curamque, manusque  
 Addebant, viduisque arvis sua texta parabant.  
 Prætensores [1] Beroë, natu quæ parvula, fungos  
 Fingebat facili ductu, formæque salubris  
 Indicium, candentem animam inspirabat odoram,  
 Olli etiam muscos, fucosque educere, & algas  
 Ludus erat, gravior ramosa lithophyta nifus.  
 Parte [2] aliâ Drimoque, Thaliaque, Phyllodoceque  
 Gramineam latè sobolem, sylvamque Cyperorum  
 Erectam, ingentem, studio fallente laborem,  
 Curabant, & nunc crebra internodia, flexus  
 Nunc varios, caudasque feras, villosque, jubasque,  
 Telaque, Paniculasque graves, squamasque, bicornes  
 Addebant, grato miscentes seria ludo.  
 Ast alias aliæ foliis pubentibus herbas,  
 Suffruticesque satum ducebant dispare, & arte  
 Dædaleâ instantes operi sua pensa trahebant:  
 Pæonium fervebat opus: [3] pars addere flores  
 Certat agens, crebro vernent seu stamine, pictis  
 seu petalis: [4] pars poma etiam, baccasque, corymbosque  
 Aptat, & aut siliquas, aut vascula ducta fovendis  
 Seminibus, sua quæ propriis insignia plantis.  
 Arborei [5] gravior generis, fruticumque potentum  
 Cura aliis erat; has valido deducere nisu  
 Stipitis aspiceres immania membra, torosque

R

Ra-

- 
1. Vti sunt plantæ flore destitutæ, quales habentur Fungi, & Musci, Submarineque omnes, uti Coralia, Fuci, aliaque id genus.
  2. Gramina, & Cyperi, quorum cultus, & forma gratissima varietate discors, & multiplex; ut videre licet apud Rarum in sua Methodo.
  3. Herba florifera, seu stamineo flore, seu petalis instructa.
  4. Pomifera item, Baccifera, Corymbifera, Siliquosa etiam, & Vasculifera.
  5. Arborum quoque, & Fruticum plurima genera delibantur; uti nimirum Arbores Conifera, & Iulifera, Baccifera, Prunifera, & Pomifera, Siliquosa etiam, & Fructu sicco non Siliquosa.



Ramorum ingentes , æquataque robora Cælo.  
 Et nunc differtos rugoso cortice textus  
 Addere , nunc vario foliorum errore comantum  
 Luxuriem, conive decus , vel inertis Iuli.  
 Has baccis , prunis aptas gentilibus illas  
 Edere , vel pomis plantas ; Siliquasque sonantes  
 His donare , illis ficos sine regmine fructus.  
 Pendent [r] parietibus vastis longo ordine circum  
 Collatæ rebus facies , exemplaque ; succi  
 Vitales , auræque labris ingentibus innant ,  
 Atque elementorum partes , mixta unde recurrunt  
 Semina , fœtificique habiles ad germina rores.  
 Ipsa sedens thalamo in medio rerum Arbitra stirpi  
 Vires cuique suas virides infundit in artus ,  
 Assignatque notas , & avitæ insignia formæ.  
 Tunc Violæ , reditum maturans Veris, honestum  
 Aptabat vultum Genitrix , formamque novabat .  
 Tres animæ afflatus liquidæ , tres nubis odoræ  
 Addiderat , gelidî tres Roris , & altis auræ.  
 Jamque suum petalis pallorem urgebat ; ab alto  
 Cum Dea Cælipotens Thaumantide vesta curuli  
 Affuit , & Juvenem frondentibus intulit antris.

Obstupuit subito aspectu Natura , simulque  
 Penè sinu excussî calathi , & revoluta Ministris  
 Dædala textâ ; oculos fulgor novus urget inertes .  
 Tum Sophiæ his animos addens: Ne absistite cœptis,  
 Nymphæ , inquit , mea cura ; haud hæc abrumpere cursu.  
 Venimus huc alacri , aut vestros turbare recessus.  
 Pergite: vestra adsum Præses gratissima : mecum  
 Qui graditur Juvénis , Regum flos inclytus hic est,  
 Davidides mihi desponsus : me Vindicæ , vestra  
 Fas olli lustrare adyta , & spectare labores.  
 Inceptam revocate operam. Sic mandat ; at illæ  
 Protinus incubuere omnes , repetitaque doctâ  
 Pensa manu : felici omnis domus halat odore .

Instat Davidides , vernantiaque orsa Sororum  
 Persequitur visu , mentemque ad singula voluit.

In

---

\*. Plurima item alia ad Poetica Topographiæ decus , ac venustatem adduntur , ut Natura Opificis Officina verosimilius describatur .

In [1] quatuor discreta videt latè omnia classes  
 Germinat in Arboreum quædam succrescere nomen;  
 Quædam ire in frutices; alio hæc sub stemmate dici  
 Suffrutices, illa innumeris dare stirpibus herbas.  
 Queis (2) Caulis minimè astringit lignosus, & idem  
 Annuus, Herbarum ex imâ sobolescere plebe  
 Discit: (3) at is dura gracilis queis sorte perennat  
 Ligneus, haud tamen & gemmīs par mole creandis,  
 Suffuticum media de gente virefcere; qualis  
 Rosmaris, & crebris viget alta Lavendula Spicis,  
 Insultatque notis, subjectisque imperat arvis.  
 Quod (4) si Gemmiparas non uno stipite plantas  
 Crassior attollat, multusque evadat in auras,  
 Splendidiùs Fruticum censu se tollere equestri.  
 Patricio (5) demum clarere ex ordine classis  
 Arboreæ, truncus vastâ queis mole perennis  
 Astringit simplex, annosaque brachia jactat.

Tum genera his contenta vagis sub classibus haurit  
 Præterea, & numerum, cultumq; artemq; recenset:  
 Quæq; (6) notæ sint cuique, suæ quæ Testera gentis

R 2

Di-

1. *Celeberrima potissimum Plantarum divisio in quatuor summa Genera, in Arbores scilicet, Frutices, Suffrutices, & Herbas capta occasione strictim enucleatur.*
2. *Quarumcumque Caules annui sunt, Herba appellantur, siue Radices perennent, siue secus; uti etiam quæ Caule non lignoso sunt, licet perenni, ut Brassica species nonnulla, & aliquando Nicotiana.*
3. *Quæ verò Caule perenni sunt, lignosæque, minima tamen altitudinis, & crassitudinis, nec gemmiparæ, Suffrutices nuncupantur, ut Rosmarinus, Lavendula, &c.*
4. *At quæ gemmipara stirps est inter lignosas altitudine, & crassitudine mediocri, cui pro superficie stipos perennis, Natura multiplex, Frutex habetur, ut Myrtus, Corylus, &c.*
5. *Arbor denique Planta lignosa est, crassitudine, & altitudine inter omnes maxima, cui caudex pro superficie est, perennis, & natura simplex, qui in multos ramulos majores, ac deinde in plures minores finditur.*
6. *Quæ sint h. m. notæ, è quibus generum subalternorum diversitas potenda sit, alii alia docent methodo. Celebriores sunt Turnefortiana Methodus, & Rayana, quibus ut suis habeatur honor, neutri in præfenti adhgrendum censuimus.*

Dispicit, & memori mandat se prodere menti.  
 Quin (1) generi quæ cuique rato discrimine substat  
 Discretæ species, lustrat: quot stemmate ducat  
 Dissimiles Anemona suo: quot Carduus, hirtis  
 Sentibus hic minicans, illic mucronibus horrendo  
 Squameus hamatis, radiis aut asper acutis:  
 Obtusis rursus telis hic mollior, illic  
 Lanceolis pugnax iterum, saturoque virore  
 Hic vernans, illic maculis variatus, & albo.

Ante (2) alias, medicas penitus disquirere vires;  
 Cura subit: quæ demissis Radicibus, & quæ  
 Corticibus, lignisque, alnis aut frondibus insint,  
 Sedulus evoluit; flores quoque, & addita flori  
 Semina; fructiferosque satus, lacrymasque liquentes,  
 Quæ duro fruticum rumpuntur cortice sensim,  
 Scrutatur relegens, vitæque juvamina discit.  
 Nec rerum Natura Parens quidquam abnuat; omnes  
 Quin referat fibras lustranti, & singula pandit.  
 Ipsa aciem Sophie texta ad subtilia firmat:  
 Non illum; Libanus nutrit quam vertice, Cedri  
 Vis latuit; non quam muris, ignobile germen,  
 Hyssopus servat, tenuique obvoluit amictu.  
 Herbarum Naturam animo complectitur omnem.

Compos ubi voti sensit sibi Numine pectus  
 Davidides compleri, animis micat, & sua dona  
 Gratatur Sophiæ: gliscit sub Corde voluptas.  
 Sic alte arcanâ fœtus jam Pallade mentem  
 Abdita Naturæ, Divâ Duce, testata relinquit,  
 Evaditque foras, superasque excedit in auras.  
 At Dea, ne quæ aliud secretum insistere limen  
 Auderet, viridem rursus interclusit hiatum,

Ob-

1. Quam variæ sæpè species sub uno, eodemque subalterno Herbi  
 genere contineantur, Anemones, & Cardui exemplis cursim per-  
 stringitur.
2. Iam verò non modo enumerata omnia Salomoni patefacta hiæ  
 non omnino ex vano fingimus, verum & medicas singularum plan-  
 tarum vires, tum quæ insunt Radicibus, tum quæ Corticibus,  
 aut Lignis, aut Frondibus, aut Floribus, aut Seminibus, & Fructi-  
 bus, Succis etiam, ac Lacrymis, quæ è plantis exudant: testan-  
 tibus sacris literis 3. Reg. 4. Disputasse illum super lignis à Cedro  
 quæ est in Libano, usque ad Hyssopum quæ egreditur de Parietibus.



Obstruxitque forēs, frondentesque obdidit umbras.  
 Nec tūm visendi incessit malefana libido  
 Queniquam alium; nec opus cuiquam fuit: (1) ipse reposita  
 Davidides monimenta domus vulgavit, & omnes  
 Tradidit herbarum seclis venientibus artes.

Sed (2) non illa diū vixit fortuna: tot ausis  
 Tot studiis exculpta Viri documenta ruinis  
 Seclorum periere: jacent tumulata vetusti  
 Temporis excidio, & tristi demersa favillā.  
 Non avitamen invidiā sua munera passa est  
 Corrupti Sophie alma: Revolvi in nubila **Lethes**  
 Sensit ut illa, poli summā demisit ab arce;  
 Quæ lucis pars alma suæ stellantia cæli  
 Atria lustrabat; Rationem; Urbesque docere  
 Jussit amans; terris & præluere malignis.  
 Illius imperio Rerum Experientiā solers  
 Juncta comes, non certa satis quæ proderet usu  
 Argumenta, fidem dubiis & jungeret herbis.  
 His ducibus via facta; iterum quā abstrusa patere  
 Insita vis herbis; medicæque accederet arti.

Evenere: (3) sacre ductu Rationis; agrestis  
 Plurima se explicuit virtūs: plantæ Illa latentem  
 Temperiem; vario passim monstrante sapore,  
 Non semel edocuit, viresque exprompsit inustas:  
 Argentesque Acidi tulit, Austerique saporis  
 Indicio; Calidas Acris, Salsique, vel ora  
 Quisquis Amaritie torquet; morbisque levandis  
 Herbarum ingenium curā sic prodidit aptum;  
 Naturamque acie rursus rimata Magistrā est.

Hinc

- 
1. Tanto Authore emanasse primum in vulgus publicis monumentis  
 consignatas Herbarum Virtutes, ac potestates haud ab re conjici-  
 mus.
  2. Verum Temporum injuriis iis monumentis abolitis; Divina  
 Providentia factum, ut Ratione & Experientia Duce successu  
 temporis interceptæ pridem Herbarum Virtutes rursus in lucem  
 emergerent.
  3. Et quidem Rationis ductu factum, ut ex saporum differentiis  
 plurima Herbarum potestates innotescerent. Hinc enim illarum  
 Temperies comperta, ut nimirum Frigida habita sit acidi, aut  
 austri, Calida verò acris, salsique, aut amari saporis indicio.

Hinc (1) etiam varios didicit seponere in usus  
Germinis ejusdem partes , variante palati  
Judicio , & carpi studia in contraria jussit.

Interdum (2) insectis è vilibus argumentum  
Duxisse haud puduit : si qua est pascentibus illis  
Aut fastidiri visa , aut intacta relinqui ,  
Furtivi aut vitii , aut taciti suspecta veneni  
Credita stirps ; labis sed contra immunis adesa.  
Hoc [3] primum signo Gens Europæa per altos  
Ammericæ saltus errans ignara locorum,  
Quos vescos raperet fructus ex arbore novit.  
Nempè avium quos picta cohors libasset , edules  
Edidit , natosque fami sine fraude premendæ .

At [4] avido efflictim si qua est morsuque, fameq;  
Visa peti stirps certa , vigens virtute reposita,  
Illa licet nostro non esset pervia sensu,  
Commendata : leves nimirum Insecta sapes  
Scrutantur nobis subtilius : acrior illis  
Gustus inest , tenues fugiunt nec Tenuja sensus .

Hoc [5] ductu si quando aliis hærescere plantis

Hor-

1. Vnde etiam heterogenea partium ejusdem sæpè planta Virtus :  
ac temperies evoluta ; atque alia deducta est cathartica , adstrin-  
gens alia , variante saporis indicio.
2. Ex Insectis etiam non semel deductum est argumentum ad no-  
xias , vel salutare plantas dignoscendas ; qua enim observata  
ab Insectorum , aut Animalium nullo attingi , venenata habita.
3. Hoc indicio usos memorant Europeos , cum America sylvas lo-  
corum imprudentes oberrarent , ut eos fructus edules ducerent ,  
aut saltem impunè gustari posse , quos nimirum ab avibus decer-  
ptos , aut admorsos viderent.
4. Hinc , si quod Insecti genus peculiarem aliquam plantam affe-  
ctet , verisimile est peculiari aliqua vi , ac potestate illam pollere ;  
quamvis ea fortè in nostros sensus non incurrat . Insecta enim  
subtilius , quam nos , sapes distinguunt .
5. Conjecturam etiam hinc facere licet , Viribus eas plantas con-  
venire , quas eadem Insecta arrodant ; ac proinde si alias à Pipe-  
ritide , Nasturtio , Iberide plantas inhiet Scarabæi genus parvum ,  
& nigrum , Hortensis Pulex aliquibus dictus , inferre licebit eas  
acres esse , & calidas ; cujusmodi enumerata sunt , quas id ani-  
malculi observatum appetere.

Hortensem Culicem deprendes , seu Scarabæi  
 Et nigrum genus , & parvum , depascier acres ,  
 Et Calidos suetum caules , Te Fervida Iberi ,  
 Vosque elata solo parâli Nasturtia cultu ,  
 Temperie assimili pollere licebit & illas  
 Conjectare , parique acres succendier æstu:  
 Inde [1] Jacobææ suppar Virtute putatum  
 Erigeron , æquè germen quòd carpat utrumque  
 Et nigris Eruca notis insignis , & auro.

Insectis [2] quanquam non certa ex omnibus æquè  
 Argumenta ; fatu nam sunt quæ pamphaga nullo  
 Non sese oblectant , nullique addicta vagantur .

Sed [3] levia hæc : majora tulit documenta , novasq;  
 Ex aliis , his quæ præstant , Animantibus artes .  
 Inde [4] Sagax Ratio Dictamni hærentia contra  
 Spicula Virtutem didicit , sylvestribus illam  
 Per Dictæa Capris passim monstrantibus arva .  
 Inde [5] Chelidoniæ foliis , succoque malignam ,  
 Nictantemque sub umbrâ aciem purgare Magistræ  
 Haussit hians oculis ab Hirundine : (6) Salvia lentis  
 Fausa puerperiis usu comperta Leænæ ,  
 Cervarum Sefelis . [7] Notas Tibi , lubrica Serpens ,

Fz-

1. Hoc ductus indicio eruditissimus Rajus Iacobaam , & Sencio-  
nem viribus affines putat ; quòd plantam indiscriminatim utram-  
que depascatur Eruca quadam maculis nigris , & aureis trans-  
versis interdistincta.
2. Non est autem observatio hac certa , & Universalis in cujusvis  
generis Insectis , sunt enim pleraque , aut Pamphaga , aut Pe-  
lyphaga , qua nullum ferè esca genus avergantur.
3. Potiora deducta ex perfectioribus Animantibus argumenta , qui-  
bus accepta referenda est plurimarum Virtutum cognitio.
4. Sic Sylvestrium Caprarum indicio Dictamni , Ital. Dittamo  
Cretico , patuit Virtus , cujus pistu hærentia excutiant tela.
5. Chelidonium , Ital. Celidonia , visui saluberrimam Hirundines  
monstravere , vexatis pullorum oculis illa medentes. Plin. l. 8. c. 27.
6. Salviam , Ital. Salvia , ad partus facilitatem conducere Leana ,  
Sefelim , Ital. Sefeli , Cerve .
7. Fanculi , seu Marathri , Ital. Finocchio , vires Serpens , il-  
lius jucco membranam hiberno situ corpori obductam exuens , niti-  
diusque vernans ; hujus vero herba sese affricans , oculosque hiber-  
na latebra obscuratos inungens , ac resovens.



Feniculi, Marathrique oculis, senioque salubres  
 Debet opes; [1] Rutæ tibi vim, Mustela, laceffis  
 Hac armata feros dum seva in bella colubros.  
 Ipsa [2] etiam Helxines Turtur, Lauriq; Palumbes,  
 Perdicesque, Grues Junci docuere palustris  
 Præonias laudes, his dum fastidia purgant  
 Annua, & effctas revocant ad munia vires.  
 Quid plura? Aspleni vim contra aggesta Lienis  
 Damna vel ex ipso condiscere juvat Asello.

Fors(3)quoque multa retrò lapsis incognita seclis  
 Extulit in lucem, cæco benè provida casu.  
 Quis Laricis, frondentem alio quam gignit in orbe,  
 Ammericæ, Virtutem Umbræ novisset opacam,  
 Ni casu patuisset? eam vis obvia casus  
 Prodidit, inque diem nativâ eduxit ab umbrâ.  
 Fortè (4) sub hanc nimio fessus successerat æstu  
 Tytirus, errantes linquens per prata Capellas.  
 Dum recubat, Zephyrumq; & Frigus captat opacum  
 Devius, in dulcem voluntur lumina somnum,  
 Stertit humi fusus; residues sopor alligat arrus,  
 Ipsa adblanditur placido gravis umbra susurro.  
 Ut primum excussus sopor est, spectacula demens  
 Dat nova; nam mentis furtivo errore per umbram  
 Correptus, Sortisque suæ planè immemor, Alter  
 Visus adeste sibi; vacuâ nam visus in aulâ  
 Jam sibi Regnator, jam non sibi Tytirus, alta  
 Dicere jura; tumens jamque his, jamq; imperat illis.

Pæ-

1. *Ruta, Ital. Ruta, Mustela, cujus pastu se contra serpentes obarmat, ac vires refouet.*
2. *Helxines Nostr. Erba di Muro. Ital. Erba Parietaria, ò Vittiola, Turtur, Lauri Palumbes, Perdicesque, Grues Junci palustris, Ital. Giunco palustre, vires edocuere, quibus annum fastidium purgant. Asinus Aspleni, Ital. Scolopendria, qui splene laborans hac herba dicitur se curare. Vide plura apud Plin. loc. laud. & l. 25. c. 8. & Abrahamum Coulejum in suis Poeticis Commentarijs.*
3. *Multa etiam casus vel imprudentibus obtulit. Sic patuit Umbra Laricis cujusdem Americana prestigiatrix Virtus, suo afflatu potens vel hominem è statu mentis deturbare.*
4. *Ex Pastoris cujusdam successu, qui primus sub illa somnum cepit, rei denarratur.*

Penula mentitur chlamydem , Regalia curvum  
 Sceptra pedum , fastuque amens sibi plaudit inani :  
 Mox Mercaturæ studet improvisus , in arma  
 Mox ruit , & trepidum vocat in certamina Martem :  
 Auguris idem aliàs partes agit ; atque subindè  
 Vel vigilemotâ fingit nova somnia mente .  
 Thesalicâ donec vi vanescente , per umbram  
 Afflatâ , infelix sibi redditur , & sibi Pastor ,  
 Qualis erat , redit : heu ! miserum ludique , brevisq;  
 Stultitiæ pudet ; & serò sectarier umbras  
 Edificit , quisquis suprà se splendida quærit .  
 Ridet inexpletum sibi sacrâ ex Arbore ludum  
 Prospectans Morpheus , quasque Umbræ infuderat olim .  
 Cedere mendaces gaudet feliciter artes .

At (1) Tibi Pæonias seu Fors, seu doctior Herbas  
 Extuderit Ratio , ante alias stirps illa legatur ,  
 Quam longo annorum consensu exacta probarunt  
 Argumenta : docet Ratione Sagacior Usus ,  
 Quasque haud illa suo prætentat lumine , promissæ  
 Sæpè exploratas hic falli nescius artes .  
 Certa Usus profert . (2) Ah ne Te cæca Cupido  
 Occupet , ignotas unquam contingere plantas ;  
 Ni pœnas fortassè velis dare turpiter haustus  
 Ipse tui : tales Antonii Exercitus olim  
 Heu luit , insuetos ausus decerpere caules ,  
 Dum Parthos in bella sequens nemora avia lustrat .  
 Vix savâ stimulante fame rabido ore voratum  
 Tum primùm objectum peregrinum germen , obortus  
 Cum subitus furor Attonitis , memor omnis abacta  
 Vis animi , & cæcam mutat vesania mentem .

S

Pro

- 
1. Vult verò prædicta se habeant , illarum herbarum potior ad Medicinam habenda ratio , quarum Virtus longa experientia probata est . Experientia quippe certior Fallaci Ratione .
  2. Cave igitur nondum explorata plantæ te credas , ni dare tua Temeritatis pœnas velis ; quales olim dedit Antonii exercitus , qui per Parthorum nemora iter habens , ignoti germinis esu ea insania correptus , ut obliterata penè omnium memoria se totum frangendis , atque invertendis perperam glebis impenderit , ac demum ingenti hilis vomitu vitæ miserimè finierit , ex Appian. l. de Bello Parth. pag. 246.

Pro Castris , acieque , truci pro pulvere Martis  
Præstat humum fodere , & putres invertere glebas .  
Donec vi multâ rejectavere supremam  
Atrâ unâ cum bile animam , fusique herbas  
Interitu misero finem imposuere labori:  
Constat inexpertas tanti contingere plantas.

At (1) nunc in casum vitam dare, certa; nondum  
Haud opus est tentare : satis jam cognita frugum,  
Herbarumque oculis occurrunt pharmaca : penè  
Omnia jam tentata . Quis aut Ophthalmica passim  
Germina , proveniant aut quæ Narcotica , nescit?  
Cui non dicta oculis insignis (2) Acacia, cordi  
Buglossum (3), Jecori felix (4) Agrimonia succo?  
Malva (5) venenatos Crabronum ut vernet in ius?  
Ut canis in rabidi morsus succurrat (6) Alysson?  
Asthma (7) Crocus domet , & vindex (8) Petasitis , & album  
Marrubium , Arthritin frænet frondosa (9) Chamædrys?  
Non Tibi plantarum quæ sit manifesta potestas,  
Quæve occulta , acri quærendum indagine : constat.  
Utraque jam Veteris ductu Rationis , & Usus .  
Jam vestigatis tu Viribus utere , & almis  
Inventis fruire , atque ævo gratare priori.

Quod (10) superest , medicas præstet quo tempore fruges  
Interea legere , aut Artis quâ quamque parari  
Par ope sit , queat ut rapidis occurrere morbis ,  
Discere non vanus fuerit labor . Hanc quoque partem  
Extremo Vatem sub litore vela legentem  
Phæbe doce , & puppi da lætam aptare Coronam :

In

1. Nulla autem in presenti necessitas ignotas herbarum vires experiendi : cum passim cujusque penè virtus Ratione , atque Experimentia duce teneatur ; ut jam minimè laborandum sit in novis inveniendis remediis , sed inventis potius , aque usu exploratis fruendum.

2. Ital. Acazia. 3. Buglossa , ò Borrana . 4. Ital. Eupatorio d'Avicenna , ò Agrimonia . 5. Malva. 6. Alisso. 7. Hertrusc. Zaffrano , ò Gruogo . 8. Cappellaccio . 9. Ital. Querciuola.

10. Inquirendum superest , quo tempore planta colligenda sint , tum quam arte paranda, ut prosint .



In (1) primis omnem medicas carpentibus herbas,  
 Quæ cæli invigilat signis, Astrisque notandis,  
 Amoveo Curam. Nautis hanc linque, Tuoque  
 Agricola: Superi stellata volumina mundi  
 Is legat, astrorumque obitus observet, & ortus.  
 Quid nimbosæ Hyades, torvâ quid fronte minentur  
 Plejades, aut plaustro moveat tardante Boötes.  
 Pæonias fallax hæc cura legentibus herbas,  
 Succelluque carens sæpè observata, neque unquam  
 Certa fatis: (2) quia nec quâ Lunæ ætate legantur  
 Multum operi conferre putem; sunt plurima quanquam  
 Germina non Lunæ dubiis obnoxia signis;  
 Seù crescente etenim, seù decrescente manipuli  
 Sidere demessi, nullo discrimine visi  
 Par senium, par ferre ævum, par tendere robur.

Tum (3) generatim herbas propria de Matre legendas  
 Præcipio, nativa illis cum gratia formæ,  
 Et vigor est, succo cum jam stirps uvida miti,  
 Concoctoque tumet; nec adhuc durescere fibris  
 In lignum cœpit, viridi perfuncta Juventâ.  
 Sole (4) etiam legito cum Matutinus adultor  
 Exhaustus radiis ros omnis, & omnis in auras  
 Humor iit, primus quo desudavit Eous.

Quod (5) si Pæonios unæ poscantur in usus  
 Radices, plenè maturas velle, prius quam

S 2

In-

1. Quoad colligendi tempus, Cælestium, & Astronomicarum Observationum de partibus Zodiaci, Planetarum aspectibus, configurationibus, influentijs, & rationem nullam habendam cum Doctissimo Rajo censemus; utpote qua incerta, ac fallaces, successuque sæpè carentes deprehensa sint.
2. At neque multum referre putamus, qua Luna ætate colligantur; aequè n. durabiles esse crescente, & decrescente sidere collectas observatum.
3. Generatim igitur tùm colligendas præcipimus, cum in statu, ac vigore sunt, cum succo jam miti, & p. obe concocto iugida, ante quàm fibris indurescentibus in lignum durescere incipiant.
4. Quoad tempus verò, die sereno potius, cum solaribus radijs matutinus Ros iis inharens penitus exhaustus est.
5. Radices evellenda, cum plenam maturitatem adepta sunt, antè verò quàm Caulem emittere incipiant; tunc enim succus illic Radicem destituit, fibræque lignosæ evadunt.

Incipiant altè pubentem emittere caulem:  
 Quippe nocet teneris caulis Radicibus; omnis  
 Illicet has succus superos immissus in artus  
 Destituit, cogitque in lignum arefcere fibras.

At (1) florum teneat melior si cura, comantes  
 Collige, formosi pleno dum munere Veris  
 Luxuriant, tepidisque auris patulo orbe dehiscunt.  
 Excipe quos Rosa puniceos dat vivida flores,  
 Jasminumque albos, calathi qui carcere septi,  
 Impubesque petunt operosa in pharmaca mitti.

Par (2) fit & in frondes studium, si frondibus usus  
 Est opus in medicos: illas destringe, colorem  
 Nacta suum celfo cum lata cacumine campis  
 Imperat, & proprio stirps aucta sapore superbit:  
 Et jam fœta suum latè diffundit odorem,  
 Jam flores rumpit; Tum frons magis apta medelis;  
 Nam solido magè tum succo turgescit, & æquas  
 Passa moras tum planè animos ostentatjavitos.  
 Fluxior in tenerâ liquor est, & aquosior: omnis  
 Effluit in tenuem tum stirps evanida rorem,  
 Frustraturque suo vacuum medicamen honore:  
 Tu [3] teneras, & Matris adhuc à lacte recentes  
 Carpe gulæ; tum lecta placet Lactuca, palato  
 Tum sapit Asparagus, sensumque invitat edacem.

At [4] quæ Pæonias herbæ quærentur in artes

Ser-

- 
1. Flores, ut rectè Schroderus, legendi, cum pulchritudine sua luxuriant, nec adhuc marcescunt. Excipe paucos, qui calyculo inelusi in usus medicos colligi petunt; ut Rosarum flores, Jasmini, & similitum.
  2. Folia verò carpenda, cum herba odore, colore, sapore, cacumineque superbiunt, jam jam flores datura; tunc enim succus planta proprius, quem specificum vocant, maturior, ac solidior. Contra in teneris aquosior est, & tota ferè plâta in humorem evaporat.
  3. Non negaverim tamen ad gulæ lenocinium aptiores herbas esse, dum tenera adhuc, & recens nata; tum palato magis commendantur Asparagi, Lactuca, Portulaca, aliaque id genus ad usum Culina comparata.
  4. Herbæ ut plurimum ad usus medicos cum floribus asservantur. Colligenda itaque hæ erunt, cum floribus triumphant; ut Calamintha, Centaurium, Chamadrys, Serpyllum, Thymum, Amaras, sèc Majorana, Pelium, Fumaria, & similes.

Servari plerumque satum cum pubere florum  
 Consuevere : illas mihi tum Tu demete , picto  
 Cum rident luxu , & vario se flore coronant.  
 Tum præstans Calamintha mihi , tum lata Chamædrys,  
 Serpyllumque , Thymumque , & olentia Centaurea  
 Obveniant , virides tum ponat Amaracus umbras,  
 Et Polium ditem ferat , & Fumaria sylvam.

Haud [1] aliter matura legas Tibi semina , curæ est  
 Semina si legere , & medico submittere juri.  
 Optima , cœperunt primas quæ ducere rugas,  
 Nec tamen exciderint . (2) Fructus quoque mitior artus  
 Præoniæ utilior ; quanquam servandus in ævum .  
 Nec tam maturus , carpi nec poscit acerbus.  
 Flexilis in vitium , & votis illudere prompta  
 Utraque conditio est : medio tutissima Virtus.

Jam [3] verò hæc si lecta novo sint ordine rursus  
 Exiccanda , gravem Solis non durior æstus  
 Tam citò damnarim . Siccandis frugibus Umbra  
 Non semper favet æqua ; situm plerumque manipuli,  
 Invigilet ni cura , trahunt , sensimque sub illâ  
 Correpti ( miserum ! ) lenta rubigine marcent,  
 Solis ama radios , Solis siccantur ad æstus  
 Ocyus Herbarum fascies ; quòque ocysus illi,  
 Hoc melius siccantur , opesque tuentur avitas.  
 Tunc (4) umbram Soli anteferas , cum pristina formæ  
 Signa juvat stirpi , & priscum servare colorem:  
 Umbra favet formæ , servat magis umbra colorem ?

Exic-

- 
1. Semina item , ut monet idem Schroderus , colligenda , cum bene matura fuerint , siccarique cœperint , nec tamen exciderint.
  2. Fructus etiam , cum bene maturuerunt ; quanquam asservandos præstet decerpere , cum neque omninò acerbi sunt , neque ad justam maturitatem pervenerint .
  3. Quod nunc ad plantarum exiccationem attinet ; non ità convenit inter Botanicos . Plerique in umbra siccandas contendunt . Nos potius cum Rajo iis assentimur , qui in fasciculos alligatas citò , & in Sole siccati jubent ; quò enim citius siccantur , eò melius . Nam quæ in umbra exiccantur , ni diligens cura adhibeatur , faciliè situm , & rubiginem contrahunt , ac tandem corrumpuntur .
  4. Quod si velis , ut flores , & folia colores naturales distinctè retineant , in umbra siccare præstat .



Exiccata (1) mēmor tenui vallata papyro,  
 Pyxidibusque cavis, & amicis intege septis,  
 Ne quā aēr intret; conclusas dissipat aēr  
 Herbarum vires, secumque agitabilis aufert;  
 Tūm sicco dēpone loco, qui frigidus æstum  
 Arceat; ipse etiam plantis nocet æstus; ab illo  
 Spiritus herbarum tenues exhaustus in auras  
 Evolat, & vires languescere cogit inertes;

Unum (2) illud mirum; nimio quæ semina pallent  
 Viſta humore, situmq; bibunt, passimq; putrescunt,  
 Si terræ mandes gremio servanda, rigentem  
 Quanquam Hyemem patiuntur, & imbribus usque madescunt,  
 Tuta tamen sine fraude latent, & Vere propinquo  
 Ad nova servatas submittunt germina vires  
 Promptius, & reduci latantur vivida partu.

At (3) non Pæonio plantis de more parandis  
 Una via est; aliis aliæ sua subdere gaudent  
 Dona modis. Hæc cruda juvat, petit illa calentem  
 Arte focum, nec decocto nisi vindice prodest.  
 Succus ab his premitur, pulvis tenuatur ab illis.  
 Sacchareis aliæ salibus, Cannæque pruinâ  
 Nectareâ misceri optant, blandumque saporem  
 Induere, & refugo se commendare palato.

Hoc

1. *Aſſervanda autem hac omnia, poſtquam probè exiccata fuerint, in ſacculis chartaceis, qui & ipſi pyxidibus ligneis includantur. Conducit nanque ad diuturnam aſſervationem, ut aër ſedulo arceatur, utpote qui perpetuo motu activas ſibi expoſita planta particulas facilè evocet, ac diſſipet. In loco item ſicco potius, & frigido, quam calido reponenda; Calor enim volatiles ſpiritus, & odoriferos, in quibus planta vis præcipuè hoſpitatur, agitando facile dividit, ac reſolvit.*
2. *Vnum illud in ſeminibus mirum. Quæ plurimum ab humore detrimenti capiunt, terra tamen gremio excepta, quantum vis per hyemem perpetuò ſerè madeant, ſecura tamen, & illæſa latitant; novoque Vere promptius, & alacrius germinant, quàm qua diligentiffimè cuſtodita fuerint.*
3. *Quod attinet denique ad modum parandi in uſum Medicinæ plantas, multiplex iſt eſt. Alię enim crudę proſunt, alię decocto; ab his ſuccus exprimitur, illa in pulverem rediguntur, alię ſaccharo condiri amant, atque aſſervari, alię in unguenta atteri, alia ad ignem deſtillari.*

Hoc mihi sive Tuos flores , Borago , Rosarum  
 sive diu incoctum propinet nectare succum  
 Docta manus , Cordi , aut Capiti latura levamen.  
 Sunt qui unguenta terant plantas in mollia; sunt qui  
 Inde trahant medicos lento luctamine rores.

Vas (1) solidum , longo in ventrem quod fusile collo  
 Creverit , imponunt prunis ardentibus ; illuc  
 Demessos flores , plantasque , aut semina largè  
 Insinuant , lentoque jubent torrerier æstu.  
 Fumeus effertur tacito furtim igne solutus  
 In sublimè vapor , vacuumque per aëra gliscit.  
 Mox ubi præcluso lateri frigentis aheni  
 Hæsit , & algorem semotâ in parte recepit,  
 Paulatim rorem decurrere creber in udum  
 Incipit , & riguis aliò sè impellere rivis.  
 Hac ope , qui latet in plantis , educitur ardens  
 Spiritus , hâc oleum , Sal hâc , virtusque repositis.  
 Abstrusa in venis in Solem eduçta patefcit .

Hâc (2) nuper laudati adeo detecta Cacaï

Vis

1. *Stillatitij Vasis descriptio ad Chymicam plantarum Analysim , qua Spiritus , Sal , Oleum in usus Medicos è plantis elicitur.*
2. *Describitur exempli causa Chymica Analysis è nucleis Cacaï habita; qua his verbis denarratur à Rajo to. 2. Hist. Plant. p. 1673. Nucleorum Cacaï non decorticatorum uncia octo in pulverem comminuta , & Retortæ indita , substantia adeò fixa , & difficulter resolubilis se esse prodiderunt , ut modica ignis vi nihil redderent præter album quendam liquorem aqua instar clarum , & pellucidum , idque pauca quantitate , quam pro phlegmate habuerunt . Aucto igne ad eum usque gradum , qui Spiritui Vitrioli eliciendo sufficit , 17. horarum spatio elevatus est Spiritus Vaporum specie lactei candoris , qui præter aliorum spirituum morem in phlegmate subsidit ad fundum Vasis recipientis . Tandem adhibito igne vehementissimo Reverberij , in vegetabilium destillationibus minus usitato , ascendit oleum intensè rubicundum , & velut sanguineum , verum pellucidum valde ; quod refrigeratum crassescit instar Olei , vel butyri Cera . Spiritus non admodum fervidus erat , sed penetrantissimus , nec gustui , nec olfactui ingratus ; quemadmodum esse solent è sanguine , aut Carnibus elicti . Oleum pariter mirificè pungit , ac penetrat , Sale volatili , ejus magnam quantitatem continet , nondum separato ; estque valde Aromaticum , & Cardiacum . Spiritus brevè acescit , quæ se acetum copiosum continere prodit . Hac Rajus.*

Vis apprimè tenax; modicosque extractus ad ignes  
 Exiguus primo flammæ tentamine, tardum  
 Phlegma, liquor; mox aucta Ignis virtute, vaporum  
 Albetum in speciem certo post tempore visus  
 Spiritus efferri, & riguo concrefcere lacte.  
 Demùm acri stimulante rogo, qui maximus ardet,  
 Vimque vel indomitæ potis est inferre metallis,  
 Puniceo tandem visum se attollere rore  
 Inde oleum, pulchrumque oculis simulare cruorem;  
 Usque adeò vapor in faciem se sanguinis effert,  
 Immensumq; rubet: qui ni pellucidus esset,  
 Sanguis erat: frigus pinguis crassescit olivi  
 Instar, at insinuat sese, mordetq;, foditq;  
 Immixtis salibus, gratoq; insignis odore  
 Et nares beat, & cordi medicatur anhelò.  
 Excitus ipse etiam sensus pervadit inertes  
 Spiritus; arcano multum non fervidus igni  
 Ille, nec ad gustum, vel odorâ inglorius aurâ;  
 Fert tamen ætatem haud quaquam; mutatus acefcit  
 Nanque brevi, fœtumque gravi se prodit aceto.

Plaudere (1) tuis clara inventis, Ars chymica, cui fas  
 In sua Pæonias elementa resolvere stirpes;  
 Fortunata, tuâque audax feliciter arte,  
 Naturæ cui claustra licet perrumpere, & omnes  
 Igne sinus furtim populari, atque inde liquentem  
 Ipsam animam totis guttatim exugere fibris.  
 Hinc Tibi laus major, certa his, Mortalibus ægris;  
 È focolis auro melior fortuna renidet:  
 Vanus in optatam non hic aut vertere Lunam  
 Mercurium Tibi nempe labor, vel Cypria primo  
 Æra satum in fulvum tractim procudere Solem;  
 In vacuos ut sparsa volent Patrimonia fumos.  
 Hæc alii, queis vota animus spe lætat inani,  
 Sollicitent cæca ausa: tuo mihi munere vires  
 Ægras, & vitam placeat fulcire labantem.  
 Pharmaca amem, succosque impensius. O ubi, nigrum  
 Quos Cerasum, albentesque, liquant quos Cinnama, rores  
 Pæo.

---

1. Digressio in laudem Artis Chymicæ, qua parte Rem Herbariam  
 spectat, ejusque Analysim; utpote qua hic operam non lud  
 suam, sed multum proffit.



Pæonii! O qui me vestro solamine pressum  
Allevet, & medico languentem sospitet haustu!

Felix, (1) Herbarum potuit qui noscere vires,  
Atque vices omnes, & inexaturabile lethum  
Subjectis pedibus, faucesque elisit hiantes.  
Illum non Ophyre baccis, non India gemmis  
Flexit, & auratas voluens Pæstolus arenas;  
Aut quæ frondosæ mittunt electra Sorores:  
Non quæ dat Ganges ditissima dona; neque ille  
Aut his indoluit vacuo, aut invidit habenti.  
Quas Tellus fruges, quas ipsa legentibus ultrò  
Rura tulere sinu, carpsit; nec munera Regum,  
Contusamque Erythren, aurumque liquabile novit,  
Effodiunt alii Stibii dubia æra, ruuntque  
In fatum: vina inficiunt, & viscera torquent:  
Hic vivo studet argento, minioque rubenti,  
Ut morbo aut pretium faciant, aut pharmaca fucum.  
Concretas hyemes alius, glaciemque per Alpes  
Aërias quærit, duratæque incubat undæ.  
Hic stupet externis testis; hunc sulphur hiantem  
Phlegmæis (scater hoc etenim Phlegma obsita) campis  
Corripuit; gaudent humana cadavera nimbis  
Obruta pulvereis Medicinæ adhibere, novumque  
In vitæ auxilium tetras compellere mortes.  
Ipse unâ fretus Botanes ope cuncta malorum  
Semina, vel cavet anticipans, vel subdita frangit.  
Quisquis agat morbus, præsto sunt germina mille,  
Mille medendi artes; seu sit purgantibus alvum,  
Seu (2) sit opus fluxam lenè adstringentibus, adsunt  
Mille anni florentis opes, & mille manipuli  
Pubentum herbarum: sese hinc (3) Scammonia profert,  
Senaq; [4], Jalapiumq; [5] potens, & [6] Cnicus, & [7] ipsa  
T Bar-

- 
1. *Altera in Scientia de Re Herbaria Commendationem digressio; cuius unius ope mortalis vitæ commodis abundè consuli potest; quin aut pretiosiora, aut periculosa est Fosilibus remedia conquærantur.*
  2. *Plura arrepta ansa è plantis remedia, vel purgantia, vel astringentia veluti per transfennam proferuntur.*
  3. *Officin. Scamonea. 4. Hetrusc. Sena. 5. Hetrusc. Sciarappa. 6. Ital. Zaffarano Saracinesco. 7. Hetrusc. Rabarbaro,*

Barbarica de gente tulit quæ nomina Radix,  
 Et polypi crispas imitata (1) Filicula cirros;  
 Atq; (2) Hedera, atq; (3) Aloë, atq; esu (4) Colocynthis amaro;  
 Cassiaq; [5], atq; [6] Ebuli cortex, semenque, liquorque.  
 Lentâ illinc Radice (7) Acorus succurrit, & (8) omne  
 Geranium, foliis [9] Glaſtum, crebrumque [10] Equisetum,  
 Et foliis præstans, & Cortice [11] Quercus, avito  
 Semine (12) Limonium, fructu (13) Oxyacantha rubenti,  
 Et (14) Cornus Mas, atque (15) Ribes, & (16) Mespilus, & quæ  
 Par virtute, præit superans (17) Viburna (18) Cupressus.  
 Quidquid alit Panchæa suos Annona per hortos,  
 Ipsi alit; ipsi omnis pubes pulcherrima Veris,  
 Omnis honos, omnis latè seges halat odorum:  
 Si non unquam Aulas, & Regum limina visit;  
 At (19) dictas olim Regum de nomine plantas,  
 Seù quæ Mausoli Regali è Coniuge, seù quæ  
 Lysimacho de Rege tulit cognomina, lustrat.  
 Te quoque Regnator quondam quam Gentius, & Te  
 Telephus Æacidæ telis confossus amicam  
 Quam dedit, aut legit, aut oculo miratur hianti;  
 Atque potestates recolit, moreſque, genusque.  
 Hæc, reor, Æacidæ quondam dictavit alumno

Phyl-

- 
1. Polipodio. 2. *Ital.* Edera, ò Ellera, *cujus bacca inter purgantia medicamenta recensentur.* 3. Aloë. 4. *Hetrusc.* Colloquintida, pianta simile al Cocomero salvatico. 5. Cassia. 6. *Hetrusc.* Ebbio, ò Ebulo: 7. *Officin.* Acoro, ò Calamo Aromatico. 8. *Officinis*, & *Herbarijs* Becco di Grù. *Aliter* Acus Pastoris, vel Muscata. 9. *Alio nomine* Isatis. *Ital.* Guado. 10. *Hetrusc.* Coda Cavallina. 11. Quercia. 12. Limonio. 13. Spin-bianco, ò Crespina, *vel ut alijs placet*, Amperlo, ò Pand'Orso. 14. *Hetrusc.* Corniola, ò Cornia, frutto del Corniolo Maschio. 15. *Officin.* Ribes. *Ital.* Uva Spina, ò Uva d'Orso. 16. *Hetrusc.* Nespola, frutto del Nespolo. 17. *Ital.* Viburno, ò Lantana. 18. Cipresso.
19. *Aliquot etiam innuuntur Herba, Regum inventa, atque ab iisdem nuncupata; ut Herba Artemisia à Mausoli Coniuge Caria Regina, appellata; Lysimachia à Lysimacho Rege, Gentiana à Gentio Illyricorum Rege, Telephium à Telepho Rege pariter, qui hujus herbæ ope vulneribus ab Achille inflittis medicinam fecit.*

Phyllirides Chiron, viridi cum Doctor in antro  
Pæonias illum Senior formaret ad artes:

Hæc Reges didicere; sibi nec clarior unquam,  
Quam studiis Europa potens nunc plaudit in istis.

Hæc super herbarum ingenio, cultuque canebam,  
Pæonisque opibus, magnus dum CAROLUS altum  
Ad Scaldim procul hinc Aquilis victricibus, illic  
Fulminat ad Sicorim, palmisque exultat opimis:  
Jamque suis major fatis, & clarus avito  
Imperio CÆSAR, simul & Rex, addere utrumque  
AUSTRIACUM rursus frænis communibus orbem  
Incipit, & clauso terras componere Jano.

## F I N I S.

Laus Deo, ac Deiparæ Virgini sine  
labe Conceptæ.





# ELENCHUS.

E T

## EXPLANATIO

*Vocum Difficiliorum ad Rem Herbariam  
Pertinentium.*

**A**GINUS pro Uva ipsa , seù fructu toto accipitur , qui ex succo , & parte , quæ veluti Caro est , & Vinaceis , & ex ambiente cute , seù folliculo constat . Ital. *Acino d'Uva* : Latius extenditur ad significandos fructus minutiores Arborum , Fruticumve spissius , & coactius crescentes , ut in Hedera , Solano Halicacabo , &c. qua ratione à Baccis distinguuntur , quæ separatim crescunt , ut in Olea , Lauro , &c. Medici Recentiores pro Vinaceo , seù Gigarto accipiunt . Ital. *Arillo*. Hinc Uvas exacinatas dicunt , quæ h. m. Vinaceis carent.

**ALA**. Caulis est angulus , quem cum Caule folium , aut cum Ramo pediculus folii constituit : Hetrusc. *Concavo dell'appiccatura del Ramo al Fusto , della Foglia al Ramucello* . Non rarò etiam accipitur pro ipso Ramulo , ut cum Caullem dicimus in plures alas divisum ; quia Rami veluti totidèm alæ Cauli adnascuntur . Alæ etiam appellantur in Floribus Papilionaceis , quales Herbarum sunt Leguminosarum , quæ mediæ sunt floris petala inter Vexillum , & Carinam posita .

**AMENTACEUS** Flos is dicitur , qui staminibus tantum , aut apicibus , aut foliolis quibusdam compositus , Vermis aliqujus , aut Felinæ Caudæ in effigiem , instar amenti , seù lori è ramis dependet . E Gallico Idiomate Italice reddi potest *Gattino* . Hinc ex stirpes , quæ h. m. flores edunt , Gentis Amentaceæ nomine comprehenduntur .

ANA-

**ANASTOMOSIS** à Medicis appellatur apertio venarum, quando scilicet venarum orificia amplius æquo aperiuntur. Transfertur in re Herbaria ad significandam Vasorum apertionem, quibus Caulis componitur, quâ succus his vasis contentus cum aliis partibus communicatur.

**APETALUS** sine petalis, ut Flos apetalus, id est sine foliis florum.

**APHYLLUS** sine foliis. Unde caules Aphylli, qui foliis non vestiuntur.

**APICES** sunt summitates, seu Cacuminula in florum medio staminibus incumbentia. Antheræ officinis appellantur.

**BACCÆ** dicuntur, qui sparsim arboribus, fruticibusque adnascuntur fructus parvo-rotundi, atque itâ ab Aciniis distinguuntur, qui sunt racematim dependentes baccæ. Hetrusc. *Bacca*, *Coccola*, *Orbacca*. Strictiùs utuntur hac voce Botanici pro Fructu minore pericarpio, seu pulpâ, carneve molli, & humida, semina includente, & membrana tenuiore testâ.

**BRONCHUS** est asperæ Arteriæ portio media fistulosa ex annulis antè constructa; Superior pars Larynx, inferior Vesicularis dicitur. Inservit voci, & respirationi. Ital. *Canna della Gola*. Bronchia sunt ipsius Arteriæ, seu Fistulæ Respiratoriæ Ramificationes.

**BULBUS** Radix est subrotunda, vel pluribus tunicis in orbem se amplexantibus, vel pluribus squamis imbricatim ferè dispositis coagmentata, fibras plurimas ex imâ sede, seu basi emittens. Ital. *Cipolletta*. Hetrusc. *Bulbo*. Interdum latiùs accipitur pro Radice quavis uno Tabere constante etiam solidâ substantiâ, & continuâ, nec divisa in squamas, & tunicarum involucria: Sic Croci, & Colchici Radices Bulbosæ censentur.

**CALAMUS** hoc nomine strictiùs appellatur Caulis in Frumentaceis. Ital. *Fusto*, ò *Gambo delle Biade*.

**CALYX** Folliculus, seu involucrium floris prius quàm dehiscat, præcipuè Rosæ. Interdum flos ipse Rosæ connivens, & nondum expansus. At nunc frequentissimè accipitur pro folliculo, quo Flos primum, deinde semen herbarum, & fructus arborum cooperitur. Ital. *Bottone*, *Guscio*; Hetrusc. etiam *Boccia*, *Folliculo*.

**CAMPANIFORMIS** Flos. Ital. *Fiore à foggia di Campana*.

**CAPILLAMENTA** sunt filamenta illa tenuia è florum medio surgentia, apicibus plerunque donata.

**CAPILLACEUS** Flos idem , ac Stamineus , Amentaceus , Apetalus .

**CAPREOLUS** est pars quædam auxiliaris , filamenti , aut funiculi æmulus , cincinni in modum contortus , quâ planta quævis vicinis stirpibus , aliisque stipitibus se implicans in altum enititur . Ut in Vite , & Leguminibus observatur . *Hetrusc. Viticcio.*

**CAPSULA** usurpatur pro Theca seminum . *Ital. Cassetta.* Hinc fructus Unicapularis , Bicapularis , &c.

**CARINA** , quod in angulum plerumque acutum excavatur , carinæ navis in modum : unde petalum inferius Floris Papilionacei Carina , & folia Asphodeli Carinata dicuntur .

**CAUDEX** magis propriè de Arboribus dicitur . *Hetrusc. Tronco, Ceppo, Cespaja, Gambale.*

**CIRRUS** , capillamenta ex Ruellio , quæ contorta crispentur . Unde Radices cirratæ dicuntur , quæ veluti crispis quibusdam crinibus comuntur .

**CLAVICULUS** , seu Clavicula idem significat , quod Capreolus .

**COMA** ex Ruellio quidquid hilari venustate crinium modo summa Ramorum , vel Coliculorum exornat , ut frondes , cum foliatum est cacumen .

**CORYMBUS** propriè convenit Hederæ fructui , cujus acini in capitulum quoddam colliguntur . Racemis , inquit Plinius de fructu Hederæ loquens , in orbem circumactis , qui vocantur Corymbi . Utuntur etiam hac voce Botanici ad describendam extremitatem Caulis , ita subdivisam , & floribus , aut fructibus onustam , ut sphaerica figura indè oriatur , ut in Sambuco Aquatica , Ceba , Porro , &c.

**CRENÆ** sunt quædam , inquit Ruellius , in extremis oris incisuræ , à quibus Crenata Herbarum folia declarantur , sicuti quæ per ambitum serræ in morem denticulata sunt , Serrata dicuntur . Incisuræ Crenatæ obtusiores sunt Serratis .

**CROCI** , præter proprium Herbæ Nomen , sæpè idem sunt quod Apices . Est enim sæpe Crocus idem , quod apex Croceus floris stamini incumbens .

**CRVICIFORMIS** Flos . *Ital. Fiore , le cui frondi son disposte in forma di Croce.*

**CULMVS** idem , quod Calamus in Frumentaceis .

**DACTYLVS** Palmæ Arboris fructus , à digiti similitudine sic dictus . *Hetrusc. Dattero.*

**DENTATVM** , seu Denticulatum folium , quod dentium , vel



vel ferræ in modum incisum est. Incisuræ Denticulatæ acutiores sunt Crenatis.

**DIGITATVM** folium cum Jungio dicimus, in quo plures lacinia, seu plura simplicia folia, quasi ad unum petioli punctum, seu terminum aptata sunt, ut in Pentaphyllo, Lupino, Cannabe, Vitice, & aliis;

**DISCVS** est media pars Floris compositi ex compressis, & confertis flosculis ita ut unam quasi apparentem superficiem constituent, ut in Galtha, Flore Solis, &c. à similitudine Disci, cujus figura plana erat, ac rotunda.

**EPIDERMIS** Tenuis cuticula exterior ex Animantibus ad Herbas translata ad significandum tenue illud tegumen, quò folia vestiuntur.

**FIBRÆ** sunt veluti stamina rebus nonnullis intertexta, ut Radicibus, Ligno, Foliis, &c. Sic Fibras ligneas vocamus filamenta in longum extensa, quibus maxima ex parte Lignum componitur. Item fibræ dicuntur minutissimæ, & extremæ Radiculæ. Hetrusc. *Fibre, Barbucce.*

**FIMBRIA**. Hetrusc. *Frangia*. Foliorum partes fimbriatæ dicuntur, quæ in tenues, & oblongas partes secantur. Petala florum Nymphoidis fimbriata sunt. Flos Granadillæ corollâ fimbriatâ donatur. Ital. *Tagliato all'intorno à guisa di frangia.*

**FLAGELLA**. In Vitibus dicuntur teneriores palmites ex anniculis sarmentis enati. Ital. *Tralci, Capì di Viti.*

**FOLLICVLVS** est theca membranacea, seu foliacea, quæ fructum, vel semen continet involutum, ut Alkakengi. Hetrusc. *Folliculo.*

**GALEATVS** Flos, qui Galeæ speciem refert.

**GALERICVLATVS** Flos, qui Galericali speciem refert.

**GEMMA**, seu Oculus, Tuberculum in Arborum furculis, unde germinant. Hinc Inoculatio Infectionis species. Ital. *Occhio, Gemma.*

**GENICVLVM** est nodus quidam in Caule, seu Calamo. Ital. *Nodo.*

**HALCYONEA**, seu Halcyonia Recentioribus corpora quædam sunt fungiformia in mari nascentia, Halcyonum, ut aliqui existimant, ex nidis.

**HYPOCRATERIFORMIS** Flos, qui Hypocrateris speciem refert, ut flos Primulæ Veris, & Androsaces. Ital. *Fiore à foggia di Sottocoppa.*

**INFUNDIBVLIFORMIS** Flos, qui Infundibuli formam præfert, ut flos Echii, Jalapæ, Auriculæ Ursi, & Centaurii

Mi-

Minoris? Ital. *Fiore à foggia d' Imbuto*.

INTERNODIVM, ut ait Ruellius, dici consuevit, quod inter artus, vel genicula medium intercedit.

JVBA in Phytologia est arundinacea coma laxè effusa, qualis in Milio est.

IVLVS, seu Amentum, vel Nucamentum. Congeries flosculorum, ut plurimum sterilius, vermis cujusdam effigie, dependens ab Arboribus instar lori, Ital. *Gattuccio*, *Gattino*. Hinc dictæ Iuliferæ Arbores, ut Juglandes, Coryli, &c.

LABIATVS Flos, idest difformis, monopetalos in duo plerumque labia scissus, quorum superius Galea vocatur, quam refert, Inferius Barbam vocat Rivinus.

LACRYMA est humor è plantis, tum sponte effluens (sive is concreascit in Oleum, Resinam, aut Gummi, sive non) tum facta incisione emanans. Spigelius in eo lacrymam distinguit à succo, quod liquor, qui ex contusâ herbâ exprimitur, aut elicitur, succus vocetur; qui verò vel spontè, vel ex incisione emanat, Lacryma.

LACINIA est portio folii inter duas fissuras (fissura est profundior scissura) inclusa, Hinc folia laciniata, Ital. *Tagliate à guisa di frangia*.

LANVGO in Phytologia est mollis foliorum, aut fructuum lana, ut in Malis Cydoniis; vel, ut Schroderus definit, filamenta tenella cuticulæ extimæ instar pilorum, aut lanæ adnascentia. Ital. *Lanugine*.

LIBER interior tunica Arboris ipsi ligno adhærens.

LITHOPHYTA dicuntur ex Rajo Plantæ submarinæ, lapideæ substantiæ.

LOBVS ex Rajo folii lacinia est, aut folium parziale grandius. Hinc Lobatum Folium appellat, quod ex ejusmodi lobis compositum est.

LOCVLAMENTVM idem, quod Cellula. Fructus in multa loculamenta divisus, hoc est in plures cellulas, seu partes septis intermediis discretas. Ital. *Celletta*.

MALLEOLVS, definiente Columella, novellus est palmæ innatus prioris anni Flagello. Ital. *Sarmento di vite*. Hetrusc. *Magliuolo*.

MONOPETALI Flores, qui uno petalo, seu folio constant.

NERVUS in Phytologia, prælongum est, & continuum filamentum folia perreptans, ut in Plantagine, quæ inde Quinquenervia, vel Septinervia dicitur. Ital. *Nervo*.

NVCAMENTVM idem, quod Iulus. Ital. *Fior di Noce*, à *Gattino*.

OCU-

**OCULVS:** Vide Gemma:

**PANICVLA** est lanosa coma, unde semen dependet, ut in Arundine, Milio, Gramine: &c. seu, ut Jungius definit, Spica laxè diffusa præsertim propendentibus petiolis, ut in Milio: Idem valet, quod Juba, & opponitur Spicæ.

**PAPILIONACEI** Flores, Papilionis speciem referentes, uti sunt Leguminum flores. Ital. *Fiore à foggia di Farfalla*.

**PAPPUS** est lanugo illa, quæ feminibus Carduorum, Senecioni, Hieracio, aliisque insidet, & in auras evanescere solet.

**PARENCHYMATA** penes Medicos sunt viscera, per quæ sanguis ad ulteriorem perfectionem, & fermentationem, intimè trajicitur, perfunditur, & transcolatur. Transfertur à Botanicis ad utriculos significandos, in quibus plantarum succus concoquitur, & ad ulteriorem perfectionem, & fermentationem promovetur.

**PEDICULUS**, seu Pediolus est, à quo folium, aut flos, aut fructus dependet. Ital. *Pedicino*. Hetrusc. *Piccinofo*.

**PERIANTHIUM** est, quod florem regit, & dicitur etiam, Calyx. Ital. *Boccia*, *Borrone*.

**PERICARPIUM** nonnullis restringitur ad significandam, pulpam mollem, seu humidam semina ambientem, ut in Pyris, Pomis, &c. Alii latius extendunt ad significandam thecam, aut involucrium seminis quodcumque, five Membranosum id sit, ut in Vesicis Ulmi, Staphylodendri, &c. five durum, ut in Pomis. Ital. *Ogni sorte di Guscio di semenza*.

**PERSONATI** Flores, idest animalium rictus referentes. Vide pag. 62. 65. & 66.

**PETIOLUS** idem est, quod Pediculus, seu Pediolus.

**PETALA** nobis Fabium Columnam secutis dicuntur Floris folia, seu lamina illa tenella colore insignes, & fugaces. Hoc igitur nomine ad Homonymiam vitandam pro Floris folio utimur. Hinc Petalodes Flores nobis dicuntur, qui Petalis instructi sunt, Monopetali, qui unico dumtaxat constant folio, Polypetali, qui pluribus.

**PISTILLUM**, seu Stylus pars oblonga, staminibus crassior, in eorum medio è floris umbilico emergens, & rudimento fructus, aut seminis cohærens. Hetrusc. *Pestello*.

**POLLEN**, vel Pollis, flos tritici. Ital. *Fior di farina*. Accipitur metaphoricè pro eo minuto pulvere, qui è floribus existere solet, ac ventis dispergi.

**RESTIBILIS** gemma, quæ quotannis restitui solet, & quodam-



dammodo renovari . Ital. *Gemma* , *che torna à fare ogn'an-*  
*no* .

SAGITTA præter peculiarem plantam significat etiam superiorem partem Surculi , aut Flagelli .

SCAPUS est Caulis rectus in Columnæ modum. Hetrusc. *Fusto* , *Gambo* .

SILICUA. Folliculus seminum oblongus:speciatim accipitur pro folliculo,seù theca Leguminosarum stirpium. Hetrusc. *Baccello* , *Carruba* , *Gagliuolo* .

SPICA ex Jungio dicitur omne id , quod ex floribus , vel seminibus spissè compositum est , ita ut Conus erectus , vel oblongus , sive admodum acutus evadat , ut præter frumenta apparet in Plantagine, Eistorta, &c. Hetrusc. *Spiga* .

STAMINA idem sunt , quod Capillamenta , quæ ità describit Spigelius *Isag. lib. 2. cap. 6* . Sunt autem stamina in Floris medio , quod Umbilicus appellatur , partes oblongæ , tenues , veluti Capillamenta , interdum paulò Crassiores , paululum prominentes , in summitate apicibus frequenter præditæ , quæ stylum , partem similiter oblongam , sed paulò Crassiores , atque è centro Umbilici exurgentem ambiunt.

STAMINEVS Flos , seù Apetalus . Qui tantum staminibus constat , & petalis caret .

STIPES , idem quod Truncus , aut Caudex . Hetrusc. *Stipite* , *Ceppo* , *Ceppaja* .

STYLUS idem , quod Pistillum . Aliquando pro ipso Caule , seù Scapo accipitur . Ital. *Stelo* , *Gambo* .

SVRCVLVS est , quod in Ramis simplex assurgit , tenerum , & exile . Est etiam ramulus novellus , qui inspicatur ad ferendum ; Hetrusc. *Germoglio* , *Marza* , *Sorcolo* , *Ramucello* .

TALEA Nonnullis est Surculus præcisus ab utraque parte , ut terræ inferatur. Ital. *Ramo da piantare*. Hetrusc. *Glaba* , *Piantone* , *Talea* .

THYRSVS , idem quod Caulis , seù Scapus. Hetrusc. *Torso* .

TOMENTVM est lana forcipibus desecta , quâ Calcitræ infarciuntur . Hinc transfertur ad quodcunque farcimen significandum , & ad eas plantas , quæ molli , & lanosâ comâ in Capitulis eminente præditæ sunt , ut Carduus tomentosus , Gramen tomentosum.

TRACHEÆ Plantarum , seù spirales fistulæ sunt Organa quædam Tubulata à Clarissimo Malpighio detecta , quæ aëri excipiendo à Natura instituta videntur . Respondere videntur Tracheis animantium , quas Italicè dicimus *Aspra Arteria* .

TRVN-

**TRVNCVS** idem, quod **Caudex**, seù **Stipes**.

**TVBER** est Fungus Subterraneus à Tumeo. Ital. *Tartufo*.

Hinc dicitur de Plantarum radicibus prætumidis, & rotundis. Vnde radices **Tuberosæ**.

**VALVULI** sunt propriè, ex Columella, **Concavitates in folliculis Leguminum**, in quas ipsa grana séparatim recipiuntur. Id genus **Valvulos** seù, ut alii loquuntur, **Valvulas** aliqui comminiscuntur in Herbis Mimosis, quemadmodum **Valvas** appellant lamellas illas planas, aut imbricatas, quæ septo intermedio Siliquarum utrinque adhærescunt, & dehiscere solent, tanquam fores bifidæ; ut in **Brassica**, **Leucoio**, cæterisque observare licet.

**VERTICILLATÆ** Plantæ dicuntur, quorum flosculi Caudem articulatim **Verticilli** in speciem ambiunt, foliolis interspersis, ut in **Pulegio**, & **Marrubio** cernitur. Est autem **Verticillum** instrumentum muliebre, quod Fuso vertendi gratia solet adhiberi. Nos **Verticulum** ex metri necessitate extulimus.

**VIMEN**, omne virgultum lentum, ac flexile ad ligandum aptum, sic dictum à Vinciendo.

**UMBELLIFERÆ** Plantæ, quæ flores edunt suis innixos pediculis, qui ex eodem orti fastigio circinatione quadam **Umbellæ** in speciem, quâ Sol arceri solet, disponuntur; ut in **Fœniculo**, **Anetho**, **Apio**, aliisque cernere licet.

**VTRICVLI**, aliquando pro Capsulis, seù Loculamentis accipiuntur. In hoc opere frequentissimè pro sacculis, seù **Vasculis**, in quibus succus Nutritius plantarum deponitur.

F I N I S.



C O R

# CORRIGENDA.

Pag. 6. vers. 7. Pubibundæ. Leg. Pudibundæ.

Pag. 29. in Notis loco prioris numeri 5. Leg. 3.

Pag. 48. in Notis ante ea verba *Ital.* Cipolla desideratur n. 14.

Pag. 90. in Notis post n. 4. loco n. 6. ponendus num. 5.

Pag. 110. vers. 3. Ocyfus. Leg. Ocyus

*Reliqua, quæ exciderunt, prudens  
corriget Lector.*





